

63.5 (273)

397801.512.133

ЖС13

ИСО ЖАБОРОВ

ББРУ

Ўзбек халқи этнографияси

2021.8.98

Тарих – чоруган
кутубхонаси

ТОШКЕНТ «ЎҚИТУВЧИ» 1994

Этнография кўп қиррали ижтимоий фан бўлиб, унинг тадқиқот обьекти халқ ва элатdir. Бу фан уларнинг этик хусусиятларини ўрганиди.

Ушбу китобда ўзбек халқининг келиб чиқиши ва этник тарихи, жойланиши, маданий-маиший алоқалари, анъанавий машғулотлари, ижтимоий ва оиласвий турмушни каби муаммолар ёритилган. Шунингдек, ҳозирги даврдаги мураккаб этник жараёнлар, халқ ва элатларнинг маиший ва маданий ҳаётида пайдо бўлаётган айrim ўзгаришлар, умумий ва хусусий белгиларнинг анъанавий турмуш инсурлари билан боғлиқлиги каби масалалар ўз ифодасини топган.

Китобдан олий ўқув юртлари талабалари, мактаб ўқитувчilarи ва ўқувчilari ҳамда этнография билан қизиқувчilar фойдаланишлари мумкин.

Масъул муҳаррир: *К. Ш. Шониёзов*, Узбекистон Фанлар Академиясининг мухбир аъзоси, тарих фанлари доктори, профессор


Тақризчилаr: *А. М. Мұхаммаджонов*, Узбекистон Фанлар Академиясининг мухбир аъзоси, тарих фанлари доктори, профессор, *Т. К. Хўжайов*, тарих фанлари доктори, профессор

Узбекистон халқ таълими вазирлигининг дарсликларни қайта кўриш маҳсус комиссияси маъқуллаган.

63. 5
Ж 13

Жабборов Исо.

Узбек халқи этнографияси [Масъул муҳаррир: К. Ш. Шониёзов] — Т.: Уқитувчи, 1994. — 320 б.



63.5

№ 390—94
Алишер Навоий номли
Узбекистон Республикасининг
Давлат кутубхонаси
Тираж 4000
Карт. тиражи 8000

У-5045

Ж 0505000000—125
353 (04)—94 34—94.

© «Уқитувчи» нашриёти, 1994.

Тарих — чет тили
кутубхонаси

ЭТНОГРАФИЯ ФАНИ: МОҲИЯТИ ВА МУАММОЛАРИ

(муқаддима ўрнида)

✓ Жаҳонда жуда кўп катта-кичик, турли-туман ҳалқ ва элатлар яшайди. Инсоният этик жиҳатдан шунча бой ва хилма-хилдирки, ҳозиргача Ер куррасида қанча ҳалқ ва элатлар яшаётганлиги фанда аниқ эмас. Шундай бўлса-да, олимларнинг тахминий ҳисобларига қаранди, жаҳонда икки мингдан ортиқ элатлар мавжуд бўлиб, улар бир неча мингдан то миллиардгача етадиган миллий бирликлардан иборат. Улар қанча ва қандай ижтимоий даражада бўлмасин, ўз тараққиётида умумий қонуният ва қадриятлар асосида ривожланадилар. Одатда бундай омиллар дейилганда фанда умумий тил ва ҳудуд, ягона хўжалик ҳаёти, маишӣ турмуш ва маданият, миллий ҳис-туйғулар ва характер кабилар кўрсатилиди. Айрим кишилар ҳатто диний эътиқоди асосида ҳалқ ва элатларни ажратадилар.

✓ Албатта, ҳар бир ҳалқ ёки элат ўзининг муайян диний тасаввурларини маҳсус фалсафа ва назарияларга таяниб ягона ва доно, фақат ўзига хос ҳаққоний ва биринчи деб кўрсатишга интилади. Тарихдан маълумки, баъзи шахслар сохта ғайрилмий таълимотлар орқали ўз ҳалқи ва динини энг олий ва юксак даражада таърифлаб, миллий иизо ва фожиали воқеаларнинг пайдо бўлишига сабаб бўлиб келган. Афсуски, бундай воқеалар бизнинг юксак маданиятли замонамизда ҳам рўй бермоқда.

Бундай тасаввурларнинг пуч ва асоссиз эканлигини тажрибада исботлаб беришга интилган айрим шахслар ҳам бўлган. Тарихий маълумотларга қараганда буюк аждодларимиздан катта давлат арбоби ва улуғ шоир Бобурнинг набираси, XVI асрда яшаган, ажойиб ҳўкмдорлардан бири деб танилган Акбаршоҳ ғайриинсоний бўлса-да, ғалати бир тажриба ўтказган. Жавоҳарлал

Неру «Жаҳон тарихига бир назар» номли катта асарида шундай бир ривоятни келтиради:¹ Ҳинд халқининг фаровонлиги учун жуда кўп куч-файрат сарфлаган, унинг таърифика, «ҳинд миллатчилигининг отаси» деб танилган улуғ подшо Акбаршоҳ ҳар хил дин ва ирқдаги кишилар билан диний ва бошқа турли мавзуларда жиддий баҳс, сұхбатлар ўтказиб келган. Бу баҳслар, одатда,— деб ёзади Неру,— Акбарни мусулмончиликдан қайтариб ўз динига киритишга интилган ғайридин вакиллари ҳисобланган энг зўр уламоларнинг мағлубияти билан тугаган ва улар ўз мақсадига эриша олмаганлар.

Ислом динига садоқатли Акбаршоҳ ҳиндуизм дини вакилига уйланиб сиёсий фаолиятида нафақат миллатлараро дўстлик ва биродарлик тарафдори бўлибгина қолмай, балки виждан эркинлиги ғоясини ҳар томонлама ёқлаб келган. Мазкур сиёсатнинг тўғри эканлигини тажрибада исботлаш мақсадида бу мустабид ҳар хил ҳалқ ва динга мансуб кишиларнинг энди туғилган 12 та фарзандини тортиб олнб, уларга қараб турувчи гунг энагалар билан бирга баланд деворли қасрга қамаб қўйишни буюради. Шу тариқа маҳбуслар ташқи дунёдан мутлақо ажратилган ҳолда 12 йил давомида қаср ичиди яшайдилар. Болалар 12 ёшга тўлгач, шоҳ ҳузурига турли ирқдаги ва диндаги машҳур олим ва уламолар тўпланишади. Бу ерда ҳозир бўлганларнинг деярли ҳаммаси диний ҳақиқат ва миллий характер турма, инсон айниқса муайян динга мансуб она тилида гапирадиган бўлиб туғилади, деган фикрни ўртага ташлаганлар. Акбаршоҳ бу фикрга қарши чиқиб, инсон камолотида дин ёки ирқ эмас, даставвал таълим-тарбия ва муайян мухит ҳал қилувчи омил эканлигини айтади ва гунглар тарбиясида бўлган маҳбус болаларни келтиришни буюради. 12 йил мобайнода жамиятдан мутлақо ажратиб қўйилган турли ирқ ва диндаги одамларнинг фарзандлари на бир тилни, на бир динни билгаилар. Улар қандайдир ноаниқ товушлар чиқариб, ўз фикрини имомшоралар билан тушунтиришга ҳаракат қилганлар.

Мазкур шафқатсиз тажриба элат ва ҳалқлар ўртасидаги тафовут тил ва дин каби омиллар билан борлиқ эмаслигини кўрсатиб берса-да, аммо ўзаро узвий алоқадор тарихий бирлик хусусиятлари ҳам мұхим этник

¹ Қаранг: *Джаваҳарлал Неру. Взгляд на всемирную историю.* М., 1977, 2- жилд, 62—67- бетлар.

белгиларга қараб фарқланади. Бундай ўзига хос миллий (этник) хусусиятларни тадқиқ қилювчи фан соҳаси «этнография» деб номланади. Бу сўз асли юонча сўз бўлиб, унинг маъноси «демос», яъни «халқ» ва «графия»— ёзиш, таърифлаш деб таржима қилинади. Демак, бу фанни «халқни таърифлаш» ёки «халқшунослик» деб изоҳлаш мумкин.

Баъзи мамлакатларда шу маънода «этнология» атамаси билан бир қаторда «маданий антропология» ва «халқшунослик» номлари ҳам учрайди. Айрим чет эл олимлари этнографияни таърифловчи фан, этнологияни эса назарий фан, деб изоҳлашга уринадилар. Жаҳон фанида салмоқли ўрин олган рус этнографияси ҳам яқинда этнология номига алмаштирилди. Шунинг учун ҳозиргача этнография фанининг яқдиллик билан қабул қилинган таърифи йўқ. Шундай бўлса-да, шубҳасиз, халқларнинг ўзига хос хусусиятлари, ўзаро тафовути ёки умумийлиги ва ўхшашлигини жиддий тадқиқ қилишда этнография фанининг аҳамияти ниҳоятда каттадир.

Ҳар бир халқ ёки элат даставвал тарихий-маданий бирлиги билан ажralиб, ўзига хос хусусиятларини сақлаб келган. Маълумки, айрим этнослар у ёки бу эҳтиёжларини қондиришдаги фаолияти ва услуби билан кўзга ташланади. Масалан, узоқ тарихий давр давомида ерга тўшаб ёки курсида ўтириши, таомни қўлда ёки қошиқ (вилка) билан истеъмол қилиши, ҳар хил ичимликлар ва озиқ-овқат турлари билан, кийим-кечаги ва уй-рўзгор буюмлари, ўзаро мулоқотдаги хусусиятлари (саломлашиб усуллари ва меҳмон кутиш), бола тарбияси, урфодат ва маросимлари каби жуда кўп миллий-маданий хусусиятлари билан нафақат айрим этнослар, ҳатто баъзи этник гуруҳлар ҳам ажralиб турадилар.

Ҳар бир этнос ўз навбатида айрим қабила ва уруғлар, қавм-қариндош ва жамоа, ижтимоий гуруҳлар ва табақалардан ташкил топган. Олимлар мазкур тарихий бирликларни яратишда ва уларни ўзаро қўшиб, жиспештиришда асосий омиллардан энг муҳими миллий тил деб ҳисоблайдилар. Чунки муайян этник бирликларнинг бир-бирлари билан эркин муносабатда бўлиши, муомала қилиши, ҳис-туйғуларини изҳор этиши ва тушуниши, иқтисодий ва маданий алоқалар ўрнатишда тил бош омил ҳисобланади. Чунки тил туфайли нафақат тарихий бирлик, балки умумий ижтимоий-иқтисодий,

айниқса, маданий ва маънавий бирлик ўрнатилади. Кўпчилик халқ ва элатларга ном ҳам уларнинг тилига қараб берилган:

Маълумки, халқлар муайян ҳудудда шаклланади ва ривожланади. Албатта, улар бир ҳудуддан иккинчисига кўчиши, уларнинг жойлашган ери кенгайиши ё камайиши, айrim гуруҳлар ёки шахслар ажralиб кетиши мумкин. Аммо умумий тарихий бирлика ва тилга эга бўлган элатлар доимо ўзаро яқин ҳудудда жойлашиб яшаганлар. Турли сабабларга кўра узоқ тарихий даврда шаклланиб келган этнослар она ерини ташлаб жуда узоқ юртларга кўчибгина қолмай, айrim қисмлари ёки гуруҳлари бутун Ер юзига тарқалиб бошқа халқ ва элатлар орасида мусофирикда яшашга ҳам мажбур бўлганлар. Кўп асрлик тарихий тараққиёт давомида айrim халқлар ҳатто бир жойдан иккинчисига кўчиб, турар жойларини бир неча марта ўзгартириб ҳам турганлар. Масалан, венгрлар кейинги минг йил ичida учтўрт марта ҳудудини ўзгартирганлар. Турклар ўз давлатини ташкил қилгандан кейин (VI аср) бир неча аср давомида катта-катта гуруҳларга ажralиб, кўплаб юртларга тарқаб кетганлар. Араблар эса аввалига кичкина Араб ярим оролининг бир бурчагида яшаб, қисқа муддат ичida кенг ҳудудга тарқалди ва ислом маданий дунёсининг шаклланишида катта хизмат қилди. Шунинг учун ҳам жаҳонда бир тилдаги, аммо ҳар хил номдаги халқлар кўп учрайди. Масалан, инглиз, араб, турк, эроний тилларда гапирадиган турли халқ ва ғлатлар бутун жаҳонга тарқалган.

Баъзи тадқиқотчilar майший турмуши ва маданиятига қараб муайян элат ва халқларни ажратадилар. Ваҳоланки, бир хил турмуш тарзига эга бўлган бир неча этнослар ҳам бўлиши мумкин. Бундай элатлар Ўрта Осиёда ёки Волга бўйида, Сибирда ёки Шимолий Америкада учрайди. Аксинча, тиллари ҳар хил, хўжалик-маданий турмуши ўхшащ халқ ва элатлар ҳам бир ҳудудда жойлашган бўлиши мумкин. Овчилик, буғучилик билан шуғулланувчи, сўгорма дехқончилик билан тирикчилик қилувчи турли тил ва ирқдаги элатларни биз Африкада, Осиё ҳамда Америкада учратамиз.

Фанда баъзан табиий-географик шароитга ёки қитъаларга қараб ҳам халқларни ажратганлар. Масалан, ҳозиргача тилимизда оврўпалик, осиёлик, ҳабашистонлик, сибирлик ёки туркманистонлик деган иборалар мавжуд.

Айрим пайтларда географик давлат-маъмурий чегаралар билан этник чегаралар тўғри келмайди. Баъзи қитъаларда, айниқса, Африка, Жанубий Америка ва Осиёда маҳаллий аҳоли орасида бошқа халқ (этнос) нинг қисми (субэтнос, этнографик груп), бир неча элатлар бирикмаси (метаэтник бирлик) ёки бошқа хил, масалан, сиёсий, ирқий, диний ва ҳоказо бирликлар мавжуд бўлиб, уларни аниқ таърифлаш анча қийин. Мазкур мураккаб этник ва миллӣ муаммолар жиддий муносабатлар ва ҳатто тўқнашувларга сабаб бўлиши мумкин. Бундай ҳолатни тўғри тушуниш учун миллат, халқ ва элатларнинг этник хусусиятларини, уларнинг келиб чиқиши (этногенези) ва этник тарихини билиш зарур.

✓ Жаҳонда ҳеч бир миллӣ бирлик ёки этник жараён соф бир хилда намоён бўлмайди, чунки ҳозиргача битта ҳам аралашмаган соф миллат ёки халқ йўқ ва бўлмаган. Баъзан миллӣ ва этник бирликлар диний ва ирқий тусда ҳам намоён бўлади.✓

✓ Жаҳондаги элат ва халқларнинг пайдо бўлиши ва шаклланиши жуда ҳам узоқ тарихий даврни қамраб олади. Кўпчилик этнослар қулдорлик давридан бошлаб илк феодализм тузумигача мураккаб этник жараёнлар натижасида юзага келган. Уларнинг этногенези ижтимоий-иқтисодий тарих билан боғлиқ ҳолда тадқиқ қилинади.✓

Этнография кўп қиррали ижтимоий фан бўлиб, унинг тадқиқот обьекти халқ ва элатdir. Бу фан уларнинг хусусиятлари, ўзаро ўхшашлиги ва тафовутлари, келиб чиқиши ва жойланиши, маданий-маиший алоқалари, ижтимоий ва оиласи турмуши каби муаммоларини ўрганади. Ҳар бир этнос айрим шахслар, ёш ва қари, но-раст ва ўспирин, жувон ва йигит, эркак ва аёллардан ташкил топади. Ҳеч бир инсон бир-бирига табиати ва характеристи, хулқ-автори ва ҳис-туйғулари билан тўлиқ ўхшашликка эга бўлмаганидек, этнослар ҳам бир-бирига тўла ўхшамайди. Аммо табиий-географик мұҳит ва ижтимоий-иқтисодий шароит таъсири остида тарихий умумийликка эга бўлган хўжалик-маданий ва тарихий-этнографик типлар юзага келган. Шунинг учун этнография фанининг долзарб умумий муаммоларини: ҳозирги этносларнинг келиб чиқиши, этник тарихи ва шаклланиши, жойланиши ва этник тузилиши, анъанавий машғулотлари, маданий-тарихий муносабатлари, моддий

ва маънавий маданияти, ижтимоий ва оилавий-маиший турмуши хусусиятларини тарихий жараён билан боғлиқ ҳолда ўрганиш зарур. Этнографиянинг диққат марказида ҳозирги даврдаги мураккаб этник жараёнлар, ҳалқ ва элатларнинг майший ва маданий ҳаётида пайдо бўлаётган барча янгилик (инновация) лар, турмуш тарзидаги айрим ўзгаришлар, умумий ва хусусий белгиларининг анъанавий турмуш унсурлари билан боғлиқлиги каби муҳим муаммолар ҳам кўндаланг бўлиб турибди.

Яна шуни ҳам алоҳида қайд қилиш лозимки, кейинги йилларда этнос дейилганда фақатгина ижтимоий-тарихий муҳит билангина чекланилмаяпти. Айрим олимларнинг теварак-атрофдаги табиий-географик шароит билан боғлиқ экологик назарияни (этнограф Л. Н. Гумилев) кўтариб чиққанлиги ижобий ҳолатдир. Оқибатда табиий шароитга мослашган ҳолда анъанавий табиий имкониятлардан оқилона фойдаланиш янги бир соҳа — этноэкологиянинг пайдо бўлишига олиб келди.

Этнография мустақил фан соҳаси сифатида география фани заминида ўтган аср ўрталарида юзага келган эди. У ўзига хос тадқиқий услугуб асосида умуминсоният ва айрим ҳалқларнинг тарихи ва турмуш тарзидаги муҳим муаммоларни ҳал қиласидаган дунёқарашли ижтимоий фан. Этнография жаҳондаги барча ҳалқларни, катта-кичиклиги, ирқи, ижтимоий тузуми, қолоқ ёки ривожланган бўлишидан қатъи назар, тенг ва барабаравар ўрганадиган илм соҳасидир.

Тарихий этнография йўқолиб кетган ҳалқ ва элатлар, узоқ ўтмишдаги этник жараёнлар, майший турмуш ва маънавий маданият қолдиқлари ҳамда хусусиятларини тадқиқ қиласиди. Масалан, ўрта осиёлик этносларнинг қадимги аждодлари — саклар, массагетлар, сўғдликлар, бақтрияликлар, хоразмликлар, марғиёналиклар этнографик жиҳатдан энг кам ўрганилган. Ёзувсиз ҳалқларнинг қадимий тарихини тиклашда этнографик тадқиқотлар алоҳида ўрин эгаллайди.

Этнография фани, бошқа фанлар сингари, ўзига хос маҳсус тадқиқий услугуб ва атамаларга эга. Унинг услуги муйян дунёқараш ва назариялар (методология) билан боғлиқ бўлиб, ўз тадқиқотларини айрим фан соҳалари билан алоқадор ҳолда амалга оширади. Айниқса у антропология, археология, лингвистика, социоло-

гия, санъатшунослик каби фанлар ютуқларидан кенг фойдаланади.

Маълумки, «халқ» тушунчаси бир неча маънога эга. Баъзан оддий тилда бир тўп кишиларни ёки авомни халқ десак, баъзан бир неча элат ва миллатлардан ташкил топган давлат ёки мамлакат аҳолисини ҳам халқ деб атамиз. Ўзбек классик адабиётида «халқ» сўзи икки маънода: яратиш, борлиқ ёки одамлар деб таърифланади. Шунинг учун кейинги йилларда этнографияда муайян тарихий бирликни англатадиган халқ маъносида «этнос» атамаси ишлатилмоқда. Этнослар муайян тарихий даврнинг маҳсулоти сифатида айрим шахс ёки кишиларнинг истаги билан эмас, балки объектив тарихий зарурият натижасида намоён бўлади ва ривожланади. Шунинг учун ҳам этносларнинг жойланишини, уларнинг шу жойнинг туб аҳолиси (автохтон ёки абориген) эканлигини ёки бошқа ердан кўчиши (миграция) натижасида келганлигини аниқлашда этнографлар палеоантропологик маълумотлардан фойдаланилар. Уларнинг қайси ирқقا оид эканлигини аниқлашда антропология фани ёрдам беради. Этнография «соғ» ирқларни эмас, балки тарих тақозаси билан ўзаро яқинлашган ирқий бирликларни, яъни антропологик типларни ўрганади.

Этник жараённи тадқиқ қилишда турли тарихий манбалар, архив ҳужжатлари, оғзаки ижод намуналаридан кенг фойдаланилади. Этносларнинг келиб чиқиши ва этник қиёфасини аниқлашда тилшунослик (лингвистик) маълумотлари ҳам ёрдам беради. Уларнинг моддий маданият тарихи ва хусусиятларини археология фани билан ҳамкорликда аниқлаш мумкин. Аҳолининг жойланишини, ўсиши, теварак-атрофнинг таъсири, миграцияси каби масалаларни ўрганишда этник география ва демография фанлари ютуқларидан фойдаланилади. Этносларнинг маънавий маданияти санъатшунослик, мусиқашунослик, диншунослик, фольклор ва адабиёт билан ҳамкорликда ўрганилади.

Мазкур фанларнинг ўзаро боғлиқлиги туфайли кейинги йилларда қўшалоқ илмий соҳалар ҳам юзага келди. Масалан, этногенез ва этник тарих муаммоларини тадқиқ қилишда этник антропология, палеоэтнография, этнолингвистика каби янги соҳалар самарали иш олиб бормоқда. Ҳозирги даврдаги этник жараёнларни теран ва кенг миқёсда тадқиқ қилишда кейинги йиллар-

да ўтказилаётган социологик тадқиқотлар натижасида янги соҳалар — этносоциология, этнопсихологиянинг юзага келиши муҳим аҳамиятга эга. Айрим элатлар табиий-географик шароитга қараб ёввойи ўсимликларни экиб ўстириш ёки ёввойи ҳайвонларни хонакилашириш, урчиши каби ўзига хос турмуш хусусиятларига эга. Бундай хўжалик хусусиятларини аниқлашда маҳсус фанлар билан ҳамкорликда этноботаника ва этнозоология каби соҳалар ҳам пайдо бўлган.

Халқларни ўрганишда этнография фани ниҳоятда кенг ва хилма-хил манбалардан ва услублардан фойдаланади. Этносларнинг кўп қиррали, ранг-баранг ҳаётини ўрганишда уларнинг ҳар кунги турмуш тарзини бевосита кузатиш асосида жойларнинг ўзида тўплланган материаллар бош манба ҳисобланади. Бир жойда узоқ давр яшаб, кузатиш йўли билан ўтказилган тадқиқотлар энг самарали эканлигини машҳур этнографлар (Л. Морган, Н. Н. Миклухо-Маклай, В. Г. Богораз) алоҳида қайд қилганлар. Бундай тадқиқотлар стационар услуг деб номланган бўлиб, бизнинг ҳозирги шароитимизда мазкур услугдан кам фойдаланилади. Қисқа мuddатда ўтказиладиган услуг ва айрим мавсумларда тадқиқ қилиш дала ишлари (экспедиция) ҳозир кенг тарқалган.

Дала ишларида асосан ахборотчидан суҳбат йўли билан ёзма ёки магнитофон орқали маълумотлар тўплаш, муайян майший-маданий турмуш ҳодисалари, оила-никоҳ муносабатлари ва маросимлари, халқ сайиллари ва ўйинларини кузатиш, уларда бевосита иштирок қилиш ва уларни жиддий ўрганиш (ёзиш, чизиш, расмга олиш) каби услублар қўлланилади. Маънавий маданиятни тадқиқ қилишда (айниқса айрим урф-одат ва маросимлар, халқ ўйинлари, ибодат ва миллий рақсларни) замонавий техника (фото, видео ва киноаппаратуралар) воситаларидан кенг фойдаланилади. Дала ишлари пайтида этнографлар элатларнинг моддий маданиятини жиддий ўрганибгина қолмай, уларнинг энг ноёб намуналарини музей экспонатлари сифатида йиғиб оладилар. Этносоциологик тадқиқотлар эса асосан маҳсус амкеталар тарқатиш йўли билан ўтказилади ва улар кейинчалик ҳисоблаш машиналарида ишлаб чиқилади.

Этнографияда «маданият» дейилганда асосан инсон қўли ва ақл-идроқи билан яратилган барча моддий ва маънавий бойликлар тушунилади. Асли рус тилидаги

«культура» лотинча сўз бўлиб «ишлаб чиқариш», «ясаш», «яратиш» деган маъноларни англатади. Ўзбек тилининг изоҳли лугатида маданият сўзининг этимолологик моҳияти ечилмасдан умумий тарзда «жамиятнинг ишлаб чиқариши, ижтимоий ҳаётида қўлга киритган ютуқлари мажмуи» деб таърифланган. Этнографик жиҳатдан моддий маданиятга хўжалик ва транспорт воситалари, туарар жой ва ҳовлилар, уй-рўзгор буюмлари ва жиҳозлари, кийим-кечак ва безаклар, таом ва идиш-тобоқлар, бадиий буюмлар ва ҳоказолар киради. Маънавий маданият дейилганда этносларнинг миллий ҳистойғулари ва табиати, урф-одат ва маросимлари, халқ ўйинлари ва сайиллари, рақс ва куйлари, оғзаки ижоди, диний тасаввурлари ва ҳоказолар тушунилади.

Этнографияда умумий тушунча ва атамалардан ташқари маҳсус атамалар ҳам мавжуд. Масалан, ижтимоий тузум ва муносабатларни аниқлаш ва таърифлаш мақсадида «уруғ», «қабила», «элат» каби сўзлар билан бир қаторда уруғ жамоаси, қишлоқ ёки қўшничилик жамоаси, қабила иттифоқи ва кенгаши каби атамалар муҳим аҳамиятга эга. Оила-никоҳ муносабатлари ва уруғ-қабилачилик тартиб-қоидаларини ўрганишда маҳсус атама — «эксогамия» (юонча «экзо»— ташқи, «гамос»— никоҳ) сўзи катта роль ўйнайди. Қабила ичида қуда-андачиликни ман этишни билдирадиган «эндогамия» («эндон»— ички, «гамос»— никоҳ) эса ўз уруғи ёки қабиласи ичиаги никоҳ тартибларини ифодалайди. Қадимий никоҳ шаклларидан «полигамия» (кўп никоҳлик), «левират» (лотинча «левир»— ака-укаларнинг бева янгаларига уйланиши) ёки «сорорат» (хотининг синглиси ёки опасига уйланиш) одатлари ҳозирча айrim халқларда сақланиб келган тартибларни ифодалайди.

Этнографларнинг хўжалик фаолияти ва машғулоти, айниқса чорвачилик, деҳқончилик, ҳунармандчилик, балиқчилик ва овчиликка оид атамалари жуда кўп. Масалан, деҳқончилик ерга ишлов бериш усулига қараб бир неча хилга бўлинади (ўрмон ёки бутазорларни чопиб ўт ёкиб куйдиргандан кейин кулига уруғ сепиш, мотига (кетмонча) билан ишлов бериш, баҳори экин ва сўформа деҳқончилик кабилар). Чорвачилик ҳам ҳар хил тармоқларга бўлинган (йилқичилик, түячилик, буғучилик ва ҳоказо). Ҳунармандчиликнинг тармоқлари жуда кўп бўлиб, турли этносларга хос маҳсус атамалар қўл-

ланилади. Ҳозиргача ўз номларига эга турар жойлар ва манзилгоҳлар, чайлалар ва ертўлалар, ҷодир ва қора ўй (ўтов) лар, гувола, хом ғишт, пахса, ёғоч ёки тошдан қурилган, текис ёки гумбазсимон томли оддий уйлардан тортиб то замонавий кўп қаватли шаҳар иморатлари, қўшку биёбонларгача учратиш мумкин. Узига хос атамалар уй-рўзгор буюмлари жиҳозларида, миллий хусусиятни ифодаловчи кийим-кечак ва безакларда, хилма-хил табиий муҳит ва турмуш тарзи билан боғлиқ таомлар ва ичимликларда ҳам намоён бўлади. Маънавий-маданий тушунчаларга оид диний эътиқод, урф-одат ва маросимларнинг номлари ҳам кўпинча этник хусусиятларни белгилашга ёрдам беради.

Давримизнинг кўп қиррали мураккаб этник жараёнини, миллатлар ва элатлар орасидаги муносабатларни, никоҳ-оила ва маиший турмуш муаммоларини, болалар тарбияси, одоб-ахлоқ масалаларини тадқиқ қилиш этнографларнинг диққат марказида турибди. Ҳозирча энг кам ўрганилган, аммо муҳим аҳамиятга эга бўлган ҳалқижобий тажрибалари (ҳалқ табобати, этнопедагогика масалалари, анъанавий ҳунармандчилик ва хўжалик услублари, тижорат ва савдо-сотиқ кабилар) биринчи даражали муаммолардан. Асрлар оша синовдан ўтган умуминсоний қадриятларни ўзида музассамлаштириб миллий тусга кирган ҳамкорлик, биродарлик, маҳаллачилик, ҳашар каби анъанавий ҳалқ одатларини яна ҳам ривожлантириш этнография фани олдида турган муҳим вазифалардан ҳисобланади.

Тарихий-этнографик тадқиқотлар айrim ҳалқлар, элатларнинг, шу жумладан ўзбек ҳалқининг инсоният тарихида тутган мавқеи ва ўрнини аниқлашга ёрдам беради. Тарихийлик қиёсий услуг ва материалистик дунёқарашга асосланган этник жараёнларни тўғри тушунишнинг бирдан-бир объектив омилидир. Шунинг учун этнография фанининг моҳияти ва жамиятда тутган ўрнини аниқлашда унинг тарихига назар ташлаш зарур бўлади. Шу жумладан ўзбек этнографиясининг тарихини билиш ҳам катта аҳамиятга эга.

Ҳар бир фан дастлаб фактик билимларни тўплашдан бошланади, кейин уларни тартибга солиб, чуқур ўрганиб моҳиятига тушуниб, тегишли назарий холосалар чиқаради. Этнографик билимларнинг ўзига хос хусусияти шундаки, уларнинг пайдо бўлиши, зарур маълумотлар тўпланиши, далил (факт) лар англаб олиниши

бир вақтда содир бўлади. Буни Ўрта Осиё халқлари, жумладан ўзбек халқи этнографияси тарихидан аниқ сезиш мумкин. Тарихий тақдирни бир, хўжалик-маданий жиҳатдан умумий, маший турмуши ва ижтимоий тараққиёти анча яқин Ўрта Осиё миintaқаси динамик жараён, яъни вақт жиҳатдан ўзгарувчан характерга эга. Тарихий-этнографик ва этник тузилиши қанча барқарор бўлмасин мазкур этнослар вақт ҳукми билан доимо ривожланиб, ўзгариб турган.

Шуни алоҳида қайд қилиш лозимки, Ўрта Осиё ва Қозоғистон халқлари миintaқаси узоқ ва мураккаб машиқатли тарихий жараённинг маҳсулни бўлибгина қолмай, улар маънавий маданият ва ҳиссият туйғулари билан ҳам ниҳоятда чирмашиб кетган ўзига хос этносларнинг ватанидир. Бу халқларнинг ҳусусиятлари ва умумий белгиларини аниқлаш учун даставвал этник тарихнинг айrim саҳифаларини варақлаш зарур.

Узоқ ўтмишда, 3—4 минг йиллар муқаддам Марказий Осиёнинг саховатли тупроғидан ғарбдан шарққа томон қадимий хинд-европа тилларида гапирадиган турли қабилалар Олтой ва Мўгулистон томон кўчиб ўтган. Эрамиздан аввалги I минг йилликнинг охиридан бошлаб шарқдан ғарбга томон Буюк дашт орқали катта кўчиш жараёни рўй беради. Дастлаб туркий тилда гапирадиган қадимий хуни қабилавий бирликлар то эрамизнинг I минг йиллигининг ўрталаригача кўчиб ўтган ва улар этник жиҳатдан сезиларли из қолдирган. Туркий элатларнинг беш-олти аср давом этган кўчишида айrim мўғул қабилаларининг миграцияси ҳам рўй берган. Уша вақтларнинг ўзида Ўрта Осиёда боят, қайи, бояндар каби мўғул қабилаларининг мавжудлиги диққатга сазовордир. VII асрга келиб Ўрта Осиёни босиб олган араблар этник жараёнга таъсир қилмасада, ислом дини ҳукмронлигини ўрнатган. Мўғул истилоси бутун миintaқада ўз таъсирини ўтказиб нисбатан ирқий тузилишга бир оз ўзгаришлар киритган эди.

Шуни ҳам қайд қилиш лозимки, Ўрта Осиё ва Қозоғистонга келган хуннлар, турклар, араблар ва мўғуллар илгаридан ўзлаштирилган ёрлар ва қадимий маданият яратган элатлар ўлкасига келиб маҳаллий этнослар билан аралашиб кетгандар. Шуниси қизиқки, қадимий туб элатларни юнонлар скифлар, эронликлар саклар деб тилга оладилар, баъзилар массагетлар деб номлайдилар. Уларнинг Фарбий Европа билан, яъни хинд-ев-

ропаликлар билан боғлиқ эканликларини исботлаш учун ҳозирги Болгария ва Руминияда яшовчи қадимий кетларга ўхшашлигини кўрсатадилар. Қадимий тарих мутахассисларининг фикрича, ҳақиқатдан ҳам сакларнинг қавму қариндошлари Болқонда ва Шимолий Қора дengизнинг бепоён даштларида яшаган қадимий праскифлар шажараси билан боғлиқ. Маълумки, антик замонда Эрон подшоларининг катта қўшинлари мазкур даштда яшовчи кўчманчи қабилаларининг зарбасига учраб кўп қирилган. Македониялик Искандар ўз қудратли лашкарларини Марказий Осиёга кетма-кет юбориб, даставвал жиддий қаршиликларга дашт қабилалари томонидан учраган ва кўплаб лашкарларидан маҳрум бўлган. Ўз кучини кўрсатиш ва ҳукмдорлигини ўрнатиш учун жаҳонгир Ўрта Осиё марказида бир неча юононномидаги шаҳарларни қурган. Шулардан бири ҳозиргача харобалари сақланган Хўжанд шаҳридир. Шарқда бунёд этилган Искандария шаҳри дашт қабилаларидан сақланиш учун қўрғон бўлган. Оқибатда юонолар кўчманчилар билан ёнма-ён яшаб, савдо қилиб, аста-секин аralашиб, эллин ва маҳаллий маданиятлар негизида янги маданият белгилари пайдо бўлган ва бизгача сақланган.

Узоқ давр давомида Марказий Осиёга кўчиб келган элатлар сак-массагет заминида ўзига хос жимжимадор маданий белгиларни қолдирган. Бу ерда I минг йиллик нинг ўрталарида кетма-кет кўчиб кела бошлаган хуннлар, хионитлар, оқ хуннлар, эфталитлар, пачанаклар ва бошқа турк элатларининг кўплаб келиши маҳаллий халқларни туркийлаштириб юборган. Аммо абориген (туб) аҳоли орасида ҳам апасиақ, аугасийлар деб номланган қадимий турк элати ҳам бўлган. Бу элат рус солномаларида кўп тилга олинган печенег (пачанак) лар деган фикр мавжуд. Айрим тадқиқотчилар тахминича, аугасийларни кейинчалик «ўғуз» номи билан машҳур турк элати деса бўлади.

Ҳасрда Жанубий Сибирь томондан Ўрта Осиёга тил жиҳатдан пачанак ва ўғузларга яқин қипчоқлар бостириб кириб, талон-торож қилган. Пачанакларнинг бир қисми шимоли-ғарбий томонга, ўғузларнинг анча қисми жануби-ғарбий томонга кўчиб кетишга мажбур бўлганлар. Оқибатда ҳозирги Туркманистонга тарқалган ўғузлар туркман халқи билан, иккинчи қисми Озарбайжонни босиб олиб, озорлар билан қўшилиб кетган, яна бир

туруҳ ўғузлар ғарб ва жанубга, яъни Туркия ва Эрон томон ўтиб маҳаллий элатлар билан аралашиб кетган.

Шуни қайд қилиш лозимки, ҳозирги туркманларнинг этник тузилишида монголоид ирқи белгиларининг мавжудлиги, уларнинг тилида баъзи қадимий эроний ва қипчоқ тиллари айрим элементларининг сақланиши муҳим аҳамиятга эга. Туркман қабилаларининг ўзаро яқинлашиши фақат кейинги вақтларда рўй бера бошлиди. Илгари бу қабилалар сунъий равишда Эрон мустабидлари, Хива ва Бухоро хонлари томонидан бўлинib тарқоқ ҳолда яшаб келганлар.

Қадимиий она Сўғд тупроғида яшаб келган, ҳар хил элат ва қабилалар билан аралашиб кетган ўзбек ҳалқи ҳам Урта Осиёning бошқа элатлари билан туб қон-қариндош. Айниқса ўзбеклар билан қозоқларнинг деярли барча туркий аждодлари умумий, аммо ҳар бир ҳалқнинг қонида бошқа элат қони мавжуд. Масалан, антропологларнинг таърифича, қозоқларнинг ирқий тузилишида мӯғул истилосидан етти аср муқаддам монголоид белгилари пайдо бўлган, яъни мӯғуллик таъсири илгарироқ бошланган, шунинг учун ҳам уларда монголоид белгилари кўпроқ. Тарихда биринчи қозоқ давлати Чу дарёси воҳасида пайдо бўлганда унинг ўзбек-қозоқ давлати деб айтилиши дикқатга сазовордир.

Қирғизларнинг ҳам асли қадимий саклар эгаллаган Тянь-Шань тоғ бағри ва этагидаги европеоид аҳоли билан аралашиб ўз она туркий тилларини бу ерга кўшиб келишдан олдин шакллантирганлигини тадқиқотчилар қайд қиласидар. Уларнинг шевалари, ўзаро тарқоқ (тоғли ва водийларда жойлашган) аҳоли бўлишига қарамай, унча фарқ қиласлиги бунга далил. Антропологик тадқиқотлар шуни кўрсатадики, эрамиздан аввалги I минг йилликларда ҳозирги қирғизларнинг қадимги аждодлари европеоид ирқида бўлган, кейинчалик келгинди монголоид қабилалар таъсирида ўзарган.

Умумий этник илдизи бир бўлган тожик ҳалқи баланд тоғлари туфайли, ғарбий, шимолий ва шарқий кўшилиаридек, тил ва ирқ жиҳатидан туркийлашмаган ва европеоид белгиларини сақлаб қолган. Албатта, бу ерга қисман турклар ҳам, мӯғуллар ҳам, бир вақтлар Йскандар ва араблар ҳам келиб ўз ҳукмронлигини ўрнатган. Кейинчалик Чингизхон ва Темур ҳам, XVI асрда Урта Осиёга бостириб кирган шайбонийлар ҳам Смарқанд ва Бухорони қўлга киритган ва тожикларнинг

ерларини ўзларига бўйсундирган. Аммо келгинди-кўч-манчилар табиий-географик шароит ноқулай бўлганлиги туфайли унча узоқ турмаганлар. Шу сабабдан тоҷиклар ғарбий эроний тилларга кирган, ўз она тилларини сақлаб, ирқий жиҳатдан ҳам анча соғ европеоид-лигича қолган.

Демак, бутун Ўрта Осиё ва Қозоғистон муайян тарихий-этнографик мінтақани ташкил қиласкан. Уларнинг қадимий аждодлари бир, этник замини умумий. Бунинг асосини нафақат умумий табиий-географик шароит, ҳатто анъанавий хўжалик-маданий тиллари, кийим-кечаги, моддий ва маънавий маданияти, ҳатто динларнинг бирлиги ва ҳоказо ҳозиргача сақланиб келган жуда кўп умумий унсурлар ташкил қиласкан. Шунинг учун ҳам мазкур мінтақадаги республикалар мустақилликка эришиб истиқлол йўлига ўтгач, уларнинг Марказий Осиё республикалари деб номланиши тасодиф ҳодиса ёмас.

Табиийки, эндилиқда тарихий тақдирни бир, этник ва маданий илдизи умумий, келажак ижтимоий-иқтисодий ривожи узвий боғланган мазкур республикалар аҳолиси этнографиясини жиддий ўрганиш энг муҳим долзарб вазифалардан десак хато бўлмайди. Шунинг учун ҳам бундай масъулиятли олижаноб вазифани дастлаб ўзбек халқи этнографиясидан бошлаб беришга муаллиф журъат қиласкан. Бу ишни қон-қариндош қўшни халқлар ҳам бошлар деган умиддамиз.

* * *

Ўзбекистон Республикаси ниҳоятда кенг ва катта ҳудудни эгаллаб олган Ўрта Осиё-Қозоғистон тарихий-этнографик мінтақасига киради. Ўзбек эли жойлашган ҳозирги ҳудуд 447,4 минг кв. км. га яқин, аҳолиси 22 миллиондан ортиқроқ. 1989 йилги аҳоли рўйхатига биноан республикада 19,8 миллиондан ортиқ киши яшаган, улардан 71,3 фоизи ўзбеклар, қолганлари юзга яқин катта-кичик элатларнинг вакиллариdir. Жумладан, кўп сонли халқлардан руслар (1,652 минг), тоҷиклар (931 минг), қозоқлар (808 минг), татарлар (188 минг), корейслар (182 минг), қирғизлар (174 минг), украинлар (154 минг), туркмандар (122 минг) ва бошқалар истиқомат қиласкан. Бу ерда энг қадимий зич аҳоли яшайдиган тоғ адирлари ва водийлар (Амударё, Сирдарё, Зарафшон, Қашқадарё кабилар) жойлашган. Ўзбекистон Республикаси маъмурий жиҳатдан 12 та

Тарих – чет тили кутубхонаси

вилоят, Амударё қуай оқимида ва Орол соҳилида жойлашган Қорақалпоғистон Республикасидан иборат.

Утган аср ўрталариғача мазкур ҳудудда Қўқон, Хива ва Бухоро хонликлари ҳукмронлик қилиб келган. XIX асрнинг иккинчи ярмидан бошлаб Россия зўравонлик билан Урта Осиёни босиб олгандан кейин ўлкада Туркистон генерал-губернаторлиги ташкил қилинади. Бу ҳолат албатта ҷоризм ҳокимияти амал қилаётган мустамлакачилик сиёсатининг оқибати ҳисобланади. Асли умумисоний қадриятлар байроғи остида мазкур ҳолатдан «Октябрь инқилоби» туфайли озод бўлган ўзбеклар узоқ вақт ўтмай совет мустамлакачилик сиёсати гирдобига тортилди. Яхлит Туркистон ва унда яшовчи миллат ва элатлар сунъий равишда қайтадан бўлиниб «мустақил» республикалар юзага келди. Албатта, объектив ижтимоий тараққиёт, сиёсий ҳокимиятни ҳалқ қўлига олиб берган «инқилоб» маҳаллий этносларнинг ривожи учун дастлабки ўн йилликларда муайян шароит яратиб берганлигини инкор қилиб бўлмайди. Оқибатда Урта Осиёда ўзбек, тоҷик, туркман, қирғиз, қозоқ ва қорақалпоқларнинг миллий бирлиги учун ижтимоий-сиёсий вазият шаклланба бошлаган эди.

Аммо 30- йилларда амалга оширила бошлаган совет янги мустамлакачилик (неоколониализм) сиёсати маҳаллий миллатларнинг равнақига катта путур етказди. Даставвал энди уйғониб келаётган ҳалқларнинг асл фарзандларини, айниқса, давлат, фан ва маданият соҳасида етишиб келаётган буюк истеъдодларни қатағон қилиш, кўпчилигини қириб, бутун этносни миясиз «манкурт»га айлантириш сиёсатини амалга оширишга киришилган эди. Умумисоний қадриятлар шиори остида бошланган мазкур мустамлакачилик сиёсати узоқ ўтмишда юксак маданият яратгап ҳалқимизнинг табиий қобилияти, буюк истеъодиди ва куч-гайратини ҳар томонлама намоён қилишга йўл қўймади. Аксинча, унинг асрлар давомида шақлланиб келаётган ажойиб анъана наларини «интернационализм» назарияси асосида астасекин емира бошлади, миллий қадриятларни тиклаш йўлида ўзини фидо қилишга тайёр бўлган «алломинистлар»ни қатағон қилди, қамоқقا олди. Бундай ваҳшиёна сиёсатнинг сири очилгач собиқ Иттифоқ раҳбарлари «қайта қуриш, демократия, ошкоралик» каби баландпарвоз сўзли янги ғояларни «кашф» этдилар. Бу ишда на мафкуравий, на маънавий, на ғоявий воситага эга

бўлмасдан, олижаноб инсоний мақсадларни рўёбга чиқаришда доимо йўлчи юлдуз бўлиб нур сочиб келган илм-маърифат хор қилинди. Ҳозирги ижтимоий тараққиёт, осойишталик ва тинчлик фақат кенг халқ оммаси сиёсий-маданий савиясийнинг юқори даражадалиги билан бевосита боғлиқ.

Афсуски, парчаланиб кетган Иттилоқнинг деярли ҳамма ерида иқтисодий ва маънавий қашшоқлик, ёвузлик ва тўқнашувлар, зўравонлик ва қон тўкишлар, кутилмаган зиддиятлар, миллий низолар барча элатларни гаранг қилиб қўймоқда. Шиддатли ижтимоий оқимнинг қудратли тўлқинида инсоннинг, бутун бир элат ва халқнинг сабр-тоқати ва иродаси, кучи ва ақл-идроқи синовдан ўтмоқда. Бундай зўр жараённинг кўпигида даҳшатли ахлатлар ҳам қалқиб чиқиб, ёвуз ниятли шахслар ўз ҳукмини ўтказишга, тарихий ютуқларни тўла инкор қилиб, хурофий ўрта аср даври тартибларини ўрнатишга интилмоқдалар. Ачинарли томони шуки, сиёсатда ҳам, ҳатто илм-маърифатда ҳам теран ўйланилмаган юзаки ғояларга таяниб амалий фаолиятда ё ўнг, ё сўлга чекиниб, ўзимиз ўзимизни қоралаб тарихни сохталашибошира бошладик. Арzon обрў ахтариб ўзининг ёвуз ниятларига этиш мақсадида баландпарвоз шиорлар билан чиқаётган айrim шахслар объективликни рад этиб, қўлга киритган тарихий ютуқларимизни инкор қилиб бузиб кўрсатишга ҳаракат қилмоқдалар. Наҳотки энди, баъзи билимдонлар фикрича, етмиш беш йил давомида ҳеч қайдай ижобий ютуқларга эга бўлмадик? Қечаги куни мизни унутиб, фақат сиёсий хатоларни рўкач қилиб қанча қўрбонлар билан халқимиз қўлга киритган ижтимоий-иқтисодий, моддий ва маънавий ҳаётимиздаги ютуқларни ўчириб ташласак?

Ҳозиргача аёвсиз қора бўёқлар билан қораланаётган мафкуранинг асл мазмуни эзгу ниятларга қаратилганлиги, миллионлаб кишиларнинг эътиқодига, иймонига айланиб, бунёдкорлик ва ижодий фаолиятга муҳим омил бўлганлигини ҳеч ким тўла инкор қила олмайди. Шубҳасиз, мазкур мафкура айrim ёвуз шахслар учун ўзларининг паст ниятларини амалга оширишда бир байроқ, балки ниқоб ҳам бўлди. Мазкур ниқобни ўз вақтида фош қила олмаган, ҳақ сўзга ишонадиган халқимизнинг айби нимада? Бу мафкура ҳам кўр-кўронга итоатгўйликка чорлаб келган янги диний эътиқодга айланиб, уни янги ақидалар даражасига кўтарди. Деярли

бир аср давомида чалғитиб келган шахслар учун минглаб қурбонлар берган қалби пок халқимиз айборми? Шунинг учун тарихий қисқа муддат ичидаги янги бир жамият яратиб, муайян ютуқларга эришган халқимизнинг ҳақиқий тараққиётини объектив баён этиш, унинг этник қиёфасини, асрлар давомида шаклланиб келган анъанавий хўжалиги, турмуш тарзи, моддий ва маънавий маданиятини ҳаққоний тасвирлаш муҳим аҳамиятга эга.

Албатта, ўзбек халқининг ҳам бошқа халқлар сингари барча қийинчиликларни, оғир кунларни бошдан кечирибина қолмай, совет даврида умумий майший маданий ютуқларга эришиб, умумисоний қадриятлар асосида замонавий цивилизация даражасига кўтарилиб ўзига хос ижтимоий-иқтисодий ва маданий анъаналарни яратганлигини инкор қилиб бўлмайди. Бундай умумийлик нақадар муҳим бўлганлигини ва унинг бузилиши қандай салбий оқибатларга олиб келганлигини ҳозирги кунимиз ёрқин ифодалаб бермоқда. Ҳеч бир жамият бошқа юрт-элатларсиз, қўшни жамиятларсиз яшай олмайди. Шунинг учун ҳар бир халқ ўзини қанча мустақил ҳисоблаб, эркинликка эришмасин, барибир, унинг ривожи ва келажаги умумисоният тараққиётини яъни қўни-қўшни элатлар билан бевосита боғлиқдир.

Ўзбек халқининг этник қиёфаси, хўжалик фаолияти ва турмуш тарзи хусусиятлари даставвал маҳаллий табиий-географик ва экологик шароитга боғлиқ бўлиб келган. Бутун Ўрта Осиё, юқорида қайд қилинганидек, ўзига хос тарихий-этнографик ва хўжалик-маданий типлар яратган миңтақа. Унда яшовчи халқларнинг келиб чиқиши ва тарихий тақдири ҳам умумий характерга эга. Тарихда умумий этник илдизга эга бўлган, муайян ҳудудда жойлашган, аммо турли тил, маданий-хўжалик типдаги ҳар хил элатлар доимо ўзаро яқин муносабатларда бўлиб, аралашиб келган ва узоқ мураккаб тарихий жараённи бошдан кечирган.

Ўзбекистон Республикаси шимол ва шимоли-ғарб томондан Қозогистон, шарқдан Қирғизистон ва Тоҷикистон, жануб ва жануби-ғарб томондан Туркманистон ва қисман Афғонистон билан чегарадош. Аҳолисининг миллий тузилишини асосан ўзбеклар ташкил этади. Сурхондарё ва Хоразм вилоятларида деярли бутунлай ўзбеклар яшайди. Бошқа вилоятлар кўп миллатли аҳоли бўлса-да, кўпчиликни ўзбеклар ташкил қиласиди, қолгани асосан маҳаллий ўрта осиёлик элатлар, келгинди

руслар, украинлар, татарлар, корейслар ва ҳоказо.

Барча аҳоли умумий хўжалик-маданий типларга эга. Минтақанинг табиий-географик шароити уларнинг нафақат хўжалик фаолиятини, балки міллий хусусиятларини ҳам қисман белгилаб берган. Республиkaning шимоли-ғарбий қисмида аста-секин йўқолиб бораётган Орол дengизи жойлашиб, унга етиша олмай ҳаётбахш сувларини саҳиийлик билан тарқатиб келаётган Амударё ва Сирдарё оқиб ўтмоқда. Анча қисмини баланд тоғли, адир ва тор этагидаги ерлар эгаллади. Тоғлардан бошланган катта-кичик дарё ва сойлар воҳаларга тарқалади, қуму саҳроларга шимилиб кетади. Ўлканинг иқлими Ўрта Осиё текисликлари ва тоғ тизмалари бирлиги, сув ресурслари ва серунум тупроғи, ўсимликлар ва ҳайвонот дунёсилинг умумийлиги билан тавсифланади. Республика табиатининг ўзига хослиги унинг субтропик белгилари билан мӯътадил иқлим бирикмасида.

Ўзбекистоннинг табиий-географик ва иқлим шароити аҳолининг нафақат хўжалик фаолияти ва турмуш тарзи, балки кўп қиррали маънавий маданияти ва миллий руҳияти хусусиятларининг шаклланишида ҳам муҳим омил бўлиб келган. Асримиз бошларида ўзбек диёрида анъанавий мазкур шароитга мослашган уч хил хўжалик типлари маълум бўлган: воҳаларда яшовчи ўтроқ деҳқончилик хўжалиги, дашт ва ярим даштларда қисман кўчиб юрган аҳолининг чорва хўжалиги, воҳаларга яқин ва дарё қуи оқимида жойлашган чорва-дехқончилик хўжалиги. Хўжалик-маданий типларнинг чегараси этник ҳудудга тўғри келмайди. Аммо тарихий жиҳатдан этник маданий бирлик узоқ давр ичida хўжаликка мосравишда шаклланиб келган.

Миллий руҳият, ижтимоий онг, ойлавий ва маънавий ҳаётнинг ҳозирги давр талабига жавоб бера оладиган даражада ривожланиши, шубҳасиз, ҳалқнинг эркинлиги, унинг давлат тузилиши билан бевосита боғлиқ. Замонавий илм-маърифат ва маданиятнинг юқори поғоналарига кўтарилган ўзбек ҳалқи ўзининг мустақилликка эришган қунидан бошлаб янги истиқлол йўлида дадил қадам ташлаши унинг ижтимоий, сиёсий ва маданий ҳаётининг ҳар томонлама равнақ топишида катта замин бўлади.

Ҳалқимиз келажаги ва унинг тараққиёт йўли ўтмиш билан узвий боғлиқдир. Эндиликда инсон ҳуқуқлари,

миллий ғуурур ва давлат мустақиллиги ғояларига садо-қат, ҳозирги ва келажак авлодлар олдидаги юксак масъулиятни англаш, ўзбек давлатчилигининг ва тур-муш тарзининг тарихий тажрибасига таяниш, демократик (халқчил) қонунийликни ҳурматлаш асосий вазифа қилиб қўйилмоқда. Шунинг учун ўзбек халқининг ўт-миши ва тарихий тажрибаси, унинг этник қиёфаси, хў-жалик-маданий хусусиятлари, моддий ва маънавий, ижтимоий ва оиласвий ҳаётини илмий жиҳатдан аниқ билмабунча ҳозирги тараққиёт йўли, кейинги йўналишини белгилаб бериш мумкин эмас. Демак, миллий истиқлолга эришган, ўз йўлини топишга, ўз тақдир истиқболини аниқлашга энди киришаётган республикамиз ривожи ўз элининг мураккаб тарихини, этник хусусиятларини аниқ билишни, уни чуқур таърифлашни тақозо-қиласди.

ЎЗБЕҚ ЭТНОГРАФИЯСИ ТАРИХИ ВА ИСТИҚБОЛИ

Дастлабки этнографик маълумотлар ибтидоий жа-мият ташкил топгандан кейин қабилалар ўртасида ало-қалар ўрнатилиши натижасида аста-секин тўплана бош-лагай. Уша даврдаёқ айrim қўшни қабила, элат ва халқларнинг майший турмуши, этник хусусиятларини ўрганиш, уларни аниқ ва тўғри тушуниш амалий эҳ-тиёжларни қондириш тақозоси билан вужудга келган. Узоқ ўтмишда Шарқ мамлакатларида қўни-қўшнилар билан самарали савдо-сотиқ муносабатлари ўрнатиш, шунингдек, уларга қарши муваффақиятли урушлар олиб бориш ёки жиддий дипломатик алоқалар ўрнатиш учун даставвал этнографик маълумотларга эга бўлиш зарур эди.

Ўзбекларнинг энг қадимиј аждодлари тўғрисида маълумотлар жуда кам. Шарқ мустабидлари, айниқса, қадимги Эрон, Бобил, Оссурия ҳукмдорлари ўзларини улуғлаш мақсадида тошга биттирган зафарномаларида босиб олинган ва бўйсундирилган элат ва халқларни тилга олганлар. Шулар ичida ўрта осиёликларнинг қа-димиј аждодлари тўғрисида ҳам айrim маълумотлар мавжуд.

Илк ёзма манбалардан қадимги Юноистон ва Рим муаллифларининг асаларида Орол бўйи ва Окс (Аму-дарё) ҳамда Яксарт (Сирдарё), Мовароуннаҳр ва Бақт-

рияда яшаган қабила ва элатлар тилга олинади. Масалан, Гантик давр муаллифларидан милетлик Гекатей, Страбон, Геродот, Арриан, Птолемей ва Ктесий, сицилийлик Диодор, Помпей Трог, Тацитлар ўз асарларида сак-массагет қабилалари, хоразмликлар, бақтрияликлар, парфиялик ва сўғдийлар тўғрисида айrim маълумотлар келтирганлар.

Ўрта Осиё ҳалқларининг энг қадимиј аждодлари ва уларнинг туар жойлари, урф-одат ва маросимлари тўғрисида ноёб маълумотларни бизгача етиб келган зардустийлик динининг муқаддас китоби «Авеста»дан ҳам олиш мумкин. Эрамиздан аввалги II—I асрлардан бошлаб араб истилосигача Ўрта Осиё ҳалқларига тегишли баъзи ахборотларни Эрон мустабидлари солномаларида, Хитой сайёҳларининг ёзувларида учратамиз. Жумладан, қадимги Фарғона ва Хоразм аҳолиси тўғрисида эрамиздан аввалги II асрда бу ерга келган Хитой элчиси ва сайёҳи Чжан Цзяннинг маълумотлари диққатга сазовордир.

Араб ҳукмронлиги ўрнатилгандан кейинги даврларда илк ўрта аср (IX—XII асрлар) муаллифларидан машҳур географ ва сайёҳлар ибн Хурдодбех, ал-Балхий, ал-Истахрий, ибн Ҳавқал, Масъудий, Еқутлар ўз саёҳатномаларида замондош элатлар тўғрисида нисбатан бой маълумотлар ёзиб қолдирганлар. Масалан, Хурсонда яшаган атоқли географ олим Абу Зайд Балхий 60 га яқин асар ёзган. Унинг асарларидаи хариталардан бири Бухородаги сомонийлар кутубхонасида сақланган. Муаллиф маҳаллий элатлар тўғрисида маълумотлар беради. Эронлик географ ва сайёҳ ал-Истахрий Балхий билан Самарқандда учрашиб, унинг асарларини ўрганиб янги маълумотлар билан тўлдирган. Ироқлик сайёҳ ибн Ҳавқал эса Ўрта денгиз мамлакатларига доир маълумотларни киритган. Шундай қилиб, Балхий, Истахрий, ибн Ҳавқал асарларида Шарқдаги дастлабки илмий маълумотлар тўплланган ва уларга илова қилинган, дунё ва айrim вилоятлар ҳамда элатлар кўрсатилган хариталар юзага келган. Аммо маълум бўлишича, мазкур хариталарнинг баъзилари илгари ўрта осиёлик Мусо ал-Хоразмий, Жайҳоний ва бошқалар қўли билан чизилган. X асрда Балхий ва унинг мухлислари бутун Шарқ харитографиясининг самараларини жам қилиб, яхлит бир асар шаклига солишган. Уларнинг асарларида ер юзи 20 та «иқлим»га бўлинган. Шартли равища

«иқлим» деб аталган вилоятлар шарқдан ғарбга қараб таърифланган, ҳар биридаги шаҳарлар, йўллар, етиштириладиган мевалар, маҳсулотлар ҳамда бошқа этник ажойиботлар таърифи берилган. Атоқли олим Ёқуб ўзининг географик луғатида Балхий таърифига асосланниб Тошкент тўғрисида бундай деб ёзади: «Шош ёз фаслида бамисоли жаннат. Кишини иссиқ таъсиридан қалқондек сақлайди». Бухорони эса Балхий бундай тасвирлайди: «Қўргондан ташқариси серманзарагида Буҳородан чиройлироқ шаҳарни кўрмадим... осмон гумбази билан кўкламзорлар оралиғида кўринган қасрлар осмондаги юлдузларга ўхшайди, экинзорлар сатҳи тептекис. Бухороликларнинг экинзорлари бепоён ва унга тенг келадиган жой Хуросонда ҳам, Мовароуннаҳрда ҳам топилмайди».

Ўрта Осиёning буюк мутафаккирлари — ажойиб энциклопедист олим Муҳаммад ал-Хоразмий, файласуф ва мусиқашунос Абу Наср Форобий, улуғ энциклопедист олим Абу Райҳон Беруний ва буюк табиб Абу Али ибн Сино, географ ва тарихчи ал-Фарғоний, Абу Саъд Абдул Карим, ибн Муҳаммад Саъмоний кабиларнинг асаларида ўзбеклар ва бошқа ўрта осиёлик халқларнинг бевосита аждодлари, уларнинг майший турмушки ва маданиятининг айрим томонлари таърифланган. Шу маънода тарихий ва этнографик жиҳатдан ниҳоятда муҳим манбалардан бири «Дада-Қўркут» қиссаси ҳам диққатга сазовордир.

Европада қулдорлик жамиятидан феодализмга ўтиш арафасида Шарқ ренессанси рўй беради. Айнқса, Ўрта Осиёда фан ва маданият ниҳоятда юксак даражага кўтарилиб илмнинг барча соҳалари ривожланади. Асли дастлабки илмий этнографик маълумотлар ҳам Шарқнинг Ўйғониш даврида пайдо бўла бошлайди. Атоқли олим С. П. Толстовнинг таърифича, «Сўнгги Афригий» даврида Хоразм Араб халифалигига киргач хоразмлик олимлар дарҳол шуҳрат қозонгандар ва «араб фани» деб аталган фаннинг яратувчилари орасида энг илфор ўринни эгаллаганлар. Булар ичida зўр намояндадардан бири кўзга кўринган машҳур сиймо Муҳаммад ал-Хоразмий эканлиги шубҳасиз. Унинг исми билан ҳозирги илмий-техник тараққиётнинг негизини ташкил қилувчи математиканинг алгоритм ва бошқа жуда кўп илмий соҳалари боғлиқ. Унинг арифметика ва алгебраси кўп тилларга таржима қилинган, «Алжабр ва муқо-

бала» номли асаридан «алгебра» атамаси келиб чиқсан. Хоразмийнинг география, тарих ва этнография соҳасидаги хизматлари ҳам бениҳоя катта. У географ сифатида Бағдод халифаси Хазарияга юборган элчилар қаторига кирган, деган маълумотлар мавжуд. С. П. Толстов ёзганидек, «Шарқий Европа географияси ва этнографиясига доир дастлабки маълумотларга айни Хоразмийнинг ўзи асос солган. Кейинчалик бу маълумотлар теографик асарларнинг биридан-бирига ўтиб, энг аниқ ва ўзгармас маълумот бўлиб қолди».

Хоразмда туғилиб, Бағдодда таълим олиб, машҳур Маъмун академияси «Байт ал-ҳикма» («Донишмандлар уйи») да энг йирик намояндалардан бири бўлиб танилган⁷⁰ та олимга халифа дунё атласини тузишни тошириб, унга Муҳаммад ал-Хоразмийни бошлиқ қилиб тайинлаган. Тахминан 840 йили бу тошириқ бажарилиб «жаҳон хариталари» ёки «Маъмун дунё харитаси» номи билан машҳур бўлган. Мазкур биринчи жаҳон атласи муносабати билан унга изоҳнома тарзида ал-Хоразмий ўзининг «Сурат ал-фарз» («Ернинг сурати ёки «география») номли ажойиб асарини яратган. Унда бир неча ўнлаб ноёб хариталар ва уларга берилган изоҳлар келтирилган. Китобда 537 та энг муҳим жойнинг номи, шаҳарлар, тоғлар ва дарёлар, денгиз ва ороллар бирма-бир ва алоҳида ёзилган. Муаллиф бальзи номларга изоҳ берган ва қўшни жойларни ҳам тасвирлаган.

Хоразмийнинг географик мероси тўғрисида италийлик арабшунос К. Наллино 1895 йилда ёзган катта мақоласида унга юксак баҳо бериб «Европадаги ҳеч бир ҳалқ Хоразмий эришган ютуққа эришишга ва бундай асар яратишга қобил эмас эди», деб ёзади. Италия Фанлар Академияси Хоразмийнинг «Сурат ал-фарз» асарини ўз даврининг жуда қимматли қўлланмаси бўлганлигини ва унинг география тараққиётига ижобий таъсир этганини тасдиқлаган. Бу китоб бир неча аср давомида қайта-қайта кўчирилиб, таржима қилиниб, тўлдирилиб, қисман ўзгартирилиб, янгила таҳрирда турли сарлавҳалар ва ҳатто имзолар билан маълум бўлиб келган. Масалан, X асрнинг биринчи ярмида ироқлик Суҳроб номли бир шахс «Сурат ал-фарз»ни таҳрир қилиб «Етти иқлим китоби» номи билан чоп этган. Аслида у бу асарга фақат сўз боши қўшган. Хоразмийдан

икки аср кейин яшаган Беруний ҳам уни эҳтиром билан тилга олади.

Дастлабки илмий этнографик маълумотлар, айниқса, ажойиб энциклопедист мутафаккир олим Абу Райхон Беруний асарларида ёрқин ифодасини тоиган. Айрим тадқиқотчиларнинг фикрича, Ўрта Осиё ва Хурросон география тарихини аслида «Берунийнинг географик мактаби» деб аташ мумкин. Этнография фани ҳам асли география билан ёнма-ён шаклланиб келганлигини инобатга олсан, Ўрта ва Жанубий Осиё этнографиясини ҳам Беруний мактабидан бошласак хато бўлмайди. Маълумки, бу улуғ олимнинг асарлари бутун жаҳонга танилган ва берунишунослик деб аталиши ҳам бежиз эмас. Унинг деярли ҳамма асарларида Ўрта Осиё, шу жумладан ҳозирги Ўзбекистон шаҳарлари тўйла олиниб, уларнинг тарихи, этник қиёфаси, аҳолиси ва табиий-географик шароити каби ноёб маълумотлар бизга етиб келган. Масалан, Берунийнинг «Қонуни Маъсъудий» номли китобидаги географик жадвалда кўрсатилган 603 жойнинг 85 таси Ўрта Осиё ва Хурсонга тегишли бўлиб, уларнинг кўпчилигига қисқача изоҳлар берилиган.

Муаллифнинг этнотопонимияга оид маълумотлари бебаҳо, Амударё ва Қорақумнинг қадимий географияси ва этнотопономиясини биринчи бўлиб текширган ва илмий жиҳатдан тўғри изоҳлаб берган Берунийнинг «Амударё тарихи» деб аталган мақолосида бажанак (рус солномаларида печенег) лар Оролнинг шимоли-ғарбий томонида жойлашганлиги, ғузлар ери Шимолий Қизилқум ва Сирдарёнинг ўрта водийсида эканлиги, Журжония Жайҳун (Амударё) нинг ғарбида жойлашганлиги, Хоразм шаҳарларидан Кот эса Жайҳуннинг шарқий қирғоидаги Хоразмнинг иккинчи шаҳри ва энг қадимиylаридан эканлиги таъкидланади. Мазкур жойда Тошкент бундай таърифланган: «Бинкент—Шош шаҳарларидан бири, тўркийча Тошкент. Бу—юнон муаллифларининг Бурж ал-Хижра қалъасидир». Бухоро ёнидаги Бойкенд (уни Пойкенд ҳам дейишган) шаҳри Бадзарубойн, Қашқадарёдаги Қеш (Китоб-Шахрисабз) форсча Маъжамат деб юритилгани хабар қилинади. Сирдарёнинг энг қадимий номи Ҳасарт эканлиги тўғрисида гапириб, олим бундай изоҳ беради: «Субкент—Ҳасарт дарёси бўйидаги шаҳар. Бу дарё Туркистонда, Шош водийсида энг машҳур дарёларданdir... Қарият

ал-Хадиса — Хасарт дарёси қуиши ёнида, Хоразм кўли ёнида, ғузлар вилоятнадир». Демак, Беруний таърифича, илгари юон асарларида тилга олинган Яксарт сўзи Сирдарёнинг юонча номи эмас, балки асли ўғузлар яшаган дарё номи Хасарт (ёки Қасарт) сўзининг юонча бузилишидир.

Берунийнинг илмий меросида Ўрта Осиё билан қўшини, айниқса, Жанубий Осиёда яшаган элат ва халқлар тўғрисидаги тарихий-этнографик маълумотлар жаҳон халқларининг этник хусусиятларини ва турмуш тарзини ўрганишда энг ноёб манба ҳисобланади. Афсуски, тарихий этнография фанида мазкур маълумотлар етарли ўрганилмаган.

Ўрта Осиё халқлари, жумладан, ўзбекларнинг қадимий аждодлари тўғрисидаги қимматли этнографик маълумотларни яна бир ноёб манба — номаълум муаллиф ёзиг қолдирган X асрга оид «Худуд ал-олам» номли асарда ҳам кўришимиз мумкин. Унда Марказий Осиё, жумладан ҳозирги Узбекистон, Төжикистон, Қирғизистон, Туркманистон ва Афғонистон ерлари ва аҳолиси анча мукаммал тасвирланган. Китобда ер юзидағи вилоятлар ва подшоликлар, уларда яшовчи қавмлар, подшоҳларнинг урф-одатлари, расм-руслари, мазкур вилоятлардан четга чиқариладиган нарсалар, жаҳондаги шаҳарлар, улардаги аҳвол, ноз-неъматлари ва одамлари, ободончилиги ва вайроналиги, ҳар бир шаҳарнинг табиий-географик шароити таърифланган. Китобнинг Узоқ ва Ўрта Шарқ мамлакатлари, турк қабилалари, қарлуқлар тўғрисида ёзилган жойларидаги этнотопономик ва этносоциологик маълумотлар диққатга сазовордир. Масалан, Сўғд тўғрисида гапирилганда, у шарқий эллар орасида энг обод жой, унда оқар сувлари бор, дараҳтлари кўп, иқлими баҳаво, одамлари меҳмондўст ва хушмуомала; Бухоро—азим шаҳар, Мовароуннахрнинг энг обод шаҳри, унда Малики Машриқнинг (Шарқ хокими) қароргоҳи бор, воҳа сурорилган бўлиб, меваси ва оқар суви кўп, бу ерда яхши ипак гиламлар тўқилади, дейилади.

Фарғона Туркистоннинг дарвозаси, у улуғ, обод ва жуда кўркам вилоят, тоғларида мис, симоб, дори, тош ва бошқа қимматбаҳо тошлар мавжуд, деб таърифланган. Шош ҳам катта ва обод, кўркам жой, қимматбаҳо дараҳт ўстирилди ҳамда ундан машҳур камон (камони шоший) ва наизалар ишланади, дейилган. Шу тарзда

60 та қишлоқдан иборат Сўғ, Зомин, Жиззах, Кеш, Термиз, Қубо (Қува), Исфижоб (Сайрам), Кот каби шаҳар ва вилоятлар таърифланган. Умуман, Мовароуннаҳри муаллиф шарқ томонда Тибет билан чегарадош, жанубида Хурсон районлари, фарбда ғуз ва ҳаллух (қарлук) лар, шимолида ҳам ҳаллухлар яшайдиган кенг, обод ва жуда кўркам ўлка деб таърифлайди. Унинг таърифича, Мовароуннаҳр Туркистоннинг дарвозаси ва савдогарлар жойи, аҳолиси жанговар ва яхши мерган, тоғларида олтин конлари ҳамда турли гавҳар тошлар, шунингдек, мис ва новшадил мавжуд вилоят. Айниқса Самарқанд шаҳри батафсил таърифланиб, буюк, обод ва неъмати бисёр, деб юксак баҳоланган. Бу ерга дунёning ҳамма мамлакатларидан савдогарлар келади, бозорларининг тимларида қўроғошин найчалардан сув оқади, бу ерда қофоз ишланади ва бутун дунёга чиқарилади, каноп, арқон ҳам ишланади, деган таърифлар мазкур асарда кўп келтирилади.

Туркий ҳалқлар, шу жумладан ўзбеклар этнографияси ва этник тарихини ўрганишда ўрта асрлар муаллифларидан Маҳмуд Кошварийнинг «Девону луғатиттурк» номли асари алоҳида ўринни эгаллайди. Бу асарда айрим шаҳар ва қишлоқлар аҳолисининг лингвистик ва этник таркиби, ижтимоий тузумига оид қисқача таърифи, этнотопонимикаси ва айрим қабила ҳамда уруғларнинг жойланиши тўғрисида ноёб маълумотлар келтирилган. Энг муҳими китобда ўзбекларнинг қадимий аждодларидан чигил, яғмо, қарлук, қипчоқ, тухси ва бошқа қабилаларнинг ижтимоий ва оиласвий турмуши, турли урф-одат ва маросимлари, диний эътиқодлари ва тасаввурлари каби айрим этнографик хусусиятларни аниқлашга ёрдам берадиган изоҳлар мавжуд. Маҳмуд Кошварий Жайҳундан то қуий Чин (Хитой) гача бўлган қабилаларнинг ҳаммасини чигил, деб аташнинг хато эканлигини, бу ерда жуда кўп қабилалар борлигини алоҳида кўрсатиб берган.

Маҳаллий аҳолининг ижтимоий-сиёсий ҳаёти, этнотопонимияси, диний эътиқодлари ва этник қиёғаси, айрим этнослар (элат ва қабилалар) га оид этнографик материаллар ноёб, ажойиб асар Наршахийнинг «Бухоро тарихи»га ҳам мансуб. Маълумки, Ўрта асрларда Чингизхон ва унинг меросхўрлари ниҳоятда кенг ҳудудга тарқалган империяни яратган эдилар. Бундай қурдатли давлатнинг қисқа муддат ичида пайдо бўлиши ва унинг

куч-қуввати нимада эканлигини билиш Европа мустабидлари ва Рим папаси учун бир муаммо бўлиб қолди. Шунинг учун улар мазкур давлат билан сиёсий, савдо ва дипломатик муносабатларни ўрнатишга интилиб ўз элчиларини юборадилар. Дастрраб фаол ҳаракат қилган Рим папаси Иннокентий IV 1245 йили Мўгулистанга монах Плано Карпини бошчилигида элчиларни жўнатади. Ундан кейин шу йўл билан фламандлик монах Виллем Рубрук саёҳат қилган ва ўз таассуротларини ёзиб қолдирган. Машҳур саёҳт Марко Поло ҳам Рим папаси топшириғи билан бир неча йил Хитойга ва қўшини мамлакатларга бориб (у йўлакай Ўрта Осиёда ҳам бўлган) муҳим этнографик аҳамиятга эга саёҳатнома яратган эди. Уша даврда яшаган маҳаллий муаллифлардан тарихчи Рашидиддин (1247—1318) ўзининг ажойиб солномасида ўзбеклар таркибига кирган айрим турк ва мўғул қабилалари тўғрисида муҳим тарихий-этнографик маълумотларни бизга етказган. Унинг Ўрта Осиё, Эрон ва қўшини мамлакатлар тарихи ва этнографияси ҳақидаги «Жоме ут-таворих» номли китоби жуда қимматли манба бўлганлиги туфайли кўп олимлар уни шарҳлаган, таҳрир қилиб қисқартирган. Шундай олимлардан бири Оҳангарон бўйидаги Банокат шаҳридан чиққан тарихчи ва географ Фахриддин Абу Сулаймон Банокатий томонидан асар қайта ёзилиб тарқалган.

Кудратли империя ташкил қилган Амир Темур ва унинг ворислари хукмронлик қилган даврда Ўрта Осиё, шу жумладан, Узбекистон йирик маданият марказига айланади ва унинг бошқа мамлакатлар билан алоқалари ҳар томонлама кучаяди. Уша даврда яшаган ва сарой тарихчиси бўлиб темурийларга хизмат қилган Ҳофизи Абрў йирик тарихий-географик асар ёзган. Унинг «Зубдат ат-таворих» («Тарихлар қаймоги») номли китобида Мовароуннаҳрга оид баъзи этнографик маълумотлар келтирилган. Муаллиф ўлканинг жойлашган ерини таърифлаб, айрим шаҳар ва туманлар тўғрисида ҳикоя қиласи. Масалан, асадар Самарқанднинг қисқача тарихидан сўнг шаҳарнинг ва шаҳар атрофларининг, шаҳардаги қалъалар, саройлар, мачитлар, боғлар, қишлоқларнинг таърифи берилган.

Бухоро ҳақида гапирилганди, аҳолининг машғулоти ва турмуши тасвирланади. Муаллифнинг ёзишича, «Бухоро меваси ҳамма мевалардан яхши ва ширинdir, хусусан Бухоро олхўриси бутун ер юзига чиқарилади, у

ерда қайнатилган қиёмни асалдан фарқ қилиб бўлмайди. Тамоми даштда мол бисёр, ўтинни аксар боғлардан йиғишиди, ташқаридан ҳам келтиришиди. Ва яна Бухоронинг хосиятларидан дейдиларки, одамларидек ғарид дўст кишилар ҳеч мавзеда йўқдир.

Олим Кеш (Шаҳрисабз) ни таърифлаб, унинг яқинида тоғ бор, унда харсанг тош бўлиб, тиниқ ва баъзан рангдор, ундан ҳар хил буюмлар тарошланади, дейди. Ҳар хил мевалар кўп, улар чегарадан ташқари чиқарилади. Кеш — Мовароуннаҳрнинг иссиқ жойидир, гоҳгоҳ бу шаҳарда қурғоқчилик ва вабо бўлади. Шаҳарда ва унинг атрофида мадрасалар, ҳонақоҳлар, работлар ва ҳовузлар қурилган. Кешга яқин жойлашган Нахшаб (Насаф) да баъзан боғлар, қудуқлардан сув олинади, тегирмонларни чорва қўшиб айлантирадилар, деб таърифланади мазкур асарда. Унда келтирилган суратлар ичидаги энг муҳими дунё харитасидир. Ҳофизи Абрў асарининг бир нусхаси Тошкентда, иккинчи нусхаси Британия музейида сақланади.

Айрим олимларнинг айтишича, Ҳофизи Абрўнинг бош асари ҳисобланган дунё харитаси бутун Шарқ олимлари фахрланса арзидиган машҳур Беруний ва Нажиб Бакрон картография анъаналарини давом эттириб уларни жаҳонга танитган. 1419 йилда Хурросон ҳокимлари Хитойга элчилар юборган, улар ичидаге географ олим ҳожи Фиёсиддин наққош ҳам бўлган. Элчилар қайтишда Андижон, Самарқанд, Амударё орқали Ҳиротга жўнаган. Фиёсиддин уч йил давом этган сафар вақтида хотира дафтари ёзиб борган ва уни сафардан қайтгач Шоҳруҳга топширган. Бу дафтарни дастлаб Ҳофизи Абрў ўқиб ўз асарига киритган. Унда муаллиф мамлакатлар тўғрисида, уларнинг халқи ва урф-одатлари тўғрисида кўпгина маълумотлар берган. Мазкур хотира дафтар Гарбий Европа тилларига ва турк тилига бир неча бор таржима қилинган.

Бу даврга оид баъзи қизиқарли этнографик лавҳаларни испан элчиси рицарь Гонзалес де Клавихонинг асарида, рус солномаларида, маҳаллий муаллифлардан Низомиддин Шомий, Абдураззоқ Самарқандий, Ҳусайн Қубравий, Али Қушчи ва бошқаларнинг асарларида учратиш мүмкин. Темурийлар давлатининг емирилиши, Мовароуннаҳр ва қўшни мамлакатларнинг сиёсий, иқтисадий ва маданий ҳаёти ҳар томонлама тасвиirlанган Захириддин Муҳаммад Бобурнинг ажойиб автобио-

график асари алоҳида диққатга сазовордир. Буюк ўзбек шоири Алишер Навоийнинг замондоши, йирик давлат арбоби Бобур кўп ўлкаларни босиб олиб, ўз бошидан кечирган саргузаштларини ёзиб қолдирган. Унинг «Бобурнома» номли асарида Ўрта Осиёга оид айрим муҳим тарихий-этнографик маълумотлар ҳам келтирилган. Муаллиф Мовароуннахрда ва қўшни мамлакатларда яшаган элටларнинг этник таркиби ва тарихи, урф-одат ва маросимлари, маданияти ва машшати тўғрисида хабар беради. Бобур маълумотларининг аниқлигини Хондамир, Маҳмуд Ҳайдар, Муҳаммад Солих, Биноий каби таникли тарихчилар ҳам тасдиқлади. Унинг Андижон, Фарғона, Самарқанд, Бухоро, Қосон, Марғилон тўғрисидаги таърифи муҳим этнографик аҳамиятга эга. Айниқса унинг ёшлик даври билан боғлиқ Туркистон таас-суротлари ҳаяжонли. Бобур ўз ўлкасининг географияси ва этнографиясини яхши билганлигидан Фарғона ва Самарқандни моҳирлик билан тасвирлаган.

Бобурнинг тўнрич қизи Гулбаданбегим отасининг ил-мий меросини давом эттириб, ўзининг истеъдоди, билим-донлиги ва идроклилиги туфайли «Ҳумоюннома» номли тарихий-биографик асаринн яратган. Тадқиқотчилар фикрича, мазкур асарни «Бобурнома»нинг давоми деса бўлади. Унда 140 та жойнинг номи зикр этилган, Тошкент ва Андижондан то Қошғар ва Ҳинд океани бўйларигача қандай шаҳарлар, вилоятлар борлиги айтилган.

XVI аср бошларидан яратилган қўмматли тарихий-этнографик асарлардан бири маҳаллий аҳолининг ҳўжалик фаолиятига оид «Дехқончилик илмида экин экиш қўлланмаси» ҳам диққатга сазовордир. Бу ажойиб рисолада тупроқ ва унинг хоссалари билан бирга донли экинлар, токчилик, гулчилик, сабзавот, дараҳт ўтқазиш усуллари, асаларичилик, сув тақсимлаш каби агротехника масалалари батафсил ёритилган.

Уша аср охирларида яшаб ижод этган атоқли шоир, тарихчи ва ўлкашунос Ҳофизи Таниш Бухорий ёзиб қолдирган машҳур «Абдулланома» («Шарафномаи шоҳий») да бошқа асарларда учрамайдиган турли тарихий-этнографик материаллар келтирилган. Муаллиф асарни ёзишда ўрта осиёлик олимлардан Наршахий, Ҳофизи Абрў, Муҳаммад Ҳайдар асарларига асосланган. Китобда «Мовароуннахрнинг қиёси ва у дилкушо мамлакат вилоятлари ва шаҳарларининг таърифи баёни» алоҳида берилган. Муаллифнинг ёзишича, Мовароуннахр-

даги «хоҳ шаҳар бўлсин, хоҳ қишлоқ бўлсин, хоҳ текислик, хоҳ ўтлоқ бўлсин ободонликда, унга тёнг (мамлакат) йўқ. Ҳавоси — ҳаволарнинг энг соғломи, суви — сувларнинг энг ширини ва энг енгили, суви — унинг барча тоғ атрофида баб-баравар ширинидир; тупроғи — тупроқларнинг энг хушрўйи. (Катта) шаҳарлари: Бухоро, Самарқанд, Хўжанд. Ҳалқи илмлик, жувонмард ва шиҷоатлидир».

XVI аср бошларида Ўрта Осиёга келган кўчманчи ўзбекларнинг этник таркибӣ, жойлашган ҳудуди, турмуши ва урф-одатлари ҳақида Маъсуд ибн Кўҳистонийнинг «Тарихи Абулхайрхоний», Қамолиддин Биноийнинг «Шайбонийнома» ва Абулхайр Файзулла Рузбеҳоннинг «Меҳмонномаи Бухоро» иомли асарларида қўмматли маълумотлар сақланган. Шубҳасиз, ислом маданияти ва фани, адабиёти ва шеъриятида катта ўрин олган Умар Ҳайём, Носир Ҳисравлардан кейин ярқираб чиққан буюк донишмандлардан Хўжа Исмоил Бухорий, ат-Термизий, Аҳмад Яссавий, туркий адабиёт сultonи Алишер Навоий кабилар ҳам этнографик лавҳалар мавжуд асарлар яратганлар. Ўрта Осиё ҳалқларининг этник тарихини ўрганишда Мунис, Огаҳий ва Баёний асарлари ҳам алоҳида ўрин эгаллайди. Бу даврга оид этнографик жиҳатдан ниҳоятда муҳим асар Хива хони, катта олим Абулғози яратган «Шажарайи турк» ҳозиргача ўз илмий аҳамиятини йўқотган эмас.

XVI—XVII асрларда Бухора, Хива ва Кўқон хонликлари пайдо бўлгандан кейин марказлашган Россия давлати билан мунтазам равишда савдо ва дипломатик муносабатлар ўрнатила бошлайди. XVI асрнинг иккинчи ярмида Ўрта Осиёдан Россияга саккиз марта элчилар юборилган бўлса, XVII асрда Хива хонлигидан 12 марта, Бухородан эса 13 марта элчилар жўнатилган. Бунга жавобан Россия давлати ҳам ўз элчиларини ўзбек хонликларига юборади ва уларга дипломатик вазифалардан ташқари, мазкур ўлқалар тўғрисида ҳар хил маълумотлар тўплаш ҳам топширилади. Рус элчиларининг тўплаган маълумотлари ҳозиргача илмий жиҳатдан ўз қимматини йўқотмади.

Бу соҳадаги ташаббусни дастлаб 1558 йилда Хитойдан Ўрта Осиё орқали савдо йўлини аниқлаш мақсадида Москвага келган Англия савдо компаниясининг вакили Антоний Женкинсон бошлаб берган эди. У Москва ҳукумати ёрдамида Астраханъ ва Қаспий денгизи орқа-

ли Манғишлоқ ярим оролига чиқиб, у ердан савдо карвони билан Хива ва Бухорога боради. Қишини ўша ерда ўтказиб, 1558 йилда Бухоро ва Хивадан қўшиб юборилган элчилар билан Москвага қайтиб келади. Женкинсон ўз мақсадига эришмаса-да, Россия ва ўзбек хонликлари ўртасида муентазам муносабатларнинг ўрнатилишига сабабчи бўлди ҳамда борган ўлкалари тўғрисида айрим маълумотлар тўплади.

Мазкур муносабатлар айниқса XVIII асрда кучайган эди. Буюк Пётр императорлик қилган даврдан бошлаб Россия иқтисодий жиҳатдан ривожланиб, хом ашё манбай ва саноат маҳсулоти сотадиган янги бозорларга муҳтож бўлиб қолади. Натижада қўшни мамлакатларга, шу жумладан Ўрта Осиёга ҳам ҳар хил дипломатик ва савдо вакиллари юборила бошлайди, махсус экспедициялар ташкил қилинади. Пётр I Ўрта Осиёни ўз таъсири остига олиш ва бу бой ўлка билан савдо муносабатларини кўчайтириш мақсадида иккита экспедиция тузади. Экспедициянинг биттасига князь Александр Бекович-Черкасскийни, иккинчисига Иван Бухгольцни бошлиқ қилиб тайинлайди. Бу экспедициялар мағлубиятга учраган бўлса-да. Пётр умрининг охиригача Ўрта Осиё хонликларининг ҳаёти ва шу ўлкага йўл очиш имконияти тўғрисидаги маълумотларга тўлиқ эга бўлиш мақсадидан воз кечмади. Унинг буйруғи билан 1718 йилда Қаспий денгизини текшириш учун янги экспедиция ташкил қилинади. Бу ва ундан олдинги экспедицияларнинг тўплаган материаллари асосида 1720 йили Қаспий денгизининг биринчи харитаси тузилган эди. Келаси йили Бухорога элчи бўлиб келган Флорио Беневени Хивага ҳам бориб, 1725 йилда Россияга қайтган ва бу мамлакатлар тўғрисида қимматли географик, тарихий ҳамда этнографик маълумотлар олиб келган.

Шуни ҳам қайд қилиш лозимки, ўша даврда ва ундан кейин ташкил қилинган экспедициялар ҳамда элчиларнинг бошлиғи қилиб қенг билимга эга, маданиятли кишилар тайинланган. Албатта, улар даставвал чор ҳокимиётининг сиёсий мақсадларини амалга оширишга, айниқса узоқдан кўрилган мустамлакачилик сиёсатига хизмат қилишга интилганлар. Аммо экспедиция аъзолари орасида илмга берилган айрим шахслар ўзларининг фаолиятида ҳарбий, дипломатик ва иқтисодий масалалар билан чекланибгина қолмай, борган мамлакат-

ларида яшовчи халқларнинг тарихи ва этнографияси билан ҳам қизиққанлар.

Кўхна Хоразм аҳолисининг XVIII аср ўрталаридағи турмуши тўғрисидаги қизиқарли этнографиқ маълумотларни 1740—1743 йилларда Дмитрий Гладишев ва Иван Муравин бошчилигидаги Орол денгизи ва Хива экспедицияси ҳамда 1753 йилда Самара савдогари Даниил Рукавкиннинг Хивага қилган саёҳати даврида тўплangan материалларни олиш мумкин. 1774 йили Оренбург чўлларида қозоқлар томонидан асир олинган унтер офицер Филипп Ефремов Бухорога олиб бориб сотилади. У анча вақт асирикда бўлиб, маҳаллий аҳоли ҳаётини бевосита кузатади ва аҳолининг тарихи, турмушини ўрганади. Ефремов асирикдан қочиб, 1782 йилда Кўқон, Марғилон, Қашқар, Ёркент, Тибет, Ҳиндистон ва Англия орқали Россияга қайтиб келади ва ўз кўрган-билгандарини ёзиб қолдиради. XVIII аср охиirlарида Хива хонлиги тўғрисидаги тарихий ва этнографик маълумотлар хоннинг таклифи билан Хоразмга келган кўз доктори майор Бланкеннағелнинг ёзиб қолдирган хотираларида ҳам мавжуд.

Ўзбек халқи этнографиясига оид илмий аҳамиятга эга материаллар тўплаш даври асли XIX асрдан бошланди. Бу даврда иқтисодий жиҳатдан анча кучайган Россия ўз саноати маҳсулоти учун янги бозор ва хом ашё манбанин ахтариб, шарққа — Урта Осиёга томон дадил қадамлар билан интила бошлайди ва ўз ҳудудини Сибирь томон кенгайтириб, Урта Осиё билан чегарадош бўлади. Чор ҳукумати ўзининг мустамлакачилик сиёсатини амалга ошириш учун Урта Осиё тўғрисида илмий жиҳатдан асосланган маълумотларга эга бўлиш мақсадида бу ерга маҳсус тайёрланган билимли кишиларни юборади. Кўпгина йирик экспедицияларнинг асосий базаси бўлган Оренбург шаҳри бу соҳада катта роль ўйнайди. Оренбургнинг илмий марказга айланишига унинг биринчи губернатори географ Н. К. Кириллов сабабчи бўлади. XIX асрнинг биринчи ярмида Н. Н. Муравьев, А. Ф. Негри, Н. В. Хаников, Г. И. Данилевский ва бошқалар ўтказган ишлар Урта Осиё халқлари, шу жумладан ўзбеклар этнографиясини ўрганишдаги муҳим илмий қадамлар эди.

1819—1820 йилларда Хива хонлигига саёҳат қилган капитан Муравьев ўз таассуротларини ёзиб асар қилиб чиқаради. Бу асарнинг баъзи бобларида бевосита ўз-

бекларнинг табиати, диний эътиқодлари, урф-одатлари, маърифати, кийим-кечаги, уй-рўзгорлари, уруғ-аймоғига оид соғ этнографик маълумотлар келтирилган. Уинг айтишича, Бухоро томондан келган ўзбеклар асосан тўрт тоифадан — қиёт-қўнғирот, уйғур-найман, қанғли-қипчоқ ва нўқис-манғитдан иборат. Ҳар битта тоифа мустақил ҳоким—иноҳга эга, аммо уларнинг энг каттаси қиёт-қўнғирот иноҳидир. Н. Муравьев берган маълумотларга қараганда, Ҳива ҳонлигидаги қозулавий ўзбеклар кўчманчи бўлганлар. Уларнинг кўпчилиги қора уйда яшаган, аммо бой уруғдошлари ўтроқ сартлар сингари катта паҳса уйларга эга бўлган.

1820 йили Бухорога жўнатилган А. Ф. Негри бошлигидаги дипломатик миссия қатнашчиларидан Э. А. Эверсмаң, Х. Пандер, П. Яковлев, Будрин, полковник Г. Мейендорфларнинг китоб ва хотиралари ниҳоятда бой тарихий-этнографик маълумотларга эга. Г. Мейендорфнинг турли тилларда нашр қилинган «Оренбургдан Бухорога саёҳат» номли китобида Бухоро ҳонлигининг географик ўрни, ижтимоий-иқтисодий аҳволи, давлат тузилиши, аҳолиси ва машғулотлари, қишлоқ хўжалиги, сугориш тизими, ҳунармандчилик, ички ва ташқи савдо, оила ва хотин-қизларнинг турмуши ҳақида қимматбаҳо маълумотлар келтирилган. Муаллиф ўзининг шахсий мушоҳадаси, кишилардан эшитган ва сўраб тўплаган материаллари билан чекланиб қолмай, ҳар хил тарихий манба ва адабиётлардан ҳам фойдаланган. Бу даврда Ўрта Осиё ҳалқлари тўғрисида тўплланган билимларни умумлаштирган дастлабки илмий асарлар ҳам пайдо бўлади. Булардан биринчиси 1832 йилда А. И. Левшин төмонидан нашр этилган «Описание киргиз-қазачых или киргиз-кайсацких орд и степей» номли китобидир.

Чет эл муаллифларидан бири, форс тилини яхши билган инглиз саёҳатчиси Александр Борнс Ост-Хинд компаниясининг махфий топшириғи билан 1831—1832 йилларда Бухорога келиб, муҳим сиёсий, иқтисодий, ҳарбий ва этнографик материалларни тўплайди. Борнс ёзib қолдирган саёҳатномада кўчманчи ўзбеклар ҳақида ниҳоятда қизиқарли этнографик маълумотлар мавжуд.

1840—1850 йиллар ичida Қозоғистон ва Ўрта Осиё ҳалқлари этнографиясини илмий жиҳатдан ўрганишда ака-ука Николай ва Яков Ханиковлар хизматини ало-

ҳида қайд қилиб ўтиш лозим. Яков Хаников ўзининг 1851 йилда нашр қилинган «Орол денгизи ва Хива хонлиги харитасига изоҳнома» номли асарида ва бошقا кўпгина мақолаларида географик маълумотлар билан бир қаторда мұхим этнографик маълумотларни ҳам келтирган. Унинг ишларига замондошлари П. П. Семёнов, И. В. Мушкетов сингари атоқли олимлар юксак баҳо берганлар.

Шарқшунос ва географ олим Николай Хаников, Оренбургда маҳсус топшириқлар чиновниги бўлиб ишлаган вақтида (1841—1842) мұхандис Бутенев миссияси билан Бухорода бўлади ва XIX аср ўрталарида Бухоро хонлигини мукаммал тасвирловчи асарлар яратади. В. В. Бартольднинг таърифича, Н. Ханиковнинг бу асари ундан кейин Бухоро хонлигига келиб, анча яхши шароитда ишлаган рус тадқиқотчиларининг яратган асарлари орасида ўзининг мукаммаллиги билан ажralиб туради. Чунки бу асарда хонликда яшовчи аҳолининг антропологик таркиби ҳамда иқтисодий аҳволига батағсил тавеинфнома берилган. Муаллиф иловада 92 та ўзбек уруғининг рўйхатини келтириб, улардан 28 таси Бухоро хонлигига яшаганлиги, уларнинг тураг жойлаши, кийим-кечаги, озиқ-овқати тўғрисида хабар беради. Асарда аҳолининг хўжалик фаолияти, маънавий ҳаёти ва урғ-одатлари, ижтимоий турмуши каби мұхим тарихий-этнографик маълумотлар кўп ўринни эгаллайди.

Н. В. Хаников асарида Бухоро элатининг хилма-хил эканлиги ва хонликнинг ўзоқ тарихи давомида маҳаллий аҳоли билан ҳар хил қабила ва халқларнинг аралашуви ҳақида фикр юритилади. У антропологик тузилиш ва уруғ-қабилавий номларга асосланиб, кўчманчи ўзбеклар ва қипчоқларнинг яқинлиги тўғрисида гапиради. Н. В. Ханиковнинг бошقا кўпгина ишларида ҳам қимматбаҳо этнографик маълумотлар учрайди.

Урта Осиё халқлари этнографиясини ўрганишда Оренбург шаҳрининг роли катта. Бу ерда бир қанча машҳур шарқшунос олимларнинг ишлаганлиги, шунингдек шаҳарнинг 30—50-йилларда сиёсий маҳбуслар сургун қилинадиган жойга айланиши натижасида илфорғоядаги зиёлиларнинг тўпланиши бу жойдаги илм-фанга маълум даражада таъсир қилди. Уша йилларда атоқли шарқшунос олим В. В. Григорьев ҳам Оренбургда яшаган ва бир қанча асарлар яратган. У Россияда биринчи бўлиб Шарқ халқлари тарихи курсини ўқита

бошлайди. Унинг 20 дан ортиқ илмий ишлари орасида Ўрта Осиё халқларига, жумладан уруғ-қабила тартибларини сақлаб қолган ўзбекларга тегишли асарлар ҳам мавжуд.

1858 йилда полковник Н. П. Игнатьев бошчилигида Хива ва Бухорога юборилган йирик дипломатик миссия ҳам анча самарали ишлар олиб борган эди. Миссия қатнашчиларидан Н. Г. Залесов, М. Н. Галкин, Е. Я. Кильевейн, А. И. Бутаков, П. И. Лерхларнинг ёзиб қолдирган саёҳатнома ва мақолаларида қимматбаҳо этнографик материаллар келтирилди. Улар ичида М. Н. Галкиннинг «Этнографические и исторические материалы по Средней Азии и Оренбургскому краю» (СП б, 1868 й.) номли асари, Н. Г. Залесовнинг «Военный сборник» (1858, IV, V, 1860, XII ва ҳ. к.) да нашр қилинган хатлари ва Е. Я. Кильевейннинг «Этнографический сборник» (вып. V, 1862) да босилиб чиқсан Хива ҳонлиги тўғрисидаги катта мақоласи диққатга сазовордир.

Турк тилларини яхши эгаллаган таникли венгр шарқшунос олимни Арминий Вамбери 1863 йили дарвеш либосини кийиб, савдо карвони билан Хива, Бухоро, Самарқанд ва бошқа Ўрта Шарқ шаҳарларига саёҳат қиласи. Бу сайёҳ олимнинг Ўрта Осиё ҳақида ёзган асарларида маҳаллий аҳоли, шу жумладан ўзбек халқи этнографиясига оид қизиқарли маълумотлар келтирилган. У ўзбек уруғлари ҳақида гапириб, биринчи бўлиб «ўзбек» сўзининг келиб чиқиши тўғрисида мұлоҳаза юритади. А. Вамбери 32 та ўзбек қабилаларининг рўйхатини беради ва уларнинг кийим-кечаги, таоми, ўйин ва мусиқа асбоблари, урғ-одатлари ва диний маросимлари тўғрисида ҳикоя қиласи. Баъзан айrim бўрттириш ва хатоларга йўл қўйган бу муаллиф кўп шарқшунос олимлар, шу жумладан В. В. Бартольд томонидан анча танқид қилинган.

XVII—XVIII аср охирларигача бўлган давр ичида маҳаллий муаллифлар томонидан яратилган тарихий асарларда ҳам баъзи муҳим этнографик лавҳалар келтирилган. Юқорида тилга олинган истеъдодли тарихчи, шоир ва мусиқашунос Ҳофизи Таниш Бухорийнинг «Абдулланома», Абулғози ибн Араб Мұхаммадхон Хоразмийнинг бир неча бор чет тилларга таржима қилинган «Шажарайи тарокима», машҳур ўзбек тарихчилари Шермуҳаммад Ризо Оғаҳий ва Мұхаммад Юсуф Баёнйларнинг асарларида тарихий-этнографик маълумот-

лар борлиги мұхим ақамиятга эга. Маҳмуд ибн Амир Валининг тадқиқий изланишлари «Баҳр ал-асрор» номли китобида ўз ифодасини топған. Үнда Үрта Осиё ва Афғонистоннинг табиий-иктисодий географиясига, топонимия ва этнографиясига тегишли аниқ маълумотлар келтирилган. Сайд Мұхаммад Тоҳирнинг 1645—1650 йилларда ёзилган «Ажойиб ат-табақат» номли асарида Үрта Осиё ва Хурсон ақолисининг этнографияси ва этнотопонимиясига оид маълумотлар мавжуд.

Географиқ жиҳатдан яқин, табиий ва иқтисодий жиҳатдан бой, стратегик жиҳатдан қулай ва сиёсий жиҳатдан мұхим ақамиятга эга бўлган Үрта Осиё ерлари рус буржуазияси ва йирик ер эгалари манфаатини кўзда тутган чоризм ҳукуматининг диққатини ўзига жалб қиласди. Россия билан Үрта Осиё ўртасидаги кўп асрлик савдо ва дипломатик муносабатлар, Сибирь линияси ва Оренбург губернисининг ташкил топиши бу икки ўлкани иқтисодий жиҳатдан бир-бирига яқинлаштириб, босқинчилик сиёсатига ўтган чор ҳукуматининг талончилик ниятларини амалга оширишга шарт-шароит яратган эди. Натижада ўтган асрнинг 60—80- йилларида чоризм Бухоро ва Хива хонликларининг анча қисмини, Кўқон хонлигини тўлиқ босиб олиб, Россия империясига қўшиб олади.

Ўзбекларни илмий-этнографик жиҳатдан ўрганиш ҳам аслида мана шу даврдан бошланади. Ўша пайтгача жаҳон фани ўзбекларни фақат сайёҳ ва элчиларнинг (айрим тасодифан келиб-кетган илмий шахсларни эътиборга олмагандан) мукаммал бўлмаган маълумотлари орқалигина билар эди. Айрим саёҳатчиларнинг тўплаган этнографик маълумотлари эса ноаниқ бўлиб, қўпгина фактлар бузиб кўрсатилган. Чоризм ҳукумати ва унга хизмат қилаётган рус фани ўлкани тўла бўйсундириш ниятида ўзбек ва бошқа Үрта Осиё халқларининг тарихи ва этнографиясини ўрганишга мұхтож бўлиб қолди. Бу ҳолат бутун Үрта Осиё ҳудудида ҳар томонлама илмий-тадқиқий ишларни ўtkазишга йўл очиб берди.

Үрта Осиёдаги халқлар тарихи ва этнографиясини ўрганишда иккى оқим мавжуд эди. Улардан бири улуғ давлатчилик интилишларига асосланган буржуа-дворян маданияти манфаатларига, иккинчиси эса демократик маданият манфаатларига хизмат қиласар эди. Биринчи оқимга катта амалдорлар, генераллар, юқори мартабали шахслар ва чоризмнинг мустамлакачилик сиёсатини

ифода этувчи бошқа кишилар, иккинчи оқимга эса ил-гор тафаккур эгалари — ўқитувчилар, докторлар, мұхандислар, агрономлар, оддий амалдор ва хизматчилар кирав эди.

Ўзбек халқи этнографиясини ўрганиш билан шуғулланган Н. П. Остроумов, Н. С. Ликошин сингари тадқиқотчилар ўз асарларида чоризмнинг мустамлакачилик сиёсатини тарғиб қилдилар. Айниқса, юқори маъмурий мансабларда турган Н. П. Остроумов мустамлакачилик сиёсатини очиқдан-очиқ ҳимоя қилиб келди. Унинг ўтроқ ўзбеклар ҳақидаги асосий этнографик асари ҳам худди шу мақсадга — маҳаллий аҳолини руслаштиришга қаратилган эди. «Живая старина» журналининг 1910 йилдаги сонларидан бирида бу асарга берилган баҳо жуда характерлидир. Унда «Этнографик жиҳатдан асарнинг асосий қисмига текшириш объекти қилиб халқ оммаси эмас, балки рұхоний ва савдогарлар олинган, муаллиф ўз асарида тавсиф этган масалаларни этнограф сифатида эмас, балки давлат арбоби сифатида ёритган», — дейилади.

Бироқ, шуни ҳам қайд қилиб ўтиш керакки, бу тоифадаги тадқиқотчиларнинг асарларида маҳаллий аҳолининг турмushi, маданий ҳаётiga доир фактларга асосланган бир қанча диққаттағы сазовор материаллар ҳам мавжуддир. Октябрь тұнтарышидан илгариги күпчилик тадқиқотчиларнинг асарлари рус фанига беғараз хизмат қилиш руҳи билан сугорилған эди. Улардан баъзилари кейинчалик совет даврида күзға күринган йирик олимлар бўлиб танилдилар (А. А. Семёнов, Н. Ч. Малицкий, М. С. Андреев ва бошқалар).

Үрта Осиёning босиб олиниши арафасида Оренбургдан чоризм ҳукумати ҳарбий округ қўшинлари қўмон-донлиги ихтиёрига «Туркистон ва қўшни Үрта Осиё хонликлари тўғрисида ҳамма зарур илмий ва бошқа маълумотларни тўплаш» мақсадида истеъоддли кишилар жўнатилади. Бу масала билан шуғулланиш учун ҳарбий ва ички ишлар вазирликлари қошида Үрта Осиёни ўрганиш ва бошқариш учун қонунлар тузиш мақсадида маҳсус комиссия ташкил қилинганди. Мазкур комиссиянинг 1865—1866 йилларда Туркистон генерал-губернатори қарамоғига ишга жўнатилган вакили, шарқшunos П. И. Пашино саёҳатномасида Үрта Осиё халқлари этнографиясига оид баъзи маълумотлар келтирилган.

Үрта Осиёни босиб олиш давридаги ўн йиллик ичида

ўлкани ўрганиш хусусиятларидан бири ҳар хил мута-хасиссларни ўз ичига олган комплекс экспедицияларни ташкил қилишдан иборат эди. Бунга 1873 йилда Хива юришлари муносабати билан ўtkазилган экспедициялар мисол бўла олади. Илмий ишлар ўтказиш учун тузилган маҳсус дастур экспедициялар олдига қўйилган ва-зифаларнинг нақадар муҳим эканлигини кўрсатади. Бу ҳужжатни тузишда Гельмерсон, Штубендорф, Майков, Ленц, Рыкачев, Венюков, Васильев, Григорьев ва Лерх каби тадқиқотчилар қатнашгандар. Дастур жамиятнинг умумий мажлисида тасдиқланган ва нашр қилиниб, Хива юришлари қатнашчилари орасида кенг тарқалган. У олти бўлимдан иборат бўлиб, дастлабки бўлимларидаги хонликнинг тузилиши ва тарихий-географик тадқиқотларга оид саволлар келтирилган. Дастурнинг тўртинчи бўлимида «ушбу хонликларда туғилган Мир Алишер Навоий, Абу Райхон Муҳаммад ибн Аҳмад ал-Беруний» (улар асарларининг рўйхати ҳам келтирилган) қўлёзмалари, тангалар ва алоҳида расмий ҳужжатларни тўплаш лозимлиги тайинланган. «Этнография соҳасидаги мушоҳадалар» номли бўлимда Хива хонлигидаги яшовчи халқларнинг уйлари, уй жиҳозлари ва кийимлари, антропологик тузилиши, қабилаларнинг сони ҳамда турар жойлари, ҳар хил афсоналарга оид саволлар қўйилган. Сўнгги бўлимга кирган «Хива хонлиги аҳолисининг иқтисодий ва маданий аҳволи тўғрисидаги мушоҳадалар» ҳам этнографик ва тарихий жиҳатдан ниҳоятда муҳим аҳамиятга эга. Мазкур бўлимда «бир неча оиласи ҳўжаликларнинг (бой, ўрта, камбағал) иқтисодий ҳисоби ва даромад манбаи» каби саволларнинг келтирилиши дастурнинг ўша даврда тарқалган халқчиллик назарияси таъсиридан узоқ бўлганлигини кўрсатиб, унинг илмий аҳамиятини оширади. Дастур охирида кўрсатилган саволлар юзасидан маълумот тўплаш билан бир қаторда расм олиш ва режалар тузиш лозимлиги ҳам қайд қилинган.

Ўрта Осиё юришлари даврида В. В. Радлов, А. П. Федченко, А. Л. Кун, М. А. Миддендорф каби тадқиқотчилар самарали меҳнат қилдилар. Атоқли лингвист ва фольклорист Василий Васильевич Радлов Ўрта Осиё халқларининг тили ва этнографияси ҳақида анча қимматбаҳо материаллар тўплаган эди. У 1868 йилда Зарафшон водийси бўйлаб саёҳат қилиб, ўзининг шахсий кузатишлари ва қисман маҳаллий аҳолининг ҳикоя

қилиб берган маълумотлари асосида Ўрта Зарафшон водийсига доир қизиқ-қизиқ очерклар ёзди. Бу асарларда ўзбек, тожик, қорақалпоқ, туркман ва бошқа халқлар тўғрисида тарихий ва этнографик маълумотлар берилган. Очеркларда сунъий суҳоришин уюштириш масалаларига алоҳида эътибор берилади. Муаллиф шаҳар ва қишлоқларнинг номлари, аҳолининг типлари, кийим ва таомлари, хотин-қизларнинг аҳволини, ички ҳаётни, рақсларни ҳамда ўзбекларнинг уруғ тоифаларини тасвирлайди.

Иирик тадқиқотчилардан Алексей Павлович Федченко ҳам ўзбек этнографиясини анча бойитди. У Москва университетида ўқнб юрган давридаёқ илмий тўгракларда фаол иштирок этиб, табиатшунослик, антропология ва этнография ҳаваскорлари жамиятининг котиби бўлиб ишлайди. Университетни тугатгач, иккى йил (1864—1866) давомида ўша ерда табиатшуносликдан дарс беради. Ўз билимини ошириш мақсадида чет элларга саёҳат қиласди. А. П. Федченконинг сафарларида рафиқаси, истеъоддли тадқиқотчи ва рассом Ольга Александровна Федченко доимий йўлдоши эди. Алексей Павлович ва Ольга Александровна Федченколар 1868—1872 йиллар ичida Туркистон ўлкаси бўйлаб саёҳат қилиб, Зарафшон водийси ва Қўқон хонлигига ҳам муҳим илмий кузатишлар ўтказдилар. Бу сафарлар натижасида тўплланган ниҳоятда бой ва ранг-баранг маълумотлар уларнинг асарларида ўз аксини топди ва мужассамлашди.

Зарафшон экспедицияси вақтида кенг тадқиқотлар ўтказилиб, ҳар хил этнографик коллекциялар, ҳунармандчилик маҳсулотлари ва асбоблари тўплланган, ажойиб расмлар альбоми тузилган (О. А. Федченко ишлари асосида) ва тожик ҳамда ўзбек халқларининг туар жойи тўғрисида дастлабки маълумотлар берилган эди. Қўқон хонлиги тўғрисидаги мукаммал география, тарих, этнография ва иқтисодиётга оид маълумотлар А. П. Федченконинг саёҳатномаларида ва унинг маҳсус «Қўқон хонлигига» деган асарида мавжуд. Қўқон экспедицияси даврида О. А. Федченко ҳар хил расмлар чизиб, эрининг нашр қилинган асарларини безаган.

Ўрта Осиё халқлари, шу жумладан ўзбекларни этнографик жиҳатдан ўрганиш йўлида 1872 йилда Москва-да очилган политехника кўргазмасига қўйнлган Ўрта Осиёлик халқларнинг кийим-кечаклари, ҳунармандчи-

лик маҳсулотлари ва асбоблари зўр қизиқиш туғдирди. Буюк танқидчи В. В. Стасов кўргазманинг Туркистон бўлимига юксак баҳо бериб, унда кўрсатилган предметлар — гилам, кумуш безаклар, жуда кўп металл ва соподдан ясалган буюмлар, газлама, қурол-аслача ва сон-саноқсиз майший буюмлар «ўзининг ранг-баранглиги билан кишига бадиий лаззат баҳш этади», деб ёзган эди. Ўша бўлимда кўрсатилган коллекцияларнинг таърифи нашр қилинган махсус каталогда берилган. Кўргазма муносабати билан тайёрланган Туркистон фото альбоми айниқса зўр аҳамиятга эгадир. 1200 дан ортиқ расмни ўз ичига олган бу алъбом фан жамоатчилиги томонидан юксак баҳоланди. Альбомнинг асосий ғояси Туркистон ва ундаги ҳаётни тарих, антропология, этнография ва санъат жиҳатдан тасвирлаб беришдан иборат эди. Альбом фақат бир неча нусхадангина тузиленган бўлиб, унинг бир нусхаси ҳозир Навоий номли ўзбек Давлат кутубхонасида сақланмоқда ва XIX асрдаги Ўрта Осиё халқларининг тарихи ва этнографиясини ўрганишда ноёб манба бўлиб хизмат қилмоқда. Бу альбомнинг ҳунармандчиликка бағищланган қисмига қўшимча ҳисобланган М. И. Бродовскийнинг «Туркистон ўлкасида техника ишлаб чиқиши» (СПб, 1875) номли асарида ўзбекларнинг хўжалик фаолиятига доир қимматли маълумотлар келтирилган.

Кўргазмага мўлжаллаб нашр қилинган «Русский Туркестан» номли тўпламда ўзбекларга тегишли қизиқарли мақолалар бор. Айниқса, А. Д. Гребенкиннинг этнографик очерки алоҳида ажралиб туради. Муаллиф очеркда ўз кузатишлари асосида тўпланган материалларга таяниб, Зарафшон воҳасида яшовчи бир қанча ўзбек қабилаларининг (минг, найман, манғит, тўёкли, жалоир, қирқ, юз ва ҳ. к.) келиб чиқиши ва тузилиши, тили ва антропологик тавсифномаси, хўжалик фаолияти ва турмуш йўсими ҳамда бошқа этнографик томонлари ни таърифлаб берган.

Тўпламнинг кўп қисмини Ўрта Осиё ҳунармандчилигига оид материаллар эгаллаган. Чунончи, А. Кушакевичнинг кулолчилик, И. Краузенинг бўёқчилик, ёғ ва вино ишлаб чиқариш, Парамоновнинг кўнчилик ва дегрезлик ҳақидаги мақолалари маҳаллий аҳолининг хўжалик тарихини ўрганишда диққатга арзидиган манба бўла олади.

Мазкур тўпламда иштирок қилган ва кейинчалик

бир қанча илмий ишлар яратган А. Н. Хорошхин ҳам ўзбек этнографиясига ўз ҳиссасини қўшиди. Нижнегородский линиясида ёшлиқ даврини ўтказиб, қозоқ ва қалмиқ тилларини тўлиқ эгаллаган А. Н. Хорошхин офицер сифатида Бухоро (1868 йил) ва Хива (1873 йил) юришларида иштирок қиласди. У ўз асарларини шахсий таассуротлари, маҳаллий аҳоли турмушини бевосита кузатиши ва ерли кишилардан олган маълумотлари асосида ёзган. Унинг «Зарафшон водийси» номли иши ва бир қанча тарихий-этнографик этюдларида ўзбек қабиля ва ургу-аимоқларига тегишли ҳар хил этнографик материаллар мавжуд.

Кўргазма муносабати билан тайёрланган фото-альбомни истеъододли шарқшунос ва этнограф А. Л. Кун тузган эди. У бундан ташқари бир қанча муҳим этнографик асарлар ҳам яратган. В. В. Стасов бу тадқиқотчи ҳақида гапириб, «фанга ва бадиий билимларга жуда муҳим ҳисса қўшиди», деган эди. А. Л. Кун 1865 йилда Петербург университетини шарқ тиллари номзоди унвони билан тугатиб, 1868 йили машҳур шарқшунос В. В. Григорьевнинг тавсияси билан этнографик ва статистик тадқиқотлар ўтказиш, Россия илмий жамиятлари учун материал ва коллекциялар тўплаш мақсадидаги Туркистон генерал-губернаторининг ихтиёрига жўнатилди. У 1870 йилда Искандаркўл экспедицияси ҳамда Хива ва Қўқон юришларида иштирок қиласди. Қўқон юришларидан кейин А. Л. Кун Туркистон ўлкасидаги мактаблар бўйича бош инспектор этиб тайинланади ва бу мансабда 1882 йилгача ишлайди. У кўп ерларга саёҳат қилди ва ўз зими масига юкланди асоеий-вазифани бажариш билан бирга маҳаллий аҳоли ҳақида, айниқса Хива хонлиги аҳолиси ҳақида ҳар хил этнографик маълумотлар тўплайди. А. Л. Кун ёзиб қолдирган илмий мақолалар ҳозиргача ўз қийматини йўқотмади. Унинг хонликлардан тўплаган давлат ҳужжатлари ва ноёб кўллётмалари вақфлар ва мусулмон схоластикаси таълимига бағишлиланган, Ўрта Осиё тарихий ёдгорликлари га оид ва бошқа мақолалари ўзбек халқи этнографияси ва тарихини ўрганиш учун муҳим манба ҳисобланади. Узининг самарали меҳнати учун А. Л. Кун Шарқ тиллари институтининг мухбир аъзоси қилиб сайланган эди.

Хива юришлари қатнашчиси, полковник А. В. Каульбарс асарида хонликда яшовчи ўзбек ва бошқа халқ-

ларнинг турмуши, хўжалик фаолияти, диний эътиқодлари тўғрисида этнографик маълумотлар мавжуд. 1874 йилда Рус география жамияти томонидан ўтказилган Амударё экспедициясининг этнография ва статистика бўлимида иштирок қилган полковник Л. Н. Соболевнинг кўп мақолаларида, рассом Н. Н. Каразиннинг расм ва очеркларида ҳам этнографик маълумотлар бор.

Уша йили Бухоро хонлигига Н. Маев бошчилигида ўтказилган экспедиция ҳам маълум ютуқларга эришди. Унинг Бухоро хонлигига қилган саёҳати натижасида ёзган асари ва бошқа кўпгина мақолаларида муҳим этнографик маълумотлар бор. Н. А. Маевнинг 1875 ва 1878 йилларда ўтказилган Ҳисор экспедицияси натижасида ёзилган бир қанча очеркларида Сурхон водийси ва Шерробод беклигига яшовчи ўзбекларнинг қўнғирот, марка, кичи, юз, лоқай, дурман, қатағон каби уруғ-аймоқ ва қабилалари тўғрисида, маҳаллий аҳолининг географик жойланиши, хўжалик турмушига оид бир қанча маълумотлар мавжуд.

Академик Миддендорф ўзининг Шимолий ва Шарқий Сибирга қилган сафаридан кейин 1877 йили Фарғона водийсига қишлоқ хўжалиги ва иқтисодиётини ўрганиш мақсадида илмий сафарга келади. Унинг ўз замондошлари томонидан юксак баҳога мұяссар бўлган «Фарғона водийси тўғрисидаги очерклари»да бу бой ўлка фақат географик ва иқтисодий томондан таърифланибина қолмай, маҳаллий Фарғона аҳолисининг антропология ва этнографиясига оид муҳим маълумотлар ҳам келтирилган. У ўзининг рус географик адабиётининг чин безати бўлган бу ажойиб очеркларида, машхур саёҳатчи П. П. Семёнов-Тяншанский таърифи билан айтганда, ўзбек, тоҷик ва қирғизларнинг анча мукаммал этнографик тавсифномасини беради.

Ўзининг бутун онгли ҳаётини Ўрта Осиёда кечирган машҳур этнограф ва фольклорист бошқирд А. А. Диваев Оренбургдаги Неплюевский кадет корпусини таомомлагач, 1876 йилдан бошлаб Тошкентдаги ҳарбий бошқармада ишлади ва кейинчалик ўлкани ўрганиш соҳасида кўп билимлардан хабардор бўлган атоқли олим бўлиб етишди. А. А. Диваев маҳаллий халқ тилларини жуда яхши билганидан Ўрта Осиёдаги барча халқларнинг этнографияси, фольклори ва лингвистикасига доир жуда кўп ва баён этилиши жиҳатидан хилмажил бўлган асарлар яратди.

1879 йили Самара экспедицияси таркибида рассом ва археолог сифатида иштирок қилган Н. Е. Симаков ниҳоятда қизиқарли материаллар тўйлаган эди. Бу материаллар унинг «Ўрта Осиёning санъати» номли альбомида ўз аксини топди. Мазкур асар, В. В. Стасов ибораси билан айтганда, «Қадимги Ўрта Осиё санъатининг форс, араб, византия ва бошқа санъатларга қандай таъсир қилганлиги ҳақидаги» масалани ҳал қилишда дастлабки қадам эди.

Айрим этнографик лавҳаларни 1873 ва 1900 (иккинчи нашри) йилларда нашрдан чиққан Россиянинг Қашқардаги собиқ консули, замондошларининг таърифича, «Ўрта Осиёни яхши биладиган» Н. Ф. Петровскийнинг пиллачилик тўғрисидаги китобида ҳам учратиш мумкин. XIX аср охирлари ва XX аср бошларида Бухоро амирлигига борган ҳарбий чиновниклардан М. А. Барыгин, Н. Маев, А. Сиесарев ва бошқаларнинг асарларида ўзбекларнинг туар жойлари, қишлоқ ва уйлари, хўжалиги тўғрисида баъзи маълумотлар келтирилган.

В. П. Наливкин маҳаллий аҳолининг этнографиясини ўрганувчи олимлар орасида кўзга кўринарли ўринни эгаллади. В. В. Бартольднинг таърифича, В. П. Наливкин «Руслар орасида сартларнинг тили, турмушини энг яхши билган олимдир». У рафиқаси билан биргалиқда 1896 йили Қозон шаҳрида «Фарғонадаги ўтроқ маҳаллий аҳоли хотин-қизларининг турмушки ҳақида очерк» деган ажойиб этнографик асар нашр этди. В. П. Наливкин маҳаллий тилларни ўрганишга доир бир қанча дарслклар ва баъзи бир этнографик маълумотлар келтирилган «Кўқон хонлигининг қисқача тарихи» китобининг муаллифидир. Бу китоб кейинчалик француз тилига таржима қилинди.

Толмас саёҳатчи М. С. Андреев Ўрта Осиёning энг йирик этнограф олимларидан бири. У ўқитувчилар семинариясини тамомлагач, Тошкентдаги йирик мадрасалардан бирида ҳам таълим олади. Андреев мадрасасага ўзбек миллий кийимида қатнайди. Шундай қилиб, у барча маҳаллий тилларни ўрганиб олади. М. С. Андреев ўзбек, тоҷик ва Ўрта Осиёдаги бошқа халқларнинг этнографияси ва тили ҳақида бир қатор қимматли илмий асарлар нашр этди. У Россия география жамиятининг топшириғига мувофиқ, 1915—1916 йилларда Туркистоннинг этнографик харитаси устида ишлайди. Шу

муносабат билан бир неча марта ўлка бўйлаб саёҳат қиласи ва илмий ишининг хулосаларини хилма-хил мақолаларида ёритиб боради.

Этнографик материалларни кенг оммага етказиш ва уларни сақлаб қолишида илмий журналлар, статистик комитетларнинг тўпламлари ҳамда «Туркестанские ведомости» газетасининг хизматларини алоҳида қайд қилиб ўтиш лозим. Мазкур даврий нашрларда А. Л. Кун, А. А. Диваев, А. П. Остроумов, Н. С. Лицошин, Н. Габбин, А. Н. Кушакевич, В. К. Развадовский, А. А. Семёнов, Н. А. Кирпичников, А. Д. Калмиков, Ф. Поспелов ва бошқаларнинг асарлари тез-тез босилиб турган.

Урта Осиё ҳалқлари, шу жумладан, ўзбекларнинг тарих ва этнографиясини ўрганишда XIX асрда атоқли рус олимларининг ташаббуси билан ташкил топган илмий жамиятларнинг роли ниҳоятда каттадир. Улар фақат илмий муаммоларни ҳал қилибгина қолмай, балки чоризмнинг мустамлакачилик сиёсатини амалга оширишга ҳам ўз ҳиссасини қўшганлар. Илмий жамиятлар рўйхатининг ўзиёқ — Рус география жамиятининг Туркистон бўлими, Тиббиёт антропология ва этнография ҳаваскорлари жамиятининг Туркистон бўлими, Туркистон археология ҳаваскорлари тўғараги, Туркистон қишлоқ хўжалик жамияти, Хомутов тўғараги, Урта Осиё олимлар жамияти, Рус техника жамиятининг Туркистон бўлими, Шарқшунослик жамиятининг Тошкент бўлими, Туркистон табиатшунослари ва врачлари жамияти, Туркистон тиббиёт жамияти ҳамда Фарғона ва Самарқанд врачлари жамиятлари — бу муассасалар кўла мининг нақадар кенг эканлигини кўрсатиб турибди.

Туркистон зиёлиларининг энг яхши вакилларини ўз сафларида жипелаштирган бу жамиятларнинг аъзолари (улар ичида этнографлар ва шарқшунослар кўп эди) яратган асарлар кўпинча Россиянинг илфор олимлари томонидан юксак баҳо олган. Жамият аъзоларининг русча-ўзбекча лугатлар тузиш, мактаблар учун маҳаллий тилларда ўқув қўлланмалари тайёрлаш, ўзбек, тоҷик ва қозоқлар томонидан рус тилини ва рус кишилари томонидан маҳаллий тилларни ўрганиш учун кечки курслар ташкил этиш, Тошкентда кутубхона ва Шарқ институти очилишига эришиш ва бошқа масалалардаги дастлабки уринишлари жамиятларнинг ғоят прогрессив фаолиятидан далолат беради.

Уша даврдаги вазият илмий жамиятлар ва айрим тадқиқотчиларнинг фаолияти учун жуда ҳам ноқулай эди. Россиядаги ижтимоий-сиёсий тузум ўзбеклар ва Урта Осиёдаги бошқа халқлар тарихи ва этнографиясини мунтазам ва чуқур ўрганишни тўғри уюштиришга имкон бермас эди. Ўлар асосан ўз ихтиёридаги жуда оз ва тасодифий йўл билан тўпланган маблағлар билан гина иш олиб борар эдилар. Чунки чор маъмурлари, ҳатто илмий ташкилотлар ишини ҳам мустамлакачилик идора усулининг тор доирадаги манфаатлари билан чегаралаб қўйган эди. Масалан, Шарқшунослик жамияти Тошкент бўлими номига Туркистон ҳарбий округи қўмондони ёрдамчисининг ёзган мактубида: «Жамият Шарқни Шарқ учун ва фан учун эмас, балки халқларни Россияга қўшиш — руслаштириш учун ўрганиши керак»,— деб қайд қилинган эди. Шунинг учун ҳам илмий жамиятларнинг бир қанчаси Туркистон мустамлака маъмурияти томонидан қўйилган вазифаларни бажаришга мажбур эди.

Шарқшунослик жамияти Туркистон бўлимида Урта Осиё халқлари ўтмиши ва ўша даврдаги турмушини илмий жиҳатдан ўрганиш иши ҳам кўнинча рус буржуазиясининг мустамлакачилик манфаатига бўйсундирилган. Жамият ўлка учун олий шарқшунослик таълимни зарурлиги тўғрисидаги масалани кўтариб чиққанда генерал-губернаторнинг оғир қўли унинг ишини бўғиб қўйди.

Шундай қилиб, XIX асрнинг иккинчи ярми — XX асрнинг бошларида ўзбекларни ва Урта Осиёнинг бошқа халқларини этнографик жиҳатдан ўрганишда фанга анча ҳисса қўшилган эди. Мустамлакачилик сиёсатига амал қилиб келган буржуа фанининг тор доирадаги таълимоти ва чекланган имкониятларига қарамай, ўша даврдаёқ Туркистон ўлкасидаги элатларнинг тарихи ва этнографиясига оид бой маълумотлар ва материаллар кейинги тадқиқотлар учун муҳим бир замин бўлган эди.

1917 йилдан кейин тадқиқотчилар, шу жумладан этнографлар орасида табақаланиш бошланди, яъни айримлар янги тузум тарафдори бўлса, бошқалар советларга қарши томонга ўтиб кетдилар. Аммо илгор рус ва чет эл олимларининг фанга фидойи қисми изланишларини давом қилдириб, ёш этнографларни етишиширишда ўз ҳиссасини қўшдилар. Масалан, этнограф ва шарқшунослардан Н. Г. Маллицкий, М. С. Андреев, А. А. Се-

мёнов, А. А. Диваев кабилар 1920 йилда Туркистонда биринчи ташкил топган Ўрта Осиё Давлат университетида қолиб, ўз илмий ишларини давом эттирган эдилар.

Туркистон университетида ўзбек этнографияси бўйича маҳсус курс киритилиб, этнография фанининг оташин ташвиқотчиси Н. С. Ликошин тузган бу курс дастури диққатга сазовордир. Ўша йили ёк М. С. Андреев раҳбарлигига ташкил қилинган Шарқ институти ўқиш дастурида ҳам Ўрта Осиё халқлари этнографияси фаҳрли ўринни эгаллаган. Бундан ташқари, институт қошида илмий тўғараклар тузилиб, маҳаллий халқларнинг этнографияси ва фольклорини ўрганишга катта эътибор берилган.

Кейинчалик Ўрта Осиё Давлат Университетининг маҳсус факультетига айланган Шарқ институти ўқиш дастурида этнография предметига алоҳида эътибор берилганини туфайли уни тугатганлар ичидан йирик этнограф олимлар етишиб чиқди. Кейинги йилларда этнографик тадқиқотларнинг кенг кўламда амалга оширилиши кўп миллатли Ўрта Осиё ўлкаларида мураккаб миллий муаммоларни ечиш, янги жамият қуриш каби муҳим амалий вазифаларни ҳал қилиш зарурияти билан боқлиқ эди. Айниқса 1924 йили минтақада ўтказилган миллий бўлинишда тарихий-этнографик ишлар натижасида тўплланган материаллар қўйл келди. Ўша йилларда этнографик ҳариталар тузиш мақсадида тадқиқотлар ўтказилиб, Ўрта Осиёни районлаштириш мақсадида ёзилган тўпламлар ва этнографик ҳариталар катта аҳамиятга эга бўлди. Мазкур ишларда маҳаллий тилларни яхши биладиган таниқли географ, тарихчи, этнограф олимлардан М. С. Андреев, А. А. Диваев, В. Н. Кун, Н. П. Маллицкий, А. А. Семёнов, Е. Д. Поливанов, Л. В. Ошанинлар фаол қатнашдилар.

Шуни алоҳида қайд қилиш лозимки, этнографик тадқиқотларни ўтказишида ёш Туркистон республикасининг фан ва маориф ташкилотлари анча жонкуярлик кўрсатдилар. 1921 йилда маҳаллий ҳокимият томонидан йирик этнограф олимлардан ташкил топган «Туркистон туб аҳолисининг майший турмушини ўрганиш илмий комиссияси» ўзбек этнографияси ривожида муҳим бир босқич бўлди. Ўша вақтда иккита экспедиция ташкил қилинди: А. А. Диваев раҳбарлигидаги Сирдарё ва М. С. Андреев бошчилигидаги Самарқанд экспедициялари.

Улар маҳаллий этнослар ва этик гурӯҳлар (ўзбеклар, туркмандар, араблар, лўлилар) тӯғрисида бой этнографик маълумотларни тӯпладилар. Айниқса тадқиқий дастурга киритилган масалалардан аҳолининг жамоатчилиги анъаналари, диний эътиқодлари, урф-одат ва маросимлари, анъанавий хўжалиги ва маданий турмуши муҳим аҳамиятга эта бўлиб, шу дастур асосида ноёб этнографик материаллар анча йифилган эди.

Бу ишларда академик В. В. Бартольднинг роли ниҳоятда катта бўлди. Унинг ташаббуси билан Урта Осиё этнографик харитасини тузиш мақсадида жуда кенг ва ҳар хил манбалар жалб қилинди. У 1920 йилдаёқ «Туркестон этнографик харитасини Бухоро ва Хива республикаларини қўшиб тузиш зарур», деган ғояни кўтариб чиққан эди. Бу катта олим раҳбарлигига Фанлар Академияси қошида Россия ва қўшни мамлакатлар аҳолиси қабилавий тузилишини ўрганиш комиссияси самарали ишлар олиб борди.

Асримизнинг 20- йилларида ўзбек этногенези ва урф-қабилавий тузилиши, ижтимоий ва оилаславий турмуши, хўжалиги ва бошқа масалаларга бағишлиланган бир неча этнографик асарлар пайдо бўлган эди. Энг илк нашрлардан проф. Е. Д. Поливанов ва ёш этнограф Л. П. Потаповларнинг ишлари диққатга сазовордир. Г. Гольцер дехқончилик хўжалиги тӯғрисида китобча чиқарди, ҳунармандчилик ва унинг ташкилотларига бағишлиланган асарларни Ф. Гаврилов, М. С. Андреев, А. Н. Самойлович яратдилар. Бир гурӯҳ тадқиқотчилар (Я. Кумаченко, С. М. Дудин, А. Л. Троицкая, А. К. Боровков, И. М. Русак ва ҳ. к.) ўзбекларнинг амалий санъати, урф-одат ва маросимлари, ҳалқ театри ва ўйинлари тӯғрисида кўплаб илмий тадқиқотлар ўтказиб, асарлар чоп этдилар. Уларнинг кўпчилиги музей ходимлари билан биргаликда ҳар хил этнографик буюмларни тўплашда фаоллик кўрсатдилар. Улар билан биргаликда маҳаллий ёш тадқиқотчилардан Ш. Н. Иноғомов, М. А. Бекжонова, Г. Мирғиёсов, М. Юсупов кабилар ҳам зўр хизмат қилдилар. Уша йиллари ўзининг кўп қиррали самарали илмий фаолиятини бошлаган таникли фольклорист олим X. Т. Зарифтов ўзбек фанининг ривожига катта ҳисса қўшиди.

Ўзбек этнографиясини 30- йилларда юқори босқичга кўтаришда фаоллик кўрсатган олим С. П. Толстов эди. У 1929—1936 йиллар давомида собиқ СССР ҳалқ-

ларий музейида илмий ходим, кейин Бутуниттифоқ фанлар Академияси Моддий-маданият институтии Москва бўлими (ҳозир Археология институти) нинг мудири, кўп йиллар давомида Москва Давлат университетининг профессори, этнография кафедраси бошлиғи бўлиб ишлади. Узбекистон Фанлар академиясининг ва бошқа чет эл академияларининг фахрий аъзоси С. П. Толстов бутун онгли умрини Ўрта Осиё ҳалқларининг тарихий ва этник жараёнларини, узоқ ўтмиши ва этнографиясини ўрганишга бағишиланган буюк шахсдир. Кўп қиррали, теран ва кенг билимдон олим тарих, шарқшунослик, археология, палеонтология, этнография ва этносоциология каби фан соҳаларида самарали меҳнат қилиб, 400 га яқин илмий асарлар яратди. Бу асарларда ўзбек этнографиясига оид, айниқса ўзбекларнинг келиб чиқиши, моддий ва маънавий маданияти, дин тарихи, ижтимоий ва оиласвий турмуши масалаларига бағишиланган сермазмун тадқиқотлар фахрли ўринни эгаллади.

С. П. Толстов ташаббуси билан 1937 йилда ташкил топган Хоразм археология-этнография комплекс доимий экспедицияси ниҳоятда зўр илмий кашфиётларни қўлга киритди. Экспедиция кўтарган муаммолар нафақат Хоразм, балки бутун Ўрта Осиё ва қўшни мамлакатлар аҳолиси тарихи, археологияси ва этнографиясига оид бўлиб, жаҳон маданиятини бойитиша ва илгари суришда намуна бўлди. Сергей Павловичнинг Фикр-ўйлари ва мулоҳазалари этнографик муаммолар билан бевосита боғлиқ эди. У ўйлаган ва амалга оширилган Хоразм экспедициясининг тадқиқий йўналишлари, бир томондан, этнографларга ретроспективлик (яъни ўтмишга қаратилган) мураккаб этногенез масалаларини ҳал қилишга, ҳўжалик, ижтимоий тузум, моддий-маънавий маданият тарихи, ҳозирги ўрта осиёликларнинг майший турмуши ва маънавий маданиятини ўрганиш имконини яратиб берди. Иккинчи томондан, этнографик тадқиқотлар орқали археологлар ва тарихчилар учун муҳим ҳисобланган ижтимоий ташкилот ва оила шаклларини тарихий таъмирлаш, қадимий миллий меъморчилик анъ-аналарини, исломгача бўлган диний қарашлар ва урфодатларни ҳозиргача сақланиб келган эски тасаввурлар орқали таҳлил қилиш, мусиқа маданияти ва амалий санъат куртакларини аниқлаш каби муаммоларни ҳал қилиш имкони туғилди.

Шуниси муҳимки, С. П. Толстов иштироки ва ташаб-

буси билан тарихий-этнографик тадқиқотлар ўтказиш учун бир неча маҳсус этнографик отрядлар ташкил қилинган эди. Асосан урушдан кейин пайдо бўлган бу отрядлар Хоразм воҳасидаги ўзбеклар, туркманлар ва қорақалпоқларни ўрганишга жиддий киришган ва кўп йиллик тадқиқотлар натижалари бир неча илмий тўнламларда мужассамлашган. Айниқса, Хоразм экспедициясининг иккита ўзбек отряди (шимолий отрядга К. Л. Задихина, жанубий отрядга М. В. Сазонова раҳбарлик қилган) ҳамда диний тасаввурларни ўрганиш учун иш олиб борган Г. П. Снесарев жуда самарали тадқиқотлар ўтказиб бир неча ажойиб этнографик асарлар яратганлар.

Хоразм экспедицияси бошлиғи С. П. Толстов яратган илмий-назарий асарлар этнография фанининг йўналишига, ечилмаган чигал муаммоларни ҳал қилишга катта ёрдам берди. Ниҳоятда кенг илмий диапазонга эга бўлган бу донишманд олим айниқса умумназарий масалалардан этпогенез, ибтидоий жамият тузуми, маданият ва дин тарихи, қадимги ва ўрта аср даврлари хронологияси, ижтимоий муносабатлар каби мураккаб муаммолар теварагида ўзининг дадил мулоҳазалари билан фан тараққиётига муҳим туртқи бўлган эди. Унинг ўзбек этногенези ва ислом тарихига оид тадқиқотлари диққатга сазовордир.

Бир неча музейлар ташкил қилган экспедициялар ҳам этнографик маълумотлар ва буюмлар тўплашда зўр хизмат қилди. 1936—1937, 1940—1941 йилларда М. С. Андреев бошчилигига ўтказилган тадқиқотлар нафақат фанни, балки республика музейларини ноёб экспонатлар билан бойитган эди.

50-йиллардан бошлаб этнографлар диққатини ҳозирги замон этник муаммолари жалб қила бошлади. Мажаллий тадқиқотчилар томонидан 1950 йилда ташкил қилинган Ўзбекистон Фанлар Адакемияси Тарих ва археология институти экспедицияси биринчи марта ўзбекларнинг ҳозирги майший турмуши ва маданиятини ўргана бошлаган эди. Бир неча йил давомида амалга оширилган бу ишнинг якуни «Ойқирон қишлоғи ўтмишда ва ҳозир» номли илмий асарда ўз ифодасини топди.

Уша даврдан ўзбеклар ва бошқа Ўрта Осиё ҳалқарининг келиб чиқиши (этногенези) масаласига жиддий эътибор берила бошланди. Бу муҳим муаммога бағишиланган маъruzаларда таниқли олимлар А. Ю. Яку-

бовский, С. П. Толстов, А. А. Семёнов, А. Н. Бернштам, Л. В. Ошанин, К. В. Тревер, Я. Ф. Фуломов, Р. Н. Набиев ва бошқалар ўз фикрлари билан фаол иштирок қилдилар. Ўзбеклар ва қорақалпоқларнинг этногенези ва этник тарихини ўрганишга жиддий киришган Б. В. Андрианов, Я. Р. Винников, Т. А. Жданко, С. К. Камолов, Р. Қусбергенов, Ш. И. Иноғомов, Б. А. Аҳмедов, Р. Г. Муқминова, Б. Х. Кармишева, К. Шониёзов, Т. Қ. Ҳўжайовлар бир неча мұхим асарлар нашр қилдилар. Мазкур мураккаб муаммони ҳал қилишда ўзига хос яқунловчи анжуман сифатида 1983 йилда Москвада чақирилган «Ўрта Осиё ва Қозоғистон халқлари этногенези ва этник тарихи муаммолари» мавзудаги илмий конференция фанда янги бир босқич бўлди.

Кейинги ўн йилликларда ўзбекларнинг хўжалик фаолияти, моддий маданияти, оиласавий ва маънавий турмушига оид масалаларга эътибор бир оз кучайди. Масалан, дехқончилик, ҳунармандчилик, ҳалқ меъморчилиги ва санъатига бағишланган бир неча илмий асарлар пайдо бўлди (Е. М. Пешчерева, О. А. Сухарева, Н. А. Кисляков, И. М. Жабборов, М. К. Раҳимов, А. Йўлдошев, П. М. Зоҳидов, Р. А. Абдурасурова, Б. Б. Веймарн, В. Л. Воронина, Г. А. Пугаченкова, Л. И. Ремпель ва бошқаларнинг асарларини таъкидлаш мумкин).

Оила ва оиласавий турмуш муаммолари маҳаллий этнографларнинг диққатини ўзига жалб қилди ва кейинги йилларда бу борада бир неча илмий тадқиқотлар чоп этилган эди. Миллий анъаналар, урф-одат ва маросимлар, ҳалқ театри ва ўйинлари, диний эътиқод ва маънавий маданият масалаларини тадқиқ қилишда ҳам маҳаллий олимлар анча ютуқларга эришдилар. Натижада ўнлаб катта-кичик илмий асарлар ва тўпламлар чоп этилди, илмий анжуманлар ўтказилди.

Тадқиқотчиларнинг кўп йиллик самарали ишлари натижаларини ўзида жамлаган тўпламлар ва монографик асарлар этнограф олимларнинг ютуғидир. Бир гурӯҳ этнографлар иштирокида тайёрланган кўп жилдли «Жаҳон халқлари» тўпламига кирган «Ўрта Осиё ва Қозоғистон халқлари» номли икки жилдли капитал асар бунга далил бўла олади. Мазкур нашр жаҳон илмий жамоатчилиги томонидан юксак баҳоланган. Унинг кичикроқ намунаси сифатида чиққан «Умумий этнографик очерклар» ва С. А. Токаревнинг «СССР халқ-

лари этнографияси» номли асарларда ҳам Ўрта Осиё халқлари, жумладан ўзбекларга анча ўрин ажратилган. Яқинда жумҳуриятимизнинг бир гуруҳ етук «этнографлари «Ўзбеклар (тарихий-этнографик тадқиқот)» номли катта илмий асарни тугатиб, нашрга топширидилар.

Афсуски, ҳозирги иқтисодий тушкунлик давом этаетган бир пайтда илмий тадқиқотлар ва изланишлар ҳам чекланиб, этнография фани муаммолари ҳам анча мурракаблашди. Шундай бир оғир вазиятда истиқололга эришган бизнинг жамият ўз фанига, жумладан тарих ва этнографиясига ғамхўрлик қилиб, унга эътиборни кучайтиromoғи лозим. Чунки ҳозирги замонда ижтимоий тараққиёт, фаровонлик, халқимизнинг маънавий равнақи ва келажаги илм-маърифат, фан ва техникага бевосита боғлиқдир.

ЎЗБЕКЛАР ШАЖАРАСИ ВА АВЛОД-АЖДОДЛАР МУАММОСИ

Жаҳонда ўзини соф, аралашмаган деб даъво қиласидиган бирор элат ёки халқ ўйқ. Чунки ҳар бир этнос узоқ тарихий давр давомида турли элатлар билан алоқада, баъзан бир жойдан иккинчи жойга кўчиб, бошқа этнослар билан аралашиб уларни ўзига сингдириб ёки таркибий қисм қилиб олиш натижасида шаклланиб келган. Тарихдан маълумки, асрлар давомида давлатлар ташкил топиши билан катта-кичик урушлар бўлиб қудратли ҳокимлар ожизларни босиб олиб ўзига бўйсундирганлар, элатларнинг эса аста-секин объектив ва субъектив омиллар орқали бирининг бирига сингиб кетишига сабаб бўлган. Бундай ҳолатни жуда ҳам бой, хилма-хил фожиали ва ижобий воқеаларни кўрган, турли истилочилар томонидан босиб олиниб, гайри элат ва давлатларнинг таъсирига ўтган, аммо ўзининг кўп асрлик тарихи давомида миллий хусусиятларини сақлаб келган ўзбеклар ҳам бошдан кечирган.

Афсуски, тарихий маълумотлардан бехабар ёки тор доирадаги манбаларга таянган айrim муаллифлар ўзбек, тоҷик ва бошқа Ўрта Осиё халқларини фақат ўз қобиғида пайдо бўлган деган ғайрилмий фикрларни тарғиб қилиб, миллатчилик туйғуларига таъсир қилмоқдалар. Минтақада мустақил давлатлар юзага келган

мураккаб бир вақтда мазкур сохта фикрлар ҳалол, қалби пок халқ оммасини чалғитиб, фожиали воқеаларнинг туғилишига сабаб бўлаётганлигини тарих тажрибаси кўрсатади. Бундай ҳолатдан фақат ғаразгўй кишилар ўзларининг ёвуз ниятларига эришиш учун фойдаланиб, улар яна ҳам оғирроқ ва фожиали ҳолатга олиб келиши мумкин.

Шу муносабат билан муқаддас асар Библиядаги «Ибитдо» ёки Мусонинг 1-китобида келтирилган, Шарқда қадимдан кенг тарқалган «Бобул минораси» номли бир ривоят дикқатга сазовор: Унда шундай ҳикоя қилинади: Ўз парвардигорига садоқатли Нуҳ пайғамбар ўғилларининг фарзандлари кўп бўлган. Дунёда улар жуда кўпайиб итоатдан чиққан инсон авлодини худоҳукми билан тўфон юбориб улар маҳв қилинган. Аммо парвардигор орзусини адо этган Нуҳ авлоди тўфондан сақланиб қолган. Лекин йиллар ўтиши билан кишилар яна гуноҳга бота бошлаган. Ўша вақтларда ер юзида битта тил ва битта лаҳжа мавжуд бўлган. Кунларнинг бирида инсонлар бир ерга тўпланиб бир-бирларига: «Келинглар, ўзимизга шаҳар ва боши осмонга етадиган минора бино қилайлик ва ўзимиз учун ном пайдо қилайлик» дейдилар. Ўзларини машҳур қилиш мақсадида мағрурлик фикри билан қурилишга бердилаб кетадилар. Лекин бу нарса Худога маъқул бўлмайди. Худо дебди: «Мана, бир қавмидрлар, уларнинг ҳаммасининг тили бир. Ана, улар бу ишни бошлабдурлар ва энди улар қилмоқчи бўлган ишларини қилишдан воз кечмайдилар. Келинг тушайлик ва у ерда уларнинг тилини аралаштирайлик, токи бири бошқасининг сўзини тушунмасинлар». Ёдингда тутгинки, бир вақтлар Худо: «Инсонни яратамиз...», деган. Худо нима учун «яратамиз» дейди? Чунки Худо уч сифатда бирлашгандир: Ота Худо, ўғил худо ва Муқаддас руҳ Худо. Шу сабабдан Мусонинг биринчи китобида Худо инсоннинг яратилиши ҳақида гапирганда кўплика «яратамиз» деган. Худо инсонларнинг тилини аралаштириди ва улар бир-бирларини тушуна олмадилар ва қурилишни ҳам давом эттириб билмадилар. Шунинг учун ўша ердан бутун ер юзига тарқатиб юборди».

Маъқур муқаддас ривоятда худо номидан ғурӯрлик ва манманлик гуноҳ, ундаи кишилар жазоланиши зарур, деган хulosasi билан бирга, ҳатто парвардигорнинг қудрати билан кишилар аралаш-қуралаш, турли тилда

гапирадиган элатлардан иборат эканлиги эътироф қилинган.

Тарих, тилшунослик, этнография фанларининг жаҳон миқёсида қўлга киритган илмий жиҳатдан муҳим фикр-мулоҳазаларини менсимай, тор миллатчилик доирасидан чиқа олмай мулоҳаза қилиш нафақат фанда, сиёсатда ҳам энг катта заарли хатоларга олиб келиши мумкин. Шунинг учун ҳам ўзбек, тоҷик, туркман, қирғиз ва бошқа Ўрта Осиё элат ва ҳалқларининг этногенези, яъни келиб чиқиши муаммоларини фақат жаҳон фани ютуқларига таянган ҳолда (уларни европалик ёки осиёлик демасдан) тўғри, объектив ҳал қилиш зарур. Жаҳон туркологиясининг кўп йиллик илмий излашилари, шарқшунослик, археологик ва тарихий-этнографик тадқиқотлар шуни кўрсатади, Ўрта Осиё ҳалқлари, бошқа кўп этнослар сингари анча чигал ва мураккаб этник жараённи бошдан кечирганлар.

Ўзбек ҳалқининг келиб чиқиши ниҳоятда мураккаб ва жуда узоқ тарихга эга. Бу жараён энг қадимий ва илк ўрта аср даврида турли элат ва ҳалқларнинг бутун Марказий ва Ўрта Осиё, Қозоғистоннинг кенг ҳудудида кўчиши ва аралашиби натижасида муайян давлат бирикмалари доирасида рўй берган. Мintaқада бир неча минг йиллар давомида чегаралари ўзгариб турган муайян тарихий-маданий бирикмалар юзага келган. Тадқиқотчиларнинг таърифиға биноан бу бирикмалар қўйидагича: 1) ярим ўтроқ овчи-балиқчи элатлар; 2) дарё қўйи оқимида ва водийларда ярим ўтроқ чорвадеҳқончилик билан шуғулланувчи аҳоли; 3) суғорма ва баҳори ерлардаги омоч деҳқончилиги билан чорвачилик хўжаликлари; 4) қуруқ иқлимли даشت ва ярим даштларда қисман деҳқончилик билан шуғулланувчи кўчманчи ва ярим кўчманчи хўжалик маданияти вакиллари.

Кейинги бир неча ўн йилликларда ўтказилган тадқиқотларга қараганда. Ўрта Осиёда, жумладан ҳозирги Ўзбекистон ҳудудида яшаган ибтидоий аҳолининг антропологик жиҳатдан европеоид ирқининг жанубий ёки Ўрта Ер денгизи пуштига яқин эканлиги исботланган. Шу маънода айрим тадқиқотчилар ўзбекларни тоҷиклар билан бирга бир-бирига яқин помир-фарғона ирқини алоҳида ажратиб жанубий европеоид ирқининг ўзига хос пушти эканлигини қайд қиласидилар. Бунга далил сифатида Жанубий Ўзбекистонда каашф этилган

Ўрта Осиёдаги энг қадимий мусте даврига оид палеолит боланинг Тешиктошда топилган суяк қолдиқлари кўрсатилган. Мазкур ирқа ўхшашиб типларнинг Ўрта Ер денгизи, Олд ва Жанубий Осиёнинг айрим районларида топилиши диққатга сазовордир.

Сурхондарё ва Фарғона водийсининг турли жойларидан топилган турли қурол ва буюмлар, маданий қатламлар бу ерда яшаган аҳоли тешиктошликлар сингари овчилик ва теримчилик билан шуғулланиб, оловдан кенг фойдаланганликлари тўғрисида хулоса қилишга имкон беради.

Демак, Ўрта Осиё, жумладан Ўзбекистон археологик ва палеантропологик тадқиқотларга қараганда, тарихий маданий ва этник жиҳатдан инсоният тарихий тараққиётининг энг илк даврларидан бошлаб Олд Осиё билан боғлиқ бўлган. Балки палеолит давридан бошлаб Ўрта Осиёга аҳоли Олд Осиёдан кўчуб кела бошлаган ва кейинчалик овчи ва теримчи қабилаларнинг кўчиш жараёни давом қилиб турган. Бунга Мачай горидан топилган мезолит (эрамиздан аввалги VII—VI минг йилликлар) даврига оид одам суяги қолдиқлари ва жуда кўп моддий буюмлар далил бўлади. Бу макондаги маданий қатламларга ўхшашиб топилмалар Тошкент воҳасида, Туркистонда, Жанубий Қозоғистон ва Олд Осиё мамлакатларидаги мезолит обидаларидан топилган буюмларга ўхшайди. Палеантропологик тадқиқотлар мазкур маконларда яшаган аҳоли европеоид ирқига мансуб эканлигини тасдиқлаган. Топилмалар Ўрта Осиё аҳолисининг энг қадимий даврлардан қўшни элатлар, айниқса жанубий ва ғарбий қабилалар билан алоқада бўлганлигини исботлайди. Кейинги ўн йилликларда Марказий, Жанубий ва Шарқий Фарғонада кашф этилган мезолит маконлари, айниқса Марказий Фарғона мезолити алоҳида аҳамиятга эга.

Археологик тадқиқотларга қараганда, Ўрта Осиёда яшаган халқларнинг пайдо бўлиши мазкур хўжалик маданий типларнинг тарихи билан бевосита боғлиқ бўлиб, уларнинг этник хусусиятларини белгилаб берган. Даставвал шуни алоҳида қайд қилиш лозимки, бу ерда ибтидоий жамият ташкил топган неолит давридаёқ мазкур хўжаликлар бир жойда пайдо бўлиб, кейин бутун минтақага тарқалган. Айниқса жуда кўп топилган неолит маконлари (Хоразмдаги Калтамиор, Зарабшондаги Чинкелди, Марказий Фарғонада ва Устюрда,

Жайтун ва бошқа ерларда) турли қабилаларнинг ўзаро боғлиқ эканлигини тасдиқлайди. Шуниси муҳимки, масалан, машҳур калтамиорликлар ўз маданияти билан чекланган ҳолда ҳаёт кечирмай, атрофдаги узоқяқин қабилалар билан доимо ўзаро алоқада бўлиб тургандар. Улар шимолда қадимий уралликлар, жанубда жайтунликлар ва улар орқали Каспийбўйи ва Эрон қабилалари билан алоқа боғлаганлар.

Демак, маҳаллий этнослар энг қадимги ибтидой даврлардан бошлаб ўзаро алоқада бўлган уруғ-қабилаларнинг умумий хўжалик-маданий хусусиятлари туфайли аста-секин бутун минтақада тарқалиб, илдиз ота бошлаган. Бундан 45 йил муқаддам атоқли шарқшунос олим С. П. Толстов Орол бўйини Ўрта Осиёдаги этногенетик жараённинг энг муҳим тугуни деб таърифлаган эди. Чунки бу ерда жанубий юксак ўтроқ деҳқончилик маданияти билан шимолдаги Орол-Каспий бўйи даштларидаги чорвадор қабилалар маданиятларининг ўзаро чатишуви рўй берган.

Бу даврда суформа деҳқончилик ва чорвачилик тажрибаси Каспий бўйи қадимий неолитик маконлардан аста-секин шарқ ва шимоли-шарқ томон Ўрта Осиёнинг дарё бўйи текисликлари ва тоғ этаклари зонасига кўчиб, бронза даврига келиб ўтроқ деҳқончилик-чорвачилик хўжалик-маданий типлари шакллана бошлаган эди. Тадқиқотчиларнинг фикрича, мазкур жараён ҳинд-эрон тиллари ва этносларининг шаклланиши билан бир вақтда рўй берган. Унинг кейинги ривожи бир неча босқичлардан иборат бўлиб, оқибатда шимолий (скиф-сармат) гурухларнинг жанубий гурухлардан ажралиб кетиши аниқ сезилади. Кўчманчи қабилаларнинг ҳарбий-миграцион фаоллиги қадимги даврдаги этник жараённи анча тезлаштирган.

Эр. авв. IV—III минг йилликларга оид Калтамиор маданияти, айниқса Хоразмдаги Жонбосқалъя—4 макони, Қорақалпоғистондаги Қават—7 харобалари қазилмалари ва бошқа обидалар кенг ҳудудда овчилик-балиқчилик ва деҳқончилик билан шуғулланувчи элатлар яшаганлигини кўрсатади. Уша вақтда Амударё суви Узбой орқали Каспий денгизига қўйилган. Жанубий Орол бўйи, Амударёнинг жанубий ўзани, Оқдарё ва Узбой сувларидан фойдаланиб деҳқончилик қилган аҳоли неолит ва энеолит маконларини яратганлар. Уларнинг хўжалигида чорвачилик муҳим соҳага айлана бошлаган. Калтами-

норликларнинг юқори деҳқончилик маданиятига эга бўлган жанубий элатлар билан алоқалари уларни Эрондаги илк палеолит маданияти доирасига элтади. Бу ерда қандайдир янги этник элементларнинг пайдо бўлиши, улар орқали шимолий элатлар жанубийликлар билан алоқа қилиб Калтамиор қабилаларининг таъсири ўтганлигидан дарак беради. Натижада ўзига хос маданий-тарихий областлар юзага кела бошлаган. Калтамиор маданияти маҳаллий ва жанубий мезолит маданиятлари билан узвий боғлиқ ҳолда изсиз йўқолиб кетмаган. Мазкур маданият ўзидан кейин пайдо бўлган Тозабоғёб ва бўшқа маданиятларнинг шаклланишига зарур шарт-шароитлар яратган. Бундай жараён Суёрғон маданияти обидалари, Замонбобо —1 ва Бўхородаги Лавлахон кўли ҳамда Бешбулоқ қудуғи маконлари (эрамиздан аввалги III—II минг йилликлар) мисолида ёрқин кўринади.

Ўрта Осиёning жанубида, шу жумладан Фарғонада энеолит ва бронза (II минг йиллик бошларида) сунъий суғориш деҳқончилиги, тош қуроллар билан бирга илк металл қуролларнинг ишлатилиши, хом ғиштдан қурилган ўйларнинг, чархда ясалган безакли сопол идишларнинг пайдо бўлиши маҳаллий қабилаларнинг жойлашиши ва уларнинг алоқалари қандай бўлганлигидан далолат беради. Археологларнинг фикрича, эрамиздан аввалги II минг йиллик ўрталарида Амударё қуи оқимида пайдо бўлган Тозабоғёб маданияти Жанубий Уралбўй давлатларида шаклланиб, Хоразмга Шимоли-Шарқ Оролбўй орқали келган, деб фараз қилинади (Анқақалъя —5 ва Қаватқалъя —3). Тозабоғёб маданиятининг тарқалган даври Хоразмда энг қадимги ирригациянинг пайдо бўлишига тўғри келган. Хронологик маълумотларга қараганда, бу давр воҳада янги ҳиндуведдоид антропологик типнинг пайдо бўлиши билан белгиланади. Балки бу ҳодиса жанубдан суёрғонлик қабилаларнинг кўчиб келиши билан боғлиқдир.

Эрамиздан аввалги II минг йиллик ўрталарида Хоразмга Тозабоғёб маданиятига оид қабилаларнинг келиши дастлабки ҳинд-европа ва ҳинд-эронлик қабилаларнинг шимоли-ғарбдан катта кўчиши билан боғлиқ бўлиши эҳтимолдан холи эмас. Кейинги вақтларда ўтказилган қазилмалар ҳам Ўрта Осиёning жанубий минтақаларида Тозабоғёб маданиятининг таъсири кучай-ганлигидан, дашт қабилаларининг Ўрта Осиёга йирик

кўчишларидан дарак беради. Бундай қабилаларнинг жануб, жануби-ғарб ва жануби-шарқ томон кучли ҳаракати эр. авв. II минг йиллик охири—I минг йиллик бошларида рўй берганлиги тарихдан маълум. Бу ҳаракатда Суёргон маданиятига эга қабилалар ҳам иштирок қилган. Археологик материаллар мазкур чорва қабилаларининг (эрамиздан аввалги XI—IX асрларда) Ўзбой, Атрек, Тежен, Мурғоб, Амударё, Сирдарё каби дарёлар бўйлаб кўчиб ўтганлигини тасдиқлайди.

Ўша даврдаёқ төғ этаклари ва водийларда аҳоли янги ерларни ўзлашибириб анча такомиллашган сунъий суғориш ўсулларини татбиқ қйла бошлаган. Бунга мисол қилиб «бўёқли сопол» маданиятига оид Фарғонадаги Чуст типидаги маконлар, Қайроқкум дашт бронза ҳамда Водил қабристон маданиятларини кўрсатиш мумкин. Дашт қабилаларининг турмуш тарзи ва тарихини ўрганишда эрамиздан аввалги IX—VIII асрга оид Хоразмнинг Амиробод маданияти (Якка-Пўрсон —2 каби катта қишлоқ) диққатга сазовор. Бу ердаги элатлар 20 та ярим ертўлада истиқомат қилиб, суформа дәҳқончилик, чорвачилик ва жез қуроллар ясаш билан шуғулланганлар.

Палеантропологик маълумотларга қараганда, палеолит даврида Олд Осиёдан шимоли-ғарб томон, яъни Ўтра Осиёга очилган кўчиш йўли кейинги неолит ва жез (бронза) даврига келиб янада кучаяди. Янги даврда мазкур тарихий-маданий ва этник алоқалар янада кучайганлигини археологик қазишмалар ҳам тасдиқлайди. Айниқса жез даврига оид топилган кўп сонли қабрлар ўша вақтда яшаган аҳолининг антропологик тузилишини аниқлашга ёрдам беради. Антрополог олим Т. Қ. Хўжайовнинг таърифича, Ўзбекистонга шимоли-ғарбий томондан Европанинг юқори палеолит, мезолит ва неолит аҳолиси вакиллари кела бошлаган, жанубдан эса жанубий европеоид типлар келиб, Ўзбекистон аҳолисининг кўпчилик қисмини ташкил қилган. Унинг тахминича, ўша даврдан бошлаб ўзбек халқининг шаклланишида ўзига хос европеоид компонентлар асос бўлган. Мазкур фикрни археологик кашфиётлар ҳам тасдиқдиқлайди. Чунончи, Ўзбекистоннинг жанубий қисмига Европадаги андронов маданияти элементларининг кириб келиши бунга далиллар.

Темирнинг кашф этилиши бутун минтақада ишлаб чиқаришнинг ривожланишига зўр туртки бўлди. Оқи-

батда кенг ҳудудда, жумладан Ўзбекистонда ҳам аҳоли ўси. Бу даврда ирқий жиҳатдан анча ўзгаришлар рўй берди. Даставвал антропологик жиҳатдан монголоид элементлари кучаяди ва европеоид яхлитлиги ўзгара бошлайди. Аммо монголоид белгилар ҳамма ерда бир хил бўлмасдан, фақат айрим районларда кўпроқ жамланган. Мазкур типлар асосан кенг тарқалган Сибирь ва Марказий Осиё кўчманчи элатлари билан алоқадор бўлиб, бунга Оролбўйи ва қадимги Бухоро воҳаси районлари ҳам киради. Шундай қилиб, эрамиздан аввалги I минг йилликка келиб морфологик жиҳатдан монголоид элементлар таъсири ўтган ва ҳозирги ўзбек ирқий типларининг шаклланишига асос бўлган гуруҳлар юзага келган. Илк темир давридан кейинги маданиятга ўтиш даври — эрамиздан аввалги I минг йилликнинг ўрталаридан янги эрага ўтишгача бутун Ўрта Осиёда, жумладан Ўзбекистонда ҳам мураккаб этноантропологик жиҳатдан жиддий аралаш-қуралаш жараён рўй берган. Археологик обидалардан Далварзинтепа, Айртом, Эски Термиз ва бошқа ерларда ўтказилган тадқиқотлар мазкур фикрни тасдиқлайди.

Эрамиздан аввалги I минг йилликда Ўрта Осиёда ижтимоий-иқтисодий ўзгаришлар рўй берди. Ишлаб чиқарувчи кучларнинг ривожланиши, шаҳар-қалъаларнинг пайдо бўлиши, йирик сурориш ва мудофаа иншоотларининг қурилиши даставвал текин қўл меҳнатисиз мумкин эмас эди. Кўшни Эрон, айниқса Мидия давлати (эр. авв. VII—VI асрлар), Аҳамонийлар империяси (эр. авв. VI—V асрлар) ташкил топишидан олдинроқ Ўрта Осиёда иккита қулдорлик давлати — Бақтрия ва Хоразм пайдо бўлганлиги тўғрисида форс ва юон ёзма манбалари хабар беради. Мазкур манбалар ва тош қабрларга битилган расмларда (Персепол саройи), зардуштийларнинг муқаддас китоби «Авеста»да, Рим, юон ва Хитой муаллифларининг асарларида ҳозирги ўрта осиёликларнинг қадимиј аждодлари сак-массагетлар, юечжи, кангюй (кангар), усун ва бошқа элатлар тилга олинади. Шуларнинг ичиди энг катта элат саклар жуда кенг ҳудудни — Тян-Шань ва Помир этакларидан Каспий денгизи соҳилларигача бўлган ерларни эгаллаган, уларнинг энг зич жойлашган ери Сирдарё ҳавзаси бўлган.

Шуни алоҳида қайд қилиш лозимки, қадимиј Бақтрия ва Хоразмда яшаган ҳозирги тожик, ўзбек ва қисман туркманларнинг аждодлари асосан эроний тиллар-

нинг шарқий шохобчаси ва қисман туркийлашган сак ёки скиф тилларида гапиришганлар. Умуман массагет қабилалари конфедерация (бирикма) сига қуйидаги әлатлар кирган: қадимги Сирдарё ҳавзасида, Амударё-нинг шарқий ўзанлари бўйида ва Қорақумда яшовчи апасиаклар; Сирдарё ўрта оқимида жойлашган даҳаттўхарлар; тахминан Зарафон қуи қисми ва Амударё-нинг ўрта оқимида яшаган дербиклар; Нурота тоғларида ўрнашган сакараваклар; Сирдарёning ўрта оқимидан Тяньшангача чўзилган усунлар ҳам антик даврларда хоразмийларга кирган. Юонон ва Рим манбаларининг македониялик Искандарнинг юришларидан кейин берган хабарларига қараганда мазкур қабила (әлат) ларнинг саклар дёб умумий номланиши тасодифан бўлмай, уларнинг тил жиҳатдан бир этник жараён билан боғлиқ эканлигини таёдиқлади.

Ўша манбалар бу даврда воҳаларда яшовчи халқлар билан даштдаги чорва қабилалари ўртасида этник ва маданий жиҳатдан унча фарқ бўлмаганлигини кўрсатади. Масалан, Страбон хоразмийларни сак-массагетлар туркумига киради, қадимда сўғдийлар ва бақтрияликлар турмуш тарзи ва хулқатвори билан ўзаро фарқланмайди, дейди. Топилган расмларга қараганда хоразмийлар, бақтрияликлар ва сўғдийларнинг ўз кийим-кечаклари, бош кийимлари, қурол-аслаҳалари билан саклардан ҳеч фарқи йўқ. Воҳадаги әлатлар саклар билан деярли бир тилда гапиришганлар. Этник жиҳатдан деҳқончилик воҳаларида жойлашган әлатлардан Амударёning юқори ҳавзасидаги хоразмийлар, Гурган қуи оқимидағи гирканлар, Копеттоғ этакларидағи умумий номдаги парфянлар, Мурғоб ҳавзасидаги марғиёнлар, Зарафшон, Қашқадарё ва Сурхондарё водийларидаги сўғдийлар, фарғоналиклар (қадимги париканлар) ва бақтрияликлар тарихий манбаларда тилга олинади. Юқори Амударёning икки соҳилидаги барча әлатлар эрамиздан аввалги 1 минг йилликнинг ўрталарида, археологик кашфиётларга қараганда, юксак маданиятли ирригация ва қурилиш иншоотларини, ҳунармандчilik ва ҳарбий санъат сирларини эгаллаган, зўр маънавий қадриятларни яратган этнослар ҳатто қўшни давлатларга ўз таъсирини ўтказган.

Хўжалик-маданий жиҳатдан ҳам кўчманчи қабилаларнинг ҳаракати жанубий ўтроқ деҳқон аҳоли билан шимолий чорвадор аҳоли орасидаги муносабатларни ва ўзаро таъсирини анча кучайтирган эди. Аммо бу тоғлиқ,

тоғ этаги ва текисликдаги элатларнинг хўжалик фаолиятида ўзига хос хусусиятларни юзага келтириб этник жараёнга ҳам таъсир қилган. «Авеста» матнлари (Гата ва Яшта) да икки хил хўжалик-маданий укладлар— ўтроқ дехқон-чорва воҳаси (Бақтрия, Сўғд, Хоразм ва ҳ. к.) ҳамда Ўрта Осиё дарёлари қуий оқими ва ҳавзаларида жойлашган ярим кўчманчи ва кўчманчи чорва қабилалар орасидаги кураш таърифи тасодифан эмас. Бу муқаддас китобда Маргиёна (Марв воҳасида), Парфия (Копетдоғ шимолида), Хоразм ва Бақтрия (Амударёning юқори ва ўрта қисмида), Сўғдиёна каби вилоятлар тилга олинади. Бу ерлардаги аҳоли ўтроқ дехқончилик ҳамда чорвачилик билан шуғулланган. Асли бундай жараён Ўрта Осиёда ибтидоий жамиятнинг емирилиши, синфий табақаланиш, давлат ҳокимиятининг пайдо бўлиш вақтига тўғри келган ва у билан боғлиқ бўлган. Ўша даврда давлат тузумининг ўрнатилиши ҳарбий юришлар ва босиб олишлар, этник кўчишлар ва аралашиб ҳодисалари билан намоён бўлади. Юқорида тилга олинган ўрта осиёликларнинг аждодлари шундай жараёнда шимолдан, шимоли-гарбдан ва жанубдан кўчиб келиб маҳаллий туб элатлар билан аралашиб натижасида шаклана бошлаган ва ўз давлатларини ташкил қилган. Аммо эрамиздан аввалги V асрларгача йирик давлат бирикмалари бўлмаган.

Антик даврга келиб минақада суғорма дехқончиликнинг ривожланиши натижасида ижтимоий-иқтисодий ўзгаришлар рўй беради. Натижада Сўғдиёна, Бақтрия, Хоразм каби дастлабки давлатлар ва йирик шаҳарлар пайдо бўлади. Бу давлатларнинг аҳолиси асосан дехқончилик, ҳунармандчилик ва чорвачилик билан шуғулланган. Суғорма дехқончилик Амударё ва Сирдарё ораглиғидаги ҳавзаларда, Фарғона ва Зарафшон водийларида анча ривожланган.

Ўрта Осиёning дашт ва тоғли районларида ilk антик замонда ҳам кўчманчи қабилалар яшаган. Айрим тадқиқотчилар бу қабилаларни «Авеста»да тилга олинган, кенг ҳудудда кўчиб юрган сак қабилалари билан бир хил деб ҳисоблайдилар. Қадимий юонон ва Эрон манбаларида Қаспий денгизи шарқидан Шимолий Хитой, Ҳиндистон ва Жанубий Сибиргача жойлашган сак, скиф, массагет элат ва қабилалари нафақат кўчманчи, балки қисман ўтроқ ҳамда овчилик-балиқчилик билан шуғулланувчи Оролбўйи ва Қуий Сирдарёдаги қабила-

ларни ҳам ўз ичига олганлиги таъкидланади. Эрамизнинг бошларида ҳам сак қабилалари скиф оламининг бир қисми ҳисобланиб, ўзининг антропологик тузилиши, тили ва маданияти билан Шарқий Европа, Сибирь ва Қозоғистон дашти, Каспий денгизи жануби-шарқида кўчиб юрган скифларга жуда яқин турган. Маълумки, сўғдий ва қадимги хоразм тиллари Эрон тил туркумининг шарқий шоҳобчасига тегишли. Аммо ҳўжалик-маданий жиҳатдан улар ўзаро бир оз фарқ қилган.

Айрим тадқиқотчиларнинг фикрича, Ўрта Осиёning марказий қисмида, шу жумладан ҳозирги Ўзбекистон ҳудудида жойлашган ҳалқлар асли жез (бронза) даврида келгинди шимоли-ғарбий ва жанубий қабилаларнинг маҳаллий элатлар билан аралашмасидан шаклланган. Тахминан эрамиздан аввалги I минг йиллик охирларига келиб Қанғҳа давлатлари чегарасида кўп қабилалар жипслалиб ўтроқ ҳолатга ўта бошлаган, кўчманчи қисмлари эса йирик қабила иттифоқларига бириккан. Шу асосда тил жиҳатдан ҳам ўзгаришлар рўй беради. Уша даврда шимолдан келиб жойлашган туркий тилдаги қабилалар (усун, хунну ва хошта) Сирдарё бўйи сўғдийларини туркийлаштириб оқибатда турқ аҳолиси кўпаяди. Сирдарёнинг ўрта қисмида ҳам маҳаллий аҳоли билан қўшилишдан туркий тилдаги қангли этноси юзага келади. Натижада Сирдарёбўйи аҳолисининг кўп қисми мигрант (кўчиб келган) лар билан турк тилида гапиришган.

Эрамизнинг II асрида Сирдарёнинг сўл қирғоғи — Сўғднинг дашт ерларида хуннлар жойлашган. Уларнинг кейинги асрда ҳозирги Қашқадарё ва Сурхондарё вилоятлари яловларини эгаллаб, ҳатто қўшни Эронга ҳам юришлар қилиб турганлиги тарихдан маълум. Мазкур хуннлар таркибида туркий қипчоқ, уйғур, тюргашт каби қабилалар бўлиб, баъзи манбаларда улар хионитлар деб тилга олинган. Мовароунаҳрга кейин келиб жойлашган яна бир катта туркий компонент — кидаритлардир.

Минтақада рўй берган мазкур ижтимоий-иқтисодий ўзгаришлар, миграция ва кўчишлар ўрта осиёликларнинг ирқий тузилишида ҳам муайян ўзгаришларга олиб келган. Этник гуруҳларнинг айримларида монголоид белгилари сезиларли равишда намоён бўла бошлайди. Айниқса шимолий дашт қисмида европеоид ирқлари орасида айрим монголоид белгиларнинг пайдо бўлиши

ва кейинчалик уларнинг водийларга кўчиши, юқорида қайд қилинганидек, ўзига хос антропологик типларни юзага келтирган (Олой, Зарафшон қуий оқими ва Орол бўйлари). Эрамиздан аввалги II аср ўрталарида, ёзма манбаларнинг хабар беришича, «катта юэчжи»лар ҳаракати билан боғлиқ йирик кўчманчи гуруҳларнинг шарқдан кўчиб келиб ўтроқ ҳолга ўтиши рўй беради. Археологик материаллар ҳам шимол ва шарқдан астасекин сак ва сармат қабилаларининг тўлқини тарқала бошлаганидегидан хабар беради (Хонтепа, Доринтепа, Қизилқир). Улар жануби-ғарбий томон Красноводск ярим оролигача ва жанубда Қизилқум ва Марказий Сўғд орқали қадимги Бухоро воҳаси ва Шимолий Бақтриягача тарқалган. Шу билан бирга жанубдан дехқончилик аҳолисининг бир қисми марказий ва шимолий районларнинг ичига кира бошлади.

Шундай қилиб, Ўрта Осиё ўтроқ аҳолиси, шимоли-шарқий томонда Тянь-Шань ва Олой қабилаларининг, шарқда — сак-сармат кўчма гуруҳларининг, жанубда — дехқончилик билан шуғулланиб келаётган этник гуруҳларнинг чатишмасидан ўзига хос этномаданият бирикмалари юзага келади. Оқибатда маҳаллий аҳолининг антик даврдаги этник қиёфаси ва антропологик тузилишида қурама типлар пайдо бўлади. Шуни ҳам қайд қилиш лозимки, минтақага муҳим этник қатлам бўлиб кирган саклар, Тянь-Шань ва бошқа тоғ районларида яшайдиган аҳоли чорвачилик билан, Фарғона ва Сирдарёбўйи саклари дехқончилик билан шуғулланиб келгандар. Археологик қазилмалардан топилган қурол-астлаҳа, турли буюмлар, ҳунармандчилик ва дехқончилик маҳсулотлари, мудофаа ва суғориш иншоотлари ва бошқа бой материаллар мазкур қабила ва элатларнинг юксак маданият яратган этнослар эканлигидан далолат беради. Улар Ўрта Осиё халқлари, шу жумладан ўзбекларнинг ҳам шаклланишида энг қадимий этник қатлам сифатида қатнашган қабилалардан ҳисобланади.

Эрамиздан олдинги II—I асрларда Ўрта Осиёнинг шимолий қисмидаги даштларга Мўғулистандан ғарбга қараб гуннларнинг йирик тўлқини кўчиб ўтади. Уларнинг бир қисми ўтроқлашиб қолади ва маҳаллий сакмассагет қабилалари ва бошқа элатлар билан аралашив. Ўрта Осиё халқлари этногенезида катта роль ўйнаган. Бунга сак қабристонларидан топилган палеантропологик материаллар далил бўла олади.

Тадқиқотлар шуни кўрсатадики, эрамизнинг I—II асрларида Сирдарёning ўрта қисмида, шимолида яшовчи аҳолининг асосий қисми тўркийлашган. Бу ерда маҳаллий эроний (сўғд) тилда гапирадиган элатлар билан туркӣ қабилалар аралашмасидан қанғли деб аталган турк тилидаги этнослар пайдо бўлган. Аммо аҳолиси этник жиҳатдан бир хил бўлмаган Фарғона водийсида аҳолини туркӣлаштириш эрамизнинг I асрларида бу ерга усун ва гунн қабилаларининг кўчуб келиши билан боғлиқ бўлиши эҳтимол.

Ўрта Осиёнинг эрамиздан аввалги I минг йиллик нинг ўрталаридан бошлаб дастлаб аҳамонийлар империясига кириши, кейин македониялик Искандарга бўйсундирилиши маҳаллий элатларни узоқ ўлкалар билан алоқаларни кучайтиришга олиб келди. Тарихий маълумотларга қараганда, ўрта осиёликларнинг вакиллари Эрон подшолари Доро ва Ксеркснинг Юонистонга қарши юришларида иштирок қилганлар. Сакларнинг анча қисми эронликларнинг ҳарбий кемаларида хизматда бўлганлар. Ўрта Осиёдан чиққан кишилар, чунончи, хоразмликларни ҳатто Жанубий Мисрда ҳам учратиш мумкин эди. Аксинча, ўша даврда ташқаридан келтирилган қуллар ҳар хил этносларнинг вакилларидан бўлган. Кўхна харобалардан топилган буюмлар, қурилиш ва фортификация (мудофаа) иншоотлари, ҳунармандчилик айrim турларининг маҳаллий усталаргина эмас, балки жанубий қўшни ўлкалардан асирга тушган қуллар қўли билан қилинганилиги ёдгорликлардан кўриниб турибди. Масалан, Хоразм ва унинг теварагидаги қудратли апасиакларнинг қалъя ва қасрларида ишлаган усталар чет элдан келтирилган бўлеа-да, улар қурилиш ва ҳунармандчиликни ўз хўжайнларининг талабига биноан хоразмликларнинг меъморчилик ва касб санъатига тақлид қилиб ишлаганлар.

Археологларнинг фикрича, мазкур этник жараёнда жуда кенг ҳудудга ўз таъсирини ўтказган Хоразм алоҳида ўринни эгаллайди. Уларнинг айтишича, эрамиздан аввалги II минг йилликда Хоразмнинг бронза даври маданияти, афтидан Копетдоғ этакларида топилиб текширилган илк деҳқончилик маданияти билан Шарқий Европадаги дашт бронза маданиятини бир-бирига боғловчи ҳалқа бўлиб хизмат қиласди. Айrim тадқиқотчилар (С. П. Толстов, А. Н. Бернштам ва А. В. З布鲁ева) нинг таъкидлашича, Хоразм бронзаси Тянь-Шань этак-

ларидан Кама дарёси бўйлаб то Дон дарёсигача чўзилган ниҳоятда кенг ҳудудда топилган деҳқончилик ва чорвачиликка кўчган бепоён дашт маданияти билан жуда яқин бўлган.

Уша даврларга оид бўлган Хоразмнинг Суёргон номли маданиятининг ўзига хослиги ярим интенсив деҳқончилик билан пода ҳайдаб, чорвачилик қилиш шароитида юз берган янги хўжалик ўзгаришлари туфайли содир бўлганлиги аниқ сезилади. Бу ердаги маконларнинг бирида ўтказилган тадқиқотлар илк деҳқончиликка ўтган ибтидоий хоразмликлар тошқин гоҳ у ерда, гоҳ бу ерда бўлиб тургани учун тез-тез бир жойдан иккинчи жойга кўчиб юрганини кўрсатади. Ваҳоланки, Шарқий Фарғона ва Жанубий Туркманистондаги доимий ўтроқ қишлоқлардагидек маконлар бу ерда учрамайди. Аммо кечки Суёргон ва Тозабоғёб маданий анъаналарининг чатишмасида Сибирдаги Қорасун маданияти айrim элемен tlарининг аралашуви диққатга сазовор. Маълумки, Қорасун маданиятининг маркази Минусин ўлкаси ва Олтойда бўлиб, унинг Хитой шимолий чеккасининг бронза давридаги маданияти билан яқин алоқада эканлигини машҳур археолог С. В. Киселев исботлаб берган.

Шу тариқа бронза даврида, С. П. Толстовнинг тасдиқлашича, Амударёning ҳозирги ўзани шаклланиши арафасида Хоразмда шимолий, жанубий ва шарқий этник-маданий элементларнинг чатишиш жараёни рўй беради. Шу асосда маҳаллий элатлар билан қўшни кўчманчи қабилалар ва келгинди этнослар билан Амударё воҳасидаги буюк суғориш иншоотлари ва улуғвор қалъаларни яратган халқ мазкур қурама этник элементлар негизида вужудга келган.

Бу даврда Хоразм воҳаси, Зарафшон ва Фарғона водийларида яшовчи элатларнинг хўжалиги сунъий суғоришга, ўтроқ деҳқончиликка асосланган бўлса, уларни ўраб олган чексиз дашту биёбонда чорвачилик ҳам тобора тарақкий қила бошлайди. Иқтисодий жиҳатдан бир-бири билан чамбарчас боғлиқ бўлган воҳа (водий) ва дашт ўртасида ижтимоий меҳнатнинг бўлиниши содир бўлади. Бу ҳолат ишлаб чиқарувчи кучларнинг янги поғонага кўтарилиши натижасида ҳунармандчиликда ҳам меҳнат тақсимотини вужудга келтирган эди. Деҳқончиликнинг ривожи, дабдабали шаҳар-қалъаларнинг пайдо бўлиши ижтимоий тузумнинг ўзгаришига олиб келган. Шубҳасиз, доимо ўзгариб турадиган дарё ўзан-

ларидан чиқсан майдан ариқлар ўрнида пайдо бўлган ниҳоятда энли, узунлиги юзлаб километрга чўзилган магистрал каналлар ва сув омборлари, илгариги майдан чайлалар ўрнини ва бир неча гектар ерни эгаллаган ҳамда баланд деворлар билан ўралган қалъя ва қасрлар қулларнинг мажбурий хизмати ва уларни ишлатадиган қулдорлик давлатлари бўлмаганда амалга ошмас эди. Ҳатто дашт аҳолиси орасида ҳам подаларнинг жуда тез кўпайиши, яйлов ва ўтларнинг анча кенгайиши, кўчманчи бой аристократия хўжалигига фойдаланиш учун текин иш кучига муҳтоҷликнинг пайдо бўлиши патриархал тицдаги қулдорлик тузуми элементлари кенг тарқалганлигидан дарак беради. Шуниси муҳимки, айниқса турли элатларни ўзига бўйсундирган ва кенг ҳудудни эгаллаган Хоразмда қурилиш усули ва фортификациянинг умумийлигидан ташқари, бир шаклдаги ўч қиррали камон ўқлар, катта тош ёрғуchoқлар, чархда ишланган аъло сифатли, кўпинча қизил рангга бўялган ва лак берилган сопол идишлар ҳамда бошқа буюмлар сақланиб келади. Шубҳасиз, бу маданий бирлик негизида ҳам ижтимоий-иқтисодий тузум бирлиги ётади.

Нафакат археологик тадқиқотлар, зардуштийларнинг муқаддас китоби «Авеста» ва қадимги муаллифларнинг кўпчилиги ҳам мазкур фикрни қувватлайди. Масалан, «Авеста»да Ўрта Осиёда илк қулдорлик давридаги ижтимоий тузумни таърифловчи ва маҳаллий элатлар тўғрисида муҳим маълумотлар келтирилган. Унда таърифланган жамоада чорва моллари жуда кўп бўлиб, ўтроқ чорвадор ва деҳқончилик хўжаликларидан иборат бўлган, чорва моллари кўп бўлган ҳарбий аристократия бошқалардан ажралиб туради. Бу муқаддас китобда қурдатли Қанғҳа давлати ҳам тилга олинади. Хитой элчиси ва сайёҳи Чжан Цзянь Ўрта Осиёда йирик Қангюй (Қанғҳа) давлати мавжудлиги ҳақида ҳикоя қилади. Машҳур ҳинд достони «Маҳобҳорат»да бу ўлкада яшаган саклар тилга олинган. Қурама тоғ этагида жойлашган кангарлар, Сирдаёнинг юқори оқими ва Фарғона саклари ва бошқа қабилавий бирикмалар Қанғҳа давлатига қарам бўлган. Хитой манбаларининг хабар беришича, эрамиздан аввалги II—I асрларда Қанғҳага Шахрисабз-Китоб воҳаси (Сусе), Сўрдиёна, Хоразм, Тошкент воҳаси ва Чирчиқ водийси (Юни), Зарафшоннинг ўрта оқими (Фуму), Бухоро воҳаси (Ги) ўтади. Унинг шарқий чегараси Фарғона жанубда Пар-

фия ва Бақтрия билан чатишган. Хитой солномаларига қараганда, Қанғча ҳукмронлиги Орол ва Азов дengизлари оралиғидаги алланлар мамлакатига, Орол бўйи ўрмон қабилаларигача етган ва улар мўйна билан солиқ тўлагонлар. Уша даврдан бошлаб маҳаллий аҳоли орасида туркӣ қабилаларнинг кўчиши натижасида астасекин түрк тиллари тарқала бошлади.

Македониялик Искандар эрамиздан аввалги 329 йилда Урта Осиёда пайдо бўлганда Кир ва Доро мустабид давлатига қарам ҳисобланган маҳаллий аҳолининг кўпчилик қисми эроний тил гуруҳининг турли лаҳжаларида гапирганлиги тўғрисида жуда кўп манбалар, айниқса антик давр муаллифлари қайд қиласиди. Аммо ниҳоятда кенг ҳудудда жойлашган кўчманчи ва яrim кўчманчи элатларнинг анча қисми туркӣ тилда гапирганлиги туфайли улар маҳаллий халқлар билан жуда яқин алоқада бўлиб туб аҳолини туркийлаштириш жараёни кучая боради. Уларнинг ўтроқ ҳолатга ўта бошлагани ҳам тарихда аниқланган. Айниқса икки эра орагифидаги давр ичida ўрта осиёликларнинг бой маданий мероси заминида ўзига хос этник жараённи юзага келтирган. Кушон ва Хоразм давлатлари анча гуллаб-яшнаган. Бу давлатларда жуда ҳам кўп ва хилма-хил обидалар пайдо бўлган. Кўп элатли Хоразм Искандар истилосидан кейин ҳам, аҳамонийлар империяси давридагидек, ўз мустақиллигини сақлаб қолган. Кўкча дengиз маданиятига оид Чирикработ қўрғонларининг биридаи тонилган скиф (апасиак) жангчисининг темирдан ясалган совути Искандар юришлари даврига оид энг қадимги шу хилдаги қурол-аслаҳалардан ҳисобланади.

Қора дengиз шимолидаги қадимги мақбараларнинг биридан тоцилган совут қолдиқлари ва шунга ўхшаш ҳарбий аслаҳалар, жангчилар расми солинган тангалилар Урта Осиёning жанубида ва Ҳиндистоннинг шимолида мавжуд бўлиб, Чирикработ совутига нисбатан анча кейинги даврга оидdir. Бундай совутларни тактик жиҳатдан анча кучли бўлган кўп мингли массагет жангчилари кийиб юрган. Хитой манбаларида «катта юэжжи» деб аталган массагетларда оғир қурол-аслаҳа билан қуролланган отлиқ қўшинлар қўшни мамлакатларга хавф туғдирив турганлиги ёзилган. Тадқиқотчиларнинг фикрича, даставвал Хоразмда пайдо бўлган бундай отлиқ қўшинлар билан жанг қилиш тактикаси сарматаланлар орқали Шарқий Европа, ундан Римга, шарқда

эса хуннларга ўтган. Эрамиздан аввалги I асрда парфияликларнинг Марв темирчилари қўли билан ясалган совет кийган отлик қўшин билан римликларга қарши Карр яқинида жангда қатнашганликларини юон музаллифларий хабар қилади. Баланд, бақувват, чидамли отларнинг асл зоти ўша даврларда массагетлар ўлкасидан Мўғулистон, Хитой ва Жанубий Сибирга ҳам тарқала бошлаган.

Эрамиздан аввалги II асрда Митридат I даврида Парфиянинг ҳудуди ниҳоятда кенгайиб Мидия, Форс, Бобил ва Марғиёна ўлкаларини ўз ичига олган. Уша даврда улуғ ҳокимиятга айланган бу мустақил давлатнинг маркази Ўрта Осиёдан ғарбга кўчиб, унинг тарихи Рим империяси билан орадаги ерларни бўйсундириш учун туганмас курашда ўтган.

Кейинги икки аср давомида Қанғҳа ҳудудида кўпгина янги шаҳар ва қалъалар пайдо бўлади, турли касб-хунар соҳалари ва савдо-сотиқ ўсади, пул тизими юзага келади. Бепоён Қизилқум ва Қорақум уюмлари орасида қад кўтариб турган ўнлаб қалъаларнинг басавлат харобалари, узоқ-узоқларга чўзилган кўхна каналларнинг излари, боғу роф ва серунум далаларнинг полиз қолдиқлари ҳозиргача кишини ҳайратда қолдиради. Айниқса Амударё ва Сирдарё қўйи ўзанлари бўйлаб биринкетин қад кўтарган шинакли баланд деворлар билан ўралган баҳайбат қалъя ва қасрлар ҳақиқатан ҳам бу давлатнинг анча ривожланганигидан далолат беради. Бу шаҳар ва қишлоқларни қазиб текшириш натижасида зўр каашфиётлар қўлга киритилди. Шулардан энг муҳимлари қумтошдан, лойдан ва ганчдан ясалган ҳар хил ҳайкаллар, ранг-баранг нақш парчалари, от, туя, қўй ва бошқа ҳайвонлар ҳамда қушлар тасвиirlangan расмлар, ўсимлик шаклидаги, мазмундор нақшли катта идишлар, одам ва маймунлар ясалган сопол ҳайкаллар ва бошқа санъат намуналари маҳаллий элатларнинг турмуш тарзини ўрганишга ёрдам беради. Қанғюй маданияти билан боғлиқ эрамиздан аввалги IV—III асрларга оид арамей типидаги ёзувнинг топилиши жуда катта каашфиёт бўлган эди. Зардуштийлик дағнি маросими билан боғлиқ бўлган сопол ёки ганчдан ясалган қути (оссуарийлар) нинг кенг ҳудудда кўп сонда учраши турли элат ва халқларнинг бошини қўшиб турган муайян диний эътиқод мавжудлигидан дарак беради.

Эрамизнинг I—IV асрларидаги Ўрта Осиё кенг ҳудуд-

ни эгаллаган қудратли Кушон давлатига киради. Кушонлар дастлаб Қобул воҳасини ва Кашмир вилоятини, кейин гунн қабилалари юришларидаи анча бўшаган Қангюйнинг жанубий қисмини ва Ҳиндистоннинг Бенаресини босиб оладилар. Кушон империяси Қанишка ҳукмронлик қилган даврда (78—123 йиллар) ўзининг энг гуллаган «Шак даври» номи билан Ҳиндистон тарихига кирган. Истеъодли саркарда ва давлат арбоби Қанишка ўз империяси чегарасини Жанубий Туркманистон ва Ҳиндистон томон кенгайтириб, пойтахтни Пешворга кўчиради. У Хитой билан урушлар олиб боради, Рим билан муваффақиятли дипломатик алоқалар ўрнатади. Эрамизнинг 99 йилида Кушон элчиларининг Римга келиши ва Кушон давлати ҳудудида кўплаб Рим тангаларининг топилиши бунга далил бўла олади. Кушон тангалари Қама бўйларида ҳам учрайди. III асрдан бошлаб империя чуқур инқирозга учрайди, унинг айrim қисмлари, жумладан Фарғона ва Хоразм ажралиб, мустақилликка эришади, ўз тангаларини чиқара бошлайди. Оқибатда буюк империя ёмирилиб, Эрон подшолиги сосонийлар сулоласи томонидан қисман босиб олинади. Турли дин, ирқ ва тилдаги элатлар бўйсундирилган ва бирлаштирилган Кушон империяси даврида мураккаб этник жараён рўй беради, ўзаро хўжалик-маданий муносабатлар иқтисодий барқарорлиги таъминланади.

Археологик тадқиқотлар шуни кўрсатадики, Урта Осиёда кушонлар даврида хўжалик жиҳатдан анча юксалиш бўлиб, ирригация иншоотлари ривожланади (Хоразмда Гавътар ва Чарманёб, Бухорода Гав-Қитфор, Сўғдда Дарғом магистрал каналлари), кулолчилик равнақ топади, тош ёрғуchoқлар ўрнига тегирмонлар пайдо бўлади, танга зарб қилиш ва пул муносабатлари кучаяди. Шаҳар ҳаёти юқори даражага кўтарилади, масалан, Марв шахри 350 га, Самарқанд 100 га ерни эгаллаган. Аммо қишлоқ аҳолиси айrim ҳовли уйларда мудофаа иншоотларисиз истиқомат қўилган.

Кушон давлатининг гуллаган давридан бошлаб деярли ўн аср давомида Урта Осиёда рўй берган тарихий, этник жараённи қадимги сўғд, хоразмий, сак, бақтрий, парфия тилларидаи арамей алфавити асосида пайдо бўлган ёзма манбалар орқали биламиз. Масалан, бир неча шеваларга бўлинган сўғд тилида қадимги Зарафшон ва Қашқадарё водийлари, Усрушанъ (Самарқанд

билин Хўжанд оралиғидаги вилоят), қисман Фарғона водийиси ҳамда Чоч (ҳозирги Тошкент) аҳолиси гапирган. Айниқса эрамизнинг IV—IX асрларида сўғд тили жуда ҳам кенг ҳудудга тарқалган ва унинг Самарқанд шеваси сўғд ёзувларининг негизини ташкил қилиб, бир неча асрлар давомида Ўрта ва Марказий Осиёда энг муҳим адабий, фан, дин ва халқаро савдо тили деб қабул қилинган.

Сўғд тилидан олдинроқ арамей типидаги ўзига хос алфавитга эга бўлган хоразм тили ёзувлари (асли парфия ёзувига яқин) пайдо бўлади. Кўйқирилганқалъа ва Тупроққалъа харобаларидан топилган намуналар ва бошқа манбалар бу тилнинг ҳам кенг ҳудудга тарқалганлигидан ҳамда бир неча шевалардан иборат эканлигидан хабар беради. Хоразм тиличининг фонетик, грамматик тузилиши ва лексикасига қараганда у айниқса шарқий эроний тиллар орасида ажralиб ўзига хос бўлиб, сўғд ва осетин, сак, афон, помир тиллари оралиғида юзага келган ва мустақил тил деб танилган. Қадимги сўғд ва Хоразм тиллари XI—XII асрларгача сақланиб туркий тиллар томонидан сиқиб чиқарилган ва қисман янги тилга сингиб кетган. Баъзи манбаларга қараганда, хоразмликлар XIII асрда икки тилда гапирганлар. Сўғд аҳолиси туркийлаштирилгандан кейин ҳам, Маҳмуд Кошғарийнинг таърифича, XI асрнинг иккинчи ярмида Боласоғун ва бошқа шаҳарликлар турк ва сўғд тилларида гапира билганлар.

Атоқли туркшунос олим Н. А. Басқаковнинг таърифича, миintaқадаги туркий тилларнинг шаклланиши қўйидаги асосий даврларга бўлинади: I—хуннлар даври (эрамизнинг V асригача); йирик уруғ-қабилавий туркий бирликларнинг дастлаб жануб ва шимолда, кейин шарқ ва гарбда пайдо бўлиши билан тавсифланади; II—қадимги турк даври (VI—IX асрлар); уруғ-қабила иттифоқларининг булғорлар, қипчоқлар, ўғузлар, қорлуқлар, қирғиз-қипчоқларга бўлинниб кетишӣ билан тавсифланади; III—ўрта турк даври (IX—XV асрлар), бу давр иккига бўлинади (мўғулларгача (IX—XII асрлар) ва мўғуллардан кейинги (XIII—XV асрлар) даврлар ҳамда қораҳонийлар, хоразмийлар ва кейинроқ Олтин Ўрда давлати ҳамда Салжуқийлар иттифоқининг ташкил топиши билан белгиланади. Бунинг оқибатида бир неча уруғ-қабилавий бирликлар (ўғузлардан ажралган ўғуз-туркманлар, ўғуз-салжуқийлар ва ўғуз-булғорлар,

қипчоқлардан эса қипчоқ-булғорлар, қипчоқ-половецлар, қипчоқ-нўғойлар ва ҳоказолар) юзага келади.

Туркий элатларнинг Урта Осиёга ва қўшни ўлкаларга энг кўп келган вақти V—VIII асрлар бўлиб, бу даврда миңтақанинг туб аҳолиси сәклар, хоразмийлар, парфияликлар, сўғдийлар, тоҳарлар ва бошқа элатлардан иборат бўлган ва уларнинг тилларининг тамомила шаклланишига зўр таъсир ўтказган. Шуниси муҳимки, эрамизнинг бошларида Урта Шарқда энг катта тўлқин бўлиб тарқалган хуннларни атоқли олимлардан Н. А. Аристов, Г. Е. Грум-Гржимайло, В. В. Бартольд, К. А. Иностраницев, Н. И. Артамонов, А. Н. Гумилев ва бошқалар туркий тилдаги элатлар, туркларни эса асли хуннларнинг авлоди деб ҳисоблайдилар.

Айрим тадқиқотчилар таърифича, X—XI асрларда Урта Осиёда тўртта уруғ-қабила иттифоқидан иборат давлатлар мавжуд бўлиб, улар ўнлаб этносларни биритирган. Қарлуқлар, ўғузлар, қипчоқлар, қирғизлар шулар жумласидандир. Мазкур заминда аста-секин муайян ҳудуд, тил ва этник бирлик шаклланиб, ҳозирги туркий халқлар—ўзбеклар, уйғурлар, қозоқлар, қорақалпоқлар, туркманлар ва қирғизлар келиб чиққан. Урта турк даврида, Н. А. Баскаковнинг фикрича, Урта Осиё туркий тилларининг ривожига (IX—XV асрлар) Қорахонийлар давлати қабул қилган уйғур-қарлуқ адабий тили катта таъсир қилган. Дастлаб бу тил сўғдий алифбеси, кейин араб ёзуви асосида ривожланиб унинг икки варзишти шаклланади: Мовароуннаҳрда шарқий-қорахонийлар ва Хоразмда гарбий-хоразмий адабий турк тили.

XIV—XV асрларда Урта Осиёга, жумладан Фарғона водийси ва ҳозирги Узбекистоннинг жанубий районларига ҳамда Мовароуннаҳрга мўғул қабилаларининг (жалоир, барлос, қовчин, арлат, алчин, минг, манғит, найман ва ҳоказо) кўчиб келиши кучайган. Уларнинг кўпчилиги туркийлашган бўлиб, айримлари ҳатто турк тилини ўзининг она тили деб ҳисоблаганлар. XV асрда мўғул қабилалари ўзларини чиғатой деб номлаганлар ва аста-секин ўтроқ деҳқончилик хўжалигига ўта бошлаганлар.

Учта узбек хонликларининг (XVI—XVII асрлар) пайдо бўлиши, туркий халқларнинг кейинги тараққиётти мазкур феодал бирйкмаларнинг теварагида жисплашган элатларнинг ижтимоий-иқтисодий ва маданий

ривожи билан бевосита боғлиқ бўлиб ўзига ҳос адабий тилни юзага келтирган: уйғур-қарлуқ шеваси асосида ги чигатой тили ва қипчоқ-ўғуз шеваси асосидаги Хоразм (ёки жўчи) туркий адабий тили. Уша даврда Чигатой тили заминида ўғуз лаҳжаси асосида салжуқий тили дастлаб Хоразмда, кейинроқ Кичик Осиёга тарқалган. Ҳозирги ўзбек тилида учта лаҳжа—қарлуқ-чиғил, қипчоқ ва ўғуз бўлиб, улар ҳам айрим шеваларга бўлинади.

Кўпчилик олимларнинг фикрича «турк» сўзининг этимологияси диний эътиқод билан боғлиқ. Академик В. В. Бартольд «турк» сўзи этнографик эмас, балки сиёсий атама деб ҳисоблайди. Унинг фикрича, турк атамасини туру — қонун, одат сўзи билан қиёс қилиш мумкин ва у «қонун асосида бирлашган ҳалқлар» деган маънони билдиради. Академик Н. Я. Марр «турк»ни ижтимоий атама билан боғлаб, уни юқори табақали «тар-хон» сўзига ўхшатади ва ҳатто «худо» маъносига яқин деган фикрни айтади. Ленон, В. Томсон, Ю. Немет каби туркшунос олимлар «турк» сўзини «қудрат», «куч» деб таржима қилганлар. Ҳозиргача айрим муаллифлар машҳур «Шоҳнома»даги Турон сўзини Тур исми билан сунъий боғлаб, ундан «турк» сўзи келиб чиққанлигини асоссиз равишда баён қиласидилар.

Баъзи тадқиқотчилар «турк» атамаси «умумлаштирилган қабилалар иттифоқининг номи», деган фикрни айтганлар. Бу иттифоқнинг кенг ҳудудда жойлашган қабилалар биримасини англатадиган «тур (тўр) тўс» сўзига «к» ҳарфи қўшилиб умумий тотем номи билан боғлиқлиги тўғрисидаги фикр ҳам мавжуд. Кўп тилларда «тўр», «юқори», «баланд», «чўққи», «учи» ёки «тоғ» маъноларини англатади ва осмондаги ёки юқоридаги олий мавжудот образига ўхшатилади. Шу маънода бу атама «ҳўқиз» сўзига яқинлаштирилиб илоҳий образ, ибтидоий тотем сифатида ҳам таърифланган.

Турк атамаси тўғрисидаги қуйидаги муҳим маҳаллий манба диққатга сазовордир. Атоқли тарихчи Абулғози ўзининг «Шажарайи турк» номли ажойиб асарида бундай ҳикоя қиласиди: «Туркларнинг энг қадимиш илдизи Таврот ва Қуръон образларидан Нуҳ пайғамбар авлоди ҳисобланиб, унинг ўғли' Ефас отасининг ҳукми билан Жуди (Аракат) товидан кетиб Атил (Итил, яъни Волга) ва Ейиқ сувининг ёқасига келиб жойлашган. У анда икки юз эллик йил турган. Ефаснинг авлоди би-

сёр бўлиб, ундан саккиз ўғил қолган: Турк, Ҳазар, Сақлаб, Рус, Минг, Чин, Камари, Тарих. Ота ўлемидан олдин улуғ ўғли Туркни ўрнида қолдириб, ўзга ўғлонларига Туркни ўзларингизга подшоҳ билиб, анинг сўзидан чиқманг, Туркка Ефас ўғлони деб лақаб қўйдилар... Туркнинг тўрт ўғли бор эди. Аввал Тўтак, иккинчи Чигил, учинчи Барсачар ва тўртинчи Имлоқ. Туркнинг танлаб хушлаб олган ерларини бу кун Иссиғўл дерлар. Унинг ўғилларидан Тўтак оқил ва давлатли яхши подшоҳ эрди. Турк ичинда кўп расмларни ул пайдо қилган. Ошга туз солмоқни ул чиқарди. Икки юз қирқ йил умриндин ўтгандан сўнг ўғли Аблачаонни ўз ўрнида ўлтуртуриб, кейин Деббоқўйхонни, унинг ўғли Куюкхонни таҳтга кўтариб неча йиллар одил ҳукмронлик этган. Кейинги авлод Аблачаоннинг эгизак туғган икки ўғли Татар ва Мўғул орасида элни бўлиб бердилар. Бу иккиси бир-бири бирлан ёмонлик қилмай, яхшилик бирлан давлат суруб умр ўтказдилар... Мўғул бирлан Татар булғондин, то Бойду замонигача ҳеч ораларинда низо ўйқ эрди».

Абулғози таърифича, Мўғулхон кўп йиллар подшоҳ бўлган. Бу замон бутун эл Ар тоги ва Қар тоғига ёз фаслида яйловга кўчган. Қишлоғида Қорақумда ва Сир сувининг ёқасида қишлоған. Қораҳон замонида эл андоқ, нодир бўлиб эрдиларким, ичларинда бир мусулмон қолмай эрди. Подшоҳнинг улуғ хотинидан кўркали ойдин ва кундин ортиқ бир ўғил бўлди. Ул чоқда Мўғулнинг расми андак эрди ким, то ўғлон бир ёшга етмагунча анга от кўймаслар эрди. Ўғлон бир ёшга етгач Қораҳон элга совун солиб, улуғ тўй қилди. Тўй куни ўғлонни маърака ичига келтириб беклардан подшо сўради: «Бизнинг ўғлимиз бир ёшга етди. Энди мунға не от қўярсиз?» Беклар жавоб бермасдан бурун ўғлон айтди: «Менинг отим Үғуз турур». Тўйга келган улуғ ва кичик барча ўғлоннинг бу сўзига танг қолдилар. Токи айтдилар, бу ўғлоннинг ўзи отини айтатур, мундин яхши от бўлурми, деб отини Үғуз қўйдилар¹.

Урта осиёликларнинг аждодлари энг қадимий даврлардан нафақат тили ва ёзуви билан, балки диний эътиқодлари билан ҳам ўзаро яқин бўлганлар. Уларни

¹ Қаранг: Абдулғози Шажарайи турк. Тошкент. «Чўлпон», 1992. 15—18-бетлар.

муайян диний тасаввурлар бириктириб турган. Ибтидоий динларда, юқорида қайд қилинганидек, тотемистик тасаввурларнинг этномим ва этнотопонимларда сақлашиб ҳозирги ўрта осиёликларнинг этник тузилишида умумийликни ифодаловчи далиллар муҳим аҳамиятга эга. Масалан, эчкининг этномим сифатида қабилалар номида такасерка, бўрининг қурт, мўжак каби тоғем ҳисобланган ҳайвонларнинг номлари Ўрта Осиё ва Қозоғистон халқларининг этник тузилишида учраши, уларнинг нафақат диний эътиқодлари, балки келиб чиқиши умумий илдизга эга эканлигидан далолат беради. Илк диний шакллардан анимистик ва сеҳгарлик тасаввурлар, шаманизм ва фетишизм қолдиқлари минаңкада ҳозиргача учрайди. Бу ҳолат ўрта осиёликларнинг этник илдизигина эмас, балки маънавияти ва руҳияти ҳам бир заминда эканлигини тасдиқлади.

Бутун Ўрта Осиёда синфий жамиятлар пайдо бўлгандан кейин турли диний ақидалар, топинишлар юзага келади. Шулардан әнг кенг тарқалган ва давлат дини даражасига кўтарилигани зардуштийлик (униг асосчиси Заратуштра) барча элатлар орасида ҳурматлиси ҳисобланган. Бу динни баъзан эзгу худо Ахурамазда номи билан маздаизм ёки униг асосчиси юононча Зороастризм билан зороастризм деб атайдилар. Эзгулик худоси билан бирга зардуштийлиқда унга рақиб ҳисобланган Анхра-Майню (Аriman) худоси мавжуд бўлиб, бу икки пárвардигор орасидаги зиддият ва кураш асли эзгулик ва ёвузлик орасидаги қарама-қаршиликни, униг рамзи сифатида кўчмаńчи қабилалар ва ўтроқ аҳоли орасидаги рақобатни ифодалайди. Барча этнослар орасида кенг тарқалган табиатнинг туғилиб тирилишини ифодаловчи ўсимликлар худоси Сиёвуш, ҳосилдорлик маъбудаси Анахита ва Қуёш худоси Митра турли әлатларни мағкуравий жиҳатдан яқинлаштириб ҳамда бириктириб тўрган. Ўрта Осиёнинг жанубий вилоятларида буддага сифинганлар, айрим элатлар юон худолари (Зевс, Посейдон, Аполлон, Артемида, Геракл, Дионис) га ибодат қилганлар. Аммо бу маъбудалар ташқи кўринишда маҳаллий худолар образида намоён бўлган.

Икки ярим минг йил муқаддам яратилган зардуштийларнинг муқаддас китоби «Авеста»даги афсонавий образлар (аждарҳо, дев, яъжуҷ-маъжуҷ ва ҳоказо), никоҳ ва бошқа маросим ва урф-одат элементлари, анимистик тасаввурлар, одоб-икром ва умуминсоний қадрияллар-

нинг жуда кўп фазилатлари ҳозиргача Ўрта Осиё халқлари, жумладан ўзбекларнинг миллий одатлари ва характери сифатида сақланиб келиши бизнинг ҳаётимизда диннинг нақадар муҳим эканлигини тасаввур қилиш қийин әмас.

Шуни алоҳида қайд қилиш лозимки, халқ ижоди на-муналари ҳам узоқ аждодларимиз орасида жуда кенг ҳудудга тарқалган. Энг қадимиј аждодларимиз — сак-массагет-скиф-сармат олами билан боғлиқ фольклор асарлари мазмунан ва айрим образлари билан ўзбек, туркман, қозоқ, қорақалпоқ ва бошқа турк халқларининг оғзаки ижодида («Қирқ қиз», «Дада-Кўркут» қиссанаси, «Алпомиш», «Гўрўғли» цикли, Насриддин, Алдар кўса, норт ва бошқа достону эртакларда) тасвирланган. Улардаги айрим образ ва воқеаларнинг Орол ва Қаспийбўйи, Даشت қипчоқ, Қорақум, Олд Осиё ҳамда Шимолий Кавказнинг воҳалари ва бепоён дашти-биёбларида яшаган турли элатларнинг ривоятлари ва достонлари билан боғлиқлиги тасодифан әмас.

Демак, ўзбек, туркман, қозоқ, қорақалпоқ ва бошқа ўрта осиёлик халқларнинг келиб чиқиши ва этник тарихига минтақадаги қадимиј мураккаб этник жараённи аниқ тасаввур қилмагунча объектив баҳо бериш ниҳоятда қийин. Бизнинг турли ирқ ва диндаги ҳар хил элатларнинг қурамасидан ташкил топган аждодларимиз энг қадимиј даврлардан ёзуви юксак маданият яратгандар. Улар минг йиллаб ўзаро яқин иқтисодий, маданий ва майший алоқада бўлиб асосан аҳил яшаб келганлар.

Ўзбек элатининг шаклланиши эрамиздан аввалги I минг йилликнинг ўрталарида бошлаб бутун антик давр давомида этник илдизи, хўжалик-маданий ва турмуш тарзи бир заминдаги ҳозирги Ўзбекистон ҳудудида яшаган маҳаллий европеоид аҳоли билан, аста-секин шарқдан монголоид ирқий элементларнинг тарқалиши натижасида юзага келган этник жараён билан бевосита боғлиқ бўлган. Бу ҳудуд эрамизнинг V асиридан бошлаб ҳүннлар билан сак-массагетлар аралашмасидан ташкил топган Эфталитлар давлатига кирган. Бу давлат сиёсий жиҳатдан кўпгина халқ ва элатларни, турли ижтимоий-иқтисодий тузум, дин ва ибодатларни биритирган. Кейинги асрда Фарбий тўрк ҳоқонлиги ҳукмронлиги Амударё соҳилларигача етиб Мовароуннаҳр ва Фарғона водийсига шимоли-шарқдан турк қабилалари янги оқимининг кўплаб жадал кўчиб кели-

шига сабаб бўлган. Муҳаммад Наршахийнинг хабар беришича, ўша даврларда Зарафшон водийсига Туркистон ўлкасидан жуда кўп одамлар кўчиб келиб, серунум ва серсув ўрмонли ерларни эгаллаганлар, улар дастлаб ўтов ва чодирларда яшаганлар, кейинчалик келгинди кўчманчилар ўтроқ ҳолда ҳовилилар қуриб истиқомат қила бошлаганлар.

Тарихий ҳужжатларга қараганда, Ўрта Осиёning фарбий ва жанубий районларида туркий аҳолининг жиддий кўпайиши Қорахонийлар ва Салжуқийлар давлатларининг (Х—XI асрлар) ҳукмронлиги билан боғлиқ эди. Ундан олдинроқ туркий тиллар Фарғона ва Чоҷ вилоятларида, Зарафшон ва Қашқадарё водийларида маҳаллий тилларни сиқиб чиқарган ва ҳукмрон бўла бошлаган. Хоразм воҳасида мўғул истилосидан кейин XIII—XIV асрларга келиб қадимги Хоразм тили мутлақо йўқолиб, туркий тилининг ўғуз шеваси сингади, аммо маҳаллий аҳолини туркийлаштириш жараёни қадими юксак маданиятли элатлар этник тузилишига таъсир қилмаган.

Шундай қилиб, араб истилоси арафасида (VI—VIII асрларда) турк хоқонлари билан феодаллашиб бораётган Ўрта Осиё зодагонлари орасида иттифоқ тузилиб, йирик тўркий сиёсий бирлик негизида турли элементларнинг қўшилиб кетиш жараёни анча кучаяди. Уша даврда умумий тил ва шеваларда галирадиган барча элатлар ва қабилалар аста-секин яқинлашиб (бирикиб), ўзбек ва бошقا Ўрта Осиё туркий халқлар этногенезига пойдевор қўйган эдилар. Айниқса бу жараён Фарғона, Сўғд, Чоҷ ва Хоразм, қисман Бухоро аҳолиси орасида жиддий суръатлар билан рўй берган. Яна бир ижобий өмиллардан бири бу ерга ислом динининг келиши ва унинг ақидалари маҳаллий элат ва халқларни мусулмончилик мағкураси асосида ўзаро яқинлаштириш ва дўстона муносабатларни мустаҳкамлашга муҳим туртки бўлди.

Мовароуннахрда шимолдан келиб ўринашиб, мустақил давлат яратган ўзбекларнинг кейинги этник қатлами—ислом динига ўтган чигатойлар сулоласи ҳукмронлик қила бошлаган. Унда туркий элатлар ва қабилалар кўпчиликни ташкил қилган. Келгинилар ичida ҳам туркий ва туркийлашган мўғул қабилаларидан жалоир, барлос, қовчин, ўрлат ва ҳоказолар ҳозирги Ўзбекистон худудига жойлашиб, умуман чигатойлар

деб номланган. Узбек адабий тилини кейинчалик А. На-
войй ривожлантириб, уни дастлаб «чиғатой тили», деб
атагани ҳам бежиз эмас. Келгинди элатлар маҳаллий
ўтроқ аҳоли билан қўшилиб, XIV—XV асрларда бутун
Ўрта Осиёда қудратли куч сифатида катта роль ўйна-
гандар. Уша даврдан бошлаб, Мовароуннаҳрнинг тур-
кий аҳолиси «чиғатойлар» деб аталган. Бизнинг даври-
мизгача етиб келган чиғатой турклари этнографик гу-
руҳларидан ўз этник хусусиятларини сақлаб қолган турк-
лар, қарлуқлар, барлослар, калтатойлар, мусобозори,
мӯғуллар ҳозир ҳам учрайди.

Энг кейинги йирик кўчув XV аср охирлари ва XVI
аср бошларида рўй беради. Бу даврда сиёсий ва иқти-
садий жиҳатдан анча бўшашган Ўрта Осиёда маҳаллий
ҳоким ва подшолар орасидаги таҳт талашишлар, халқ
оммасининг оғир аҳволга тушиб ҳаракатга келиши қўш-
ни кўчманчи ўзбекларга қўл келган эди. Темурийлар
сулоласининг охирги ҳокимлари, жумладан Фаргона
ҳокими Бобур ва Ҳирот ҳокими Ҳусайн Бойқаролар
Дашти қипчоқдан келган қудратли Шайбонийхон бош-
чилигидаги кўп сонли қўшинлар олдида ожизлик қилиб
чекинадилар. Шундай қилиб, ҳозирги Ўзбекистоннинг
Зарафшон, Сурхондарё ва Қашқадарё водийларида,
Хоразм воҳаси ва бошқа районларда Шайбонийхон
билан келган «ўзбек» номли туркий тилдаги қабилалар
ҳам ўрнаша бошлайди ва маҳаллий аҳоли билан арала-
шиб кетади. Улар янги заминдор (феодал) ларни барпо
этиб, кўп ерларни зўрлаб мусодара қилиб олганлар, бир
қисмини лашкарга тарқатиб темурийлар тўплаган бой-
ликларни қўлга киритганлар. Шундай қилиб, юқори
ҳарбий табақалар олий сиёсий ҳокимиятни ўрнатган-
лар. Уша даврда ўзбек тилида адабий ва тарихий асар-
лар кенг тарқалади («Шайбонийнома», «Нусратнома»,
«Абдулланома», «Алпомиш» кабилар).

«Ўзбек» атамаси илмий жиҳатдан ҳали тўлиқ аниқ-
ланмаган. Дастлаб бу сўзни араб муаллифи Усам ибн
Мунқиз (XII аср охирлари) асарларида учратамиз. Кейин Рашидиддин солномаларида Жалолиддиннинг
ҳарбий навкарларидан бири ҳам «ўзбек» исми билан
тилга олинади. Атоқли тарихчи Ҳамдуллоҳ Қазвиний
(XV аср) Олтин Үрда хони Ўзбекнинг лашкарларини
«ўзбеклар» деб номлайди, тегишли ўлкани эса «Мамла-
кати ўзбек» деб атайди. Низомиддин Шомий ва Шара-
фуддин Али Яздийлар ўзбекларни Олтин Үрда номи

билин боғлиқ деган фикрни билдирадилар. Бошқа манбаларга қараганда, XV аср охири—XVI аср бошларида Абулхайрхон ва унинг набираси Шайбонийхон қарамоғидаги барча қабила ва элатлар бирикмасига умуман «ўзбеклар» деб ном берилган. Абулғозининг «Шажарайи турк»ида ёзилганидек, Оқ ўрда подшоси Тўқтағуҳон ўлгандан сўнг ўн уч ёшли Ўзбекхон таҳтга келган. У ота-бобосининг дастури билан токи элни забт этиб, ҳар кимни мартабасига лойиқ ҳурмат қилиб, инъомлар бёрди. Барча ҳалқ уч соҳиби давлатнинг сабабиндин шарафи ислом мушарраф бўлдилар. Андин сўнг, Абулғози таърифича, барча Жўчи элини ўзбек эли дедилар.

Кўпгина манба ва ривоятларда ўзбекларнинг генеалогияси (шажараси) ҳақида гапирилиб, ўзбек ҳалқи 92 уруғ (қабила) дан ташкил топган дейилади. Асли бу рақам ҳақиқатга тўғри келмайди. Тадқиқотлар шуни кўрсатадики, ўзбекларнинг келиб чиқиши каби уларнинг этник тузилиши ҳам ниҳоятда мураккаб ва кўп асрлик тарихий тараққиёт натижасида бир неча марта ўзгариб кетган. Айниқса турк-мўғул элат ва қабилалари ўртасидаги ҳокимият ва ер-мулк учун туганниси ўзаро курашлар, катта қабилалар томонидан майда уруғ қабилаларнинг бўйсундирилиб, баъзан йирик элатларга сингиб қетиши, буюк кўчишлар ва қабилавий бирикмаларнинг пайдо бўлиши каби этник жараёнлар айrim элатлар номларининг ҳам ўзгариб қетишига сабаб бўлган.

Манғит ва қозоқ қабилавий бирикмалари ва Шайбонийлар давлатининг инқирозида кейинги турк-мўғул қабилалар таркибида бир номдаги турли қабилалар: қипчоқлар, манғитлар, қанғлилар, қўнғиротлар, найманлар каби йирик элатларнинг умумий номи «ўзбеклар» деб юритилган. Бу тўғрида Рўзбекон Исфаҳоний «Мехмономаи Бухоро»да ёзил, барча шайбонийлар ва ҳатто қозоқ ва манғитларни умумий бир ном билан «ўзбек ҳалқи» деб номлайди. Демак, турли хилдаги уруғ-қабилавий туркумлардан ташкил топган этник гуруҳлардан манғит, қўнғирот, қиёт, қипчоқ, хитой, қанғли, дўрмон, кенагас, сарой, минг, қирқ, юз, лоқай, қўшчи, найман, чимбой, шунқарли, қовчин, чиройли, ийжон, салур, байри, арғин, буркут, барлос, жалоир, қарлуқ, нукус, уйшин, ўтарчи, қатағон, кулан, арлат, қушоёқли, буйрук каби этнонимлар ўзбек ва бошқа Ўрта Осиё туркий

элатларининг халқи сифатида шаклланишида муҳим компонент ҳисобланади.

XV—XVI асрлар Ўрта Осиё муаллифларининг асарларида ўша даврдаги қозоқларнинг ўзбеклар ёки ўзбек-қозоқ деб номланиши ҳам диққатга сазовордир. Мазкур этномимларнинг кўпчилиги ҳозиргача айниқса Жанубий Узбекистонда сақланиб келган. Аммо уларнинг ўзбек этногенезидаги иштироки бир хил бўлмаган. Бу уруғ-қабилавий бирикмалар ва элатларнинг майший турмуши, урғ-одат ва маросимлари, жойланиши ва ижтимоий-сиёсий тузуми тўғрисидаги маълумотлар ўрта аср муаллифлари Маҳмуд Кошварий, Хондамир, Ҳофизи Таниш Бухорий, Маҳмуд ибн Вали, Наршахий, Абулғози ва бошқаларнинг асарларида келтирилган. Масалан, Заҳириддин Муҳаммад Бобур асарларига қараганда XVI аср бошларида Фарғона водийсига кўчиб келган туркий қабилаларнинг кўпчилиги ўтроқ бўлиб жойлашган. Кейинги асрда илгарироқ келган Даشت қипчоқ ўзбекларининг ўтроқ турмуш тарзига ўтганлиги тўғрисида Маҳмуд ибн Вали ўз асарларида хабар беради. Даشت қипчоқ ўзбекларининг XVII асрда Фарғонадаги маҳаллий ўтроқ туркий аҳоли билан аралашиб кетганлигини кейинги тадқиқотчилар ҳам қайд қилганлар.

Ўзбек уруғ-қабилаларининг номлари айниқса этнотопонимларда, яъни қишлоқлар ва маҳаллалар ҳамда географик номларда ёрқин ифодасини топган. Кўп муаллифлар уруғ-қабилаларнинг катта шаҳарларда ҳамда муайян минтақада жойлашганликларини айтиб ўтади. Масалан, А. Д. Гребенкин, В. Л. Вяткин, В. В. Бартольд, А. К. Писарчик, Б. Қармишева, К. Шониёзовлар айрим қабилавий атамалар берилган ўзбек қишлоқ ва маҳаллаларини тилга оладилар. Фарғона водийсидаги энг қадимий шаҳарлардан Марғилон ва Андижонда юзлаб маҳаллалар бўлиб, уларнинг анча қисми этномимлар билан боғлиқ бўлган.

Янги давр (XIV—XIX асрлар) давомида ўзбекларнинг этник шаклланиши давом қилиб, ўзларининг уруғ-қабилавий номларини то бизнинг асrimiz бошларигача қисман сақлаб келганлар. Улар нафақат этник жиҳатдан, балки турмуш тарзи ва ижтимоий тузуми билан ҳам ўзаро бир оз фарқ қилганлар. Айрим ўзбек қабилалари ўтроқ дехқончиликка тўла ўтмаган кўчманчилик хўжалиги ва турмуш анъаналарини сақлаб яrim ўтроқ

ҳолатда яшаганлар. Улар тилларидағи (шевасидаги) фарқ жиҳатдан анча ажралиб турганлар.

Аммо Туркистан ўлкаси ва ўзбек хонликлари рус мустамлакаси туфайли жаҳон капиталистик муносабатлари гирдобига тортила бошлигач аста-секин миллый уйғониш куртак ота бошлайди. Миллый буржуазия пайдо бўлади, улар ўзларининг мафкурачилари (жадидлар) орқали миллый ғурур ва ҳис-туйғулар, анъанавий турмуш тарзи ва маданият равнақи учун жиҳдий кураш бошлайдилар. Чор ҳокимиятининг мустамлакачилик сиёсати мазкур жараёнга ғов бўлиб, ўзбек элининг жаҳон миқёсидаги ижтимоий-маданий тараққиёт йўлига чиқишини чеклаб қўяди. Бутун Урта Осиёning чоризм даврида сунъий равишда Туркистан генерал-губернаторлиги, Хива хонлиги ва Бухоро амирлигига бўлинганлиги ҳам маҳаллий элатларнинг, шу жумладан ўзбекларнинг миллый бирлигига жиҳдий тўсиқ бўлади.

XX аср бошларига келиб ҳозирги Ўзбекистон ҳудудида 2,8 млн. га яқин ўзбеклар яшаган, улардан тахминан 82 фоизи қишлоқларда, 18 фоизи шаҳарларда жойлашган. Шуни ҳам алоҳида қайд қилиш лозимки, ўзбекларнинг анча қисми қўшини мамлакатларда яшаб, этник хусусиятларини сақлаб қолганлар. Аммо ўша даврда ҳали ҳамма ўзбек элатлари бир меъёрда ривожланмасдан, ижтимоий-иқтисодий жиҳатдан жойлашган муҳитига қараб ўзаро фарқланган.

Тадқиқотчилар асримиз арафасида ўзбек ҳалқи таркибида учта йирнк этник гурӯҳ (субэтнос) мавжуд бўлганлигини қайд қиласидилар. Улардан биринчиси энг қадимий даврлардан ўтрок ҳолатда шаҳар ва қишлоқларда яшаб, Урта Осиёга эрамизнинг I минг йиллиги охирларидан бошлаб узоқ давр давомида кўчиб келиб аста-секин ўтроклашган туркий элатлар билан аралашшиб кетган аҳолидир. Уларга ўша даврларда «сарт» деб ном берилган бўлиб, асосан Фарғона, Тошкент, Хоразм, қисман Зарафшон воҳаларида, умуман озми-кўпми деярли ҳозирги Ўзбекистоннинг ҳамма ерида жойлашган. Аммо уларнинг энг кўпи Фарғона водийсида бўлиб, асримизнинг бошларида у ерда тахминан бутун аҳолининг 52,7 фоизи жойлашган.

Иккинчи субэтнос Шайбоний ўзбеклар қелишидан олдин қадимий туркий элатлар билан турк-мўғул қабиаларининг аралашмасидан келиб чиққан. Улар XX аср бошларигача уруғ-қабнлавий анъаналарини сақлаб

сартларга қўшилмай яримўтроқ турмуш тарзида яшаб келганлар ва этнографик адабиётда «турклар» деган ном билан маълум (Б. Х. Кармишева, К. Ш. Шониёзов). Туб аҳоли ҳисобланган бу турклар асосан Фарғона водийсида, Самарқанд ва Жиззах вилоятларида, Ўзбекистоннинг шарқий қисмида жойлашган.

Ўзбекларнинг учинчи йирик этник гуруҳи XV—XVI асрларда Мовароуннаҳрга кўчиб келган Даشت қипчоқ ўзбекларининг авлодлариdir. Улар ярим кўчманчилик турмуш анъаналарини сақлаб келган, чорвачилик ҳамда дехқончилик хўжалигини бирга олиб борган субэтносдан иборат. Мазкур гуруҳнинг ўзига хослиги ирқий тузилишида монголоид белгиларнинг анча сезиларли эканлиги, тилида «жўқчилар» шеваси кучли ва ўз номини «ўзбек» деб номлашидадир. Бу гуруҳ турли қабилалардан иборат: қўнғирот, манғит, қипчоқ, найман, кенагас, сарой, хитой, минг, юз, қирқ, қатағон ва ҳоказо. Мазкур қабила ва элатлар Зарафшон, Қашқадарё, Сурхондарё, Шерободдарё, Бойсун дарёлари ҳавзасида, Нурота ва Қурама тоғ этакларида, Ҳоразм ва Фарғона воҳаларида жойлашган. Шулардан энг кўп сонли қисми 20-йилларда Бухоро амирлигида (130 мингдан кўпроқ манғитлар, 35 мингдан ортиқ кенагаслар, қўнғиротлар эса 86 мингга яқин), Туркистон ўлкасининг Самарқанд вилоятида (52 минг қипчоқлар), Фарғона водийсида (42,5 мингга яқин қипчоқлар), Тошкент ва Сирдарё вилоятларида (50 мингга яқин қурама) яшаган.

Мазкур субэтнослар XIX аср охири — XX аср бошлирида ўзига хос майший турмуш, урф-одат ва тилдаги хусусиятлари билан ўзаро фарқ қилса-да, ягона ўзбек элати эканлигини исботловчи белгиларни сақлаб ўзларини «ўзбек» деб номлаганлар. Узоқ давр давомида сарт, турк ва Даشت қипчоқ ўзбек авлодларидан иборат субэтнослар ярим кўчманчи-чорва хўжаликлар, ўтроқ сартлар билан яқинлашиб, қўшилиб кетиш жараённи орқали намоён бўлган. Турли этник қатламларнинг бирлашув жараённи айниқса Фарғона водийсида, қисман Самарқанд вилояти ва Тошкент уездига жиддий тус олган ва фаол ўтган. Бунга бу ерларда капиталистик муносабатларнинг кучайиши мухим омил бўлган. Аммо Хива хонлигига ярим кўчманчи ўзбекларнинг ўтроқ ҳолатга ўтиши XIX аср ўрталаригача, Бухоро амирлигида эса аср охирларигача давом қилиб келган.

Этнографик ва статистик маълумотларга қараганда

асримизнинг 20- йилларигача Узбекистондаги Дашиби қипчоқ ўзбеклари авлодининг таркибида анча кўп уруғ-қабилаларнинг номлари сақланиб келган. Масалан, ўша даврда Бухорода 40 дан ортиқ ўзбек қабилаларининг номлари, Хоразмда 20 га яқин номлари сақланган. Улар ҳатто бикиқ ҳолда яшаб, никоҳ муносабатлари фақат қабила гуруҳлари ичидаги (эндогам никоҳ) ўтка-зилган, бундай ҳол айниқса Бухоро амирлигидаги ман-ғит ва қўнғирот қабилаларида бўлган. Айрим қабила-вий бирикмалар ўзларини аслзода беклар деб ҳисоблаб, бошқалардан ажралиб алоҳида яшаганлар. А. Д. Гре-бенкиннинг ёзишича, Самарқанд мангитлари бир жойда тўплangan ҳолда яшаб, фақат ўз уруғи ичидаги қиз беридаги қиз олган. Бухорода, Самарқанд вилоятининг айрим жойларидаги, деб хабар беради И. Магидович, қипчоқ, найман каби майдаги қабилавий гуруҳлар орасида «ўз-бек» деган атама деярли ишлатилмайди, улар ҳатто ўз-аро рақобатда.

Аммо Фарғона водийсида, Сирдарё вилоятининг Тошкент уездидаги туркий тилда гапирадиган барча элат-ларнинг бирлашув жараёни анча интенсив равишда ўтган. Чунки бу ердаги турк қабилаларининг кўпчилиги, Бобур ёзганидек, Дашиби қипчоқ ўзбекларининг ке-лишидан олдин ўтроқ ҳолатда яшаганлар. Октябрь тўнтаришидан кейинги ўн йилликларда уруғ-қабилачи-ликни унутган турклар ва сартлар Фарғона водийсида этник хусусиятларини сақлаб қолганлар. Дашиби қип-чоқ ўзбекларидан юзлар, қипчоқлар, қурамалар бир оз ўзига хослигини сақлаган. Лекин минг, қўнғирот, қирқ, қатағон, сарой каби қабилаларининг вакиллари маҳал-лий сартлар билан аралашиб кетганлар. Зарафшон водийсида жойлашган ўзбеклар ҳам қабилачилик (20 га яқин уруғлар) анъаналарини йўқотиб, миллий бирликка қўшилган.

Октябрь тўнтаришидан кейин Совет ҳокимиятининг ўрнатилиши ижтимоий-иқтисодий ва сиёсий жиҳатдан ўзбек халқининг кейинги ривожига анча «қулай» ша-роитлар яратиб берди. Шошилинч ва тўла ўрганилма-ган ҳолда ҳали миллий муаммолар охиригача ҳал қи-линмаган, маҳаллий халқларнинг миллий шаклланиш жараёни пишиб етилмаган бир вазиятда ўтказилган 1924 йилги миллий чегараланиш натижасида жиддий хатоларга йўл қўйилди. Ўзбек миллатининг ривожига айниқса 30- ва урушдан кейинги йиллардаги турли сиё-

сий найранглар ва қотилликлар ҳам катта путур етказди. Бу даврда ўзининг меҳнатсеварлиги ва истеъоди билан кўтарилиб келаётган ўзбек миллатининг энг зўр фарзандлари, ажойиб ишбилармонлари, ўз фикрини дадил ифодалайдиган сиёсий арбоблар ва моҳир зиёлиларнинг кўпчилиги тухмат ва иғволар билан ҳисбга олинниб, қириб ташланди.

Ўзбекистоннинг мустақилликка эришиши, ўзининг давлати, тили ва истиқлол сиёсатига эга бўлиши ҳозирги мураккаб, оғир аҳвол нақадар жиддий бўлмасин, унинг истиқболи порлоқ эканлигининг гаровидир. Чунки республикамизнинг табиий бойлиги, халқимизнинг буюк истеъоди ва меҳнатсеварлиги, торни талқон қиласидиган мард ўғлонлари давлатимиз келажагининг буюклигидан далолат беради.

АНЬАНАВИЙ МАШГУЛОТЛАРИ ВА ХУЖАЛИК ФАОЛИЯТИ

Инсоният пайдо бўлгандан бери узоқ тарихий давр мобайнида турли табиий-географик шароитга мослашиб яшаб келмоқда. Одамлар азалдан музли Арктикада ва жазирама иссиқли тропик чангальзорларда, Тибет ва Помирнинг баланд тоғлиқларида, тундра ва тайга ўрмонларида, Осиё, Австралия ва Африканинг бепоён дашту биёбонларида истиқомат қилмоқдалар. Улар иссиқ-совуқ демасдан, сийраклашган ҳаво шароитида ва йиртқич ҳайвонлар ҳавфидан қўрқмасдан тирикчилик қилиб келмоқдалар. Одамлар даставвал муайян табиий шароитга мослаб ўзларининг пешана тери, меҳнати ва ақл-идроқи туфайли ўзига хос хўжалик-маданий типларни яратишга мажбур бўлганлар.

Ибтидоий даврда одамзод табиатда мавжӯд тайёр маҳсулотларни турли усул ва йўллар билан топиб (йифиб-териб, ов қилиб) истеъмол қилиб келган. Масалан, Осиё қитъасида қадимдан ёввойи буғдой, Марказий Американинг кўлларида ёввойи шоли ўсган, Африкада турли емишли илдизлар ва мевали дараҳтлар инсон яшаши учун зарур маҳсулотларни тайёр ҳолда етказиб берган. Аммо давр ўтиши билан одамзоднинг кўпайиши натижасида табиий шароит инсон тирикчилиги учун камчилик қила бошлаган. Аста-секин одамлар ўз

мәҳнати ва истеъоди билан зарур маҳсулотларни сунъий равишда хонакилаштириб етказа бошлаган. Шу маънода «одамни мәҳнат яратди», деган машҳур ибора ҳозиргача илмий тадқиқотларда асосий ўринни эгаллади.

Қадимий Шарқ, айниқса юксак маданият яратган кўхна Осиёда яшовчи халқлар орасидаги жуда кўп афсона ва ривоятлар одамзоднинг пайдо бўлиши ҳақида ҳикоя қиласи. Уларнинг ичидаги энг кўп тарқалгани бунёдкор Худо образлари бўлиб, уларнинг одамни яратиб, унга турли касб-хунар ўргатиб тирикчилик йўлларини кўрсатиб берганликлари таъкидланади. Бундай бунёдкор (демиург) парвардигорлар тўғрисидаги мифология даставвал Осиёда, кейин Африка, Австралия ва Океанияда пайдо бўлиб, ҳозиргача етиб келган. Уларнинг ўзига хос айрим томонларини эътиборга олмагандага барчасининг асосий мазмуни тирикчилик учун яратилган одам образи билан боғлиқлигидадир.

Мазкур афсоналарни ўзида мужассамлаштирган жаҳон динларига кирган ривоятлар диққатга сазовордир. Улардан бизгача етиб келиб ақидавийлашган христиан ва ислом динларининг муқаддас китобларида жонли тасвирланган варианти қўпчилик диндор кишиларни ҳозиргача ишонтириб келмоқда. Шунинг учун Таврот ва Йижилдан (унинг «Ибтидо» китобидан олинган қисмларини) дастлабки одамларнинг яратилиши тўғрисидаги илоҳий ҳикояни қисқача келтиришга журъат қилдик: «Худо деди: Биз ўз суратимизда ва ўзимизга ўхшаш одам яратамиз; ва улар денгиз балиқлари устидан ва осмон паррандалари устидан, чорва устидан, бутун ер устидан, ерда судралувчи ҳайвонлар устидан ҳукмронлик қилинилар. Ва Худо одамларини ўз суратида яратди. уни Худо эрқак ва аёл қилиб яратди. Худо уларни муборак қилиб, деди: самарали бўлинг ва кўпайинг, ва ерни тўлғазинглар ва уни тасарруф қилинглар, ва денгиз балиқлари устидан, осмон паррандалари устидан ва ер юзида бутун судралувчи ҳайвонлар устидан ҳукмрон бўлинглар. Ва Худо деди: мана, Мен сизларга ер юзида бор бўлган уруғ берадиган ўтнинг ҳаммасини ва унда меваси бўлган уруғ берадиган дарахтни бердим, Сизларга овқат учун бўлади. Ва тирик жони бўлган ернинг ҳамма ваҳший ҳайвонларига ва осмондаги ҳамма паррандаларга ва ҳар бир ер юзида судралувчи емиш учун ҳамма кўм-кўк ўтни бердим. Ва

шундай бўлди. Ва Худо ниманини яратган бўлса, ҳаммасини кўрди ва мана — жуда яхши. Ва оқшом бўлди ва субҳ бўлди: олтинчи кун».

Шундай қилиб ривоятларга биноан Парвардигор олти кун меҳнат қилиб бутун коиноту оламни ва охирги куни одамни яратган. Эркакнинг оти Одам, аёлнинг оти эса Ҳавва эди. Худо уларни чиройли ва хушбахт қилиб яратди. Улар ўз йарвардигорини жуда ҳам севардилар. Худо ҳам уларни севарди. У ўзи яратган барча ишларни уларнинг ихтиёрига берди. Парвардигор Одам ва Ҳаввани муборак қилиб, уларни Эден деб аталган жаннатга ўрнатди. Уларга топширдик, бу боғни обод этиб, уни қўриқласинлар.

Одам ва Ҳавва доимо ўз Парвардигори билан муоммалада эдилар. Уларнинг эътибори ва назари Худога қаратилганлиги туфайли улар доимо шод ва хушбахт бўлганлар. Аммо Одам ва Ҳавва энди бундай баҳтдан маҳрум этилди. Чунки улар Худонинг амрига қулоқ солмасдан, унинг айтганига риоя қилмаяптилар. Худо уларга ижозат берган эдики, боғдаги ҳамма дараҳт меваляридан есинлар. Лекин Яхши ва Ёмонни Билмоқ дараҳтининг мевасини ейишни ман этган эди. Худо айтган эдики, агар бу амрга риоя қилмасалар, улар ўладилар.

Бироқ Худо ва инсоннинг душмани бўлган шайтон Одам ва Ҳавванинг бадбаҳт бўлишларини ва уларни ҳалок қилишни истарди. Бир куни шу мақсадда шайтон илон шаклида Ҳавва олдига келиб, деди: «Чиндан ҳам Худо боғнинг ҳамма дараҳтидан еманглар, дедими?» Ҳавва жавоб бердик, «ҳамма дараҳтнинг мевасидан ея оламиз, аммо жаннатнинг ўртасидаги дараҳтнинг мевасидан еманглар ва унга тегманглар, балки ўласиз, деб Худо бизга амр этган». Шу вақт илон Худо муҳаббатининг самимийлигига шубҳа туғдириш мақсадида, хийла-найранг билан уни йўлдан чиқара бошлади ва деди: «Йўқ, ўлмайсизлар! Чунки Худо биладики, ундан еганда кўзларингиз очилади ва сизлар Худо каби Яхши ва Ёмонни биладиган бўласизлар».

Шайтоннинг айтган сўзларидан кейин Ҳавва дараҳтга назар ташлади. Энди у кўрдик, дараҳтнинг меваси чиройли ва емишли, кўзга ёқимли ва ақлни ривожлантириб, билим ортирадиган бир дараҳт. Ушанда у ман қилинган мевани узиб еди. Ва эри Одамга ундан бер-

дики, у ҳам есин деб. Қейин улар ўзларининг кийимсиз беҳаё эканлигини билиб, уятга қолганлар.

Жаннат боғини сайр қилиб юрган Худо Одамга нега мендан яширинасиз, деб сўраган ва сабабини билгач ғазабланиб деган: «Хотинингнинг гапига қулоқ солиб, Мен сенга амр қилиб, «ундан емагин», деб айтган дарахтдан еганинг учун, сен сабабли ер маълун бўлди: умрингнинг бутун айёмида заҳмат билан кун кўрасан. Ер сенга тикан ва буталар ўстиради ва дала ўтини ейсан. Ерга қайтгунинг қадар пешана тери билан пон ейсан, зероки тупроқдансан ва тупроққа қайтасан.

Ғазабланган Худо ўз ҳукми билан илонни бутун умр судралиб юрадиган, мурда ўлликларни истеъмол қила-диган маҳлуққа айлантирган; аёлни азоб-ўқубат билан бола туғадиган ва эрига қул этиб, эрни унга ҳукмрон қилиб қўйган. Одам ва Ҳавва жаннатдаги ҳаёт дараҳти меваларидан еб қўйиб ўлмайдиган бўлмасин деб, уларга ҳайвон териларидан кийим кийдириб, у гўзал Эден боғидан ерга ҳайдаб юборган. Жаннат эшигига Худо қўлида олов қиличли қанотли фаришталарни қоровул қилиб қўйган, қайтиб ҳеч ким кирмасин деб».

Мазкур ривоятнинг вариантлари энг қадимий маданият ўчоқларидан Месопотамия, Эрон ва бошқа Осиё мамлакатларида мавжуд эканлигини кўп тадқиқотчилар қайд қиласан. Одамнинг пайдо бўлиши тўғрисида ва Бунёдкор Худо образлари бошқа қитъада яшовчи қабиля ва элатлар мифологиясида сақланганлиги, умуминсоний қадриятлар, меҳнат тақсимоти, касб-хунар ўрганиш каби ижтимоий-иқтисодий муаммолар илдизи бирлиги йирик динларнинг муқаддас китобларида ўз ифодасини топганлигини Жеймс Фрезер, Зенон Косидовский, Лео Максим, С. А. Токарев каби олимларнинг асарларида учратамиз.

Шуниси ҳам қизиқки, Одам ва Ҳаввадан туғилган иккита ўйил — Қайн ва Ҳавел — бири деҳқон, бири чўпон бўлган. Муқаддас китобда тасвиrlанганидек, деҳқон Қайн бир куни ернинг маҳсулидан Худовандага ҳадя олиб келган, Ҳавел ҳам қўйларнинг тўғичларидан ва қўй думбаларидан олиб келган. Худованда Ҳавелни ва унинг ҳадясини манзур кўрган, аммо акасининг ҳадяси унга манзур бўлмаган. Бундай ҳолат Қаиннинг юрагида ҳасад уйғотади ва укасига қарши

нафрат туғдиради. Бир куни ака-укалар даштда бўлганда, Қайн Ҳавелга қарши қалқиб уни ўлдиради. Ер юзида биринчи бўлиб ўлган инсоннинг қони тупроқни бўяб, мазкур воқеа Одам ва Ҳавва гуноҳларининг давоми деб ҳисобланган. Худованда Қайнин бундай гуноҳи учун жазолаб, уни ер юзида сарсон ва саргардон қилган.

Қайн қувғинликда хотин топиб уйланади ва улардан Енуқ номли ўғил бўлади. Унинг Ламех номли невараси икки хотинга эга бўлган. Биринчи хотинидан туғилган Иавала исмли ўғилдан кўчманчилар ва чўпонлар тарқалган, иккинчи хотинидан бўлган ўғил ҳунармандларнинг, чунончи, моҳир мискар ва темирчиларнинг отабоболари ҳисобланган.

Демак, жаҳонда тарқалган барча элат ва халқларнинг пайдо бўлиши ва уларнинг касб-ҳунарлари, меҳнат фаолияти ҳазрати Одам ва Ҳавва даврларидан тарқалганилиги тарихий асарларда, муқаддас китоблару халқ ижоди яратган афсона ва ривоятларда ўз ифодасини топган. Мазкур мифологиянинг илк намуналари Марказий Осиё халқларининг узоқ авлод-аждодлари ижодида ҳам сақланган. Ҳозиргача Урга Осиё халқлари анъанавий машғулотларининг айrim соҳалари ўзларининг ҳомий тирларига эга бўлиши ҳам нафақат қадимий турли касб-ҳунар тармоқларининг мавжудлигидан, балки уларнинг муайян диний эътиқодлар ва ибодатлар билан боғлиқ бўлганлигидан далолат беради.

ДЕҲҚОНЧИЛИК ВА СУВ ҲУЖАЛИГИ

Юқорида келтирилган афсона ва ривоятлар, илоҳий-лаштирилган пиру авлиёлар образи, бунёдкор Парвардигор иродаси асли инсон тафаккурининг юксак маҳсули бўлибгина қолмай, балки унинг болалик давридаги тириклий йўлидаги дастлабки меҳнат фаолиятини ифодаловчи ҳаётий ҳақиқатнинг ифодасидир. Шубҳасиз, зироатчилик ва бошқа ҳўжалик турларининг пайдо бўлиши муайян табиий шароитда юзага келган. Олимларнинг таърифича, дастлабки зироатчилик Ер куррасининг тахминан 20—45 параллеллари оралиғида пайдо бўлган ва узоқ давомида ўзлаштирилиб такомиллашиб келган.

Деҳқончилик маданияти ибораси асли ерга ишлов бермоқ деган маънони англатиб, кейинчалик бошқа соҳаларга ўтган ва умумий тарзда маданият (ишлов бе-

риш) яратиш сўзига айланган. Ерга ишлов бериш ва ўсимликларни парвариш қилиш маданияти туфайли инсон табиатнинг фарзанди сифатида унинг бунёдкорлик қобилиятини муносиб равища давом қилдириб келмоқда. Табиатдаги мавжуд юзлаб ўсимлик турларини инсон ўз қобилияти ва меҳнати туфайли сунъий равища маданийлаштириб, қишлоқ хўжалик маҳсулотига айлантирган. Оқибатда қадимий даврлардан инсон учун зарур бўлган донли экинлардан шоли билан тариқ Шарқий Осиёда, буғдой — Ҳиндистон, Оврўпа, Америка, Африка, Австралияда, макка — деярли бутун жаҳонда, арпа — асосан Шарқий Оврўпада, жўхори — Африка ва қисман Фарбий Осиёда тарқалган.

Айрим ўсимликларнинг келиб чиқишини тасаввур қиласак маданий экинларнинг нақадар мураккаб шароитда пайдо бўлиб ер куррасига тарқалганинги кўрамиз. Масалан, гуруч Оврўпага, дастлаб Италия ва Пиреней ярим оролига, Ҳинд ва Тинч океани бўйлаб камида саккиз минг йил давомида етиб борган. Қадими римликларда гуруч бўтқа (каша) си ички касалликлардан даволайдиган энг қиммат дори ҳисобланган. Жаҳонни забт қилган буғдой асли Урта Осиёдан дунёга тарқалган. Америкадан чиққан макка жаҳонга беш юз йил давомида ёйилган. Шуниси қизиққи, макка селекция туфайли ўзининг дастлабки ҳиндулар яратган турини мутлақо йўқотиб етти юз йил давомида янги-янги ҳосилдор ва емишли турларини яратиб илқ ёввойи ҳолатини бутунлай йўқотган. Худди шундай ҳолатни инсон фаолияти туфайли ёввойи картошка, олма ва бошқа мевалар ҳам бошдан кечирган ва маҳаллий шароитга мослашган бир неча хил янги мева, сабзавот ва экин турлари пайдо бўлган. Аммо айрим ўсимликлар ўз ҳосилдорлиги юқори бўлганлиги туфайли ўзининг ёввойи ҳолатини сақлаб қолган. Масалан, Марказий Осиёда пайдо бўлган буғдой турлари ҳозиргacha ёввойи ҳолида сақланиб нафақат ҳосилдорлиги, балки оқсил моддаси (протеин) нинг кўплиги билан жаҳондаги бошқа турлардан юқори туради.

Урта Осиёда нўхат, ясмиқ, сабзи, пахта, бодом, ўрик, зифирпоя ва бошқа қадимий зироатчилик маҳсулотлари яратилганлигини жуда кўп олимлар, айниқса машҳур биолог Н. Н. Вавилов ўз асарларида исботлаб берган.

Узбек халқининг қадимий аждодлари ҳам ибтидоий жамият даврларидан бошлаб табиий шароитга мосла-

шиб ўзига хос хўжалик-маданий типларни яратганлар. Бу ҳолат маҳаллий этносларнинг шаклланишига ҳам ўз таъсирини ўтказиб келган. Чунки табиий шароитнинг таъсири белгиларини этник маданиятнинг барча соҳаларида, ишлаб чиқариш воситаларидан, айниқса меҳнат қуролларидан бошлаб майший турмуш буюмлари ва ҳатто элатларнинг номларигача сезиш мумкин. Масалан, табиий иқлимга қараб одамларнинг турар жойлари ва уй қурилиши, кийим-кечаклари ва рўзгор буюмлари, қишлоқ хўжалиги экинларининг турлари, алоқа воситалари хусусиятларини аниқлаш мумкин. Маҳаллий тупроқ ва сув ресурсларига, табиий ўсимликлар, бошқа ер усти ҳамда ер ости бойликларига қараб турмуш тарзи ва маданияти характеристи, миллий ҳис-туйфулар ҳам шаклланади. Хўжалик-маданий типларнинг йўналишлари ўз навбатида теварак-атрофдаги табиий муҳит билангира эмас, балки муайян этносларнинг ижтимоий-иқтисодий ривожи даражаси билан ҳам белгиланади.

Ўзбекларнинг кўп қиррали қишлоқ хўжалиги асрлар оша тўпланган анъанавий тажрибага таянади. Ўзбекистоннинг ҳозирги ҳудуди табиий-географик шароитига қараб учта қишлоқ хўжалиги зонасига бўлинади: тоғли ва тоғ олди зонаси (20,5%), суформа ерлар зонаси (18,2%) ва қолгани бепоён дашт-яйлов ерлардан иборат зона. Аммо суформа ерларнинг барчаси суғоришга яроқли эмас. Тоғ тизмалари ва қум уюмлари орасида, дарё соҳилларида жойлашган зироатчилик воҳалари Фарғона, Қашқадарё ва Сурхондарё водийларида, Зарафшон ва Хоразм воҳаларида қадимги даврлардан маълум.

Археологлар таърифича, қадимги чорвадор қабилаларнинг деҳқончилик хўжалигига ўтиши чинакам инқиlobий ҳодиса ҳисобланниб, уни неолитик, яъни янги тош даври инқиlobи деб номлаганлар. Бундай ҳолат Ўрта Осиёда тўрт-беш минг йиллар муқаддам рўй берган ва узоқ давомида ривожланиб ва такомиллашиб келган.

Ўзбеклар зироатчилик соҳасида бошқа ўрта осиёликлар сингари, энг қадимий аждодларидан ўтган суғориладиган ва лалмикор деҳқончиликни, кичик ва катта, одидий ва мураккаб суғориш иншоотлари ва тизимлари қўришни, далаларни суғоришнинг ҳар хил усувларини, агротехника сирларини яхши билганлар. Бойсун ва Кү-

рама тоғ этакларида қадимдан жуда катта меҳнат ва ер шароитини чуқур билишни талаб қиласиган кориз зироатчилиги сақланиб келган. Бу ерда булоқ ва ҳавза дәхқончилиги ҳам маълум бўлган. Зарафшон водийси, Сирдарё, Амударё ва Қашқадарё соҳилларида неолит ва бронза даврларидан амал қилиниб келинган дарё сувлари кўпайгандан сув босадиган қайир ва лиман ёрлардаги зироатчилик то 30-йилларгача сақланган.

Асли ҳайвон кучи ва омоч ишлатиладиган сугорма дәхқончилик Узбекистонда эрамиздан олдинги III—II минг йилликларда кенг тарқала бошлаган. Ўша даврлардаёт Зарафшон каби йирик дарё соҳилларида, Хоразм воҳасида экин ерларнинг ўзлаштирилиши ривожланади. II минг йиллик охирлари—I минг йиллик бошларида Фарғона водийси ўзлаштирила бошлаган. Асрлар оша маҳаллий зироатчиликда ер унумдорлигини тиклаш ва агротехника усулларини такомиллаштириш, тупроқни ўғитлашнинг ҳар хил усуллари пайдо бўлиб, сугориш ва шўрни ювиш каби усуллар кенг жорий қилинган. Айниқса эрамиздан аввалги I минг йилликда Хоразмда йирик магистрал каналлар қуриш, ҳар хил сув тақсимлаш ва сув чиқариш иншоотларини тиклаш авж олган. Қадимий Оқчадарё ҳавзасида топилган сугориш иншоотлари, марзланган далаларнинг излари қадимги Мисрдаги классик ҳавза дәхқончилигини эслатади.

Маҳаллий дәхқонлар маданий-этник анъаналар асосида далачилик, полизчилик ва боғдорчилик соҳаларида турли усул ва йўлларни ишлаб чиққанлар. Илк зироатчилик даврларидаёт улар ниҳоятда фойдали ўсимликларни, айниқса донли ва полиз экинларини, ҳатто боғдорчиликни ўзлаштирганлар. Тадқиқотларга қараганда, ўрта осиёликлар сўнгги босқичдаги неолит ва энеолит даврларида буғдой, арпа, тариқ ва бошқа донлар, ўрик, олма, нок каби меваларнинг айрим навларини хонакилаштирганлар.

Узбекистон ҳудудидаги зироатчилик сугориш хусусиятлари ва экин тўрлари билан ҳам фарқланган. Масалан, сугорма дәхқончиликини маҳаллий аҳоли «сувли ер», «тирама» ёки «обикор», «оби», сугорилмайдиган ерларни «лалми» ёки «баҳори» деб номлаганлар. Фарғоналиклар тирама экинларни яна иккига бўладилар: эрта экиладиган «оқ» ва кечроқ ҳосил берадиган «кўқ» экинлар. Хоразмда ҳам лалмикор сугорма ерлар «оқ

ер» аталиб ариқлардан ортган қуи оқимдаги сувли ерларга шоли әкилиб, унга «шоликор ер» деб ном берилганды.

Суғорма деҳқончилик хўжаликлари асосан қадимий воҳаларда — Хоразм, Бухоро, Самарқанд, Тошкент воҳаларида, Қашқадарё ва Сурхондарё ҳавзаларида, Фарғона водийсида жойлашган. Баҳори экинлар Тошкент воҳаси, Фарғона ва Зарабшон водийси, Қашқадарё ва Сурхондарё тоғ этаги минтақасида әкилган. Экин ерларининг ишлатилишига қараб иккала хўжаликларда ҳам зироатчиликнинг ҳар хил усуллари — кўриқ, партов ёки бўз ва дам берилган шудгор ва пайкалли ерларга бир хил экиш қўлланилган. Кўп жойларда қурилиш материаллари етказиш мақсадида зироатчилик кўчкат ўтқазиш билан бирга олиб борилган. Махсус ажратилган ерларга тол, терак, қайрағоч әкилиб бир неча йиллардан кейин улар қурилишга ишлатилган. Одатда оиласда ўғил фарзанд туғилса унга атаб махсус қурилиш материали бўладиган кўчкатлар әкилиб у вояга етгунча теракзорга айланиб кетган.

Суғориладиган ерлар яна экинларга қараб дала ёки очиқ ерларга, боғдорчилик ҳамда полизчилик ерларига бўлинган. 1916 йилда Туркистон ўлкасининг учта вилояти бўйича (Сирдарё, Фарғона, Самарқанд) 2,5 млн. десятина әкиладиган ерларнинг 2/3 қисми суғорма ерлар, қолгани баҳори (лалмикор) ер ҳисобланган.

Суғорма деҳқончилик ниҳоятда катта меҳнат натижасида амалга ошган. Иирик суғориш иншоотларини қуриш ва уларни мунтазам равишда ўз вақтида тозалаш ва таъмирлаш ишлари катта маблағларни, жуда кўп кишиларнинг уюшган куч-ғайратини талаб қилган. Бундай харажатлар ва оғир меҳнат даставвал кенг заҳматкаш аҳоли зиммасига юкланган ва асрый жамоачилик анъаналари асосида бошқарилган.

Минг йиллар давомида тўпланган бой тажриба маҳаллий аҳолининг мураккаб сув хўжалиги тартиби ва техникасини яратиш ва уни ташкил қилиш ҳамда амалда жорий этиш йўлида муайян анъанани юзага келтирсан эди. Утган асрда бундай ишларнинг жонли гувоҳи бўлган бир муаллиф ўз мuloҳазаларини қуйидагича изоҳлайди: «Урта Осиёning ҳар қайси қишлоғидаги ирригация тизими сув орқали ҳаммага ҳаёт бағишлиши билан қон томири тизимига тамомила ўхшаб кетади. Тurmушда сув ана шундай эҳтиёт қилинган. Сув бор

жойда бойлик, экинзорлар, полизлар, боғ-роғлар, бир неча чақирим узоқлашсангиз қақраб ётган дашти биёбон».

Ўзбекистонда табиий-географик шароит турлича бўлиши туфайли хилма-хил сунъий сұғориш усулларидан фойдаланилган. Сой оқаваси, ҳавза ва ҳовузларда сув тўплаш, чиғириқлар орқали чуқурдан сув чиқариш, канал ва ариқлар қазиши йўли билан сув келтириш қадимдан сақланиб келган. Ариқ ва каналларга дарёлардан сақа орқали сув чиқариш усули жуда кенг тарқалган. Бу нисбатан қулай ва ишончли усул бўлса-да, асли ниҳоятда мураккаб ва сермеҳнат ҳисобланган. Магистрал каналлар воҳадаги ерларни сұғориш учун қазилиб, дарё қирғоқларининг ҳолатига қараб унинг ўнг ва чап соҳилидан қазиб чиқарилган. Мазкур каналлардан шоҳобчалар, сўнгра улардан майдада сұғориш тармоқлари ажралиб чиқкан.

Катта-кичик каналлар ва ариқларга оддий тўғонлар қуриш йўли билан дарёлардан сув чиқариш техники-каси кенг тарқалган. Шоҳ-шабба, ажриқ ўтлар, кесактошлардан маҳсус қорабура ёки бард ясалиб дарёнинг секин оқадиган жойларига ташланиб тўғон қилинган. Баъзан бундай тўғонлар мураккаб ирригация иншотини ҳосил қилган. Қорабуранинг йўғонлиги баъзан бир неча метр, узунлиги эса бир неча ўн метр қилиб тайёрланган. Масалан, суформа дәжқончиликнинг классик ўлкаси ҳисобланган Хоразмда барча каналлар ҳар йили кузда қазиб тозалангаи, кейин тўғонлар очилиб ариқларга сув юборилган. Полвонёб каби йирик каналларни тўсиш учун беш-олтита қорабура ясад ташланган. Сув ҳажмига қараб қорабуралар бирин-кетин олинган. Айрим дарёларда сув тошқини бўлиб, фожиали аҳволни юзага келтирган. Хоразмда Амударё экин ерларидан баландда оқади, шунинг учун дарё сатҳи кўтарилиганда сұғориш тизимларини барбод қилиш, теварак-атрофдаги экинзор ва аҳоли яшайдиган жойларни сув босиб кетиши хавфини туғдириб турган. Бундай ҳолат айниқса кўклам ва ёз пайтларида рўй берган. Асримизнинг бошлиарида аҳволни кузатиб ўрганган муаллифлардан ирригатор олим С. К. Кондрашов бундай деб ёзади: «Амударё қутурган пайтда маҳаллий гидротехника иншоотлари унинг олдида мутлақо ожизлик қилар эди. Дарёнинг бирор еридан шарққа томон оқиши амриман-ҳол, унинг ғарбий қирғоғидаги қумли қиринди чиқинди

ерлар, ороллар ювилиб бу участкалардаги каналларнинг юқори қисми қуриб қолади, ғарбий қирғоқдан ерларга то янги сув йўллари очилмагунча сув чиқмайди. Дарё ғарб томонга силжиб борганда, шарқий қирғоқни сувсиз қолдиради... Амударё аҳоли яшайдиган жойларни емириб, экинзорларни ва каналларни ювиб оқизиб кетади, олд томондаги ерларни барбод қилиб, орқа томондаги кўп ерларни сувдан маҳрум қиласди. Бундан ташқари сув тошқини пайтида Амударё баъзан пастлик ерларни босиб кетади. Нишаб ерлар ва паст қирғоқларда тошқин вақтларда сув жуда кенг ёйилиб оқади».

Сув уриб кетиш хавфи бошқа дарёларда ҳам бўлиб турган. Айниқса кучли сел келиши натижасида кам сувли дарёларда сув кўтарилиб қирғоқдан чиқиб каналларнинг бош қисмини емирган ва қишлоқларни сув босган. Бундай ҳолат доимо бўлиб турганлиги учун маҳаллий аҳоли суғориш иншоотларини сув тошқини пайтида дарёларнинг кўтарилишини эътиборга олиб қуришга интилган. Асрлар давомида тўплланган тажриба асосида одамлар ҳатто тошқиннинг ҳавф туғдиришини олдиндан билишган. Масалан, дастлабки тошқин Хоразмда «сунник» ёки «қамиш тошқини». Зарафшон водийсида марзоб деб номланган ва у апрель ойининг бошларида бўлган. Иккинчи тошқин жуда кучли бўлиб, қанча-қанча лой-қўмларни ва тошларни оқизиб катта ҳавф келтирган. Бу тошқин суғориш даврига, яъни май ойларига, жийда гуллаган вақтга тўғри келган. Уни Фарғонада «қалам гули тошуви», Хоразмда «жиди сосуви» ёки «юлдуз тошуви», Зарафшонда эса «лоёб» деб атаганлар. Учинчи марта бўладиган тошқинни хоразмликлар қирқ чилғов тошқини, зарафшонликлар эса чармоб деб номлаганлар. Бу тошқин июнь ойида бўлган. Айrim жойларда тошқин сув балансига қараб серсув, ўртacha ва танқисроқ бўлган даврларга ажратилган.

Баъзи районлардаги қадимий канал ва дарёлар жуда шўх оққанлигидан ўзанларини тобора чуқурдастириб юборганлиги туфайли сув экинзорлардан анча пастда оққан. Бундай пайтда аҳоли кашф этган маҳсус сув чиқариш механизмларидан фойдаланилган. Ирригациянинг Миср қаби энг қадимий ажойиб ўлкаси ҳисобланган кўҳна Хоразмда ҳам сув чиқарадиган ҳар хил механизмлар жуда кенг тарқалган. Улардан энг машҳури чифир (Мисрдаги «сакия») дир. Ўзига хос сув чиқа-

радиган оригинал механизм ҳисобланган чиғир ёғочдан қурилган оддий ғилдиракдан иборат бўлиб, унга сув тўлдириб турадиган махсус сопол идиш — дигирлар биритирилган. Мазкур ғилдирак горизонтал ўқда ўрнатилган бўлиб иккита тишли шестерналар билан бирлаштирилган ва ҳайвон кучи билан ҳаракатга келтирилган. Одатда чиғир катта ва кичик хилда бўлган. Каттаси кичигидан ғилдирагининг диаметри ва дигирлар сони билан фарқ қилган. Кичик чиғирнинг горизонтал ўқи калта ва сув чиқариб берадиган ғилдираги ер сатҳидан сал кўтарилиб кўриниб туради. Иккита шестернали ғилдиракнинг тишлари мойланиб вертикал ўқнинг учига эса совун суртиб турилган. Чиғир билан бир кечакундузда икки ботмон (сал кам икки га) ерни суғориш мумкин бўлган. Маҳаллий ёғочсоз усталир томонидан ясалган чиғирларнинг барча қисмлари одатда 8—10 йилдан сўнг алмаштирилиб янгиланган.

Мазкур чиғирлардан ташқари магистрал канал ва ариқларнинг бўйларида чархпалак (сув чиғир) лар ҳам ўрнатилган. Чархпалак бир хил бўлиб, унинг одатда сув кучи билан ҳаракатга келтирилиб, ишлаш принципи ва механизми ёрдамида сув чиқариш Зарафшон, Фарғона, Сурхондарё водийларида ва Тошкент воҳасида кўпроқ ишлатилган. Аммо ҳайвон кучи билан ҳаракатга келтирилган чиғирнинг асл ватани Хоразм ҳисобланган. 1917 йилга қадар илгари бу ерда 80 мингдан ортиқ чиғир бўлган.

Хоразмликлар қадимги даврларда сув чиқаришнинг бошқа усувларини ҳам билганлар. Улар қўл кучи билан ҳаракатга келадиган «сепма», «данма», «нова» каби усувларни ишлатганлар. Сепма ва данма усули махсус ёғочдан ясалган узун дастали поқир — капча билан пастдан юқорига ёки оёқ кучи орқали сув сепиши ўйли билан амалга оширилган. Нова усулида ўйилган узун ёғоч нова қилиниб, сув пастдан юқорига чиқарилиб экинлар суғорилган.

Булоқ ҳовуз ва коризлар орқали суғориш бирмунча чекланган бўлиб, улар асосан Самарқанд, Сурхондарё ва Тошкент вилоятларининг тоғли туманларида учрайди. Барча тоғли водийларда энг кенг тарқалган усуул булоқ сувлари ҳамда тоғирмоқларидан пайдо бўлган кичик-кичик дарё ва сойлардан ариқчалар чиқариб экинлар суғорилган. Сув ресурсларидан самарали фойдаланиш мақсадида булоқ сувларининг ўзанига катта

харсанг тошлар ташлаб ҳовузчалар қурилган. Ҳовузга етарли даражада сув тўплангандан кейин тўғоннинг ички томонида қолдирилган махсус тешик очилиб экинларга муайян тартибда сув берилган. Мазкур ҳовузчаларни яқин даврларгача Шеробод, Бойсун ва Нурота туманларининг тоғ ва тоғ этакларида қишлоқларда учратиш мумкин эди.

Тоғ этакларида қўлланиладиган қадимий мураккаб сув чиқариш усулларидан кориз тизими диққатга сазовор. Бир неча ўзаро боғлиқ махсус қудуқлар орқали сизот сувларни далаларга чиқариб суғориш кориз усули дейилади. Бу тизим Нурота ва Шеробод туманларида, Самарқанд вилоятининг Қизилбой, Култепа, Оқтош, Чорбоғ, Бўлак номли қишлоқларида, Наманганинг Чорток районида кенг қўлланилган, баъзиларида қисман ҳозиргача сақланиб келган.

Бухоро ва Қарши даштларида асосан чорвачилик билан шуғулланадиган аҳоли ўз томорқаларида полиз ва бошқа экинларни қудуқ суви билан суғоришган. Қудуқдан оддий мослама қовға ёки меш пақирни арқон билан кўпинча ҳайвон (туя, от ёки эшак) кучи билан тортиб чиқариб сув олинган. Бу усул Қоялик, Майманак ва Қосон туманларида сўнгги вақтларгача ишлатилган. Сув тақчил жойларда қудуқдан суғориш 20-йилларнинг охирларига қадар суғориш усули бўлиб келган. Мазкур усулнинг гувоҳи бўлган кишилардан бири шундай таърифлайди: «Сув тақислиги туфайли Қарши чўлида ернинг бир томонида 1,5 аршин кенгликда қудуқ қазиб, унинг атрофига пишган ғишт териб чиқишиади. Қудуқ тепасига чиғир мосламаси ўрнатилиб, эчки терисидан меш (пақир) лар ясадб, от ёрдамида қудуқлардан сув олишади; шундан кейин дехқон ўз экинини сугоради. Томорқадаги мевалар, полиз экинларини ва тамакиларни қудуқ суви билан суғориш кенг тарқалган».

Ўзбекистондаги суғориш шахобчалари катта ариқ ёки арина, ариқ ёки ёб, ўқариқ ёки солма, оқава ариқ ва бошқаларга бўлинади. Одатда битта ариқ бир қишлоқни таъминлайди, шунинг учун ҳам у асосан ўша қишлоқдаги қабила, уруғ, бир авлод ёки жамоа номи билан аталган. Масалан, Қалмоқ ариқ, Кўнғирот ариқ, Қипчоқ ёб ёки Полвон ёб ва ҳоказо. Баъзан канал ва ариқлар шу иншоотни яратган ёки қурилишида бош бўлган, ёки ташаббус кўрсатган шахс номи билан ҳам аталган.

Барча сұғоришиң иншоотларини ҳар йили албатта чопиб тозалаб туриш шарт бўлган. Утмишда бу ёсят мушкўл ва сермеҳнат иш кенг меҳнаткаш омманинг зиммасига юкланган. Иирик каналлар қазиш ва уларга тўғонлар қуриш айниқса оғир бўлиб, бу ишлар асосан қиши ёки эрта кўкламда бажарилган ва жуда кўп иш кучи жалб қилинган. Масалан, Хива хонлигидаги ариқларни тозалаш учун 700 мингга яқин иш куни сарф қилинган. Тошкент волостида эса биргина Захариқни тозалаш ва тузатишга 42 минг иш куни талаб этилган. Зарафшоннинг қуий оқимидағи катта ариқни тозалашда уюштирилган ҳашар 15 кун давом этган.

Хоразмда ҳар ўн таноб ер бир сув ҳисобланиб, мана шу майдон ҳисобидан ариқ тозалашга бир ҳашарчи юборилган. Бир қишлоқлик ҳашарчилар одатда 20 кишидан тузилган ҳашар гуруҳларига бирлашиб, ораларидан икки киши бошлиқ қилиб сайланган. Зарур озиқовқат, қурол-асбоб, кўрпа-тўшакни ҳар бир ҳашарчининг ўзи олиб келган. Бундан ташқари ҳашарчилар сувини идора қилиб турадиган маъмуриятга маҳсус солиқ — «афанақ пули» (сув пули) тўлаганлар. Зарафшонда ёри камроқ кишилар 4 кишидан иборат гуруҳга бирлашган ва 8 таноб ерга бир ҳашарчи ажратилган. Чирчиқ воийсида ариқларни тозалашда 20 таноб ер ҳисобидан бир ҳашарчи олинган. Ҳар бир гуруҳ ҳашарчи учун ариқнинг маълум қисми ажратиб берилган.

Барча иншоотларда сувни бошқариш учун маҳсус маъмурият тайинланган. Ўрта Осиё хонликларида сұғоришиң ва катта ариқларни тозалаш ҳамда таъмирлаш ишларини назорат қилиш бирор тўра ёки амалдорнинг зиммасига юкланарди. Туркистон ўлкасида эса бу ишлар устидан маҳаллий олий ҳукумат томонидан тайинланган ариқ оқсоқоли назорат қилиб турган. Аҳоли ичидан сайлаб қўйиладиган кўп сонли мироблар ана шу тўра ва оқсоқолларга бўйсунган. Тўғонларга қараб туриш учун маҳсус кишилар — тўғончи ёки соқочи ёлланган.

Сув бериш тартиби ва унииг қанча миқдорда берилишини мироблар белгилаган. Улар муайян маош олмасдан аҳолидан ўзлари йигиб олган маблағ билан тирикчилик қилганлар. Шунинг учун ҳам миробларнинг аҳволи оғир бўлиб, баъзан амалини суиистеъмол қилишга мажбур бўлганлар. Уддасидан чиққанлар кўпроқ сув олиш билан кифояланмай, ҳатто умумий қоидани

паймол қилиб, пора олиб сув сота бошлаганлар. Масалан, 20-йилларга оид бир ҳужжатда: «Сув сотиш гуноҳ бўлишига қарамай, Фарғона вилояти ҳудудида сув сотиш жуда авжига чиққан эди»,— деб ёзилган эди. Айниқса, оқсоқоллар, мираблар ва бошқа маҳаллий маъмурлар бу ишда ўзбошимчалик билан ўз вазифаларини сунистеъмол қилиб, сувни ким кўпроқ пора берса шунга биринчи навбатда берганлар.

Одат бўйича суғориладиган ерларнинг кўпчилигига, айниқса Зарафшон ва Хоразм водийсида, экинлар сувга муҳтоҷ пайтида, сувга танқислик сезилса, ундан навбат билан фойдаланишга қаттиқ риоя қилинган, сув кўпинча чек билан тақсимланган. Биринчи навбатда ариқ этагидаги ерларга, кейин ариқ охиридан иккинчи участкага, сўнг юқорироққа сув берилган. Зарафшоннинг қуий оқимидағи экинларни сув билан таъминлаш мақсадида дарёдан сув оладиган катта ариқларнинг ўрта оқимида тўғон қурилган. Бу ариқ мавсумда икки марта—майнинг иккинчи ярмида ва августнинг охирда тўғондан бўшатилар эди. Ҳатто кичик ариқларга ҳам сув навбат билан тақсимланган. Дехқонлар ўз навбатини сабр-тоқат билан кутар, сувдан фойдаланиш тартибини бузганлар эса қаттиқ жазоланган, сувдан маҳрум қилинган, пул жаримаси тўлаган ва ҳатто қамоққа олинган.

Сув миқдори муайян тартибда ўлчангандай. Масалан, «бир сув» (ариқдан бир кеча-кундузда оқиб ўтган сув), «бир тегирмон» ёки «тош» (бир дўл донни тегирмонда тортуғунча кетадиган сув), «бир қўш» (бир қўш ҳўкиз билан ҳайдалган ерни суғориш учун етадиган сув) ва «бир қулоқ» каби сув ўлчовлари кенг қўлланилган. Қашқадарёning сувга танқис туманларйда жамоа фойдаланадиган пайкалларда бир қўш ерга бериладиган сув «мўнди» билан ўлчангандай. Мўнди тубида тешиги бор, тахминан ўн литр сув сиғадиган оддий сопол кўзачадан иборат бўлиб, ундаги сув оқиб бўлгунига қараб дехқонлар сувни ўлчаганлар.

Суғориш усувлари экин турларига қараб ҳам белгиланган. Шоли, беда ва бошқа бошоқли дон экинлари бўлак ёки тахта-тахта қилиб, бостириб суғорилган. Кўп жойларда бостириб суғориш усулидан ерларнинг шўрини ювишда ҳам фойдаланилган. Шўрни ювишдан олдин ер бир неча марта ҳайдалиб яхшилаб мола босилган ва текисланган. Кўпгина экинлар эгатлар орқали ийди-

риб суфорилган. Ерни қатқалоқ босмаслиги учун чопиқ қилинадиган экинларга ёндош әгатлар ёки жўяклар орқали сув оқизилган.

Ўзбек дехқонлари ерни ботқоқланишдан сақлаш чорасини азалдан билишган. Улар ботқоқ ерларнинг сувини қочириш учун зовурлар қазишган. Масалан, Бухорога яқин жойда қазилган Темур Захкаш деб аталган зовур қадимий иншоотлардан биридир. Сувсизлик ёки сув босиши хавфи маҳаллий дехқонларни турли-туман маросимлар ўтказиш ва ҳар хил иримларга амал қилишга ундалган.

Совет ҳокимияти ўрнатилгандан кейин Ўзбекистонда сув хўжалигини такомиллаштириш, барча суфориш тизимларини таъмирлаш ва янги каналлар қуриш тадбирлари кўрилган эди. Айниқса, Мирзачўлда, Фарғона водийсида, Зарафшонда, Оқдарёда, Шаҳрихон, Захариқ ва Бўзсувда янги ирригация иншоотлари, сув тақсимлагичлар, тўғонлар қуриш ва бошқа ишлар амалга оширилган эди. Қашқадарё вилояти туманларини сув билан таъмин қилиш мақсадида ҳашар йўли билан (14 минг киши иштирок қилган) Лангар канали қурилган. 1939 йилнинг баҳорида 45 та канал ҳашарчилар ёрдамида бунёд этилди. Уша йили ёзда 270 км ли Катта Фарғона каналининг 1,5 ойда қурилиши ўзбек халқи меҳнат жасоратининг намунаси бўлди. Кейинроқ ҳашар усули билан Каттақўғон сув омбори, Жанубий Тошкент ва Зарафшон каналлари ишга тушган эди. Катта Фарғона каналини қуришда Ўзбекистондан 160 минг, Тожикистондан 20 минг киши қатнашган. Сув қувватидан тўла фойдаланиш мақсадида 1943 йили Ўрта Осиёда энг йирик бўлган Фарҳод ГЭС ининг қурилиши тарихий аҳамиятга эга бўлди.

Урушдан кейин пахта якка ҳукмронлигининг ўрнатилиши сув хўжалигини яна ҳам ўстиришга муҳим омил бўлди. 1980 йилларга келиб, жумҳуриятда 900 дан ортиқ суфориш тизими, умумий сув ҳажми 4,5 млрд. кубик метр бўлган 15 та йирик сув омборлари, 72 та канал, 400 дан ортиқ стационар типдаги сув насослари, 25 та катта сув иншоотлари, 70 минг км коллектор ва дренаж қурилишлари мавжуд эди. Бундай ҳолат дехқончиликда, бир томондан, ижобий натижалар берса, иккинчи томондан, салбий оқибатларни ҳам юзага келтирган эди. Айниқса, йирик сув омборларини қуриш халқимизни жуда кўп серунум тупроқли ерлардан ажратди,

экинзорлар эса табиий ўритдан маҳрум бўлди. Ер таги сувларининг кўтарилиши ботқоқликлар ва шўрликларнинг кўпайишига сабаб бўлган эди. Бундай ҳолат Амуударё этакларида, Бухоро ва Хоразм вилоятларида ва Қорақалпоғистонда жуда оғир экологик аҳволни юзага келтирди. Бутун миintaқада фожиали экологик вазиятнинг пайдо бўлиши, Орол муаммоси ҳозирги кунда ҳам бутун инсоииятнинг диққатини ўзига жалб қилмоқда.

Маҳаллий сугориш тизимини такомиллаштириш, ирригация ишларини яхшилаш учун жуда катта маблағлар талаб қилинади. Зовур қазиши ишлари, сизот сувлардан фойдаланиш, қувур ва шланглар билан сугориш ва бошқа техник янгиликларни анъанавий усуллар билан бирга олиб бориш сув хўжалигининг ривожланишига ёрдам бериши мумкин.

ЗИРОАТЧИЛИК ХЎЖАЛИГИ ВА АНЪАНАВИЙ АГРОТЕХНИКА

Зироатчилик хўжалигининг ривожи биринчи галда унинг техникавий жиҳозланиши ва агротехник билим даражасига боғлиқ. Ўзбек зироатчилиги асримиз арафасида нисбатан қолоқ моддий-техника базасига эга бўлган эди. Археологик маълумотларга қараганда, бу ерда зироатчилик қуролларининг кўпчилиги, айниқса ер ҳайдаш ва экин ўриш қуроллари минг йиллар давомида ўзгармай ҳозиргача етиб келган.

Ўзбекистонда жамоа ва шахсий хўжаликларда ерга ишлов бериш қуролларининг анъанавий турлари ҳозир ҳам ишлатилмоқда. Масалан, ерини ҳайдашда ёғочдан ясалган омоч (баъзи ерларда сипор, азал) каби қуроллар ишлатилади. Омоч бўйинтуриқ ва тиркаш билан молга қўшилган. Ҳайдалган ерии текислаш ва кесакларни янчиш учун тахта мола ёки тишли сих мола (дандана) ишлатилган. Ер ишларида бел, кетмон, капча (кичик бел), ҳосил ийфишда ўроқ ва хирмонда панжшөха, ёғоч бел, зағома (тир) каби қуроллар 30-йилларнинг ўрталаригача жуда кенг фойдаланилган, айrim жойларда улар ҳозиргача сақланиб келмоқда.

Қишлоқ хўжалигининг барча соҳаларида, айниқса зироатчиликда энг муҳим меҳнат қуроллари омоч, кетмон, бел ва ўроқ ҳисобланган. Мазкур қуролларнинг маҳаллий турлари бир оз фарқ қилган. Омоч бутун

Үрта Осиёда деярли бир хилда бўлса-да, табиий-географик шароитга қараб айрим хусусиятларга эга. У икки қисмдан иборат. Яхлит тут ёки ўрик ёғочидан, пасти текис пойли темир ёки чўяндан ясалган тиш (поза) ўрнатилган асосий қисми ва унга тик ҳолда ҳўқиз ёки от қўшиладиган якка шоти беркитилган қисми. Оғир тошлоқ ерларда катта омоч, енгил тупроқли ерларда кичик омоч ишлатилган. Омочга қараб якка шотининг узунлиги ҳар хил бўлган: 1,75 м дан 2 м гача, Фарғона водийсида 3 м гача, Самарқандда 2,14 м дан 2,8 м гача. Хоразм кундаси бошқа омочлар тишининг бир оз кенг ва ялпоқлиги билан ажралади. Бу эса ерни юмшатибгина қолмай, қатламлаб, ўтларни қирқишига имкон беради. Хоразм кундасининг омочдан афзаллигини асrimiz бошларида Н. Н. Александров қайд қилган эди. Шу билан бирга, у икки хил кунда —«ёрма кунда» ва «майда кунда» мавжудлиги тўғрисида хам ёзган. Биринчиси каттароқ бўлиб, шоликор ерларни юмшатища, ариқ ўтказища, иккинчиси бошқа барча ер ҳайдов ишларида қўлланилган.

Одатда омочга иккита ҳўқиз, баъзи жойларда от ёки тута қўшилган. Бунинг учун бўйтерак ёғочдан ясалган бўйинтуриқ омочга ўрнатилиб, унга ҳўқизлар қўшилган. Бир қўш ҳўқиз билан бир кунда ўртача 1—2 таноб (ярим гектаргacha) ер ҳайдалган. Омоч ерни ағдармай, фақат юмшатганлиги ва бегона ўтларни бирдан қирқмаганлиги учун ер 5—6 марта ҳайдалган.

Ҳайдалган ерни текислаш ва уруғни сепгач устидан тупроқ тортиш учун мола ишлатилган. Асли икки хил мола бўлган: бири катта, оғир тут ёки ўрик ёғочидан ясалган, узунлиги икки метргача келади, темир ёки чўян тишлар ўрнатилган (сих мола, дандана) ва иккинчиси оддий тахтадан (2,5 м ва ундан узунроқ) ясалган, тиҳсиз мола, қуриқ қатлоқ ва ажриқли ерларда ҳамда шоликорликда ишлатилган. Бу моладан бошқа ер ишларида ҳам фойдаланилган. Лалмикор (баҳори) ерларда моладан ташқари шоҳ-шаббалардан ясалган чапар билан ҳам ерни молалаганлар. Айрим камбағал хўжаликларда омоч кўндаланг ётқизилиб оддий мола шаклида ишлатилган. Молага ҳам бўйинтироқ ўрнатилган қўш ҳўқиз ёки от қўшилган.

Ўзбекистонда қадимдан энг кенг тарқалган ковлагич қурол кетмондир. Айниқса, Фарғона ва Зарафшон водийларида, Тошкент воҳасида ер ишларининг барча

турларида кетмон ишлатилган. Далачилик ва полизчилик экинларини чопиқ қилишда ва суғоришда, боғдорчilik ва узумчиликда, ерга ишлов бериш ва йўлларни тузатишида, қурилиш ва бошқа ишларда кетмон асосий қурол бўлиб хизмат қилган. Кетмонлар шакли, ҳажми ва ишлатилишига қараб фарқланган. Темирдан ясалган тўла ёки ярим гардишли кетмонларга тол дарахтидан соп ўрнатилган.

Хоразм ва Жанубий Ўзбекистонда ер ишларида кўпроқ бел ишлатилган. Хоразм бели конус щаклдаги уни ўткир икки тепки қулоқли (Сурхондарёда бир тепки қулоқли) темирдан ясалган бўлиб, у аравага тупроқ ёки гўнг ортишда ва далага сепишда, ерга ишлов бериш ва ковлашда, қазув ва чопиқда кўпроқ ишлатилган. Сув иншоотларини тозалашда ва суғоришда, пахса қуришда ва бошқа ер ҳамда лой ишларида енгил бел (капча, белча)дан фойдаланилган.

Кетмон ва белнинг маҳаллий турларини картографлаштириш натижасида қўйидаги хulosага келинган эди: XIX аср охири — XX аср бошларида Шимоли-Шарқий Ўзбекистон (Тошкент ва Фарғона воҳаси)да деҳқончилик асбоб-ускуналари ичидаги асосан кетмон, Марказий Ўзбекистон (Зарафшон водийси) туманларида ҳам асосан кетмон; қўшни Бухоро вилояти туманларида кетмон ҳамда бел ишлатилган; Жанубий Ўзбекистонда, Хоразмда, Ўрта Амударёда бел кетмонга нисбатан кўпроқ тарқалган.

Ерга ишлов бериш асосан ерни бир неча марта юмоҷ билан ҳайдаш, мола босиš, сув ва ўғит беришдан иборат. Кўп асрлик тажриба натижасида маҳаллий деҳқонлар экинларни алмашлаб экиш йўлини кашф этганлар. Алмашлаб экиш нафақат ўсимликларнинг хусусиятини билишга, балки фаслга қараб тупроқнинг хусусияти, суғориш имкониятлари ва бошқа зироатчилик сирларини ҳам эгаллашга боғлиқ.

Дон экинлари ўзбек хўжаликларида асrimizning 30-йилларигача асосий ўринни эгаллаган. Буғдой, жӯхори, арпа, шоли каби экинлар экилишидан олдин ерлар кузда ишлов бериб тайёрланган. Баҳорда шудгор қилиб қўйилган майдонлар узунасига ва кўндаланг қилиб икки ёки ундан ҳам кўпроқ марта омоч билан ҳайдалган. Уруғ қўл билан сепилган ва унинг устига мола босилган. Дон экилган далалар икки марта суғо-

рилган: биринчи марта энди ўниб чиққан пайтда ва иккинчи марта бошоқ отиш олдидан сув берилган.

Барча дон экинлари, беда ва хашак ўроқ билан ўрилган. Маҳаллий ўроқлар деярли бир хил, фақат катта-кичиклиги ва тифининг шакли билан фарқланган. Хоразм ўроғи ўзига хос шакли ва майдада тиши билан ажралади. Бундай ўроқлар Дарвоз, Қоратегин ва Ёзғулом тоҷикларида ҳам учрайди.

Ўрилган ғаллани хирмон қилиб от, ҳўқиз ёки эшак билан тепкилаб янчидан шамолга айри, сесоҳа ёки панжшоҳа ва ёғоч белкурак билан совурганлар. Баъзи хўжаликларда ишчи, мол етишмаганилигидан шоҳ-шаббалардан ясалган чопар, кичик хирмонларда ёғоч тўқмоқ ёки қулоғоч (Фарғона водийси ва Тошкент воҳаси) ва даскун (Зарафшон водийси) ишлатилган. Хирмон ишларида ғалвир (тир), чигил, супурги, қанор-қоп ва бошқа қурол-буюмлардан фойдаланилган.

Зироатчиликда ҳосилдорликни ошириш учун муҳим тадбирлардан бири ўғитлашdir. Асосан барча ерда кўпчилик экинларга соғ гўнг ишлатилган. Бадавлат дехқон хўжаликларида ҳар йили, камбағалларида ҳар 2—3 йилда бир марта куз фаслидан бошлаб қиши бўйи далаларга гўнг чиқарилган. Баъзи жойларда (Хоразм ва Зарафшон воҳасида) гўнг қум билан аралаштириб ишлатилган. Эски харобалардаги кесак (пахса) ва дарё лойқаси ҳам ўғит вазифасини бажарган. Тошкент ва Хоразмда томорқалар кесак аралашиб нажас билан ҳам ўғитланган. Қўшни қишлоқлардан маҳсус мижозлар нажас олиб кетганлар ва далаларни ўғитланлар. Шоликор ерларда шолипоя билан ўғитланилган.

Маҳаллий дехқонлар қадимдан ҳосилдорликни ошириш учун шудгор қилиш, алмашлаб экиш, партов ер қолдириш каби муҳим агротехник тадбирларга амал қилиб келганлар. Масалан, пахта беда ёки жўхори билан, буғдой, тариқ, жўхори, лобиё ёки мош билан алмаштирилиб экилган.

Дехқончиликда фенологик билимлар муҳим аҳамиятга эга. Илмий метереология ва астрономиядан бехабар дехқон асрлар давомида табиатни кузатиш натижасида оддий астрономия билимлари асосида ҳалқ календарини ишлаб чиққан. Қишлоқ хўжалигида зарур бўлган календарь 90 циклдан иборат бўлиб ҳар фасл 90 кунга бўлинган: баҳорги тўқсон (ҳамал, савр, жав-

за), ёзги тўқсон (саратон, асад, сунбула), кузги тўқсон (мезон, акраб, қавс) ва қишки тўқсон (жаддий, далв, ҳут). Ёзги жазирама иссиқ ва қишки совуқ даврлар катта ва кичик чиллага бўлинган. Баҳорнинг келиши ҳамалдан, жанубий районларда ҳутдан бошланган. Баҳор ойининг кутилиши, яъни дехқончилик ишларининг бошланиши асли юлдузларга, илк қушларнинг учиб келиши ва бошқа фенологик кузатишларга қараб белгиланган.

Маҳаллий дехқонлар руҳонийлар иштирокида тузилган рисолага эга бўлганлар. Унда ҳазрат Одамдан ва Дехқон отадан бошлаб зироатчиликка оид ҳар хил диний афсона ва ривоятлар, ишлаб чиқаришга оид маслаҳатлар ва айrim талаблар баён этилган. Дехқонлар табиий оғатлар ва бозор конъюнктураси олдида ожиз бўлиб, турли иримлар ва хурофотларга амал қилиб келгандар.

Ўзбекистонда зироатчиликнинг йирик соҳаларидан бири ғаллакорлик ҳисобланган. Бу соҳадаги бош экин буғдойдир, кейин макка ва оқ жўхори, арпа, шоли, сули, тариқ, мош, лобиё ва ҳоказолардир. 1915 йилда Туркистон ўлкасидаги экин экиладиган ерларнинг ярмидан кўпи, Бухоро амирлиги ва Хива хонлигидаги ерларнинг 2/3 қисми буғдой билан банд бўлган. Асосан уч хил буғдой турлари экилган. Улар хўжалик эҳтиёжларини қондирган ҳамда товар характеристига эга бўлган, яъни бозорга чиқарилган. Буғдой турларидан «оқ буғдой», «қора буғдой», «лайлақ буғдой», «туя тиши», тоғли туманларда совуққа чидамли «чивит» тарқалган. Арпа маҳаллий хўжаликларда нафақат отларга ем сифатида, балки камбағал оиласаларга нон учун ҳам экилган. Шу мақсадда тариқнинг айrim, турлари, ундан кейин жўхори ҳам экилган. Зарафшон ва Фарғона водийларида жўхорининг бир неча турлари: «калтапоя», «йўғонпоя», «узунпоя» ёки «ширинпоя», Хоразмда матхоп, ясмоқ, каттабош кабилар маълум бўлган. Бу ерда шакарқамиш («болчингириқ») ҳам экилган.

Жуда оз экиладиган экин тури маккажўхоридир. Жўхори бошоқлари асосан нон ва овқатга ишлатилган, аммо унинг айrim турлари молга ем учун маҳсус экилган («ғовуш»). Маккажўхори кўпроқ Фарғона ва Сурхондарё воҳасида экилган. Баъзан жўхори билан бирга мош ёки лобиё экканлар. Унинг пояси ем-хашакка ишлатилган.

Зироатчиликда энг кўп эътибор ва меҳнат талаб қиласидиган экин шолидир. Ўзбекларнинг ҳимматли ва севимли маҳсулоти ҳисобланган гуруч (шоли)ни экиб парвариш қилишда жуда кўп сув талаб қилинган. Унинг ҳам бир неча турлари мавжуд: «оқ шоли», «қизил шоли», «арпа шоли», «девзира». Шоли уруғи маҳсус уват (Хоразмда чең) билан бўлинган кулчаларга қўл билан сепилиб, баъзан кўчат қилиб экилиб, бир неча кунлаб сувда сақланган, кейин жиддий равишида ўтов қилиб курмак ва қамишлардан тозаланган. Шолининг эртапишар турлари 15—16, кўпчилиги асосан 17—18 ҳафтада пишиб етилган. Халқ орасида тарқалган «саксонда савоқда, тўқсонда товоқда» деган ибора шолига тегишилдири. Уни парвариш қилиш учун катта маҳорат талаб қилинган, чунки ўз вақтида сув бериб ўтов қилиб турилмаса ҳосил бўлмайди. Айrim жойларда (Кўқонда) шолидан икки марта ҳосил олинган (эрта пишар «хонаки» нави). Шолини ҳам буғдой сингари хирмон қилиб янчганлар, ғалвир билан тозалаб шоли-поясини ем-хашакка, сомонини қурилишга ишлатганлар. Шолини гуручга маҳсус сув жувозларда ва келида тозалаганлар.

Маҳаллий хўжаликларда қадимдан дуккакли экинлар ҳам муҳим аҳамиятга эга бўлган. Айниқса мош кенг тарқалган. Нўхот ва лобиё ҳам халқ орасида севимли ҳисобланган. Бой хўжаликларда бир неча маҳсус дон омборлари (ғаллахона) мавжуд бўлган, кўпчилик дехқонлар донни лой шувоқли ўра қазиб сақлаганлар. Зарафшон ўзбекларида 2—2,5 м чуқурлиқда, конус шаклида, туби сомон билан шуволган ва 1,5 м келадиган ўрада сақланган. Уруғлик донлар ажратиб қопларга солиб қўйилган. Хоразмда донни анъанавий омборхоналардан ташқари талак (болаҳона)да сақлаганлар. Сомон ва похол маҳсус сомонхонада тўпланган.

Ун тортиш табиий-географик шароитга қараб фарқланган. Ун сув сероб жойларда сув тегирмонида, Зарафшон қуви оқими, Қашқадарё водийси ва Хоразмда ҳайвон кучи билан ҳаракатга келтирилган «харос» ёки «қаш-каш»да тортилган. Илгари қишлоқларда, айниқса ярим кўчманчи даشت ўзбекларида ва Хоразмда қўл тегирмони ва ёрғуchoқлар ҳам кўп ишлатилган.

Шолини ҳам маҳсус сув билан ҳаракатга келтириладиган обжувозда янчганлар. Хоразмда «дапма» (жувоз) ҳайвон кучида ишлаган. Барча дехқон хўжа-

ликларида шоли ва бошқа донларни янчадиган сўқи (кели) бўлган.

Техник экинлардан пахта чигити, кунжут, канdir, зифир, махсарлар махсус мой жувозларда янчилиб улардан ёғ чиқарилган. Зифир ва канdir пояларидан арқон, қоп учун ип ўрилган. Ёғ ишлаб чиқаришда қовун уруғидан ҳам фойдаланилган, баъзан унга кунжут ёки зифир қўшилиб чиқарилган.

Деҳқончилика энг муҳим техник экинлардан ҳисобланган пахта ўзбек халқининг кейинги бир ярим асрлик тарихида алоҳида ўринни эгаллади. Ҳатто чор ҳокимиётининг ҳукмронлиги даврида экиш қанча кенгаймасин унинг ягона ҳокимлиги ўрнатилмаган. XIX аср охирларида Туркистон ўлкасида сугориладиган барча майдоннинг 6,4 фоизига пахта экилган, холос. Бухоро амирлигига 6,2 фоиз, Хива хонлигига 14,3 фоиз экин майдони пахта билан банд бўлган. Совет мустамлакачилиги ўрнатилгандан кейин аҳвол бутунлай ўзгариб, Ўзбекистонда пахта яккаҳокимлиги юзага келди. Оқибатда анъанавий зироатчилик хўжалиги бузилиб, фожиали аҳвол пайдо бўлди.

1917 йилгacha бу ерда икки хил чигит — маҳаллий «ѓўза» (ѓўвача) ва «амирқони» навлари экилган. Маҳаллий турлардан тўрт хили: Бухорои, Қўқон, Хива ва Маллағўза ўзбек хонликларининг асосан барча ерларида экилган. Туркистон ўлкасида амиркони чигити маҳаллий навларни сиқиб чиқарган. Амиркони ҳам бир неча навларга бўлинган: кўкчигит, маллачиғит, қораҷигит ва оқчигит. Янги хилдаги чигитларнинг пайдо бўлиши маҳаллий деҳқончилик усулларига ҳам айрим янгиликлар киритган эди. Аммо меҳнат қуроллари ўзгармай эски омоч, мола ва кетмон ишлатилган. Яганалаш, ўташ ва териш қўл меҳнати билан амалга оширилган.

Деҳқон ҳосилнинг кўп қисмини ўз хўжалигига ишлатган: пахтани қўл билан оддий дастгоҳ (чиририк)да тозалаб, чигитни ёғ жувозда чиқариб, толасидан ип йигириб, бўз ва бошқа газламалар тўқишида фойдаланган. Бир қисмини судхўр ва савдогарлар орқали, баъзан ўзи бозорга чиқарган.

Совет даврида мамлакатнинг пахта мустақиллигини таъмин қилиш учун Ўзбекистонда бутун деҳқончилика жиддий ўзгаришлар рўй берди. Айниқса зироатчилик тузилмасида пахта якка ҳокимлиги ўрнатилиб, бошқа

анъянавий экинлар сиқиб чиқарилди ёки жуда ҳам камайиб кетди. Колхоз-совхоз тузуми совет мустамла-качилигига жуда қўл келди, ўзбек дехқони замонавий агротехника ва машиналар сингари янги тузумнинг тил-сиз винтига айланди. Натижада асрлар давомида қўп қиррали қишлоқ хўжалиги ва унинг асосий қисми бўлган зироатчилик бир томонлама ривожлана бошлади. Сўзда мажмуйи хўжалик, амалда пахта ҳокимлиги туфайли анъянавий дехқончилик бузилди, экологик ва ижтимоий жиҳатдан фожиали оқибатлар пайдо бўлди.

Ўзбеклар энг қадимги даврлардан сабзавотчилик ва полиз экинларини парвариш қилишга ўргангандар. Уларнинг миллий таомларида полиз ва сабзавот маҳ-сулотлари алоҳида ўринни эгаллайди. Шунинг учун ҳар бир дехқон оиласининг томорқасида сабзи, пиёз, лавлаги, қалампир, шолғом, турп каби полиз экинлари, айrim пайкалларда қовун, тарвуз, қовоқ, торра (тар-нак) ва бодринг экилган. Асримиз бошларидан картошка, карам, помидор, редиска, бақлажон кабилар кенг тарқала бошлаган.

Ўтган асрда тадқиқотчилар ўзбек қовунларига юксак баҳо берганлар. Бобур асарларига ва бошқа тари-хий манбаларга қараганда, ўрта асрларда Фарғона, Бухоро ва Хоразм қовунлари бутун Шарқда машҳур бўлган, ҳатто узоқ Бағдодга жўнатилган. Айниқса дарё соҳилларида экилган қовунлар ширинлиги билан ажралиб турган. Ўзбеклар қовуннинг айrim навларини ке-йинги ҳосилгача сақлай билганлар. Эрта чиқадиган ҳандалакдан тортиб ёзги ва қишиги қовун турларигача ҳар жойда ўзига хос хусусиятлари ва номлари билан ажралиб турган. Бутун минтақада ва ундан чеккалар-гача Хоразм қовунлари (гурвак, гулаби, бечак, қари-қиз, ола қовун, бекзоти ва ҳ. к.) донг чиқарган. Ҳозир ҳам илгаригидек қовун-тарвузлар севимли полиз экинларидан ҳисобланади.

Анъянавий полиз экинларидан ҳособланган пиёз ва сабзи ҳам анча меҳнат талаб қиласди. Эрта баҳорда экиладиган бошпиёз жуда қўп истеъмол қилинади. Мушак, мирзои номли сабзи навлари энг севимли ва қўп ишлатилади. Сабзи-пиёзни экиш ва йиғиш қўл меҳнати билан амалга оширилади.

Томорқаларда экиладиган сабзавотларнинг турлари жуда қўп. Улар ўзбек миллий таомларининг ранг-ба-ранглиги ва қўп хиллиги туфайли янада бойиб, қўпайиб

бормоқда. Шивит, петрушка, кашнич, лавлаги, қалампир ва бошқа полиз экинлари ҳар бир деҳқон хўжалигида доимо мавжуд. Деҳқонлар полиз экинларини йил бўйи сақлаш маҳоратини эгаллаганлар ва бир фаслда бир неча ҳосил ола билганлар.

Боғдорчилик ва узумчмлик ўзбекларнинг энг қадимий касбларидан. Қулай табиий иқлим шароити бу ерда қадимдан ҳар хил мева ва узум навларини парвариш қилишга имкон яратган. Деярли ҳамма қишлоқ хўжалигида ўзининг боғ-роғи, узум-токи ёки бир неча мевали дарахти бўлган. Айрим ток ва мева дарахтлари шаҳар аҳолиси ҳовлиларида ҳам парвариш қилинган. Одатда боғ пахса ёки гуваладан девор қилиб ўралган, девор бўйлаб тол-тераклар, тут ва ўрик дарахтлари экилган. Айрим ҳовлиларда боғ ичида ҳовуз бўлиб, унинг теварагида тол, гужум ёки сада дарахтлари экилган. Жазира маҳоратини дам олиш учун ҳовуз бўйида супа ҳам бўлган.

Боғларда токлар алоҳида, мева дарахтлари алоҳида экилган. Кўп хўжаликларда ер танқислигидан дарахтлар орасида беда ёки полиз экинлари ҳам ўстирилган. Ҳар бир ҳовлида албатта гуллар (атиргул, райхон, ўсма, хина ва ҳ. к.) парвариш қилинган. Тоғ этагидаги ва тоғли хўжаликлар махсус ёнғоқ, бодом ва ўрик дарахтларини ўстирганлар.

Ўзбекистондаги айрим боғдорчилик районлари ихтинослаштирилган. Масалан, Фарғона водийсида данакли мева дарахтлари, айниқса ўрик, анор, щафтоли кўпроқ машҳур, бу ерда кўрага ва кишишининг олий навлари тайёрланган. Зарафшон ва Фарғона водийларида махсус ўрикзорлар бўлган. Боғбонлар нок, олма ва узумни узоқ сақлаш маҳоратини билганлар. Марғилон, Намангандан Андижонда шафтolinинг ажойиб турлари, Сурхондарё ва Қувада анор етиширилган. Бутун водийда маҳаллий аҳоли тутни қуритиб, баъзан ун қилиб, толқон ёки нон шаклида истеъмол қилган, тут шинниси тайёрланган. Тут турларидан балхитут, беданатут, қоратут, шотут, хўросон тутлар кенг тарқалган. Олма ва нок унча кўп парвариш қилинмаган. Ҳозиргача энг машҳури Ҳазорасп олмасидир. Нокнинг турлари кўпроқ: гулоби (илк нави), ношвоти (кечки, қишига сақланадиган), алмурди дилфуз (майда, юмшоқ) ва ҳоказо. Кўп жойларда анжир ўстирилиб, у ҳам қишиги ва ёзги навларга эга (сариқ ва қора). Беҳи дарахтини кўп хўжаликлар

парвариш қилганлар. Севимли ва кенг тарқалган мева-
лардан жийда диққатга сазовордир. Ёнғоқ ҳовлиларда
ва тўқайзорларда ҳатто ёввойи ҳолда ўсиб келмоқда.

Ўзум энг қадимий ва кенг тарқалган севимли озуқа-
лардан. Фарғона тоф тизмалари ва бошқа тоғли туман-
ларда денгиз сатҳидан 1500 м баландлиқда ёввойи узум
навларини ўстириш мумкин. Пском водийси ва Чотқол
тоғи оралиғида ёнғоқзорлар орасида ҳозиргача ёввойи
ток навдаси дараҳтларга чирмашиб ўсмоқда. Тўнта-
ришдан илгари 30 дан ортиқ узум навлари маълум бўл-
ган. Шулардан энг эртаги серҳосил чиллаки ва шириң
чарос, қора ва оқ кишиш, Каттақўргон, ҳусайн, мас-
ка, шакарак, сultonи кабилар машҳур бўлган. Зараф-
шон водийсида узумнинг ширалиги билан ажralиб
турган 24 та нави маълум. Бу ерда ток сўрисиз ерда
ёйилиб экилган. Хоразмда сўрини тол навдасидан пеш-
тоқ шаклида кўтарғанлар.

Узум маҳсулотининг кўп қисми янги мева вақтида
истеъмол қилинган, ярмига яқини кишишга ишлатил-
ган, айrim навларидан (ҳусайн, буваки ва ҳ. к.) шин-
ни тайёрланган. Шиннидан эса сув билан аралаштири-
либ, бижғитилиб мусаллас ичимлиги тайёрланган ва кў-
заларга солиниб зироварлар кўшиб сақланган. Икки
ойдан кейин мусаллас ажойиб шаробга айланган. Чор
ҳукумати давридан бошлаб жуда кўп миқдорда узум
маҳсулотлари Россияга жўнатилган. Тўнтаришдан ав-
вал Узбекистондан Россия ва Сибирга ҳар йили 30—
35 минг пуд узум ва ярим миллион пудга яқин майиз
юборилган.

Ўзбекистон Республикаси ҳозир ҳам ўзининг боғ-
дорчилиги ва узумзорлари билан машҳур. 1924 йилда
мевали дараҳтли майдонлар 13,6 минг га, узумзорлар
билан 25,3 минг га ни эгаллаган бўлса, 1986 йилда ме-
вали боғлар 208,3 минг га ва узумзорлар 130,6 минг га
худудга жойлашган эди. Айrim вилоятлар мева етиш-
тиришга ихтисослаштирилган. Масалан, Зарафшон
водийси олий сифатли кишиш тайёрлашда асосий база
ҳисобланади. Бу ерда жумҳуриятдаги узумзорларнинг
ярмидан кўпи жойлашган ва бутун тайёрланадиган
кишишнинг 1/3 қисми шу ерда етиштирилади. Фарғона
водийси данакли меваларнинг бош макони бўлиб, машҳур
қаҳрабо рангли ўрик, кишиш, анор ва шафтолиси билан
танилган. Жанубий Узбекистонда анъанавий қим-
матли мева дараҳтларидан анор, анжир, бодом, писта-

билан бирга янги цитрус экинлар ва хурмо етиштирилади. Тошкент вилоятидаги боғларнинг 70 фоизи олма ва нок билан банд. Яқин даврларгача Хоразм, Бухоро ва Сурхондарё вилоятлари ўзининг ажойиб боғ-роғлари билан машҳур эди. Пахта яккаҳокимлиги сиёсати туфайли анъанавий хўжалик соҳалари ўзгариб бу вилоятлар ўз мевазорларидан маҳрум бўлди. Эндиликда Ўзбекистон Республикаси мустақилликка эришиши билан аста-секин мазкур жиддий хатолар тузатила бошланди. Пахта яккаҳокимлигига барҳам берилмоқда, дехқончиликда анъанавий хўжаликлар тикланмоқда.

ЧОРВАЧИЛИК

Ўзбеклар қадим даврлардан чорвачилик билан шуғулланиб келганлар. Аммо ўтроқ аҳоли билан ярим ўтроқ аҳоли орасида турли хилдаги чорва хўжалиги мавжуд бўлган. Илгари кўчманчи бўлган қабилалардан Мовароуннаҳр турклари, Дашиб қипчоқдан кёлиб жойлашган кўчманчи ўзбеклар ярим ўтроқ ҳолда яшаб чорвачилиқ билан шуғулланганлар. Айниқса қўнғирот, лоқай, қарлуқ, турк каби йирик қабилаларнинг авлодлари чорвадор ҳисобланганлар. Улар баҳорда қўйлар болалагандан кейин подани тоғли ва адирлардаги яйловларга ёки даشت ўтлоқларига ҳайдаб чиққанлар. Одатда яйловларда аёллар ва ўсмирлар бўлган, эркаклар водийда дехқончилик ишлари билан банд бўлиб, вақт-вақти билан яйловга чиқиб озиқ-овқат етказиб турганлар. Улар асосан яйлов чорвачилигига қўй-қўзиларни боққанлар. Ярим ўтроқ ўзбеклар қўйчиликка алоҳида меҳр қўйган ва бу узоқ тарихий анъанага эга. Халқ орасида тарқалган турли афсона ва ривоятларда қўй жаннатдан келтирилган, деб ҳисоя қилинади. Ҳозиргача чўпонлар ўзининг рисоласи ва пирига эга. Уларнинг пири Чўпон ота ҳисобланниб, чўпон бўлиш худонинг марҳамати, шунинг учун у жуда ҳурматли касб деб қарабланган.

Ўзбек чорвачилигига қоракўлчиликка айниқса эътибор катта бўлган, думбали қўйлар ҳам кўп боқилган. Қоракўл қўйлари асосан текисликлардаги яйловларда боқилган. Кузга яқин ҳосил йиғилгандан кейин подалар яйловлардан қайтарилиб қишлоқдаги маҳсус ажратилган қўтонларда сақланган. Улар қишлоқ атрофи-

даги далаларда боқилиб, кечалари қўтонларда тўпланган. Кейинги баҳорда қўй-қўзилар яна яйловларга чиқарилган. Ундан олдин қўйларнинг биринчи марта жунини қирқишиган, кейин узоқ яйловларга кўчилган.

Қўйларнинг думбали ҳисори насллари айниқса Жанубий Узбекистонда ва Тожикистонда кўпроқ бўлган. Улар кўпроқ тоғли яйловларда кузнинг ўрталаригача боқилган, кейин водийга ҳайдаб келтирилиб, кузги жуни қирқиб ва қочириб бўлганча қишлоқ атрофидаги ўтлоқларда ва оғилхоналарда боқилган.

Экстенсив ҳўжалик шароитида чорвачиликка эътибор зўр бўлган ва узоқ давр тўпланган амалий тажрибага таянган ҳолда авлоддан-авлодга етиб келган. Элда машҳур чўпонлар авлоди мавжуд бўлган. Камбағал оиласалар одатда 10—15 ҳўжаликка бирикиб атоқли чўпонлардан ёллаб тайинланган ва уларга ёрдамчи сифатида икки-уч ўғил бола ажратилган. Чўпон меҳнати учун шартнома асосида қўй, натура маҳсулот ёки пул билан ҳисоблашган.

Қўйчилик асосан сотишга мўлжалланган. Даشت районларда қоракўлчилик ривожланган ва бозорга чиқарилган. Қоракўл териларини илгари маҳсус савдогарлар ўз вакиллари орқали териб олганлар, барра гўшти шаҳар (қишлоқ) бозорларига чиқарилган. Қоракўл гўштлари жуда ширин бўлганлиги учун улар тирик ҳолда шаҳардаги қассобларга келтириб сотилган. Маҳсус молфурушлар, молжаллоблар аср бошларида, март ойларида, масалан, Бухоро амирлигидан минглаб қўйларни пода-пода қилиб Зарафшон водийсига ҳайдаб келтирганлар. Уларнинг жунини қирқиб баъзан шаҳардаги ўзбекларга оғилхонада боқишига ёки маҳсус чўпонларни ёллаб топширганлар. Подаларни Зарафшон ва Туркистон тоғ тизмалари даги ёзги яйловларда боқиб август ойидан шаҳар бозорига чиқара бошлабганлар. Фарғона водийсидаги молфурушлар Қирғизистон тоғлари даги қўйчилярдан кўплаб пода сотиб олиб ўзларига боқтирганлар, қишида водийга ҳайдаб келиб пуллаганлар. Катта бойлар ҳам молфурушлик қилгандар.

Қўй жуни ҳам бозорга чиқарилган. Ундан айрим ҳўжаликларда кигиз, палас, гилам, қоп ва хуржун ишлаб чиқарилган ва қисман савдо қилинган. Қўй тери сидан пўстин ва телпак, шунингдек тўшама, меш, саноч ва бошқа уй-рўзғор буюмлари ясалган.

Кўпчилик ўзбеклар эчки гўштини «совуқлик» деб истеъмол қилганлар. Унинг жунидан хўжаликда зарур арқон ва иш эшилгай, терисидан пойабзал тикилган, меш ҳамда саноч ишлаб чиқилган. Кейинги йилларда ангор эчкilarини парвариш қилиш Фарғона водийсида авж олади. Бундай эчкilarning жуни юқори сифатли бўлиб, улардан ажойиб гиламлар ва тивит рўмollар тўқилган.

Деҳқончиликда йирик шохли моллардан энг зарур иш кучи сифатида ҳўқизларни алоҳида парвариш қилганлар. Қўйчиликдагидек, йирик шохли моллар ҳам маҳсус ўтроқ деҳқонларга харид қилинган. Хоразмда асосан мол гўштини, Фарғона ва Зарафшон водийларида кўпроқ қўй гўштини истеъмол қилганлар. Тўймъракаларда бузоқ ва ғунажинлар сўйилган.

Ўзбекистонда қадимги даврлардан йилқичилик ҳам анча ривожланган. Афсонавий отлар ҳалқ иходида, достон ва ривоятларда, шоирлар ва баҳшилар тилида кўйланган. Отлар миниш, аравага қўшиш ҳамда юқ ташиш учун парвариш қилинган. Ўзбекларда кўчманчи элатлардагидек йилқилар уюри, яъни биялар тўдаси бўлмаган, аммо юқори сифатли от навларига қизиқиш зўр бўлган. Ҳозиргача сақланиб келган афсонавий отлар нафақат ривоятларда, топонимик (масалан, Ҳазорасп) ва диний эътиқодларда (тотемистик тасавурларда) ҳам намоён бўлган. Шарқий Бухородаги айрим қабилаларда (лоқай, марка ва ҳ. к.) уюри отлар сақланган. Кўпинча отлар Самарқанд, Фарғона, Кўқонда ва қўшни ўлкаларда сотилган. Маҳаллий аҳоли айниқса қорабайир, лоқай каби навларни парвариш қилган.

Дашт ва саҳро зонасида яшовчи ўзбеклар туячилик билан шуғулланганлар. Бу соҳа айниқса Бухоро ва Қашқадарё вилоятларида яшовчи аҳолига маълум. Туялардан асосан юқ ташишда, баъзан хўжалик ишларида, кўпроқ карвон савдосида фойдаланилган. Туялар одатда даштда чўпонсиз боқилган, унча парвариш талаб қилинмайдиган мол. Ундан туя эгаси жун, сут ва гўшт олган. Ўзбекистоннинг жанубида асосан бир ўркачли, шимолий районларида эса икки ўркачли нор туялар парвариш қилинган.

Утроқ зироатчилик билан шуғулланувчи ўзбекларда чорвачилик унча ривожланмаган, чунки суформа ер танқислигидан ҳашак етмаган. Маҳаллий деҳқонлар озсонли сигир, эчки ва қўйни сут-қатиқ ва гўшт учун, от

ва эшакни миниш ва юк ташиш учун парвариш қилинлар. От-арава ва ҳўкизлар кўпроқ бой-бақувват оиласарда бўлган. Ишчи ҳайвонлар ҳам асосан бойларда бўлиб камбағал дехқонлар улардан корандага олиб ишлатганлар. Утроқ аҳоли ўз моллари ва қўй-эчкиларини жамоа бўлиб маҳсус ёлланган чўпонларга боқтирган ёки оғилхонада сақлаб боқсанлар. Камбағал оиласарда миниш, юк ташиш ва бошқа ҳўжалик ишларида эшак ёки хачирдан фойдаланилган.

Паррандачилик ўзбекларда кенг тарқалмаган. Аммо кўп оиласарда улар гўшт ва тухум учун сақланган. Айниқса Хоразмда товуқ гўштидан турли таомлар тайёрланган. Товуқ гўшти, сарёда пиширилган палов тансиқ таомлардан ҳисобланган.

Ҳозирги даврда анъанавий чорва ҳўжаликлари жамоа ва давлат ҳўжаликларида бириктирилган ва замонавий техника ва ем-хашак билан таъминланган. Якка ҳўжаликларда қўй-эчки, парранда ва мол парвариш қилинади. Шаҳарда ем-хашак етмаслигидан чорва фақат айрим ҳўжаликларда, шахсий ҳовлиларда мавжуд. Айниқса торғетаги ва дашт туманларидағи йирик жамоа ҳўжаликларида чорвадорлик муҳим соҳа ҳисобланади ва унга эътибор ҳам катта. Пахтакор туманларда ҳам чорвачиликка имконияти борича эътибор бериш талаб этилади.

Бухоро, Самарқанд, Сурхондарё ва Хоразм вилоятларида қоракўлчилик анча ривожланган. Бу ерда маҳсус жамоа ҳўжаликлари мавжуд. Фарғона вилоятидаги баъзи жамоа ҳўжаликларида чорвачилик анъаналари сақланган. Улар қўшни Қирғизистон, Қозогистон ва Тожикистон яйловларидан ҳам фойдаланадилар. Энгичилик бутун вилоятларда тарқалган. Фарғона водийсидаги жамоа ҳўжаликларида урчтиш йўли билан ангор ва маҳаллий эчкилардан янги зотлар етиширилгаи.

Утроқ дехқон ҳўжаликларида анъанавий пиллачилик ривожланган. Йлгари пилла етказиш ёрдамчи ҳўжалик соҳаси ҳисобланниб, унда фақат хотинлар банд бўлган. Ҳатто ипак уруғи (қурти)ни аёллар қўлтиғида халтачада сақлаб парвариш қилган. Пилла етказадиган хоналар жиҳозланмаган. Зарур иссиқлик ва ҳаво етишмаган. Оқибатда ипак қурти яхши парвариш қилинмаганидан пилла ўз вақтида пишиб етилмаган ва сифати паст бўлган. Ипак қурти уруғини олиш корхоналари

кам маҳсулот берган. Уруғ етмаслигидан уни Италия ва Туркиядан юқори нархда сотиб олишга мажбур бўлганлар.

Ҳозир жамоа хўжаликларида ипакчилик замонавий агротехникага асосланган. Кўпчилиги катта даромадли хўжалик соҳасига айланган. Бу ишда ҳозир ҳам аёллар асосий ролни ўйнайдилар. Эркаклар ишхона ва тахтасупаларни тайёрлайдилар, озуқа (япроқ) етказиб берадилар. Ипак қурти тайёрлайдиган маҳсус корхоналар ва илмий-тадқиқот ташкилотлари мавжуд. Жамоа хўжаликларида ипакчилик учун маҳсус рўзгорлар этиширилган.

Шундай қилиб, ўзбек деҳқончилиги узоқ тарихий тажрибага эга бўлиб, ўзининг анъанавий соҳаларини сақлабгина қолмай, балки янги замонавий агротехника ва фан ютуқларига таяниб юқори даражага кўтарилиган. Қишлоқ хўжалиги кўпгина қийинчилкларни бошдан кечириб, ўзбек халқининг табиий истеъдоди, меҳнат-севарлиги ва шиҷоатлилиги туфайли анча ривожланган жамоа хўжаликларини юзага келтирди.

Зироатчиликда ва қишлоқ хўжалигининг бошқа соҳаларида замонавий агротехника, ирригация иншоотлари, илм-фан ютуқларидан самарали фойдаланиш натижасида Ўзбекистон Республикаси илғор агросаноат мамлакатларидан бирига айланди. Қишлоқ аҳолисининг турмуш тарзи ва маданияти, ижтимоий шароити анча яхшиланди. Мамлакатимизнинг мустақилликка эришиши, ўзбек деҳқонларининг ўз ерига ўзи хўжайин бўлиши уларнинг моддий ва маданий турмушининг яна ҳам юксалишига замин яратиб берди.

ХУНАРМАНДЧИЛИК ВА УИ-РЎЗГОР ҚАСБЛАРИ

Ўзбекистонда ўтказилган археологик тадқиқотлар бу ерда икки минг йиллар муқаддам кенг ривожланган ҳунармандчилик мавжуд эканлигини исботлади. Бу даврда синфий жамиятлар пайдо бўлиб, йирик меҳнат тақсимоти негизида ҳунармандчилик мустақил соҳа бўлиб ажralиб чиқсан. Оқибатда шаҳарларнинг ўсиши, савдо-сотиқнинг ривожланиши рўй беради. Бутун минтақада йирик шаҳарлар нафақат иқтисодий ва ижтимоий, балки сиёсий ва маданий марказларга айлана бошлаган.

Айниқса IX—XII асрларда ҳунармандчилик кенг

миқёсда ривожланиб, Урта Осиёнинг шу жумладан ўзбек элиниң ҳам чет эллар билан иқтисодий-маданий алоқалари авж олади. Маҳаллий ҳунармандчилик халқ хўжалигига зарур маҳсулотлар ишлаб чиқариб техник ва бадиий жиҳатдан юксак даражага кўтарилади. Ўзбек хонликлари даврида пойтахтларда зодагонлар, бой-тўралар ва ҳокимлар эҳтиёжларини қондирадиган ҳашаматли бинолар, турли зебу-зийнатлар яратадиган касб-ҳунарлар анча ривожланади. Шаҳар ва қишлоқ аҳолисига зарур маҳсулотлар етказиб берадиган ҳар хил ҳунармандчилик соҳалари пайдо бўлади.

Одатда ҳунармандчиликнинг энг камида 32 хили мавжуд бўлган аҳоли яшайдиган жойга шаҳар деб ном берилган. 1897 йили биринчи аҳоли рўйхати вақтида катта шаҳарларда аҳолининг кўпчилик қисми ҳунармандлар ҳисобланган. Масалан, Наманған аҳолисининг 64 фоизи, Кўқоннинг —52 фоизи, Чустнинг —54 фоизи, Марғилоннинг —50 фоизи, Андижоннинг —45 фоизи, Тошкент ва Самарқанд аҳолисининг 29 фоизи мустақил касб-ҳунар эгаси ҳисобланган хўжаликлардан иборат бўлган. Иккинчи катта ижтимоий табақани айрим маҳалла савдо расталарida жойлашган савдогарлар ва даллоллар ташкил қилган.

Шуни алоҳида қайд қилиш лозимки, ўтмишда ўтроқ ўзбеклар нафакат қўшни кўчманчи элатлар маҳсулотини истеъмол (харид) қилувчilar, балки улар учун зарур ҳунармандчилик маҳсулотларини етказиб берувчilar сифатида ҳам намоён бўлган. Шунинг учун маҳаллий усталар кўплаб тери ва жундан, ёғоч ва металдан, пахта ва ипакдан турли буюмлар, кийим-кечакларни ишлаб чиқиб бозорларда сотганлар. Урта аср ҳунармандларининг яна бир хусусияти (айрим одатлари бизгача етиб келган) уларнинг муайян ижтимоий ташкилотларга эга бўлишида эди. Бу ўзига хос жамоачилик анъаналарига таянган махсус уюшмаларга бирикиш эди. Асли мазкур уюшмалар ҳунармандчилик техникаси ва ишлаб чиқариш характеристери билан борлиқ ва ўз ҳамкаслари манфаатини қўриқлаш мақсадида ташкил топган ташкилотларdir.

Ўзбек ҳунармандчилигининг яна бир хусусияти унинг кўп соҳаларининг бевосита уй-рўзгор хўжалиги билан боғлиқлиги эди. Кўп ҳунармандлар асосий касбидан ташқари айниқса қишлоқ шароитида (баъзан шаҳарда ҳам) дехқончилик, боғдорчилик ва сабзавот-

чилик билан ҳам шуғулланиб келганлар. Үларнинг кўпчилик қисми ўз маҳсулотларини яқин бозорга чиқариб гина қолмай, ишлаб чиқилган маҳсулотига қараб на турда билан ҳам ҳақ олганлар (фалла ёки мол билан). Бундай ҳолат қишлоқ жамоачилиги анъаналари билан боғлиқ бўлиб, даставвал ҳамқишлоқлар эҳтиёжларига бўйсунганд. Уй ҳунармандчилигида ип йигириш, тўқиш, кигиз босиши касблар билан шуғулланилган. Тўқимачиликда гилам ва палос биринчи галда турад эди.

Ҳунарманчичик равнақи ишлаб чиқарувчи кучлар ва товар-пул муносабатларининг ривожига, натурал рентанинг пул билан алмашинувига боғлиқ. Янги даврда мазкур жараённинг рўй бериши Туркистон ўлкасида шаҳар ва қишлоқларда бозорларнинг кўпайишида, ташқи сайдонинг кучайишида ўз ифодасини топган. Хонликлардан моллар карвонлар орқали Россия, Эрон, Ҳиндистон, Хитой ва Афғонистонга жўнатилган. Масалан, баҳор келиши билан ҳар йили Хоразм воҳасидан икки мингга яқин туюдан иборат карвонлар сафарга чиқсан. Россия билан алоқа қилаётган савдогарларни Хоразмда қалачи, Бухоро, Афғонистон ва Эрон билан савдо қидувчиларни бухорочи деб атаганлар.

Иш қуролларининг оддийлиги, техникавий жиҳатдан қолоқлигига қарамай ўзбек ҳунармандчилигининг кўп соҳалари ниҳоятда юксак санъат намуналари яратган ажойиб амалий касб-ҳунар сифатида танилган. Шубҳасиз, ҳар бир соҳа ўзининг тараққиёт даражаси, натурал хўжалик ёки бозор билан боғлиқлиги, ташкилий томондан ва ҳажми жиҳатдан ўзаро фарқ қилган.

Ҳунармандчиликнинг қадимий даврлардан энг кенг тарқалган соҳаси темирчилик ҳисобланган. Бу соҳанинг ривожи даставвал маҳаллий хом ашёга боғлиқ бўлган. Ўзбекистон ўзининг ер қазилма бойликлари, олтин, кумуш, мис, темир кабилар билан илгаридан машхур. 1913 йилда маҳаллий ҳунармандлар 72 фоиз металл буюмлар ишлаб чиқарганлар. Металл ишлаб чиқариш 19 та касбга бўлинган.

Ривожланган соҳалардан бири металл қўйиш билан боғлиқ бўлиб, уни кўп жойларда дегрезлик (яъни «қозон қўйиш») ёки қозончи, Хоразм ва Бухорода «позачи» ёки «позагар» (омоч тиши қуювчи) деб номлаганлар. Дегрез одатда ҳар хил ҳажмдаги қозон, поза (тиш), чой идиш, обдаста, аспак, шамдон, манқалдон, қора чироқ, арава фидирагига такчуён ёки ҳалқа, жувоз

бошмоги ва ҳоказо ишлаб чиқарган. Баъзан буюртма елим идиш, қандил, келича, нос сўки ва бошқа буюмлар ҳам қўйилган. Бухоро ва Самарқандда илгари рехтагар (тожикча рехтаң — қўймоқ) жез билан чўяндан замбарақ (тўп) ва ўқи, қурол-аслаҳа ва бошқа уй-рўзгор буюмларини ясаган. Айрим жойларда дегрезлар чўяндан қўйиладиган маҳсулотига қараб чўянгар деб ҳам номланган.

Чўян қуиши маҳсус лойдан қурилган босқонли ўчоқ (Фарғонада ва Тошкентда «ёндўкон», Бухорода «кўра», Хоразмда «дастгоҳ») ларда эритилиб, қумдан ясалган асбоб ва идишларнинг ҳар хил қолилларда зарур маҳсулотлар қўйилган.

Чўян қуядиган асбоблардан Фарғона дегрезлари қолилларни ясадиган чорчўп, чарх ва белкурак, ис-канжа, лавгир, латтош ёки товонча, сихча, таганак (тевонак), тарнов (шовва), чаноқ ва чанағамбир, чўмич, энтахта, чироғ ва ҳоказаларни ишлатадилар.

XIX аср ўрталарига дегрезчилар хом ашёни маҳаллий конлардан олган, кейинчалик рус мустамлакачилиги даврида Россиядан келтирилган темир-терсаклардан фойдаланилган. Манбаларининг хабар беришича асри-миз бошларида Оренбург ва Троицк орқали Урта Осиёга юзлаб тонна пуд чўян буюмлар жўнатилган, сўнгра сингандан кейин улар эритилиб маҳаллий маҳсулотлар қўйилган. Дегрезлик маҳсулотларининг 80—85 фоизини омоч тиши (поза) ташкил қилган. Қолганидан ҳар хил уй-рўзгор буюмлари, буюртма бёзаклар, қурол-аслаҳалар, тамғалар қўйилган, Фарғонада милтиқ ҳам ишлаб чиқарилган.

Умуман металл буюмлар ишлаб чиқариш ҳунармандчилиги асосан тўртта йирик соҳага бўлинган: темирчилик, заргарлик, мискарлик ва тунукасозлик. Шулардан энг қадимийси ва барча металл ишлаб чиқариш соҳаларига зарур қурол ва дастгоҳлар, халқ хўжалиги, айниқса деҳқончилик қуроллари, уй-рўзгор буюмлари етказиб бериб турган соҳа темирчилиkdir.

XIX аср охирлари—XX аср бошларида ўзбек темирчилиги шунчалик ривожланганки, унинг ичидаги меҳнат тақсимоти асосида мустақил соҳалар юзага келган. Масалан, уй-рўзгор буюми ва эркак сарпаси таркиби ҳисобланган ўзбек пичоғини маҳсус пичоқчилар, қулф-калитни қулфчи ёки қулфгарлар, игна-бигизни игначи ёки ингасозлар, ҳар хил асбоб ва буюмларни чилан-

гар, анжомасоз, михгар, наълчи, тақачи каби темирчи усталар ясаганлар. Темирчи йигирмага яқин хилдаги кетмон, турли хилдаги бел, болта, теша, ўроқ, болға кабиларни ишлаб чиқарган. Маҳаллий темирчилар парма асбобларидан 40 га яқин турларини билганлар. Бухорода 32 хилдаги темир маҳсулотлари ишлаб чиқарадиган соҳа маълум бўлган.

Темирчилик соҳасидаги меҳнат тақсимотидан ташқари айрим туманларнинг муайян темир маҳсулотлари ишлаб чиқариш бўйича донғи чиққан. Масалан, ўзбеклар орасида кенг тарқалган бадийи қилиб ясалган пиҷоқларни ишлаб чиқаришда айниқса Андижон, Чуст, Наманган, Хива, Бухоро ва Қарши усталари ўз маҳорати билан танилган.

Дегрезчи ва заргардан ташқари барча темирчи усталарнинг ишлаб чиқариш қуроллари асосан бир хил бўлган, аммо улар ҳажми ва айрим хусусиятлари билан фарқланган. Темирчи дўконида энг зарур асбоблардан турли ҳажмдаги сандон (сандал), босқонли ўзоқ (ёки кўра), супа (даской), катта-кичик болғалар, бир неча жуфт омбир ва қисқичлар, эгов, зерча, қалам, сумба, дам, оташқурак, қайроқли чарх ва бошқа асбоб-ускуналар мавжуд. Сандоңдан бошқасини маҳаллий усталарнинг ўзлари ясаганлар.

Темирчи, пичноқчи, тунукачиларнинг дўконлари одатда бозорда маҳсус расталарда ёки уйида бўлиб, иш жойи учун (бозорда) улар ҳақ тўлаган. Баъзи буюртма ишларни буюртмачининг уйига бориб бажаришган. Қишлоқларда иш ҳақи натура (фалла) билан (ҳосил йиғилгандан кейин) олинган.

Мискарлик ҳам жуда кенг тарқалган. Масалан, асrimiz бошларида Бухорода 400 га яқин, Хивада 200 дан ортиқ мискар бўлган. Айрим усталар зўр маҳорат билан бадийи буюмлар ясаганлар. Айниқса Бухоро, Фарғона ва Хива мискарлари машҳур бўлганлар. Улар ҳар хил ичимликлар учун идишлар (пиёла, коса, чой идиш, чойнак), овқат ва сут идишлари (мис лаган, мис товоқ, мис баркаш, лаъли, мис кўза, хумча, қумғон, сотил, офтоба, обдаста, тос, лаган, солобча, чилопчин, кошкул), ҳар хил қутича ва сандиқча, носвой идиш ва ҳоказо ишлаб чиқарганлар. Кўп буюмларга бўрттирилган ёки ўйма нақшлар берилган. Россия хонликларни босиб олгандан сўнг маҳаллий мискарлар ўзига хос самовар ишлаб чиқара бошлаганлар.

Мискарлар хом ашё (тахталанган мис, жез, қизил ёки сариқ мис) ни асосан Россиядан келтирганлар, рух, қўрғошин, кислота, нашатир ҳам ташқаридан етказилган. Одатда идишларни қизил мисдан ясаганлар, нашатир ва туз билан оловда қаттиқ қиздириб, кейин сувга солиб қизартирганлар. Ўтга солинмасдан ясаладиган идишлар (кўзача, коса, пиёла, иатнус ва ҳ. к.) ни қалайлаштириб оқлаганлар. Барча манбаларда маҳаллий усталарнинг зўр маҳорат билан бадий буюмлар ясаганлиги тўғрисида гапирилади. Ҳар хил буюмларда ўсимликлар, геометрик ва ҳайвонлар стилидаги ислимий услубдаги нақшлар ўзининг жозибадорлиги ва юксак савияси билан киши диққатини ўзига жалб қиласди.

Ўзбек заргарлиги ҳам қадимий даврлардан ўзининг ажойиб санъати билан кенг танилган. Заргарлик ноёб бадий асарларининг намуналари кўпгина археологик қазилмалардан топилган. Заргарлар техник жиҳатдан умум металл буюмларини ясаш услубларидан ташқари ўзига хос хусусиятларга ҳам эга бўлганлар. Ҳатто олтин ва кумушни болғалаш, қиздириш, сайқаллаш, пардозлаш, буюмга кўз босиш, тилла суви бериш каби ишларда ўзига хос нозик услуб талаб қилинган.

Заргарлар бойларнинг буюртмаси билан катта-кичик қимматбаҳо безакларни жуда чиройли қилиб ясаганлар. Улар хон ва беклар учун отларнинг анжомасига олтин, кумуш ва қимматбаҳо тошлардан турли безаклар ҳам ишлаб чиқарганлар. Хоразм заргарлари бош ва устки кийимлар осиладиган безаклар (дузуг, шавқаладузуг, тахядузуг, клитбаги, тумор, аравак, зирақ, блазик, юзик кабилар)ни зўр маҳорат билан яратганлар. Самарқанднинг зирақ сирғалари Тошкентницидан ҳажми билан, Бухоронинг япроқсимон олтин марварид ёки ёқут кўзли исирғалари бир-биридан фарқ қиласди. Фарғона водийсида заргарлар қимматбаҳо зийнатланган металлардан турли узуклар ясаганлар: шоншанак кўзли ёки кўzsиз узук, тилла узук, кумуш узук, мис узук, қалай узук, овғанча узук, румча узук; иш услубига қараб — қўйма узук, сукма узук, муҳир узук ва ҳоказо; металига ёки шаклига қараб турли билакузуклар — тилла билакузук, кумуш, мис қўйма, тугмали, япалоқ, илон боши, бақа бош, карманалик ва ҳоказо. Фарғонада ва Тошкентда қоракумуш билан ишлов берилган беҳаклар, Хоразмда оғир ва катта, Бухорода нозик, Са-

марқандда енгил ўйма нақшли билакузуклар машхур бўлган. Кулоққа осадиган исирғаларнинг турлари ҳам кўп бўлган: туркистон зира, тошкан зира, фарғонача зиралари осилчоқли, қўнғироқли зира, анжирболдоқ ва ҳоказо. Бурунга осадиган аравак ва латива, сочга тақадиган металл қисмлардан иборат сочпопук (чочпопук), найча, пур сочпопук, тиллазулф, кокилли, панжара, кубба; бўйинга ва кўкракка осиладиган безаклар (зебигардон, жавок, базубанд); пешанага тақиладиган тиллақош, тиллабаргак ва ҳар хил туморлар заргарлар томонидан зўр маҳорат билан ишланган. Олтин, кумуш ва бошқа қимматбаҳо тошлар Россия, Эрон, Ҳиндистон, Қўқон ва Бухордан келтирилган.

Ўзбек заргарлари асосан уйда, баъзилари бозорда дўкон қурганлар. Ҳонларнинг кўшк ва саройларида маҳсус заргарлик дўконлари бўлган ва у ерда қимматбаҳо тошлар билан безатилган пичоқ ва қиличлар ясалган. Дўкон жиҳозлари кичкина сандон, бир неча хилдаги болға (чўкич), қайчи, омбур, тутқич, сим ясадиган кира, кичкина босқонли ўчоқ ва мисдан ясалган баҳандам, аррача ва турли нақш берадиган металл қаламлардан иборат бўлган. Хива, Бухоро Қўқон заргарлари ўйиб қоракумуш нақшлари беришда зўр маҳорат кўрсатганлар.

Ўрта Осиё, шу жумладан Россиянинг мустамлакасига айланган Ўзбекистонда заргарлик ва мискарлик касблари аста-секин тушкунликка учрайди. Арzon баҳоли завод-фабрика зебу зийнат буюмларининг маҳаллий бозорларга кўплаб келтирилиши бу ердаги хунармандчиликнинг таназзулга юз тутишига сабаб бўлган эди.

Хозиргача кенг тарқалган қадимий касблардан бири ёғоч буюмлари ясаш ҳунармандчилигидир. Дурадгорлик (йўниғчилик) асли қурилиш касби билан бевосита боғлиқ бўлган. Маҳаллий усталар ёғочдан ҳар хил ишлаб чиқариш қуроллари, ўй-рӯзғор буюмлари, транспорт воситалари (арава, кема), синч ва устуилар, ойна-эшиклар, сандиқ ва бешиклар, элак ва чарх, эгар ва ҳоказолар ишлаб чиқарганлар. Айниқса от, туя ва эшаклар учун эгар ясовчилик касби кенг ривожланган. Айрим шаҳарларда (Тошкент, Бухоро, Қўқон, Самарқанд) маҳсус эгарчилар маҳалласи бўлган.

Бадиий аҳамиятга эга бўлган ўймакорлик дурадгорлиқда алоҳида аҳамиятга эга. Зўр маҳорат билан

ясалган эшик ва дарвозалар, устун ва шифтлар ҳозиргача ажойиб санъат намуналари ҳисобланади.

Бутун Ўрта Осиёда турли ўйма нақшлар билан безатилган жавон, сандиқ ва қутилар, хонтахта ва курсилар, баъзан идиш-товоқлар кенг тарқалган. Нафақат ўтроқ, балки ярим ўтроқ аҳоли орасида ҳам айниқса безатилган жавон ва сандиқлар машҳур бўлган. Бундай буюмлар Тошкент, Самарқанд, Ўргут ва бошқа жойларда кўп учрайди. Бухорода от эгари, Хоразмда арава қисмлари ўйма нақшлар билан безатилган.

Ўймакорликда асосий асбоб турли хилдаги исканалар ва болғалардир. Ўйладиган нақшига қараб маҳалий темирчилар ясаган исканалар 30 дан ортиқ бўлган. Шу билан бирга ёғоч буюмларга рангли бўёқлар билан гул ёки расмлар солиши ҳам кенг тарқалган.

Дурадгорликда қурилиш ишлари билан бир қаторда жуда машҳур соҳа аравасозлик бўлган. Ўзбек аравалари фиддираги ва тузилиши билан ўзаро фарқ қилган. Масалан, Қўқон арава билан Хоразм араваси ғиддираги, тузилиши, аравани бошқарувчи аравакашнинг жойига кўра фарқ қилган. Қўқон аравасида аравакаш отнинг эгарида ўтириб бошқарса, Хоразм аравасида маҳсус жой ажратилган. Аравасозларнинг дўконлари деярли барча шаҳар ва йирик қишлоқларда бўлган. Масалан, Тошкентнинг ўзида 100 дан ортиқ арава ясадиган ва тузатадиган дўконлар бўлган. Аравасоз уста ўз халфа ва шогирдлари билан бир аравани 17—19 кунда ясаган.

Ёғоч усталари омоч (кунда), наво, идиш-товоқ, сўқи, кели-қуви, хонтахта ва сўри, ҳар хил дасталар, ўйинчоқлар ишлаб чиқаргандар. Хоразмда маҳсус усталар чиғир ва сув бўвати, кема ва қайиқлар ясаганлар. Кемасозлик илгари жуда ривожланган бўлиб, бутун Амударёда сузадиган катта-кичик кемаларни асосан Хоразм усталари ясаганлар. Катта кемалар 500 дан 2000 пудгача, ўртачаси 100 дан 500 пудгача ва кичиклари 100 пудгача юқ кўтарган. XIX аср охиirlарида Амударёда 330 та йирик ва юзлаб ўрта ва кичик кемалар сузуб юрган. Кемасоз усталар ҳам бошқа ёғоч усталари ишлатадиган асблордан фойдаланганлар.

Дурадгорларнинг иш қуроллари бир неча хил аралар, болта ва тешалар, қачов ва ранда (ўроқ ранда, мужранда, тахтаранда), болға ва турли искана (чўбискан, навоискана, омбир ва ҳоказолар)дан иборат бўл-

ган. Ўймакор усталар ҳар хил улги ва қолиплар ҳам тайёрлаганлар.

Ҳар бир шаҳарда тўқимачиларга зарур асбоблар, бешик, чарх, уй-рўзгор буюмлари ясайдиган уста (харрот) лар бўлган. Улар йўнилган, жимжимадор нақшли бешик, ҳар хил чарх, ўқлов, жуваз, дук, урчуқ, чилим кабиларни ишлаб чиқарганлар. Харротлар маҳсус камар билан айлантириладиган чархдан, катта-кичик хаткаш (бичқи) ва исканалардан фойдаланганлар. Эгарчи, тароқчи, элакчи усталар меҳнати тақсимланган. Масалан, Тошкент ва Хивада элакчилар маҳалласи, Бухорода — харратон, Самарқандда — зингарон маҳаллалари мавжуд. Айрим жойларда ҳатто бутун бир қишлоқ айрим ёғоч маҳсулоти ишлаб чиқариш соҳаси билан номланган.

Дурадгорликнинг муҳим, нозик соҳаларидан бири мусиқа асбобларини ишлаб чиқариш соҳасидир. Маҳаллий усталар зўр маҳорат билан миллий мусиқа асбоблари — дутор, танбур, рубоб, дўмбра, чанг, сурнай, най, доира ва ноғора кабиларни ясаганлар. Мазкур асбобларнинг кўпчилиги бадиий қийматга эга бўлиб, уларга садаф ёки суяқ қадалган, рангли металлар билан безатилган.

Курилиш ишлари билан шуғулланувчи усталар ҳам дурадгорлик касбини пухта эгаллаганлар. Курувчиларни кўп жойларда гилкор (фишт қуювчи), Фарғона водийсида ва Тошкентда сувоқчи деб номлайдилар. Улар барча шаҳар ва қишлоқларда, айниқса пойтахтларда кўп бўлган. Курилиш ишларида бошқа соҳаларга қараганда мардикорлар кўпроқ ишлатилган. Ўрта Осиёнинг деярли барча шаҳарларида мардикор (гулликчи) лар бозори бўлган.

Курилишда банд бўлган усталар бир неча касбга бўлинган: фишт терадиганлар, пахса ўрадиганлар (пахсакаш), шувоқчилар, гумбаз тиклайдиганлар ва синчуй (чўбари, гувала, нигирик) қурувчилар. Иирик иншотларни қурувчи маҳсус меъморлар зўр маҳорат ва қадимий анъаналарга эга бўлганлар. Улар миллий меъморчилик санъатини эгаллаб мачит-мадрасалар, минона ва кўшклар қуриш, қадимий биноларни тузатиш ёки таъмирлаш ишларида иштирок қилганлар.

Қурувчилардан моҳир шувоқчилар ва ганчкорлар катта обрўга эга бўлганлар. Айниқса ганчкорлар нозик ўймакорлик санъатини эгаллаб, нафақат ганчга ўйма

нақшлар бериш, балки жимжимадор панжалар ва нақшли гулдонлар ясай билганлар. Варажшада топилган ганчдан ясалган ҳайкаллар ва девор безаклари, қадимий Афросиёбдаги нақшли ганч панеллар ва Тупроқ-қалъадаги топилмалар ганчкорлик касби узоқ тарихий анъанага эга эканлигини исботлайди. Хива ганчкорларининг ўйма нозик маҳсулотлари ҳозиргача сақланиб келган кўшкларда мавжуд. Улар катта ганч тахталарда ва токчаларда, девор ва шипларда турли гуллар ва геометрик нақшлар билан безатилган ажойиб санъат на муналарида ўз ифодасини топган.

Энг оғир ва мураккаб меҳнат, сабр-тоқат, матонат талаб қиласидиган бадиий амалий санъат соҳаси — мармар ўймакорлиги (сангтарош) дир. Бу касб Хива ва Бухорода асримиз бошларигача етиб келган. Сангтаролар асосан мармар устунлар, ялпоқ идишлар, тамаки янчадиган ҳовонча (сопи билан), ҳатто чойнак, қозон, кўза ва бошқа буюмлар ясаганлар. Айримларига ўйма нақшлар ва ёзувлар битилган, айниқса кўшк саройларига ўрнатилган устунлар жимжимали безатилган.

Ўзбек диёрида ҳам энг қадимий ва оммавий ҳунармандчилик кулолчилик касби ҳисобланади. Ибтидоий янги тош давридан бошлаб то ҳозирги кунгача етиб келган бу соҳа ўзининг юксак сифатли маҳсулотлари билан донғи чиққан марказларга эга. Ўзбек кулолчилигининг энг машҳур марказлари Фарғона водийсидаги Риштон қишлоғи, Бухорадаги Фиждувон, Хоразмдаги Мадр ва Боғаттир. Бу ерларда олий сифатли ва нозик безакли сопол буюмлар яратилган.

Кулолчилик ҳунари ниҳоятда ривожланган ва маҳсулотига қараб бир неча соҳаларга бўлинган. Масалан, Фарғона усталари қуйидаги касбларга эга бўлган: косагар кулол, кўзагар кулол, лагансоз, тогорасоз, хурмачи, хумчи ва ҳоказо. Улар Хитой чиннисига ўхшаш ганч аралаш лой (фаянс) дан жозибадор таги осмон рангли кўк нақшлар билан безатилган идишларни ясаганлар. Тошкент усталари таги оқ, сарик, ёрқин кўк рангли нақшлар битилган идишларни яратгандар. Фиждувон кулоллари ясаган идишлардаги жигарранг, оқ, сарик, яшил ва қизилроқ рангдаги нақшлар кишини ўзига жалб қиласиди. Хоразм сопол идишлари ўсимлик ва геометрик шаклдаги тўқ яшил рангли нақшлари билан ажралиб туради.

Асосан ишлаб чиқариш услуби ва техникаси, ба-

дийи стили ва характеристи билан анча умумийликка эга бўлса-да, ўзбек кулолчилигида Самарқанд, Бухоро, Тошкент, Фарғона ва Хоразм усталари қадимий хусусиятларини сақлаб қолганлар. Кулолларнинг маҳсулотлари нафақат шакллари, балки номлари билан ҳам фарқланган. Масалан, кулолчилик жуда ривожланган Хоразм воҳасида қуидаги сопол маҳсулотлари ишлаб чиқарилган: сутни кувлаб мой оладиган идиш(куви), сут-қатиқ учун кўза ва шокоса, хамир қиладиган идиш (тогора), чироқ (дошибира), гултувак (гулоп), ибрик; бешик тувак (дувак), чифир учун кўза (дигир), ўйинчоқлар, ҳар хил идишлар (бодё, тўй товоқ) ёки потчойи, хум ва ҳоказо).

Фарғона кулолларининг маҳсулотлари ҳам ҳар хил бўлган: офтоба, тогора, табақ, коса, хум, кўза, сархона, кубур, қолип-совун кабиларни ўрта аср муаллифлари тилга оладилар. Ҳозиргача ишлаб чиқариладиган ҳар хил коса, лаган, чойнак ва пиёла, чаноқ, турли товоқ, хум ва кўзалар аҳоли орасида кенг тарқалган. Кулолчиликда меҳнат айрим маҳсулот номларига қараб тақсимланган. Масалан, Фарғонада кулоллар косагарлик, кўзагарлик, хумчилик ёки хумсозлик, тогорасозлик ёки маҳсулот рангига қараб оқпазлиқ, қизилпазлиқ, сариқпазлиқ каби касбларга бўлинган.

Нақшли, сирланган идишлар ва ғиштларни ишлатиш айниқса Самарқанд, Бухоро ва бошқа шаҳарларда ривожланган. Хоразмда мачит, мадраса, сарой ва бошқа йирик иморатларда ишлатиладиган рангли сирланган ғишттахта (плитка)ларни ясовчи усталар кошинчилар деб юмланган. Улар қурувчилар касбига кирган ва асосан кулолчилик асбобларидан фойдаланганлар. Иморатларнинг сиртига қопланадиган чархсиз ишланган юзлаб рақамлар билан белгиланган, сирланган сопол тахтачалар турли рангдаги нақшлар билан безатилган. Моҳир кулоллар идиш (товоқ, бадиё, коса, пиёла, лаган) ларга ҳамда ғишт тахтачаларга ажойиб гул, нақш ва ёзувларни ўтказган. Бундай идишлар ҳар бир оиласда мавжуд бўлган. Кошинчи ва кулолларнинг табиий бўёқлардан ишланган севимли ранглари оқ, кўк (осмон ранг), яшил, сариқ ва очиқ жигарранг бўлган.

Ўй-рўзгор сопол буюмлари ўзининг шакли билан ҳар бир вилоятда ҳар хил бўлиб, номлари ҳам ҳар хил бўлган. Маҳаллий идиш-товоқлар, чойнак, коса ва пиёлалар кулоллар томонидан яратилган. Аммо чинни

идишлар асосан Россия ва қўшни Шарқ мамлакатлари-дан келтирилган. Бундай нозик чинни буюмлар бой оиласларда ишлатилган. Катта ҳажмдаги сув идиш ва буюм (хум ва тогора)лар, қувурлар ҳам маҳаллий куллоллар томоиидан ишлаб чиқарилган.

Куллолларнинг дўкони (ишхонаси) одатда уйнинг бир хонасида ёки ҳовли яқинида жойлашган. Дўкондаги ишлаб чиқариш қуроллари асосан хумдон ва чархдан иборат бўлган. Кулолчилик чархи ҳалқа шаклидаги иккита катта-кичик тахта вертикал ўқдан иборат бўлиб, ўқнинг пастки қисми тош ёки ёғочдан ясалган тагдош (тош кунда) га ўрнатилган. Юқори қисмидаги кичик ёғоч диск (каллачарх, сартахта, каллак) ни уста ўтириғич (отёғоч, асяқ) да ўтириб, пастки катта дискин оёғи билан айлантириб юқоридагисига лой қўйиб идиш ясайди. Идиш тегишли шаклга келгач, чархдан пичноқ ёки ўроқ билан кесиб олиб, ҳовлида куритишга қўйилади. Куриган буюм бўёқ билан сирланиб, хумдонга солиб пиширилади.

Дўконда мазкур асбоблардан ташқари бўёқ ва сиртайёрлаш учун турли ҳажмдаги бир неча қозон, қўлтегирмон (ёргичоқ), кичкина сўқи, элак, мўйқалам, тароқ, маҳсус пичноқ (каждард) ва бел ҳам бўлган. Катта хумлар қўлда ясалган.

Илгари ҳар бир ҳовлида ўрнатиладиган тандирни маҳсус усталар — тандирчилар ишлаб чиқарган. Уни ясашда ёғочдан ишланган товонча (тишлик), сополдан пиширилиб ясалган чундак қўлланилган. Тандирчилар бир ёки икки пеш (лой тасма) дай иборат нимча тандир, уч-тўрт пешли сомсапаз тандир, новвой тандир ва тўй-маъракалар учун кўплаб нон ёпиладиган тандирлар тайёрлаганлар. Тандир тайёрланган жойида учтўрт кун қуритилиб, аравада бозорга чиқарилган ёки дўконнинг ўзида харид қилинган.

Тўқимачилик ва ипакчилик касби ҳам жуда кенг тарқалган. Асимиз бошларида йирик шаҳарларда тўқимачилик билан шуғулланувчи мануфактура типидаги йирик корхоналар бўлиб, уларнинг маҳсулотлари узоқяқин бозорларга чиқарилган. Тола ишлаб чиқарувчилар билан тўқимачилардан ташқари бир неча касб соҳалари — бўёқчилар, пардозчилар, тандачилар, тўқув дўкони тароғи ва ремизини ишловчилар, читкарлар (гул босувчи) ва ҳоказолар бўлган. Тўқимачилик маҳсулот турларига қараб айрим касбларга бўлинган. (алача,

Бўз, калама, бекасам, шойи (атлас), адрес, баҳмал (духоба), банорас ва ҳоказо). Тўқимачиликда аҳоли орасида пахта толасидан ишланадиган ип газлама тўқувчилар ҳамда ипак ва бошқа хил газлама тўқувчилар фарқланган.

Деҳқон хўжаликларида хотинлар пахта толасидан ип йигиргандар ва оддий дастгоҳда газлама тўқиганлар. Зарафшон ва Фарғона водийларида қиш пайтларида тўқимачилик билан эркаклар ҳам шуғулланганлар. Толани оддий чархда тозалаб ип йигиргандар. Чархда тайёрланган калавадан уй тўқиши дастгоҳида бўз тўқилиб, оқ, сариқ, жигарранг ва бошқа рангларга бўялган, ундан қўлда ҳар хил кийим-кечаклар тикилган. Баъзан уйда тайёрланган калава ва газламалар яқин бозорларга чиқарилган ёки маҳсус савдогарларга харид қилинган.

Қадимдан ипакчилик ва ипак газлама тўқиши бутун Туркистонда тарқалган ва юксак даражага кўтарилиган. Ўзбек ипак газламаси ўз сифати ва гўзаллиги билан донғи чиқкан. Ипакчиликда меҳнат тақсимоти амалга оширилган: пиллақаш пиллани қайнатиб чувалаган, чархоначи маҳсус дўконда чархни бошқариб айлантириб турган. Чархтоб уста ипакни найчага ўраб калава тайёрлаган, кейин уни ипак газлама тўқувчи (Бухорода жомабоф, Хоразмда жоммоб)га етказиб берган ёки харид қилган. Ўзбек жомабофлари анъанавий ипак газлама (кановис, шойи, хонатлас) ва ярим ипак газлама (бекасам, банорас, адрес) тўқиб ундан асосан бой табақалар (зодагонлар) га кийим-кечаклар тикилган. Ипак газламаларнинг айрим турларини ишлаб чиқаришда баъзи қишлоқлар ва шаҳарлар ихтисослаштирилган. Маҳаллий усталар духоба ишлаб чиқаришда ҳам машҳур бўлганлар.

Айниқса ярим ипак газламалар — йўл-йўл алача ва бекасам, гулдор олачипор адрес ва шойича (пари-паша) жуда кенг тарқалган. Алача ва бекасам йўл-йўл безагининг кенг ва нозиклиги билан фарқ қилган, холос. Улар турли рангларга безатилган ва ҳар хил номда бўлган: якрўя, катак шойи, товлана шойи, абршойи, адрес, бекасам ва ҳоказо. Бухоро адреси ниҳоятда машҳур бўлиб, Хива, Тошкент, Туркманистон, Қашқар (Синьцзян), Афғонистон ва қўшни даштдаги кўчманчи элатларга харид қилинган. Адрес ва шойи тўқишида Самарқанд ва Марғилон жуда танилган. Маҳаллий усталар

тола ва ипак ипидан асосан атлас, гул босилган турли рўмол ва белбоғ ишлаб чиқаргандар.

Ўтган асрнинг охирларида Фарғона водийси ипакчиликнинг йирик маркази ҳисобланган. Масалан, 1896 йилда Марғилон, Наманган, Кўқон уездларида 600 га яқин ипак тўқув дўконлари мавжуд бўлса, Тошкент уездидаги 20 та дўкон бўлган, холос. 1910 йили Фарғона вилоятида 1387 та ипак тўқув дўкони бўлиб, унда 3065 ишли хизмат қилган. Асримиз бошларида Самарқанд вилоятида 237 та, Бухорода 46 та, Хивада 40 та, Қаршида 19 та ипак тўқув дўконлари ишлаб турган. Барча газламалар бутун Урта Осиёда кенг тарқалган оддий дўконларда қўл билан тўқилган.

Қадимий касблардан пиллакашлик муҳим ўринни эгаллаган. Пилланичуватиш билан маҳсус ҳунармандлар — пиллакашлар ўз устахонаси (чорхона) да машғул бўлганлар. Пилла катта қозонда қайноқ сувда юмшатиб маҳсус темирдан ясалган чарх-ғилдиракда ўраб калаваланган. Қалава ғилдираги ёки чарх бир неча хилда: бир метр диаметрли ўртача чархни чархончи уста айлантирган. Иккинчи уста (найчевар) кичикроқ ғилдирак билан пилла ипини катта ғалтакка ўраган. Учинчи пиллакаш (чархтоб) катта ғилдирак (девчарх) ёрдамида ипакни калавалаб ишқорда пиширган.

Тўқилган газламалар ёки йигирилган ипларни маҳсус усталар (бўёқчи, рангрез) бўяганлар, гул ёки бошқа хил нақшларни абрбанд усталар зўр маҳорат билан ишлаганлар. Ипак ёки матоларга муайян тартибда ҳар хил табиий бўёқлар билан бир неча марта қирмизий асосга зарур нақшлар туширилган. Масалан, сариқ бўёқ ўрикдан, тўқ қизил бўёқ ҳашарот танасидан, қизил бўёқ рўёндан, қора ранг бузгунч қайнатмасидан ва ҳоказо.

Ип газламаларга турли нақшлар берадиган уста (читгар) лар айниқса Хоразм, Самарқанд, Фарғона, Тошкент, Бухоро, Шаҳрисабзда кўп бўлган. Баъзан айрим-айрим читгарлар чит газламаларга шундай катта маҳорат билан гул босганларки уларни зўр санъат намунаси деса бўлади. Гул босиши учун ажойиб ўйма қолипларни эса ўймакор дурадгор усталар ясаган. Хоразмда ипак газламани тўқувчи (жаммоб) усталарнинг ўзлари бўяганлар ва читгарлик қилганлар. Улар рангили ипак газлама (турма), гулли нақш берилган рўмол (мадалибелбоғ, шолрўмол) тўқиганлар. Энг кенг тарқалган

нақшлардан аноргул, тол барги, қизилгул, шох, каштачилардан қабул қилинган палак ва ҳоказолардир.

Тикувчилик билан фақат айрим усталар шуғулланган. Чунки кўп оиласарда кийим-кечакни уйда аёлларнинг ўзлари қўлда тикканлар. Шундай бўлса ҳам айрим шаҳарлар (Самарқанд, Бухоро, Фарғона, Қўқон, Хива, Тошкент) да маҳсус чопон тикилган кишилар (чопондўз, жамадўз) бўлган. Чопонлар материали, гули ва ранги билан ажратилган. Масалан, Зарафшон водийсида очиқ гулдор олачипор матодан тикилган, Фарғона водийси ва Тошкентда қора ва яшил матодан, Хоразмда тўқ қизил йўл матодан тикилган чопонни яхши кўрганлар.

ХХ аср бошларида Туркистон ўлкасида дастлабки тикув машиналари («Зингер» фирмаси маҳсулоти) пайдо бўлди. Оқибатда янги ҳунармандчилик касби — машиначилик юзага келади, ҳатто машинада тикиладиган бадиий каштачилик соҳаси туғилади. Тошкентнинг ўзида мингдан ортиқ машиначи чопон ва бошқа кийимлар тикиб, харид қилган, бозорларда эса 100 дан ортиқ чопон дўконлари бўлган.

Бухорода ва қисман Хивада тилла каштачилиги (зардўзлик) анча ривожланган. Зардўзлар олтин ип билан кашталанган кийимлар, калтача, ҳар хил дўппи ва рўмоллар, зар берилган пойабзal, филоф, ҳамён, от ёпиги каби бадиий кашта буюмлар яратганлар. Бу ерда ва бошқа вилоятларда турли жияк, зех тўқиши ҳам машҳур бўлган.

Ўзбекларда энг кенг тарқалган уй касбларидан бири дўппидўзликдир. Ўзига хос шакли, кашта услуби, гул нақши билан чуст, қўқон, марғилон, самарқанд, хоразм, шаҳрисабз, сурхондарё дўппилари фарқ қилинган. Улар шаклига, киядиган одамнинг жинсига ва ёшига қараб ҳам фарқланган. Энг машҳур чуст дўпписи қора фонга оқ ип билан қалампир ёки бодом шаклида кашталанган. Шаҳрисабз дўпписи кўп рангли гиламга ўхшаш услубда бир тўп гулдек тўқилган. Фарғона водийси ва Тошкентда ниҳоятда чиройли гулдастани эслатадиган нозик ироқи дўппи машҳур бўлган. Баъзан бундай дўппиларда яшил рангда ва кўк рангда қуш тасвириланган (гўёки гул нусхаси баҳт келтиармиш). Ўзининг доирасимон шакли, нозик тўқилган гулли каштаси, кумуш тангалари ва попуги билан Хоразм аёл-қизлари дўпписи ажралиб туради.

Айрим вилоятларда маҳсус усталар теридан пўстин ва бош кийимни тикиш билан шуғулланганлар. Бундай усталарни пўстиндўз, телпакдўз, чўгирмадўз деб атаганлар. Масалан, Хоразмда пўстинни ошланган қўй терисидан жунини ичкари қаратиб, сариқ рангга бўяб тикканлар. Қишики бош кийимлардан Хоразм чўгирмаси, Фарғона тумоқи ва Бухоро телпаги бир-биридан анча фарқ қилган. Аммо ишлаб чиқариш қуроллари (ошлайдиган, бичадиган ва тикадиган) бир хилда бўлган.

Ўзбекларда бошқа Шарқ халқларидек ҳурматли меҳмонларга сарпо кийгизиш одати қадимдан сақланиб келган. Чопон, дўпписи ва белбоғи билан тўй ва маъракаларда қариндош-уруғларга, ҳурматли меҳмон ва хизматкорларга ҳадя қилинган. Шунинг учун чопондўзлик жуда зўр тараққий қилган ва чопонлар ҳатто чет эл бозорларига ҳам чиқарилган. Ўтган асрнинг ўрталарида (1840—1850 йиллари) Туркистон ўлкасидан Оренбург ва Троицк орқали Россияга 1900 та пахтали ипдан тикилган ва ярим ипак чопонлар жўнатилган. Ҳар йили кенг бозорга мўлжалланиб минглаб пўстинлар, малахай телпак ва чўгирмалар тикиб чиқарилган.

Тери ишлаб чиқариш ва ундан турли буюмлар тикиш жуда машҳур бўлган. Ўзбек усталари мол тери сидан дастлабки хом ашё сифатида кўнчилик ва чарм маҳсулотларини етиштириб берган. Маҳсус усталар улардан майший турмуш ва хўжаликка зарур ҳар хил буюмларни кўплаб ясаганлар. Кўнчилар чарм, сагри, камуҳт, талатин, булгори каби териларни асосан шаҳар чеккасида сув бўйида жойлашган устахоналарда ишлаб чиқарганлар. Кўнчиликнинг йирик марказлари Тошкент, Фарғона, Қўқон, Самарқанд, Бухоро ҳисобланган. Уларнинг хилма-хил маҳсулотларига бутун Ўрта Осиёда доимо харидор топилган. Айрим шаҳарларда йирик кўнчилик устахоналари мануфактура типидаги корхоналарга айланган. Аммо кўпчилик устахоналар майда, бир-икки халфа ва шогирдлардан иборат бўлиб, уларда бир неча тери ошлайдиган ёмлар ва катта қозон шаклидаги идиш (сангоб) лар мавжуд бўлган. Тери гўштини маҳсус асбоб (дос, доскун, белча) билан тозалаганлар. Чармгар (кўнчи)лар эчки ва қўй терисидан ошлаб юмшоқ, ўзига хос гул ташлаб турадиган ажойиб сахтиён чарми, майн ва юмшоқ баҳмалсимон замш чарм, эшак ва от сафри терисидан тўқ яшил

рангли саҳтиён (шагрен) чарми, мол терисидан қора ва қизил рангга бўялган юқори сифатли булғори чармини ишлаб чиқарганлар.

Қўнчи ва чармгарлар турли буюмлар (пойабзal, бош кийим, от-эшак абзали, чарм қути ва халталар, сув меши, филоф, қин ва ҳоказо) яратиб, уларни узоқ-яқин бозорларда харид қилганлар. Йирик шаҳарларда маҳсус чармгарлар, этикдўзлар, маҳсидўзлар, пўстиндўзлар, тақачилар, кўхнадўзлар ёки ямоқдўзлар маҳаллалари ва бозор расталари мавжуд бўлган. Шулардан энг кенг тарқалгани пойабзal ишлаб чиқариш соҳасидир.

Пойабзalчилар барча шаҳар ва қишлоқларда бўлиб, улар қўйидаги маҳсулотларни тикиб харид қилганлар: этик, маҳси, калиш (қауշ), чориқ ва ҳоказо. Уларнинг ишлаб чиқариш асбоблари кава, маҳсус пичоқ (кашкарт, газан, чўптараш)лар, ҳар хил игна, бигиз, қолип ва андозалардан иборат бўлган. Этикдўз, маҳсидўз ва қаушдўзларнинг устахона (дўкон) лари асосан уйида, баъзилари бозор расталарida жойлашган. Айрим шаҳарларда маҳсус патақчилар пойабзal учун тери ёки кигиздан катта-кичик патақлар ясад сотганлар. Моҳир усталар этик, маҳси ёки калишларга гул нақшлар ҳам берганлар. Бундай нақшлар маҳсус исказа типидаги асбоблар (ғулвур, чўп капан) ёрдамида пойабзal қолипда турганда дастлаб қора рангга бўяб дазмоллаб пародоз бергандан кейин қўйилган.

Пойабзal турлари жуда кўп бўлган. Айримлари буюртма шаклида қимматбაҳо, олий сифатли теридан юқори табақалар учун маҳсус тайёрланган. Оммавий пойабзal (етик, маҳси, чориқ) лар оддий чармдан тикилиб, бозорларда харид қилинган. П. П. Ивановнинг таърифича Хивада рус чармидан татар калишини маҳсус усталар ишлаб чиқарганлар.

Ҳар бир оиласда ўзининг тандири бўлиб йирик шаҳар ва қишлоқларда маҳсус катта тандирлар ўрнатилган. Харид қилинадиган нонни маҳсус касб эгалари (новвойлар) ёпиб бозорга чиқарганлар. Новвойлар тўй-маъракалар учун айрим шахсларнинг истаги билан буюртма нонлар ҳам ёпганлар. Айрим моҳир новвой усталар ном чиқариб, ўзининг доимий мижозларига эга бўлган. Йирик новвойхоналарда бир неча усталар бирикиб, ҳатто улар мардикор ёллаганлар.

Нонлар ҳар бир вилоятда ўзига хос шакли ва ёпиш услуги билан фарқланган. Айниқса, Самарқанд нони

машхур бўлган. Бу ерда кенг оммага мўлжалланган бозори нон (обинон) дан ташқари маҳсус қилинган ҳамирдан ёпилган пўлати нон, сутда нўхат уни аралаш ширмон нон, катта нақшли ёки ёзуви совға нон, кулча нонлар бўлган. Сут, ёғ, баъзан пиёз, жизза, қовоқ аралаш патир нонлар ҳам кенг тарқалган. Хоразм нонлари ҳажми, юпқалиги ва мўртлиги билан ажралиб туради. Қамбағал оиласларда ўтмишда макка ёки оқ жўхори унидан зогора нон ёпиш одат тусига кирган.

Қадимий даврлардан ўзбек миллий шириналликлари машхур бўлган. Қандолат маҳсулотларини тайёрлайдиган қосиблар (қандолатчи, шираҳон, шакарпаз, холвагар) маҳсус устахона (шираҳона) ларга ва бозор расталарида ўз дўконларига эга бўлганлар. Шираҳонада бир неча катта-кичик чўян қозонлар, мис тоғора, чилчўп, чолғич, тарози, қандолат қолипи ва бошқа асбоблар мавжуд бўлган. Шириналликлардан пашмак, печак, ҳолва, новват, нуқул, қандолат, байрамларда мураббо, нишолда кабилар тайёрланган. Айниқса севимли оммавий шириналлик ҳолва бир неча хилда бўлган (кунжут ҳолва, ҳолвали оби-новвот, ун ва мол ёғидан собуни ҳолва, бодом писта, ёнғоқ солинган ҳолва, лафзи ва ҳоказо). Новвотни даволайдиган шириналлик деб ҳисоблаганлар. Ҳар хил мева ва данаклардан қанди печак, обаки дондон каби рангланган қандолатлар тайёрланган.

Бутун Ўрта Осиёда бўлганидек, ўзбеклар орасида ҳам узоқ даврлардан бангилик (гиёвандлик, нашавандлик, кўнорлик) тарқалган. Энг кўп ишлатиладиган тамаки япроғидан кул аралаш маҳсус тайёрланадиган носвой ҳамма ерда ҳарид қилинган. Кўнор ва наша аралашмасидан ҳосил бўлган наркотик модда чойга солиб ичилган ёки чилимда чекилган. Чилимни ва носвой идишини одатда сув қовоғи (сув кади) дан ёки мисдан ясаганлар.

Қассоблик ҳам ҳурматли касблардан бўлиб, қассоблар ҳар бир шаҳар ва қишлоқда, айrim маҳаллаларда жойлашган. Уларнинг дўконлари ҳар қадамда учраган. Кўпчилик қассоблар бой табақаларга яқин бўлиб, бошқа ҳунармандлардан бир оз ажралиб турганлар. Катта тўй-маъракалар ўтказиш одати маҳсус ошпазлик касбини юзага келтирган. Ошпаз (бақоул) лар катта ош ва бошқа таомлар тайёрлашда зўр маҳорат намо-йиш қилган. Хоразмда маҳсус балиқчи дўконлари мав-

жуд бўлиб, балиқ қовуриш ҳам бир санъат ҳисобланган.

Йирик қишлоқ ва шаҳарларда уй касбларидан сабунчи (сабунгар) лик ҳам айрим маҳаллаларни эгаллаган. Уй-рўзгор буюмларидан чипта (бўйра), сават тўкиш узоқ давлардан кенг тарқалган.

ТРАНСПОРТ ВОСИТАЛАРИ ВА САВДО

Ўзбекистоннинг табиий-географик шароити турли хилда бўлганлиги унинг транспорт воситаларининг ҳаракати ва турларини белгилаб берган. Фарб билан Шарқ ўртасида жойлашган баланд тоғликлар, бепоён саҳро ва даштлар, чекланган сув йўллари Буюк Ипак йўлини юзага келтириб узоқ даврлар давомида асосан карвон транспорт воситасини кашф этиб узоқ мамлакатлар билан савдо алоқалари мустаҳкамланган. Тадқиқотчиларнинг фикрича, мазкур карвон йўли йигирма беш аср мобайнида ҳалқаро алоқаларни мустаҳкамлашга хизмат қилиб келган. Унинг узунлиги етти минг километрга яқин бўлиб, ниҳоятда катта ҳудудни қамраб олган: бир қисми Ўрта Ер денгизи соҳилларидағи қадимги Рим ва Юнонистондан Месопотамия орқали, иккинчиси Ўрта Осиё ва Даشت қипчоқ усти билан Хитой ва Хиндистонга этиб борган. Бу даврда Ўрта Шарқда ҳукмронлик қилган Қушон империяси Рим подшолиги билан алоқада бўлган ва Шарқ билан Фарб ўртасида ўзига хос «кўприк» ҳисобланган.

Ҳозиргача сақланиб қелган кўплаб қўхна ҳаробалар, йирик сардобалар бу жойларда бир вақтлар иқтисодий-маданий алоқалар, савдо-сотиқ ишлари гуркираб ривожланганинигидан дарак беради. Тош қояларга, эски сарой деворларига битилган расмларда турли элатлар ва қабилалар вакилларининг образлари тасвирланган, уларнинг ёзув намуналари чизилган. Қадимий обидалардан топилган турли давлатларининг пул (танга) лари Ўрта Осиёning жуда кўп мамлакатлар билан савдо қилиб турганлигини тасдиқлайди.

Савдо карвони бир неча ўнлаб, баъзан юзлаб турли юклар ортилган туялардан иборат бўлиб, унга карвон боши отда ёки эшакда йўлбошчилик қилган. Айрим катта карвонларни бир неча юз отлиқ қуролланган кишилар кузатиб борган. Кунига карвонлар ўртacha йигirma-ўттиз чақирим йўлни босиб ўтган. Карвон йўллари

бепоён сувсиз даштлар, баланд-паст тоғ-адирлар, катта-кичик дарёлар устидан ўтган бўлиб, муйян масо-фаларда пишган ғиштдан қурилган сув сақланадиган сардобалар ва карвонсаройлар қад кўтарган.

Ўзбекистон ҳудудида энг муҳим савдо манзилгоҳлари Хоразм воҳасида жойлашган бўлиб, ундан шимол томонга — Казалинск, Перовск ва Иргизга, ғарбга — Каспий денгиз соҳиллари ва Астраханга, жануб томонга — Ашгабад, Мари ва Бухорога, шарққа — Тошкент ва Жizzахга ҳар йили юзлаб карвонлар сафарга чиққан; ғарбдан ва шарқдан бу ерга Қоракўл, Кармана ва Самарқанддаги арава йўли мавжуд бўлган, жануб томондан Қарши йўли келиб қўшилган. Бутун Ўрта Осиёдан ўтадиган энг муҳим иккита карвон йўли Тошкентда чатишган: бири Оренбургга чиқадигани, иккинчиси — Олмаота ва Семипалатинск томон кетадигани. Қўп карвонлар Булғория, Россия, Сибирь, Эрон ва Афғонистонга жўнатилган. Савдо алоқалари Ҳиндистон, Хитой, Қора денгиз бўйи ва Олд Осиё мамлакатлари билан ҳам ўрнатилган.

Ўтроқ деҳқончилик ва ҳунармандчилик билан шуғулланувчи аҳоли билан кўчманчи элатлар ўртасидаги савдо-сотиқ алоҳида ўринни эгаллайди. Кўчманчи чорвадорлар ўтроқ деҳқон аҳолидан ўз чорва моллари эвазига турмуши учун барча зарур маҳсулотларни олиб турганлар. Айниқса газлама, металл, пойабзал, уй-рўзғор ва бошқа ҳунармандчилик буюмлари, дон, зарур кундалик маҳсулотлар Ўрта Осиё, шу жумладан ўзбек элидаги катта бозорларда доимо мавжуд бўлган. Қўшини кўчманчи қабилалар бир неча юзлаб қўйларни ҳайдаб бозорларга етказиб турган, уларни маҳаллий савдогарларга кўтарасига сотиб, ўзларига керакли молларни харид қилганлар.

Аҳоли зич яшайдиган шаҳар ва қишлоқлар орасида от-ўлов қўшилган ғилдиракли транспорт юрадиган йўллар ҳаммаёқни кесиб ўтган. Улар қизил тупроқли, қишида жуда лой ва ботқоқли, ёзда чангি кўкка кўтариладиган, баъзан қумли, ўтиш қийин бўладиган йўллар эди. Бундай йўлларда қулай ва мослашган маҳаллий транспорт — ўзбек араваси қатнаб турган. Юқорида айтилганидек, Ўзбекистонда қадимдан асосан иккни хил арава маълум: биринчиси — иккита катта ғилдиракли қашғар арава; иккинчиси — асосан марказий районларда, Фарғона ва Зарафшон водийларида тар-

қалган қўқон арава. Биринчи хил аравалар, археологик ва ёзма манбаларга қараганда, энг қадимийдир. Учинчи ўзига хос арава Хоразм воҳасида бўлиб, улар ҳозиргача сақланган. Қадимий Хитой манбаларининг хабар беришича, бутун Ўрта Осиё вилоятларидан фаядат Хоразмда савдогарлар ўз саёҳатида фойдаланадиган бир ҳўқиз қўшилган кўп кегайли икки катта фиддиракли аравалар мавжуд бўлган. Хоразм аравасининг тўғини (тегарчиги) қўқон араваникidan анча кенг ва қалин, аравакаш араванинг олд қисмига ўрнатилган занги бўсағада ўтириб бошқаради. Қўқон аравада эса ҳайдовчи аравага қўшилган от эгарида жойлашган. Одам узоқ йўлга кетадиган бўлса араваларга маҳсус соябон ўрнатилган, юк ташиш (айниқса қовун-тарвуз) учун тўрланган катта сават мослаштирилган. Аравалар унга қўшиладиган ҳайвон (от, ҳўқиз, эшак) га қараб катта-кичик бўлган. Майдо-чўйда юк ташиш, далага ўғит чиқариш учун ғалтак арава мавжуд бўлган. Қатта шаҳар ва қишлоқларда аравакашлар маҳсус уюшмага (цех) ларга бирикканлар.

Шаҳар ва қишлоқларда энг кенг тарқалган транспорт воситаси от ва эшак ҳисобланган, айrim жойларда тия ва ҳўқиздан ҳам фойдаланилган. Тия ва эшакка миниш учун уларга юмшоқ кигиз тўшалган, эгар ишлатилган. Баъзан араванинг айrim қисмлари, эгар ва юганлар чиройли нақш ва кашталар билан безатилган.

Амударё ва Сирдарёда кемачилик ҳам муҳим аҳамиятга эга бўлган. Энг катта кема (қайиқ) лар палубасиз, тўрт бурчакли, 25 м узунликда бўлиб, 60 тоннага яқин юк кўтарган. Ўртacha кемалар 12—17 м узунликда бўлиб, 15—16 тонна юк кўтарган, кичкинаси 3—5 тонна юк кўтаришга мўлжалланган. Бир кеманинг командаси дарғаси билан 4—16 кишидан иборат бўлган. Айrim пайтларда кемани солдовчи билан бирга от қўшиб ҳам судраган.

Ўрта Осиёда, шу жумладан Узбекистонда темир йўл ўтган асрнинг охирларида пайдо бўлди. Красноводскийдан Оренбурггача чўзилган, Фарғона водийси ва Термизгача етказилган темир йўл Ўрта Осиё бозорини Европа билан боғлаб, рус капиталининг миintaқага киришига кенг йўл очиб, чоризмнинг ҳукмронлигини мустаҳкамлашга ёрдам берди. 1917 йилгача Узбекистоннинг барча йирик шаҳарлари темир йўл билан боғланган эди.

Бу даврда янги транспорт турлари ҳам пайдо бўл-

ган. Тошкентда дастлаб от қўшиладиган, кейин электр кучи билан юрадиган трамвай юра бошлаган, катта шаҳарларда қулай отли файтунлар извошлилик хизматини адо этган. **Маҳаллий** аҳоли «шайтон арава» деб номлаган велосипедлар ҳам ўлкамизда тўнтарниш арафасида пайдо бўлган эди. Автомобиль транспорти асосан 1917 йилдан кейин ривожланди.

Совет ҳокимияти даврида темир йўл қуриш ниҳоятда тез суръатлар билан амалга оширилди. Агар тўнтаришдан олдин Ўзбекистонда темир йўлларнинг узунлиги 1,1 минг км га етган бўлса, ҳозир унинг узунлиги 3,5 минг км дан ошади. Энг катта ва муҳим аҳамиятга эга бўлган Чоржўй — Қўнғирот — Байнау линияси уруshedan кейин қурилиб, Ўрта Осиёни собиқ Совет Иттифоқининг Европа қисми билан иккинчи навбатда боғлади.

Ҳозирги даврда автомобиль ҳаётга кенгроқ кириб, деярли кўпчилик оиласаларнинг эҳтиёжини қондирмоқда. Шаҳар ва қишлоқлараро замонавий автотранспортлар мунтазам равишда қатнаб турмоқда. Ҳеч бир қишлоқ ёки шаҳар йўқки, ўзаро транспорт воситалари билан боғлиқ бўлмаган. Кўпчилик оиласаларда енгил автомашиналар мавжуд. Энг муҳими, Ўзбекистоннинг кўплаб қишлоқ ва шаҳарлари орасидаги йўллар асфальтлаштирилган ёки у ерларга тош тўшалган.

Ўлкамизда ҳаво транспорти дастлаб 1924 йилда пайдо бўлди. Агар биринчи ҳаво йўли Тошкентдан Олмасотага очилган бўлса, ҳозир барча вилоятлар маркази пойттахт билан ва жуда кўп чет мамлакатлар билан боғланган. Авиатранспорт эндиликда йўловчи ва юк ташидиган кенг тарқалган ва қўлай алоқа воситаси бўлиб қолди. Йирик замонавий аэропортлар мажмуи Нукус, Бухоро, Самарқанд, Андижон, Наманган, Зарафшон ва Урганчда қурилган. Тошкентдаги гўзал ҳаво кемалари манзилгоҳи энг йирик барча турдаги лайнерларни қабул қила оладиган замонавий ускуна ва механизmlар билан жиҳозланган халқаро аҳамиятга эга аэропорт ҳисобланади.

Ўзбекистонда савдо-сотиқ энг қадимий даврларда юзага келган. Айниқса, ўрта асрларга келиб нафақат шаҳарларда, балки жуда кўп йирик қишлоқларда ҳам қайноқ гавжум бозорлар бўлган. Бутун Шарқдагидек, бу ерда ҳам маҳаллий бозорларни ўлканинг кўзгуси, деса бўлади. Жуда кўп шаҳар ва қишлоқларда муайян

кунга белгиланган катта бозорлар бўлиб, уларга бутун Ўрта Осиёдан ва чет эллардан савдогарлар келган. Айрим шаҳарларда ҳар йили катта савдо ярмаркалари очилиб, 10—20 кунлаб ишлаб турган ва уларда минглаб кишилар иштирок қилганлар. Ўрта асрнинг атоқли тарихчиларидан Наршахийнинг таърифича, йирик ҳунармандлар ва дәхқонлар учун бойлик орттиришда савдо ўз ҳунар-касбидан ҳам муҳимроқ аҳамиятга эга бўлган. Чунки ишлаб чиқариладиган маҳсулотлар қанча қулай харид қилинса, шунча даромад кўпаяди ва касб ривож топади.

Бозор маҳсулоти ишлаб чиқариш ва товар-пул муносабатларининг ривожи албатта муайян ижтимоий тузум ва меҳнат тақсимоти даражаси билан бевосита боғлиқ. Асримизнинг бошларида ўзбек элида ишлаб чиқарувчи кучлар анча ривожланган, савдо-сотиқ жонланган бўлиб, жуда кўп шаҳарлар йирик савдо марказларига айланган. Бу ердаги бозорларда савдо расталари ҳатто мутахассислашган, жонли улгуржи ва катта-кичик савдо муаммолари ҳал қилинган. Ҳар бир раста муайян моллар ёки ҳунармандчилик маҳсулотларига мўлжалланган, баъзан дўконлар жойлашиб шу ернинг ўзида маҳсулот ишлаб чиқарилиб, харид қилинган. Масалан, Бухорода заргарлар растаси тоқи заргарон, пул алмаштирадиган ёки майдалайдиган саррофлар растаси тоқи саррофон, мискарлар растаси тоқи мискарон кабилар баъзан бутун кўча (растаси) ни эгаллаган. Ўтган аср охирида Тошкентнинг марказий бозорида уч мингдан ортиқ дўкон маҳсус расталарга жойлашган.

Шаҳарнинг айрим қисмларида ҳам катта-кичик савдо дўконлари бўлган. Тошкент энг йирик транзит савдо маркази ҳисобланган. Бу ерда ташқаридан келтирилган завод-фабрика маҳсулотларидан ташқари маҳаллий савдо моллари, айниқса ҳунармандчилик маҳсулотлари жуда кўп харид қилиниб, ўлканинг бошқа ерларига олиб кетиб сотилган.

Хоразм воҳасида ҳам савдонинг ривожланганлигини у ердаги савдо дўконларининг сонидан билиш мумкин. Ўтган аср охирида Хива бозорида 260 та дўкон, Урганчда—300 та, Қўнғиротда—315 та, Хўжайлида—150 га яқин дўкон бўлган. Расмий матълумотларга қараганда, 1893 йили Хива хонлигидан Чоржўй орқали 350 минг пуд мол чиқарилган бўлса, шу йўл билан 235 минг пуд юк хонликка киритилган. Қўнғирот орқали

эса 375 минг пуд мол чиқарилган. Бухоро амирлиги ва Хива хонлиги билан Россия ўртасидаги савдо алоқалари айниқса Каспий орти темир йўли қурилиб битгач анча кучайган эди.

Фарфона водийсида ўзининг катталиги ва савдо айланиши (обороти) жиҳатдан Қўқон бозори алоҳида ажралиб туради. Ўзининг ободончилиги ва қулайлиги билан Бухоро бозори минтақада биринчи ўринда турган. Ипак газламалар маҳсулоти билан бутун Шарққа танилган кичкина шаҳар Марғилонда қатор-қатор тузилган дўконлар 2,5 км гача кўча бўйлаб чўзилган.

Шаҳар ҳокимлиги ва ҳунармандлар уюшмаси бозор учун доимо ташвишланган. Айрим шаҳарларда жазира маисидан ва қор-ёмғирдан сақланиш учун бозор жойлашган кўчаларнинг усти ёпилган, баъзан маҳсус тимли бозорлар қурилган (Бухоро, Хива). Асосан пишган ғиштдан тикланган тимли бозор дўконларини энг бой савдогар ва ҳунармандлар эгаллаган. Бундай бозорларда йирик карвонсаройлар ва омбор (каппон) лар мавжуд бўлиб, ўлар айрим савдогарларнинг хуссий мулки ҳисобланган. Бу ерда барча зарур савдо ускуналари (тарози) ҳам сақланган ва уларга ҳақ тўланган,

Қишлоқ ҳўжалик маҳсулотлари ҳам маҳсус расталарга жойлаштирилган. Масалан, дон, пахта, қуруқ ва ҳўл мевалар растаси. Мол, ўтин ва кўмир, ёғоч ва қурилиш материаллари, ем-хашак бозорлари одатда шаҳар чеккасида жойлашган. Баъзан йирик шаҳарларда бир неча мол бозорлари мавжуд бўлиб, уларда доимо одам ва мол гавжум бўлган ҳамда даллоллик авж олган. Даллол улгуржи ва жонли мол савдосида муҳим аҳамиятга эга бўлган. Айниқса кўчманчи чорва аҳоли пода қилиб келтирган молни сотища даллол ҳал қилувчи ролни ўйнаган. Даشتдан келган мол эгаси даллол келмагунча харидорга молининг нархини айтмаган ва у билан мулоқотда бўлмаган.

Баъзи шаҳарликлар ва даштиклар орасида ҳатто «савдо дўстлиги» ўрнатилган. Узоқдан келган чорвадор тутинган шаҳарлик дўстининг ўйига тушган, оиласвий борди-келди ўрнатилган. Одат тусига кирган мазкур савдо муносабатлари авлоддан-авлодга ўтиб қадимиий икки хилдаги ҳўжалик муносабатларининг рамзи сифати намоён бўлган.

Шаҳар бозорларида дўкон расталаридан ташқари

махсус мардикор бозори ҳам бўлган. Унда ҳар кун са-
ҳардан кечгача ишга ёлланувчи ва ёлланма ишчига муҳ-
тож одамлар гавжум бўлган. Қурилиш ва бошқа хунар-
мандчилик касбидагилар асосан ўз ҳунар-касб уюшма-
си раиси (калантари) орқали ёлланган. Қолган марди-
корлар ўзаро келишиб бир кунлик ёки муайян даврга
ёлланиб ишлаганлар.

Катта шаҳарларда савдо-сотиқ ҳар куни бўлган,
унда асосан маҳаллий аҳоли харид қилган. Одатда
ҳафтада бир ёки икки бозор кунлари белгиланган, ўша
кунлари бозорга узоқ-яқиндан одамлар тўплланган ва
ўз эҳтиёжларини қондирган. Қадимий даврлардан бо-
зорлар нафақат савдо учун, балки сайр-томуши учун
ҳам хизмат қилган. Ўзбекларда ташқари (узоқ) дан
меҳмон келса, уни бозорга сайр-томушага олиб чиқиш
одат бўлган.

Бутун Шарқда, шу жумладан Ўзбекистонда ҳам сав-
до ишларида карvonсаройлар муҳим аҳамиятга эга бўл-
ган. Карvonсаройларнинг сонига қараб ҳатто савдо-со-
тиқнинг ривожи белгиланган. Масалан, асримиз бош-
ларида Тошкентда 45 та, Бухорода 50 га яқин, Самар-
қандда 25 та, Хива ва Қўқонда ҳам бир неча ўнлаб
карvonсаройларнинг мавжудлиги бу шаҳарларда савдо
анча ривожланганлигини исботлайди. Карvonсаройлар
одатда пишган ғиштдан қурилган катта квадрат шакл-
даги икки қаватли ҳовли бўлиб, унинг биринчи қавати
мол сақлайдиган каппон (омбор) ва иккинчи қавати
меҳмонхона — ҳужрадан иборат бўлган. Йирик савдо-
гарлар у ёки бу шаҳарда доимий савдо қиладиган бўлса,
ҳатто ўзларининг шахсий карvonсаройларини қурган-
лар ва унда ўз кишилари хизмат қилган. Масалан, Бу-
хорода бир неча хивалик савдогарлар, Самарқандда
ургутлик савдогарлар ўзларининг карvonсаройларига эга
бўлганлар. Айрим карvonсаройлар катта феодал ва зо-
дагонлар, ҳатто давлат (хон) нинг ёки диний ташки-
лотнинг мулки (вақфи) ҳисобланган. Албатта, улар
бундай мулк әгаларига катта даромад келтирган. Шу-
ни ҳам қайд қилиш лозимки, йирик шаҳарлардаги кар-
vonсаройлар муайян мол харид қилинишига қараб ҳам
ихтисослашган. Бу ерда чакана ва айниқса улгуржи
savдо амалга оширилган.

Савдо-сотиқ ишлари ҳисоб-китоб билан боғлиқ бўл-
ганлиги туфайли унда иштироқ қилувчиларнинг саводли
бўлиши талаб қилинади. Шунинг учун жуда кўп сонли

савдогарлар нафақат ўқимишли бўлган, улар ҳатто махсус мирзолар сақлаганлар. Мирзолар барча савдо ишларини, айниқса улгуржи савдони расмийлаштиришда бевосита иштирок қилганлар. Савдо ишларида фаол қатнашадиган яна бир шахс — косид ҳисоб-китоб ва кредит ишларини бошқарган. Одатда, косид олди-берди ишларини оғзаки бажарган. Энг кўп савдо Россия билан олиб борилганлиги учун орада йирик бой савдогарлардан пул олиб муайян фоиз даромад ҳисобига қишлоқ хўжалик маҳсулотларини сотиб олиб Россияга жўнатиб харид қилган.

Карvonсаройларда ва савдо расталарида савдо ишларида хизмат қиласиган паст табақалардан ишловчи қоровул, ҳаммол, фаррош, юк ташувчи ва жойлаштирувчи мардикорлар кўпчиликни ташкил қилган. Йирик савдогарлар махсус жамоа (корпорация)га бириккан. Жамоани бошқарувчи оқсоқол карvonбоши ҳисобланниб, уни корпорация аъзолари энг обрўли катта савдогарлардан сайлаганлар. Жамоага савдогарлар табақасининг анча йирик намояндлари кирган. Ўз навбатида айрим савдо расталари бирикиб шу растадаги дўконлардан ўзининг оқсоқолини сайлаганлар ва улар ўзаро яқин алоқада бўлганлар. Оқсоқол савдо тартиблари ва қоидаларига амал қилинишини кузатиб, харидорлар ва савдогарлар орасидаги можаронинг ҳал қилинишига, баъзан ташқаридан келган молнинг дўконлар орасида одилона тарқалишига бош бўлган.

Совет ҳокимияти ўрнатилгандан кейин тоталитар-бюрократик тўзум хусусий мулкчиликни тугатиб анъанавий савдо муносабатларининг емирилишига ва бу соҳада рақобатнинг йўқолишига олиб келди. Оқибатда ишбилармон одамлар сафи камайиб, савдо соҳасида ҳам турғунлик ва иқтисодий танглик пайдо бўлган эди. Урта Осиёда мустақил республикаларнинг пайдо бўлиши хусусий мулкчиликни қайта тиклаб савдо эркинлигига кенг йўл очиб берди. Бозор иқтисодиётининг ҳаётимизга татбиқ қилиниши анъанавий савдони янги замонавий услугуб ва воситалар билан бойитиб, жумхуриятимиз ижтимоий-иктисодий ва маданий ривожига муҳим омил бўлиши шубҳасизdir. Энди мустақил Ўзбекистон давлати барча чет эл мамлакатлари билан ўзманфаатига қараб эркин сиёсий, иқтисодий, маданий ва савдо алоқаларини ўрнатиш имкониятига эга бўлди. Улкамизда жуда кўп янги савдо уюшмалари, концерн

ва фирмалар пайдо бўлмоқда, давр талабига жавоб берса оладиган истеъодли ишбилармөнлар сафи кўпаймоқда.

УЗБЕКЛАРНИНГ МОДДИЙ МАДАНИЯТИ НАМУНАЛАРИ

Ҳар бир халқнинг моддий маданияти унинг турар жойи, уйи ва уй жиҳозлари, кийим-кечаги ва безаклари, таомлари ва рўзгор буюмлари билан белгиланади. Асосан табиий-географик шароит ва иқлим таъсирида миллий руҳият ва характерни ифодаловчи моддий маданият намуналари узоқ тарихий давр давомида шаклланниб ўзига хос хусусиятларга эга бўлган. Масалан, уйжойлар типологияси, қурилиш материаллари ва конструкцияси, ички планировкаси, ўчоғи ва уни ўрнатиш қонун-қоидалари, уйдаги буюмларнинг хиллари ва жиҳозланиш кабилар нафақат айрим халқларда, балки бир халқнииг ўз ичидаги айрим этнографик гуруҳларда ҳам фарқланган.

Ўзбекистонда шаҳар ва қишлоқлар эрамиздан аввалги I минг йиллик бошларида пайдо бўла бошлаган. Зардуштийларнинг муқаддас китоби «Авеста»да, қадимги сўғд ёзувлари ва форс манбаларида, македониялик Исқандар даврига оид маълумотларда бу ерда жуда кўп шаҳар ва қишлоқлар, қаср ва қалъалар мавжудлиги тўғрисида хабар қилинади. Археологик кашфиётлар туфайли аниқланган ўзбек элидаги шаҳар ва қишлоқлар билан бирга айрим катта-кичик ҳовлилар, улардаги бой декоратив безаклар ва бўёқли расмлар ҳам диққатга сазовордир. Салавкийлар ва бақтрияликлар замонасидаги Сўёдиёна, Марғиёна, Фарғона ва Чоч эрамиздан аввалги I минг йиллик охирида Ўзбекистон ҳудудида шаҳарлар билан бир қаторда теварак-атрофи мустаҳкамланган қишлоқ қўрғонлари ва айрим деҳқонларнинг ҳовлилари борлиги аниқланган. Бундай қўрғонлар Қарши воҳасида, Самарқанд атрофида, Хоразмда кўплаб учрайди. Кушон давлати вақтида шаҳар маданияти анча ривожланган бўлиб, унда ҳунармандчилик ва савдо-сотиқ катта ўрин туттган. Бу даврга оид Афросиёбда, қадимги Термиза ва айниқса Айритом ва Холчён, Қарши ва Хоразмда (Тупроққалъя ва Бозорқалъя) қазиб олинган кўшк ва саройлар меъморчилик ва санъат жиҳатидан ғоят муҳим обидалардан. Масалан, Холча-

ёнда залнинг уч томонидаги девори уч метр баландликда оқ ганч билан сувалган, деворларининг юқори қисми эса маҳобатли ҳайкалтарошлиқ расмлари билан тўлган. Тўқ қизил рангга бўялган деворларга оқ, гажаклар, барглар, сўлқим узумлар, бир неча эркаклар сурати зўр маҳорат билан солинган. Уч метрли оқ панель тепасидаги ҳайкалларнинг усти минерал бўёқлар (қизил, қора ранг) билан бўялган. Айвоннинг жануб томонидаги девордан қазиб олинган аёл ҳайкалининг чеҳраси очиқ ва кенг, оқ дубулға тагидан унинг қалин тутам соchlари кўриниб турибди.

Эски Термиздаги Қоратепада ўтказилган қазишмалар Будда ибодатхонаси меъморчилигини ва унинг планлаштирилишини аниқлашга имкон берибина қолмай, балки унда топилган муҳим санъат намуналари, бинони безаш учун ишлатилган буюмлар, оқ мармарга ўхшаш мергел оҳактошдан ясалган меъморчилик зийнатлари, ганчдан ясалган ҳайкал парчалари, тошдан ишланган соябонлар, тош қопқоқлар, нилуфар ва барг тасвиirlари, деворлардаги ва сопол идишдаги ёзувлар қадимий аждодларимиз яратган моддий маданият намуналари эканлигидан гувоҳлик беради. Хоразмда қазиб текширилган Тупроққалъа, Аёзқалъа, Жонбосқалъа каби шаҳар харобалари билан бирга теварак-атрофи қад кўтарилилган қасрлар, кўпдан-кўп қишлоқ ва қўрғонлар, Зарафшон водийсидаги Кофирқалъа, Қашқадарё водийсидаги Авултепа каби обидалар ўзбек халқи қадимий аждодлари юксак шаҳар маданиятига эга эканлигини тасдиқлайди.

Албатта, халқнинг турар жойи, уйлари қишлоқ ва шаҳар билан узвий боғланган, чунки уй қурилиш принципи ва типологияси бошқа қурилишлар билан боғлиқ ҳолда олиб борилади. Аммо жойлашишига қараб қишлоқлар ҳам ўзаро фарқ қиласди. Масалан, шаҳар теварагидаги қишлоқлар работ деб аталиб, унда асосан ҳунармандлар, дехқончилик билан шуғулланувчи одамлар истиқомат қилгаплар. Кам сувли баҳорий ерларда жойлашган қишлоқлар ўзаро бир оз фарқланади. Илгари катта патриархал оиласларга мўлжалланган қўрғон типидаги ҳовлилар Хоразмда кўп бўлган. Работлар баъзан шаҳар теварагига жойлашган бўлса-да, қўшимча девор билан ўралган. Масалан, 2163 га майдонни эгаллаган девор ичидаги Марғилон шаҳрида ҳунармандлар истиқомат қиласдиган работ уйлари, боғ-роғлар, полиз

ва ҳатто шудгор ерлар ҳам бўлган. Самарқанд ва унинг ҳунарманд дәҳқон аҳли жойлашган шаҳар ҳудудини 40 км узунликдаги девор ўраб олган. Самарқанд, Қарши ва Бухоро атрофидаги қишлоқларда асосан дәҳқончилик ва турли ҳунармандчилик билан шуғулланадиган аҳоли яшаган. Шаҳар атрофидаги қишлоқларда баъзан ёзда иссиқ пайтларда чиқиб бутун оиласи билан тўртбеш ой яшаган шаҳарликлар ҳам оз бўлмаган. Улар қўшимча равишда дәҳқончилик билан шуғулланиб оила бюджетини тўлдирганлар. Аммо бой оилалар шаҳар теварагида жуда катта боғларга эга бўлганлар ва кўп ҳосил тўплаганлар.

Иирик ҳунармандчилик ва савдо марказига айланган қишлоқлар шаҳар қиёfasига эга бўлган. Улар фатагина кўп аҳолига ва катта майдонга эга бўлибгина қолмай, турли касб-ҳунар, дәҳқончилик ва боғдорчилик ҳам ривожланган. Уйлар маҳаллага бирикиб, теваракатрофи боғ-роғ ва полизлар билан ўралган. Айрим қишлоқлар орасида шудгор ерлар ва боғлар жойлашган. Бундай қишлоқлардан бири бўлмиш Ургут қишлоғида ўзбек ва тоҷиклар яшаган. Улар тўқимачилик, читгарлик ва бошқа касб-ҳунар билан шуғулланганлар, боғларда ҳар хил мевалар, полиз экинлари парвариш қилганлар, баҳорги ерларда буғдой, арпа, тамаки экканлар. Ургутда ҳафтада бир марта бозор бўлган, унга теварак-атрофдагина эмас, узоқ қишлоқлардан ҳам одамлар келган. Бу ерда маҳаллий ҳунармандларнинг маҳсулоти, қўшни қишлоқлардан келтирилган дон ва қорамол, шаҳардан келтирилган маҳсулотлар харид қилинган.

Умуман ўзбекларда қишлоқ ҳўжалиги билан ҳунармандчиликни бирга олиб бориш кенг тарқалган. Нафакат Ургутга ўхшаш катта қишлоқларда, балки ўрта ва кичик қишлоқларда ҳам ҳунармандлар товар маҳсулотларини ишлаб чиқарганлар. Масалан, Бухоро вилоятидаги Бобкент қишлоғида йўл-йўл ип-газлама, Фиждувонда сопол идишлар, Читгарон қишлоғида гулли газламалар бозорларга чиқарилган. Фарғона водийсида Риштон қишлоғи ўзининг ажойиб сопол идишлари билан, Хоразмда Дурғадик қишлоғи ипак газламалари билан машҳур бўлган. Бундай қишлоқлар ўзининг тўқ, фаровонлиги ва гўзаллиги билан суви кам қашшоқ қишлоқлардан анча фарқ қилган. Асли яқинда кўчманчи ёки ярим кўчманчи бўлган ўзбекларнинг кам сувли

жойларда лойдан ёки гуваладан тикланган кулбалари теварагида на дараҳт, на экин бўлган. Сурхондарё ва Қашқадарё томонларда истиқомат қилувчи қабилавий ўзбекларнинг камбағал кулбалари сувни чуқур қудуқдан ёки булоқдан, баъзан ёмғир суви тўпланган махсус иншоотлар — сардобалардан олганлар. Бундай қишлоқларни Самарқанд атрофларида (Панжикент томонда), Жиззах, Зомин ва бошқа тоққа ва чўлга яқин ерларда ҳам учратиш мумкин.

Асримиз бошларигача Хоразмда хутор типида жойлашган ҳовли уйлар кўп бўлган. Бундай ҳовлилар баланд деворли пахсадан урилган катта дарвозали кунгурари қўрғончадан иборат бўлиб, уларда умумий хўжаликка эга, патриархал ёки бўлинмаган катта оиласлар бир неча хоналарда истиқомат қилганлар. Ҳовлилар бирбиридан муайян масофада жойлашган ва ўзаро умумий сув иншооти ариқ (ёп) ва экин далалари билан улашиб кетган. Хоразм ҳовлиларига ўхшаш қўрғончалар Самарқанд вилояти ва Бухоро атрофида, баъзан Фарғонада ҳам учрайди.

Ўзбек қишлоқлари жамоага бириккан ва унинг бошида амин ёки оқсоқол турган, Туркистон ўлқасида бир неча қишлоқ жамоаси волостларга бўлинниб, уларга мингбоши тайинланган. XIX аср охири — XX аср бошларида волость маркази қилиб катта қишлоқлардан бири ажратилган, унда баъзан мадраса ва катта жума мачит жойлашган. Катта қишлоқлар шаҳарлардагидек бир мачит теварагида маҳалла (гузар, қавм) ларга бўлинган, бир мачитга бириккан (Хоразмда) ҳовлилар эса мачит қавми деб номланган.

Ўтган асрнинг охирларигача кўп қишлоқлар анча биқиқ ҳолда яшаб, одамларнинг кўпчилиги ўз қишлоқ бозоридан ёки яқиндаги шаҳардан бошқа жойни кўрмаган. Ҳатто турли маҳсулот яратган ҳунармандлар ҳам кўпинча ўз маҳсулотларини савдогарлар орқали харид қилганлар.

Ҳозирги даврдаги қишлоқлар анъанавий турмуш тарзи ва маҳаллачилик ҳамда қўшничиликни сақлаган ҳолда янги маъмуриятчилик асосида анча мукаммал, ихчам, замонавий уйлардан иборат. Кўпчилик қишлоқларда декоратив дараҳтлар экилган, йўлларга асфальт тўшалган, кўча бўйлаб қулай, шинам ҳовли уйлар бор. Марказда ҳашаматли жамоа ёки давлат хўжалиги идораси, бир неча мактаб бинолари бўлиб, айрим қишлоқ-

ларда дабдабали маданият саройи, меҳмонхона ва истироҳат боғи бу қишлоқларга ҳусн бағишлайди. Республикадаги шаҳар ва қишлоқларнинг кўплари электрлаштирилган, газ ва сув билан таъминланган. Фақат узоқ тор ва чўл районларда қинғир-қийшиқ, тор кўчали, майдачуда уйлардан иборат айрим эски қишлоқлар учрайди, аммо улар ҳам анча ободонлаштирилган ва яшашга кулайлаштирилган.

ЎИ-ЖОИЛАР ВА ЖИҲОЗЛАНИШ АНЪАНАЛАРИ

Ўзбекистоннинг турли тарихий, табиий-географик шароити бу ерда ҳар хил ҳалқ меъморчилик мактаблари ни юзага келтирган эди. Ҳозиргача сақланиб келган, асосан қурилиш конструкцияси ва услуби, планировкаси ва безаклари билан ажralиб турган, мустақил ва ўзига хос Фарғона, Бухоро, Хива ва Шаҳрисабз меъморчилиги машҳур бўлиб келган. Масалан, Фарғона водийсида сейсмик зона бўлганлиги туфайли асосан икки қатор қўшсинч уйлар қуриш, зилзила кам бўладиган Хивада эса бир қатор синчдан иморат солиш одат бўлган. Ёки Фарғона водийсида ёғингарчилик кўп бўлганлиги учун том қуришда лўмбознинг қалинлиги 40 см гача келса, ёғингарчилиқ кам бўладиган Хоразм воҳасида лўмбоз 10—15 см дан ошмаган.

Ўй-жой қурилишида ўзбекларда баъзи бир ўзига хослик сақланса-да, умумий ягона меъморчилик типи кенг тарқалган. Қадимий уйлар одатда биқиқ, кўча ва қўйни томони деразасиз девор билан ўралган ҳовлилардан иборат бўлган. Барча турар жой ва хўжалик хоналарининг ойналари ичкари томонга қаратилган. Бадавлат катта оиласарда ҳовли икки қисмга — болача ва аёллар учун ичкари ҳамда эркаклар учун меҳмонхона тарзида ҳашаматли хонали ташқарига бўлинган. Ҳунармандларда дўкон ва шогирдлар яшайдиган хоналар ҳам ташқаридан бўлган. Ўртacha оиласарда меҳмонхона сифатида уйнинг бир ҳужраси ажратилган, камбағалларда эса бу ҳам бўлмаган.

Кўпчилик уй-жойларнинг планировкаси оила аъзоларининг сонига қараб бир неча уй (хона), даҳлиз ва айвондан иборат бўлган, хўжалик хоналари, ошхона, ҳожатхона ва молхона ҳовлида қурилган. Зич аҳолили шаҳарларда меҳмонхона иккинчи қаватда — болахона-да жойлашган. Масалан, Бухорода икки ёки уч қаватли

уйлар қуриш одат бўлган. Тошкент ва Бухорода айрим ҳовлиларнинг 80—90 фоизи, баъзан ҳатто 100 фоизи қурилиш билан банд бўлган ва ҳар бир метр жойдан мақбуллик билан фойдаланилган.

Ўй-жойларни қуришда ишлатиладиган анъанавий асосий материял лой (пахса), ғишт, гувала ва ёғоч (асосан терак ва тол) бўлган. Пишган ғиштдан илгари мадраса, ҳаммом ва катта бой ҳамда амалдорларнинг уйлари қурилган. Кўпчилик уйларда деворлар асосан сомон аралаш лойдан сўвоқ қилингани, бадавлат уйларнинг деворлари ганчдан нақш билан ишланган. Асримиз бошларигача уй-жойлар пойдеворсиз оддий текисланган ерга қурилган, баъзан тош ёки биринки қатор пишган ғишт тўшалган, ер таги сувлари яқин ва тузли шўр ерларда пахса пойдеворига қамиш ёки чипта тўшаб девор кўтарилган. Бухорода баъзан уй остига ярим ертўлага ўхшаш омборсимон хона қурилган. Одатда пол оддий ер сатҳидан иборат бўлиб, айрим уйларда сувоқли, бойроқ кишилар пишган ғиштдан полни тўщаганлар.

Томни ёғоч устун ва болор билан васса ҳамда қамиш ёки бўйра тўшаб лойдан лўмбоз қилиб бостирганлар. Том ҳар йили сомон лой билан суваб турилган, ёмғир сувлари оқиши учун унга ёғоч ёки сопол тарнов ўрнатилган. Ташқи кўриниши оддийгина бўлса-да, кўп уйларнинг дарвоза ва эшикларига ўйма нақш берилган, даҳлиз ва айвонлари ихчам ва пештоқли бўлган. Бухоро ва Хивада ҳовли эшикларига жез ёки темирдан ясалган болға ёки ҳалқасимон болдоқ осилган. Эски типдаги уйларнинг хоналари ва ойналари айвонга чиққан, дарчалар ер сатҳи билан тенг бўлган. Эшиклар ичкарига, дарчалар ташқарига очилган. Дераза ёки эшикнинг юқори қисмiga ёриқ тушадиган пирамон (тобазон) қўйилган, унга ёғоч ёки ганчдан ясалган панжара ўрнатилган. Уйга кирадиган жойда эшик олдида тўғри бурчакли пештоқ (пойгак) бўлиб, унга пойабзал ечиб қўйилган. Эшик олдида бурчакда сув ташмайдиган (оқизадиган) маҳсус жой (обрэз, адан, ташнав) жойлашган бўлиб, унга Бухоро ва Самарқандда мармар тош, Хивада маҳсус сопол буюм ўриатилган.

Ўзбек уйларида қадимдан маҳаллий иқлим шароитига мослашган айвон муҳим аҳамиятга эга бўлган. Унинг таркибий қисми сифатида айвонда ёки ҳовлида ғишт ёки лойдан супа қурилган. Айвон ва супа баъзан

бутун хоналар қаторига узунасига ёки бир қисмiga ба-
ланд қилиб жойлашган. Тошкент, Бухоро ва Хива ҳов-
лиларида иқлимга қараб ёзги хоналар шимолга қара-
тилган, баланд қилиб қурилган ва анча бой безатилган,
олдида жануб томонга қаратилган қишки уйлар жой-
лашган. Хоразм ҳовлиларининг яна бир хусусияти шу-
ки, ички айвон шимол томони томдан баланд кўтарилиб,
акси томон том сатҳида бўлиб, ёз пайтлари табий вин-
тиляция (шамол тортиш) вазифасини бажарган. Ҳозир-
гача кўпгина Хоразм уйларида кенг ва баланд айвон (до-
лон) қурилган, айрим жойларда қишлоқ ҳовлилари
олдида тевараги гужум (сада) дараҳти экилган супали
ҳовуз мавжуд. Мазкур меъморчиллик типи жазира ма-
сикдан сақланадиган файэли жой ҳисобланади.

Маҳаллий уйларда турар жойларни чиройли қилиб
безаш ва жиҳозлаш қадимдан одат бўлиб келган. Жу-
да кенг тарқалган икки қаторли синч уйларнинг де-
ворлари бўйлаб тўғрибурчакли ёки пештоқ (гумбаз)
шаклидаги бир неча тахмон (токча) лар ўрнатилган
бўлиб, уларда ҳар хил уй-рўзғор буюмлари, идиш-то-
воқ ва кўрпа-тўшаклар жойлаштирилган. Бойларнинг
уйлари ниҳоятда нозик ва жимжимадор нақшлар би-
лан безатилган, ганч токчалар ва тахмонлар қиммат-
баҳо идишлар ва бошқа буюмлар билан тўлдирилган.
Марғилон ва Кўқонда бундай тахмонлар ярим гумбаз
шаклида осма безаклар билан безатилган. Бухорода
дастивал деворлар ганч билан сувалиб, ўйма нақш-
лар билан рангли гуллар ясалган, Фарғона ва Тошкент-
да эса, аксинча, деворлар текис, шипга ҳар хил ранг-
да гул солиб безаш одат бўлган. Ўймакорлик ва ранг-
ли бўёқлар билан расм солиш Бухоро, Самарқанд ва
Тошкентда, эшик, дарвоза ва устунларга ўйма нақш-
лар бериш Хоразмда кенг тарқалган.

Ўйни иситища кўп жойларда сандал ишлатилган.
Сандалнинг тагига кўмир ёқилиб, устига катта кўрпа
тўшалган ва сандал теварагида оила аъзолари умумий
кўрпага ёпиниб ётганлар ва ўралиб ўтирганлар. Фар-
ғона водийсида сандалдан ташқари камин типидаги
ўчоқ бўлган ва унда қишида овқат тайёрланган. Хоразм-
да аданга яқин жойда мўрили ўчоқ қурилган, унинг
олдида тўртбурчак ёки тухумсимон ясси шаклда кички-
на майдончага ўчоқдан чўғ тортиб ўйни қизитганлар
ва исинганлар. Ҳозирги ўзбек уйлари марказлашган
иситиш ускуналари, водопровод ва газ билан таъмин-

ланган. Шаҳар ва қишлоқ уйларининг кўпчилиги санузел ва канализацияга эга.

Хоналарнинг ички томонини зеб-зийнатлашга катта эътибор берилган. Анъанавий услубда полга чипта ёки бўйра тўшалиб, унинг устига кигиз, палос ёки гилам ёйилган. Кўп жойда девор бўйлаб кўрпача тўшалган, овқатланиш вақтида ва меҳмон келганда (одатда меҳмон учун тахмондан янги кўрпача олиб тўшалган) ўртага дастурхон ёйилган. Тошкент ва Бухорода дастурхонни хонтахтага ёйганлар. Кўрпачалар эшик рўпарасида тўрдаги махсус тахмонда ёки сандиқ устида тахлаб қўйилган. Ёстиқ-болишлар чиройли қилиб кашталангандан ёки қурама қилиб тикилган, кўрпа-ёстиқлар баъзан нақшли сўзаналар билан ёпиб қўйилган.

Чойнак-пиёла ва бошқа зарур буюмлар: чинни, мис ва билур идишлар махсус тахмон—майдада токча, реза токча, косамон ва ҳоказоларда дид билан жойлаштирилган. Пастки катта токчаларда нафис сандиқ ва қутичалар, идиш-товоқлар, патнис, қумғон—тунча ва самовар қўйилган. Айрим бадавлат уйларда токча ва тахмонлар нозик ўйма ва рангли нақшлар билан безатилган. Кўп уйларда кийим-кечаклар ва бошқа буюмлар деворга қадалган қозиқчага ёки махсус тортилган ипга осиб қўйилган. Ҳозирги даврда анъанавий жиҳозланиш замонавий мебель (гарнитурлар)га ўтказилиб, улар кўп қаватли ва алоҳида уйларда ҳам юксак дид билан жойлаштирилган. Стенка ва токчаларда қўйиладиган буюмларнинг турлари ниҳоятда бой ва рангбаранг. Айниқса ҳозирги келин-куёвлар уйи чет эл (импорт) гарнитурлари, хилма-хил идишлар ва уй-рўзгор буюмлари, қимматбаҳо гилам, чойшаб ва ёпинчоқлар, ноёб расмлар ва ҳайкалчалар билан жиҳозланган.

Одат бўйича уйнинг тўри меҳмонники ёки оила бошлири (энг кекса одам ёки уй эгаси)ники. Ўзбекларда ҳозиргача меҳмондорчилик анъанаси ниҳоятда мустаҳкам сақланиб келганилиги туфайли деярли барча уйларда меҳмонхона юксак дид билан безатилиб, тоза туради. Уйда энг яхши хоналар ҳам меҳмонхона сифатида ажратилиди.

Илгари кўчманчи ёки ярим кўчманчи ҳисобланган ўзбекларда қишлоқларга жойлашиб уй қуриш асосан ўтган асрлардан бошланган. Айрим этнографик гуруҳларда (қарлуқ, барлос ва ҳоказо) яқин даврларгача қишки лойдан қурилган уйлардан ташқари ўтов ёки ка-

па сақланиб келган. Баъзилар, масалан, тоғли совуқ жойларда яшаётган мұсабозори каби этник гурухлар илгаридан мустаҳкам қурилган уйларда истиқомат қилғанлар. Аммо улардаги ўтовлар ўзига хослиги билан ажралиб турган. Масалан, ўзбекларнинг турк қабила-ларида лочиғ ёки капа деб номланған ўтов ярим шар шаклида бўлиб, ёйсимон синч қабирғалари билан қубба (гумбаза)си яхлит ҳолда ерга тикилган. Даشت қипчоқ ўзбеклари ўтови (уй, қора уй) айрим панжара-ли девор (керага)лар ўзаро боғланниб, юқори сферик шаклдаги томи узун ёғоч (ўқ)лар билан беркитилган. Иккала ўтовни ҳам керагалар боғланған қамишдан тў-қилган бўйра ва кигиз билан ёғанлар, дашти қипчоқ-ликларда маҳсус тўқилган камар (баъзан гилам шаклида, боу бошқур) билан ўраб боғлаганлар. Ўтов ўртасида гулхан ёқилиб иситилган, юқорида тутун чиқадиган ва ёруғ кирадиган туйнук қўйилган. Гулхан ёқи-ладиган жойга темир сепоядан ўчоқ қилиб қозон осилган. Қаттиқ совуқларда гулхан ёқилиб бўлгац, юқоридаги мўри кигиз билан бекитилган. Ёзги жазира ма-исиқ пайтларда, аксинча мўрининг ҳам, керагалар ўрал-ган кигизнинг ҳам пастки томони шабада кириши учун очиб қўйилган.

Ўтовни жиҳозлашда асосан жундан ишланған турли халта, тўрва, гилам, ҳар хил ёғоч ва темир буюмлар, сандиқ, оёқ остига палос, кигиз, эчки ва қўй терисидан ишлов бериб тайёрланған пўстак ва ҳоказолар ишлатилган. Ўтовда ҳам энг ҳурматли киши — уй эгаси ёки меҳмон тўрга ўтқазилган. Ўтовга киришдаги чаф томон эркакларники, ўнг томон хотинларники ҳисобланган. Ўзбекларнинг қўнғирот ва сарой қабилаларида ҳозиргача стационар ҳовли ичида ўтовни учратиш мумкин. Уни баъзан ҳовли олдидаги боғда ёки полиз ўртасида ҳам тиклаганлар.

Илгари камбағал оиласар, айниқса кўчманчи ўзбеклар уй қуриш ёки ўтов тиклаш имкониятига эга бўлмай, оддий капаларда истиқомат қилиб келганлар. Доирасимон ёки тўғрибурчакли қилиб тикланған капани, масалан, лоқай қабиласи қишида иссиқ бўлиши учун лой билан суваган. Улар аста-секин ўтроқ ҳолатда дех-қончиликка ўтиш билан лойдан қурилган тўғрибурчакли ёки доирасимон (ўтовни эслатувчи) шаклдаги уй (чубтора)га кўчиб ўтадилар. Чубтора лой ёки гуваладан урилган, паст деворли, қамиш ва ҳашак билан бе-

китилган икки нишабли томдан иборат бир хонали уйдир. Томнинг ўртасида тутун чиқадиган туйнук очилган, уйнинг марказида чуқурча қазиб ўчоқ ўрнатилган, ўчоқни асосан тезак билан ёққанлар. Айrim оиласларда ўтроқ аҳолидан ўтган сандал ишлатилган. Одамлар чубторада қищ пайтида истиқомат қилиб, баҳор кириши билан яйловларга чиқиб, ўтов ёки чайла тиклагандар.

XX аср бошларидан уй-жой қуриш ва уни жиҳозлаш анъаналарига бир оз янгиликлар кира бошлайди. Даставвал пишган ғиштдан уй қуриш, тунука билан том ёпиш, деразаларга ойна солиш ва кӯча томонни очиш каби янгиликлар пайдо бўлади, керосин, кейин электр лампаси, фабрика ва заводларда ишланган уй-рўзгор буюмлари ишлатила бошлайди. Қишлоқ уйларida ҳам анча янгиликлар пайдо бўлади, айниқса қурилиш материаллари ва услубида кўпгина ўзгаришлар рўй беради.

Ҳозир шаҳар аҳолисининг анча қисми кўп қаватли уйларда фаровон турмуш қурмоқдалар. Улар барча замонавий сантехника ва бошқа қулайликлар билан таъминланган. Аммо кўп жойларда бир-икки оиласа мўлжалланган алоҳида уй-жойлар кенг тарқалган. Бундай уйлар хом ёки пишган ғиштдан пахса ёки синч услубида қурилган, томорқа ва бошқа участкага эга. Пойдевори одатда бетондан қуйилган ёки пишган ғиштдан урилган. Кўп уйлар ўзбек одати бўйича ҳашар йўли билан қурилади. Деярли бутун шаҳар аҳолиси ва кўп қишлоқларда уй жиҳозланиши, айниқса илгари бутунлай бўлмаган турли мебеллар, уй-рўзгор буюмларининг ва кўрпа-тўшакларнинг анъанавий ва замонавий услубда жойланиши ўзига хос чирой ва қувонч бағишлайди. Ҳозирги ҳовлиларда ёғоч полга гилам, палос ва кигиз тўшалган, марказлашган водопровод, газ, электр, телефон мавжуд. Аммо шаҳарлардаги кўп қаватли уйларда катта, бўлинмаган оиласлар учун қулайликлар кам.

Кейинги йилларда Фарғона водийсида қурилган янги уйларда маҳаллий анъанавий планировка сақланиб, икки хона ўртасида уч томони берк айвон жуда қулай ва ихчамили билан, Хоразмда катта дарвоза чиройли ғиштлардан қурилган кенг ва баланд долони ва меҳмонхонаси билан кишини ҳайратда қолдиради. Янги уйларнинг деразалари ташқарига қаратилган, ҳовлида ток, гул ва мева дараҳтлари экилган. Кичик оиласлар

учун қурилган уйлар асосан икки хона, катта ошхона ва очиқ айвондан иборат. Уй эшиги айвон томонда. Баъзан ҳовлилар тўрида янги оиласа мўлжалланган икки хонали уй ҳам бўлган.

Ўзбек оиласари кўпинча одат бўйича асли очиқ ҳавода, ҳовлида вақт ўтказадилар. Ҳовлига эрта баҳордан чиқилади. Бу ерда асосан ток ёки дараҳт соясидан ёғочдан ясалган катта каравот (сўри)да, баъзан лой (фишт)дан қурилган супада, айрим жойларда чиройли безатилган шийпонда ҳаёт ўтади. Ҳозир уй-жойларнинг муҳим жиҳозларидан телевизор, совитгич, кир ювиш машинаси, дазмол, тикув машинаси ва ҳоказолар деярли ҳамма оиласарда учрайди. Қишлоқ ҳовлиларидан, шаҳардаги айрим шахсий уйларда алоҳида ошхона, молхона ва тандир мавжуд. Барча оиласарда анъана вий уй жиҳозларидан гилам, палос, кигиз, сўзана ва чойшаб, каштали парда ва турли расмлар ҳамда бе-заклар хоналарга алоҳида ҳусн бағишлайди. Айниқса ёш келин-куёвларга мўлжалланган хоналар миллый тарзда хилма-хил кашталанган декоратив буюмлар, қат-қат кўрпача, тўшак ва болишлар, чиройли гилам ва янги идишлар билан безатилади. Кўп қишлоқ ва шаҳар уйларида уй эгалари фоторасми, табиат манзараси, ота-она ва оила аъзоларининг портретлари ва бошқа манзарали расмлар ўз ўрнидан жой олган.

КИЙИМ-КЕЧАҚ ВА САРПО, БЕЗАҚЛАР ВА ПАРДОЗ-АНДОЗЛАРИ

Урта Осиё халқларининг кийим-кечаклари кўп асрлик тарихга эга. Ҳар бир элат ва этник гуруҳларнинг ўзига хос хусусиятли бош-оёқ кийимлари бўлса-да, минтақада яшовчи этнослар умумий характеридаги сарпо-мавжудлиги, уларнинг тарихий тақдирни, маданияти узоқ давр ўзаро яқин бўлганлигидан далолат беради. Археологик қазишмалардан топилган қадимий катта деворий расмлар, ҳар хил буюмларга туширилган тасвирлар, ўрта асрлардаги китоб миниатюралари аждодларимизнинг ўтмишдаги кийим-кечаклари тўғрисида бой маълумотлар беради. Урта асрларга оид миниатюралар ўзбек кийимларининг типи шақлланганлиги ва улар кейинги давргача сақланганлигини намойиш қиласи. Эски халқ кийим-кечакларидаги ўзгаришлар асосан асримиз бошларида сезиларли равишда намоён бўла-

ди ва ундаги трансформация асосан шаҳарларда очиқ-ойдин билинади.

Хозирги ўзбек сарполари замонавий типда бўлиб, айниқса оврўпача кийим-кечакларнинг кириб келиши билан тавсифланади. Миллий кийимлар кўпроқ қишлоқда, алоҳида аёллар сарпосида анча мустаҳкам сақланган. Шаҳар аҳолисининг кўпчилиги оврўпача кийинади.

Анъанавий ўзбек кийим-кечаги асосан устки кўйлак, иштон ва чопондан, бошга дўппи, оёққа калиш-маҳси ва этиқдан иборат бўлган. Эркак-аёл ва катта-кичиклар кийимлари бичимининг деярли бир хиллиги уларнинг қадимийлигидан дарак беради. Бундай либослар оддий усуlda, баъзан қайчисиз ва улгусиз яхлит матодан йиртиб тикилган. Бир парча газламани иккига бувлаб елка томонига кўндалангига икки енг билан бир парча тўртбурчак хиштак (қўлтиғига солинган)ни тикиб кўйлак битган.

Эркакларнинг анъанавий яктак кўйлаги тиззагача, аёллар ва қизларники тўпифигача узунликда тикилган. Фарғона водийсида яхтак хилдаги эркаклар кўйлагининг қийиқ жойи вертикалига (йирмочи) белгача етса, яна бир турининг йирмочиси горизонтал ҳолда бир эгнидан иккинчисига қийиб чўзилган. Иккаласига ҳам узунасига ёқа ўрнатилган, айrim жойларда ёқаси кашталанган. Горизонтал йирмочи ёқали кўйлак Зарафшон, Қашқадарё ва Сурхондарё водийларида, Тошкент, Бухоро ва Хоразмда кенг тарқалган. Аёллар кўйлагининг ёқасига ҳам кашталанган ёки безатилган кенг тасма тикилган.

Аёллар кўйлагининг ёқаси вертикал йирмочи кесилган бўлиб, кўп жойларда бутун бўйига гулли жияк (тасма) тикилган. Шаҳрисабз, Қарши ва Сурхондарёда жияк ипак ип билан бут шаклида тўқилган, Бухорода қимматбаҳо кийимларга тилла ипда тўқилган жияк тикилган. Кўпчилик жойларда ёши катта аёллар оддий жун чилвир ёки қорамтири йўл-йўл мато парчасини жияк қилиб ишлатган. Асримиз бошларидаги бундай аёл кўйлаклари кам сақланган. Туркистон ўлкасида дастлаб шаҳарларда, кейинроқ қишлоқларда тик ёқали йирмочи кўйлаклар мода бўла бошлаган. Бундай кўйлакларга «нўғай ёқа» деб ном берилган. Эски, оддий бичимдаги кўйлакларни асосан 50—60 яшар аёллар кийган. Хозир аёл сарполари ниҳоятда ранг-баранг

бўлиб, кўпчилиги оврўпача, аммо миллий руҳдаги энг кенг тарқалган кўкрак бурма бичимидағи кўйлакдир. Атласдан тикилган кўйлаклар жуда кенг тарқалган ва бундай сарпони қизлар ҳам, аёллар ҳам, кампирлар ҳам кияди.

Қадимий кўйлак намуналари ҳозиргача асосан қариялар ва ёш болалар кийимида сақланган. Масалан, Бухоро ва Хоразм воҳасида улар гуппи, жубба, гуптика, Фарғона водийсида гуппи кўйлак ёки гуптика деган номлар билан маълум. Қадимий кўйлакларга оқ матодан горизонтал очилган ёқали муллача кўйлак, мусулмон-кўйлак ҳам киради. Жуда кенг тарқалган (Фарғона, Тошкент, Самарқанд, Қашқадарё ва Бухоро вилоятларида) ва қисман сақланган (Хоразмда) мурсак, мунисак ёки калтacha ўтган асрда ҳар кунги аёл кийими сифатида диққатта сазовор. Бундай кийим чопон шаклида узун ёқасиз енгил астар билан тикилган.

Иштонни ҳам эски кўйлакдек бир парча газламани иккига бўлиб, олди ва орқасидан тикиб оғини ёпиштирган. Эркакларнинг иштони аёлларницидан унча фарқ қилмаган.Faқат аёллар иштони бичими бир бўлса-да материали ҳар хил, яъни йўл-йўл газлама ёки ипак матодан бўлиб, эркакларницига нисбатан узуноқ, пасти жияк (тасма) билан безатилган. Аёллар иштони (лозим) илгари икки қисмдан: юқори қисми оддий матодан, пастки қисми қимматбаҳо материалдан (баъзан кўйлакка мослаштириб) тикилган, почасига жияк тикилган.

Умуман олганда, эркакларнинг кўйлак-иштони одатда бир рангда (acosan oқ), аёлларници ранг-баранг материалдан тикилган. Ўтган асрнинг охирларигача кийим-кечаклар маҳаллий косиблар тўқиган мато — (бўз, каломи, алача)дан тикилган, кейин рус фабрикантлари маҳсулотларидан тикила бошлаган (аёлларга гулли читдан, эркакларга оддий оқ читдан). Ҳозирги даврда миллий ва оврўпача кийимларнинг турлари ниҳоятда кўп. Айниқса кейинги пайтларда ўзбек аёллари ялтироқ кумуш тилла ипли газламалардан замонавий модага мослаштириб кийим тикириб киймоқда. Ички кийимлар бутунлай янгича трикотаж ва сунъий матолардан тикилган фабрика маҳсулотидан иборат. Аммо ҳозиргача аёлларнинг энг севимли ва кенг тарқалган кийими ранг-баранг, чиройли хон атлас ва бошқа юпқа ипак матодан тикилган.

Ўзбек халқининг миллий рамзи сифатида сақланиб келаётган устки кийим—чопон (тўн) шу кунгача катта ҳурматда. Чопон очиқ ёқали яхтак шаклида астарли ва пахтали қилиб тикилган. Чопон узун енгли, юқори қисми кенг, иастки томони торайиб кетган, айримла рининг этаги, ўнг ва сўл томонида қийиқ жойи бўлган, ерда ўтиришга қулай. Одатда чопоннинг белбоғи бўлади, унга эркаклар пичоқ (қини билан) осиб юрганлар. Чопон асосан пахтали, қавилган, айрим жойлари жуда майда қавилади (Хоразмда), натижада қаттиқ бўлади. Ёзги чопонлар қавилмаган (авра-астар чопон) ёки умуман астарсиз (авра чопои) ҳам бўлган. Наман ганда дала ишларида оқ матодан юпқа қавилган калта чопон кийилади, у иссиқдан сақлайди. Сурхондарё ва Зарафшон бўйларида ўрнашган ярим кўчманчи ўзбекларда ҳам тиззагача келадиган астарсиз калта (авра) чопон кўп учрайди.

Ўзбек чопонлари ранги, узунлиги, кенглиги ва кийиш услубига қараб ҳар жойда ҳар хил бўлган. Масалан, Бухорода, Қашқадарё, Сурхондарё ва Зарафшон водийларида узун ва кенг, узун енгли, пахта ёки ярим ипак рангли матодан тикилган чопон, Фарғона ва Тошкентда яшил ёки кўк-яшил чопон кийиш одат бўлган. Асримиз бошларидан қора сатиндан тикилган чопон кенг тарқалган. Ёшлар орасида байрам либоси сифатида очиқ рангли катта йўл-йўл бекасам тўн мода ҳисобланган. Қишлоқ жойларда бундай чопон куёв сарпосига кирган. Бир оз тор ва калта камбар йўлли нақш берилган ялтироқ алачадан тикилган Хоразм чопони қадимдан кенг тарқалган. Чопонни яктак устидан кийиб белбоғ осиш асосан Фарғона водийсида одат бўлган, бошқа жойларда белбоғсиз яктаккасигина кийилган.

Аёлларнинг ўзига хос чопон шаклида бичиб тикилган уст кийими мурсак илгари жуда ҳам кенг тарқалган. Улар Бухоро, Хоразм ва Қашқадарёда енгги тирсаккача калта ва кенглиги билан, Самарқанд ва Тошкентда узун, энсиз, билаккача бўлган енгги билан фарқланган, холос. Мурсак астарли қавима қилиб тикилган, қишки мурсакка пахта солинган. Асримиз бошларигача у оддий кўчалик либоси сифатида кийилган бўлса, кейинчалик мурсак мотам либоси сифатида белбоғ билан кийилган. Айрим аёллар уни тўйга ёки меҳмонга боргандা ҳам кийганлар. Ҳозиргача Тошкентда мурсакни дағн маросимида тобут устига ёпиб қўядилар.

30- йилларгача феодал-патриархал тузум рамзи си-
фатида ўзбекларда, айниқса шаҳар аҳолиси орасида
аёллар паранжи ёпинганлар. Паранжи сохта енгли, тўн-
симон, узун ёпингичдан иборат бўлиб, отнинг дум қи-
лидан тўқилган тўр парда чачвон бетга тутилиб, устига
паранжи ёпилган. Чачвон юзни бекитиб, белгача ет-
ган. Уни одатда уйдан кўчага чиққанда ёпинганлар.
Қишлоқ жойларда паранжини кам ишлатганлар, бай-
рамларда ва узоқ сафарга чиққанда ёпинганлар. Баъ-
зи қишлоқларда аёллар уйдан чиққанда бола чопони
ёки оқ бекингич билан юзини бекитганлар. Шахрисабз-
да ва Самарқанд вилоятида ярим кўчманчи ўзбек қа-
билалари йўл-йўл матодан тикилган чопон (желак)
ёпинганлар. Узун ва тор сохта енгли ёпингич жаъдани
Хоразм аёллари кийган. Бундай ёпингич Сурхондарё ва
Самарқанд вилоятларида ҳам учрайди.

XIX аср охири—XX аср бошларида Туркистон ўл-
касида оврўпача камзул (камзўр) пайдо бўлиб, уни эр-
каклар ҳам, аёллар ҳам кийишган. Эркакларнинг камзу-
ли тик ёқали, узунлиги тиззагача етадиган, асосан қора
матодан тикилган, аёлларнинг камзули ранг-баранг дў-
хобадан ёки бекасамдан тор белли қилиб тикилган.
Уша даврда бутун Узбекистонда енгиз жилетка ҳам
тарқала бошлаган, уни кўйлак устидан ёки камзул ус-
тидан кийганлар. Инглиз каствоми типидаги жакет ҳам,
оврўпача каством, пальто ва макентош ҳам дўконларда
пайдо бўлган. ёки тикувчи уста (чевар)лар буюртмага
тикиб берганлар, зиёлилар орасида замонавий мода
кийимлар тез тарқала бошлаган.

Қадим даврлардан бош кийимига қараб ўзбеклар-
нинг этник ва локал гуруҳлари фарқ қилинган. Эркак-
лар бошига асосан турли хилдаги дўппи (тўппи, тахё)
кийган, аёллар эса кўпинча ранг-баранг рўмол ёпинг-
ган. Дўппининг даставвал тагини ва гардиши (кизаги)-
ни айrim ҳолда тикиб кашталаганлар ва майдо қава-
лаб қўшиб тикканлар. Одатда, дўппи нозик гулли,
қадаб тикилади, айrim аёлларнинг дўпписига майдо мун-
тоқ, маржонлар, хоразмликларда жияк ва попук тақи-
лади. Илгари конус шаклидаги дўпилар Тошкент, Са-
марқанд, Шахрисабзда тарқалган, энди эса Шахрисабз-
да сақланган. Бир оз япалоқ ясси шаклда ичига ўраб
қофоз билан майдо қавиқ қилинган дўпилар асосан
Фарғона водийсида маълум. Айниқса «бодом» ёки «қа-
лампир» нақшли оқ ипак ип билан таги қора матога

кашталанган чуст дўппи нафақат водийда, балки ундан ташқарида ҳам машхур. Таги кашта қилиниб, ранг-баранг тўлбарггул шаклидаги хўжанд-ўратепа дўпилари бутун Ўзбекистонга тарқалган.

Эркаклар киядиган учли қалпоқ—кулоҳ тўрут бўлак учбурчак матодан гардишсиз тикилган. Конус шаклидаги баланд кулоҳни илгари қаландарлар кийган, тухум шаклидаги чаккаси бир оз юмалоқ кулоҳни Бухорода қари кишилар қишида кийганлар. Бундай бош кийим ўрта аср миниатюраларида кўп учрайди. Асли кулоҳни руҳонийлар ва диндор кишилар кўпроқ кийганлар. Кулоҳга ўхшаш теридан тикилган қишки телпак Самарқанд ва Бухорода учрайди. Фарғона водийсида ва Тошкент вилоятида телпак духоба ёки мовутдан тикилган, тепаси тулки ёки савсар мўйнаси, баъзан қўй терисидан тикилган. Телпак бичимида кигиздан тикилган қалпоқни асосан даштда яшовчи аҳоли кийган. Қалпоқнинг икки четида кесики (қийиқ жойи) ва соябон учун кенг ҳошияси бўлган. Одатда қалпоқ оқ кигиздан, ҳошиясининг чеккаси эса қора читдан тикилган.

Хоразм ўзбекларининг аёллари ипакдан тикилган доирасимон шаклдаги гулли тахё (дўппи)га ипдан ёки қуш патидан попук ўрнатилганлар, тангалар осганлар. Тахё устидан одатда рўмол ёпинган. Бу ерда рўмол турлари кўп бўлган: маҳаллий усталар тўқиган оқ тақана ва ипак рўмол (читкор гул босган), жундан тўқилган нақшли сергул рўмол, четдан келтирилган боку рўмол, паранг (француз ёки оврўпа) рўмоли ва ҳоказолар. Эркакларнинг қадимдан киядиган бош кийими чўғирма бир неча турда қўй терисидан тикилган, қорақўл терисидан тикилган шерози попоқ ва қулоқчин кейинроқ пайдо бўлган.

Бутун Ўзбекистонда салла ўраш айниқса байрамларда илгаридан шартли одат бўлиб келган. Аммо Фарғонаининг айрим туманларида ва Хоразмда байрам бўлса-да, баъзи кишилар салла ўрнига дўппи ёки телпак кийган, холос. Саллани дўппи ёки кулоҳ устидан ўраганлар, ранги ва ўраш услуби билан бир оз фарқ қилган. Ҳозир салла ўраш кам тарқалган, уни асосан қариялар ва диндор кишилар кўпинча маъракаларда ва диний байрамларда ўраб чиқадилар.

Аёлларнинг қадимий анъанавий бош кийими гардиши баланд юмшоқ култа (қийгич) ҳозир бутунлай кийилмайди. Култанинг эски турида тепаси очик бўлиб, соч ўрими

чиқарилган, ёш қизларнинг кийгичида тепаси ёпиқ бўлган. Салла ўраш ўзбек аёлларининг қадимий бош кийими ҳисобланган. XIX аср охирларига келиб Самарқанд, Тошкент ва Андижонда бу одат қолиб кетган. Ҳозиргача баъзи ўзбекларда салла ўраган аёлларни қисман учратиш мумкин. Аёл салласи ўзаро бир оз фарқ қилган. Қўпчилик аёллар уни ўзига хос шаклдаги маҳсус бош кийими—лачак устидан ўраганлар. Хоразмликларнинг лачаги узун матодан ўралиб, кўкрак ва орқа томонини бекитиб турган. Тошкентликларда ҳам худди шу бичимда лачак кийилган. Самарқандликлар лачакни узунроқ матодан бир оз бошқача шаклда тикканлар. Жанубий Хоразм ўзбеклари саллани лачак киймасдан ўрама салла шаклида айлантириб, бир учни кўкрагига ташлаганлар. Одатда илгари уйдан ташқарига чиқилса, аёллар салла устидан мурсак ёки учбурчак рўмол шаклида оқ ёки қизил ип матодан тикилган чарчи ёпиниб чиққанлар.

Эски одатга биноан саллани аёл биринчи фарзанд кўргандан сўнг ўрай бошлаган. Кейинги вақтларда она биринчи набира кўргач, салла ўраш одати пайдо бўлган. Салла ўраш маҳсус иримлар билан қадимий даврлардан кийилгани тўғрисида тарихий маълумотлар мавжуд. Ўзбек лачагига ўхшаш бош кийим кимишек номи билан қозоқ ва қорақалпоқларда ҳам маълум.

Аёлларнинг кўпчилиги кейинчалик анъанавий бош кийимидан воз кечиб, ҳар хил рангдаги ва турли материалдан тўқилган рўмол ёпина бошладилар. Рўмол ўраш ёки ёпиниш ҳам турлича, ҳар ким қулайига қараб ёпинган. Фаслга қараб катта рангли кўп гулли ипак, жун ёки тўқилган тивит рўмол кенг тарқалган. Ёши катта аёлларнинг оқ дока рўмол ўраш Одати ҳозиргача сақланган. Ҳозирги даврда кўпчилик қизлар ва ёш аёллар бош яланг замонавий турмаклашга ўтганлар.

Илгари қизлар ва аёлларнинг соч ўрими жиддий фарқланган. Қизлар ва келинчаклар (бона туққанинча) да қирқ ўрим соч, аёлларда икки ўрим соч қўйиш одат бўлган. Айрим жойларда қирқ ўрим сочли, онда сонда икки ўримли ва жингалак сочли аёллар учрайди. Ҳозирги аёллар кўпчилигининг соchlари калта қирқилган, модага ўтилган. Эркаклар ҳам ҳозирги замонавий прическага ўтган, айниқса шаҳар ёшларида бу кучлироқдир.

Анъанавий кийимларга хос тақинчоқ ва безаклар яқин даврларгача одат бўлиб келган. Илгари турли заргарлик зеб-зийнат буюмларидан кўпчилик аёлларнинг бош ва уст кийимлари безатилган. Кийим-кечакларнинг янгиланиши тақинчоқларнинг йўқолишига сабаб бўлган. XIX аср охирларигача аёллар учун заргарлар ишлаб чиқарган зеб-зийнат буюмлари жуда ҳам кўп ва ҳар хилда бўлган. Масалан, Фарғона водийсида безак-ашёлар энг кўп тарқалган. Уларнинг ҳар бирни бир неча шаклда махсус номга эга: бўйин ва кўкракка тақиладиганлардан пайконча, арпа жевак, зебгардон, нозигардон, тангажевак, тумор, бозванд, тилла туморча, бўйинтумор, кўкрактумор, сочнинг икки томонига тақиб, икки елкага тушириб оладиган заркокил, орқага тақиладиган танга чўлпи, пешонага тақиладиган тилла баргак, тиллақош, жиға ва ҳар хил сочпопук (пар сочпопук, найча сочпопук, панжара сочпопук, бекокил ёки бешкокил, қуббали сочпопук ва ҳ. к.), кўлтиққа тақиладиган қўлтиқ тумор ва буринга осиладиган аравак ва латива. Исирға турлари ҳам кўп бўлган: канна зира, Туркистон балдоқ, Қашқар балдоқ, учкокилли ёки учоёқли зира, зулукзира, ой балдоқ, Фарғоначабалдоқ, Тошкент балдоқ, шалдироқбалдоқ, кўзлик зира, арава балдоқ (юмолоқ шаклда), анжир балдоқ ва ҳоказо. Узук турларидан: афғонча узук, кўzsиз узук, румча узук, айрибанд узук шахонак, қўйма узук, ўрама узук, мис узук, тилла узук, хожи узук. Билагузук турлари: сўқма билагузук, қўчқор шоҳли росмана билагузук, чоғроқ билагузук, илонбош билагузук, тутгали билагузук, бақабош билагузук, бодомча билагузук ва ҳоказо. Зеб-зийнатларни заргарлар ўйма усулда ясаган турли рангдаги тошлар: маржон, шиша, садаф кабилар билан безайдилар. Сурхондарё қишлоқларида кўкракка тақиладиган рангли майда мунҷоқлардан тизилган безаклар кенг тарқалган. Кўп жойларда ипга тизилган маржон шодаси, Тошкентда майда дурдан ясалган мунҷоқ, маржон ва шишадан ишланган исирға, узук ва билагузук осиши одат бўлган. Кўйлак ёқасига ҳар хил нозик тўғнағичлар осганлар. Ёш болаларга ҳам кўз тегмасин деб, қора мунҷоқ осилган. Бухорода олтин исирға шибиrmak, япроқсимон шаклда катта ёкут кўзли марварид ёки дур билан безалган. Барча безаклар бой табақаларда тилла, кумуш ва қимматбаҳо тошлардан, камбағал табақаларда эса мис, жез ёки тилла суви бе-

рилган металлардан ясалган. Айниқса тиллақош, осмодүзи, тиљлабаргак ва бошқа зеб-зийнатлар жуда қиммат-баҳо бўлган.

Аёллар орасида қадимдан ўзига пардоз бериш, атир сепиш, қош-кўзни безаш одат бўлган. Археологик қазишишмалардан топилган ва миниатюралардан олинган расмларда аёлларнинг ўзига пардоз-андоз берганлиги аниқ кўринади. Ҳуснни очиш, яна ҳам гўзаллик ҳосил қилиш мақсадида ўзбек аёллари орасида ўсма, хина, упа-элик суриш, ўзига зеб бериш, гул суви билан ойнага қараб пардозлаш одати кенг тарқалган. Ҳалқ орасида тарқалган иборалардан бирида: «Онангни отангга бепардоз кўрсатмә», деб бежиз айтилмаган. Ҳозирги ўзбек аёллари замонавий нозик ва хушбўй упа-элик, атир ва кремларнинг турли хилларидан зўр маҳорат билан фойдаланадилар.

Болалар кийими катталарникидан унча фарқ қилмаган. Аммо бола туғилиши билан унга кўйлак кийгиши одатига биноан юмшоқ матодан кипта, кўйлакча, куртача тайёрланган. Бундай кўйлакни етти уйдан тўпланган матодан тикиб, чилласи чиққунча кийгизиш шарт бўлган. Шунинг учун унга чилла кўйлак деб ном берилган. Болага кўз тегмасин, мард бўлсин деган ирим билан кўйлакни итга ёки қайроқ тошга суркаганлар (ит-кўйлак, қайроқ кўйлак шундан келиб чиққан). Бир ёшга етган болага тўғри бичим услубида тикилган кўйлак, иссиқ кийимдан қишида гуппича (тонча, жамоча) тикиб кийгизганлар. Болага то уч-тўрт ёшга етгунча этакча ҳам тикилган (олди ёки пешгир, ошхўрак). Бош кийими икки-уч бўлак матодан конус шаклида тикилган. Қипчоқ, турк, сарт ёки қурама болаларнинг дўпписи шаклан фарқ қилган, аммо ҳаммасида тумор тақилган. Қиши пайтларида қалпоқ кийгизилган ёки чорсу, қийиқ ўралган. Қўп жойларда беш-олти ёшдан кейин ўғил-қиз кийимлари фарқлана бошлайди. Ўғил болалар учбурчак (Тошкент воҳаси) ёки яктак (Фарғона водийси), ёкали кўйлак кийганилар. Диний мактаб талабалари руҳонийлардек муллача ёки мусулмон кўйлак кийганилар. XX аср бошларида ёшлар орасида тик ёқали нўғай ёқа, бўғма ёқа кўйлак кийиш одати пайдо бўлган.

Оёқ кийимлардан эркак ва аёллар киядиган анъанавий маҳси-калиш ҳозиргача сақланган. Илгари камбағаллар чармдан тикилган мукки оқ этик кийган, бой

табақаларда юмшоқ теридан тикилган оврӯпача этик ва маҳси кийилган. Калиш (кавуш) ҳам кенг тарқалган, уни ўзини ёки маҳси билан кийган. Кейинчалик резина-калиш пайдо бўлгач, эски калиш йўқолиб кетган, аммо айрим жойларда ҳозир ҳам учрайди. Ҳозир барча замонавий фабрикаларда тикилган пойабзал кияди. Илгари жундан қўлда тўқилган пайпоқ (жўроб) бўлган, энди оммавий фабрика пайпоқлари кийлади. Лак берилган пойабзал эркак ва аёлларда мода бўлган. Фарғона водийсида рангли ип билан нақш берилган этик, паст пошнали рангли туфли кийиш одати яқин вақтларгача сақланган.

Пойабзал хиллари кўп бўлганлиги ва уларга эҳтиёж баланд бўлганлиги туфайли бу касб орасида меҳнат тақсимоти узоқ даврдан амалга оширилган. Асримиз биринчи чорагигача пойабзал усталари орасида этик-дўзлар, маҳсидўзлар, калишдўзлар айрим касб бўлиб ажралганлар. Улар махсус бирикма (цех) ларга бўлиниб, бозорларда ўз расталарига эга бўлганлар.

МИЛЛИЙ ТАОМЛАР, ПАЗАНДАЧИЛИК ВА МЕҲМОННАВОЗЛИК

Ўзбеклар озиқ-овқатларининг турлари ва характери, бир томондан, ўлканинг табиий шароити ва хўжалик хусусиятлари таъсирида бўлса, иккинчи томондан, маҳаллий этник гуруҳлар маданиятининг ўзига хослиги билан белгиланган. Масалан, қадимий ўтроқ деҳқончилик ва ҳунармандчилик билан шуғулланиб келган аҳоли таомлари ўтмишда ярим кўчманчи даштдан келган чорва аҳолисиникдан фарқ қилган. Айниқса шаҳар ва катта қишлоқларда яшовчи аҳоли таомларининг турлари анча мураккабdir. Ўзбекистоннинг фарбий қисмida яшовчи шаҳар аҳолисининг овқат турларига эрборний халқлар таоми, шарқий қисмидаги шаҳар аҳолисининг овқат турларига Қашқар (уйғур) таомининг таъсири сезиларлидир. Совет даврида эса ўзбек таомларининг ассортименти рус ва бошқа халқлар таомлари билан бойиган эди. Бу даврда илгари ишлатилмаган озиқ-овқат маҳсулотлари: картошка, карам каби сабзавотлар, макарон, вермишель, рожки, консерва, кондитер ва бошқа фабрикаларда тайёрланадиган турли маҳсулотлар миллий таомларининг таркибий қисми бўлиб қолди.

Ўзбек таомлари ичидагимий даврлардан хамир овқатлар алоҳида ўринни эгаллайди. Хамирдан ҳар хил маҳсулот тайёрланади. Чунки хамир учун ишлатиладиган буғдой, арпа, маккажӯҳори, оқжӯҳори унлари аҳоли овқатининг асосини ташкил қиласди ва улар организм учун зарур моддаларни сақлаб, тўйимли, калорияли ва мазали бўлади. Хамир маҳсулотларидан энг фойдали ва асосийси ўзбек нонидир.

Шуни алоҳида қайд қилиш лозимки, узоқ даврлар давомида асрлар оша шаклланиб келган ўзбек новвойлик санъати энг ҳурматли ва кенг тарқалган кўхна касбларданdir. Кўп асрлик тажриба хамирдан кўпгина маҳсулотлар турларини кашф этишга олиб келган. Масалан, Самарқанднинг ўзидағина фâқат нон маҳсулотларининг «нони осиёйи», «нони пўлати», «нони заргорони», «нони тафтон», «нони обаки», «нони кўлабоки», «нони забони гав», «нони тароқи», «нони хаззин» каби кўпгина турлари бўлган.

Нон маҳсус тандир усталари ясаган ва зарур жойга ўрнатилган тандир ўчида ёпилади. Тандир (тандур) одатда яхши ишланган маҳсус хом лойдан катта, таги йўқ хум шаклида ясалаб, тик ёки ёнбошлатиб лойдан урилган маҳсус супага, айрим жойларда текис ерга ўрнатилади. Ўрнатилишига қараб тандирлар «девори тандир» ёки «ер тандир»га фарқланади.

Ўзбек нонларининг турлари жуда кўп. Тандирни кучли олов билан яхши қиздириб бўлгач, унинг деворига енглик кийган ҳолда рапида билан нон ёпишириб пиширилади. Хонадонларда тайёрланадиган, энг кенг тарқалган ва оддийси оби нон, яъни уй нонидир. У қуйидагича тайёрланади: дастлаб тоғорага хамиртуруш солиниб ийланади ва туз билан эритилади, сўнгра озодздан ун ва сув қўшилиб хамир қорилади. Хамир тоғорада зувала қилиниб, бир оз вақт усти ёпиқ ҳолда қолдирилади. Хамир кўпчигач, супрага ўтказилиб, урвоқча аралаштирилиб, зувала-зувала қилиб бўлинади. Сўнгра ҳар бир бўлакчадан ясалган зуваладан тахтача ёки супра устида нон ясалаб, унинг бетига баъзан кунжут ёки седана сепилиб, чакич урилади. Тандирга ёпишдан олдин ясалган ҳар бир ноннинг орқаси ҳўлланиб, рапидага қўйилиб, аста-секин тандир деворига ёпиширилади. Тандир нонга тўлгач, тандирдаги чўғни ўртага тортиб, буғ ҳосил қилиш учун ёпилган ноннинг юзига сув сепи-

лади. Кунжутли ва седанали нон кўпинча тўй-маъракаларда ёки бозорга атаб ёпилади.

Оби нон сингари пишириладиган гўшти ёки жиззали нон ҳам кенг тарқалган. Одатда хамир ёймага майда қилиб тўғралган гўшти, қизил қалампир ва туз аралаштирилган қийма солинади, жизза ҳам хамир қораётганда майдаланиб ёки бутунлигича аралаштирилади. Айрим жойларда майдаланганд гўшти ёйилган хамир орасига «рулет» шаклида бураб, ўралган ҳолда қийма хамирни пичноқ билан зувалалар кесиб, нон ясалади. Ноннинг юзига чакич (хоразмча «тикач»), қирғоғига пичноқ билан гул қилиб тандирга ёпилади.

Илгари дехқонларнинг севимли нони бўлган зоғорани баъзан камбағал нони деб атаганлар. Зоғора нонни маккажӯҳори ёки оқ жӯҳори унидан, баъзан хамирга ошқовоқ кориб, зувала ясадб, тандирга ёпиб пиширганлар. Ҳар зоғора зуваласини ёйиб, ўртасини кўрсаткич бармоқ билан бир-икки см га чуқурлаштирган. Ўрвоқ учун буғдой уни ишлатилган. Ҳозир зоғора нони деярли йўқолиб кетган. Буғдой етмаганлигидан камбағал оиласалар жӯҳори, арпа ёки тарик унидан ҳам нон ёпиб еганлар.

Ҳозиргача севимли нон турларидан патир жуда кенг тарқалган ва меҳмон дастурхонига қўйиш одат бўлган. Патир сутда туз ва хамиртурушни ивитгач, эритилган қўй ёғи ёки сариёғ қўшиб қорилган, хамирдан зувалани думалоқ шаклда ёки айланаасига бир неча марта қатмакат қилиб ёйилиб, тандирга ёпилади. Патир Фарғона воийси ва Тошкентда ўртacha доирасимон, Хоразмда катта юпқа доира шаклда катта рапидага ёйиб тандирга ёпилган. Баъзан пишган патир юзига эритилмаган думба ёғ суртилиб, истеъмол қилинади. Ширмой патирга тоғорада майдаланганд ва пўсти олингай нўхат солиб устидан арпабодиён суви аралашган хурушни қўшиб юпқа ва катта нон ясалиб, тандирга ёпилади. Қашқари патирга эса тўғралган пиёз аралаштирилган хамирдан нон ясалиб, унинг юзига озгина қатиқ юпқа қилиб суртилади ва рапидага ёйиб ёпилади.

Ўзбеклар орасида яна гижда нон, қўшалоқ ширмой, ёғлик кулча, кўмач каби нонлар ҳам пиширилган. Жанубий Ўзбекистондаги ва Тожикистондаги ўзбеклар товада ёки қизитилган тошда нон пишириб еганлар. Улар хамиртурушни иссиқ сутда ивитиб, эритилган қўй ёғи ёки сариёғ, майдаланганд жизза аралаш кулчани тандирда, товада ёки қозонда пиширганлар. Қўмач

ҳам шу тарзда қозон ёки товада пиширилган. Ўзбек нонлари юпқалиги, доирасининг катта-кичиклиги ва ҳажми билан фарқ қилган. Айниқса Хоразмнинг катта доирасимон сутли юпқа нонлари ёқимли таъми билан ажралиб туради. Қозонда пишириладиган ёғли, мазали қатлама нон ҳам кўп ерда тарқалган. Қатлама бир неча хилда бўлиб, уни ўқлов билан нафисроқ қилиб ёйиб, юзига эритилган қўй ёғи, сариёғ, маскаёғ ёки қаймоқ суртиб, ёйма ўқловга ўраб, узунасига кесилади ҳамда пичоқ билан бир неча қаватли тасмалар ҳосил қилинади. Тасмалар фидирак қилиб ўралиб, ўқлов билан нозик қилиб ёйилади, кейин товада пиширилади.

Новвойлик касби ҳар бир шаҳар ва қишлоқда бўлган. Катта шаҳарларда маҳсус новвойхоналар доимо ишлаб турган. Айрим дўйкончилар бир неча тандирли ва ёлланма усталардан иборат новвойхоналарга эга бўлиб, ўз маҳсулотларини шу ерда ёки бозорга чиқариб харид қилганлар. Катта новвойхоналарда нонни эркаклар ёпган, уй шароитида аёллар ёпиб, эркаклар бозорга чиқарганлар. Ҳозирги вақтда хусусий новвойхоналардан ташқари катта-кичик нон заводлари ҳам мавжуд.

Ўзбекларда нонни ҳурматлаш қадимий одатлардан. Нонга ҳурмат-эҳтиром билан муносабатда бўлиш болаларга ёшлиқдан ўргатилади, уларга ноннинг ушоғини ердан йиғиб олиш, уни эъзозлаш ва оёқ ости қилмаслик зарурлиги ўқтирилади. Дастурхон теварагида тўплланганда нонни оила бошлиғи ушатган. Илгарилари ҳатто нонга қасамёд қилганлар.

Миллий таомлар ниҳоятда бой ва ранг-баранг, уларнинг асосини гўшт ташкил қиласди. Ўзбеклар қадимдан қўй гўштини кўпроқ истеъмол қилиб келганлар, айрим жойларда (Хоразм) асосан мол гўшти, қисман от гўштини (Тошкент воҳасида қази ва бешбармоқ пиширганда) истеъмол қилиш одат бўлган. Хоразмликларда парранда гўшти ва балиқдан таомлар пиширилган.

Мол сўйиш, гўшт чопиш билан маҳсус кишилар — қассоблар шуғулланган. Ўзбекларда «Чумчуқ сўйса ҳам қассоб сўйсин», деган мақол бежиз айтилмаган. Озиқовқат касбидаги ҳунармандлар ичida энг кўпи ҳам қассоблар бўлган. Қассобларнинг дўйонлари барча катта-кичик бозорларнинг маҳсус расталарида, ҳар бир қишлоқ ва маҳаллаларда харидорларга яқин ерда

жойлашган. Илгари нафақат қишлоқларда, балки шаҳарлардаги кўп хўжаликларда ҳам маҳсус молхона бўлиб, унда доимо шароитига қараб бир неча қўй ва мол сақланган. Шаҳарларда маҳсус хашак бозорлари бўлган.

Албатта оила қанча бой бўлса, унинг қўй-моли кўп бўлган. Камбағал оилалар, корандা ва мардикорлар гўштли овқатни кам истеъмол қилганлар. Халқ ижоди ва бошқа тарихий манбаларга қараганда айрим қашшоқ оилалар ҳафталаб гўшт истеъмол қилмаганлар. Аммо асрлар давомида шаклланиб келган чорвадор хўжаликларнинг мавжудлиги ўзбекларда гўшт маҳсулотларининг қадимдан мўл-кўл бўлганлигидан дарак беради. Шунинг учун эски одат бўйича ҳурматли меҳмон келганда қўй сўйиш қадимдан сақланиб келган. Шу асосда ҳар бир оила имкони борича бир неча қўй сақлашни одат қилган.

Оилавий-маиший турмушдаги анъаналарга биноан тўй-маъракаларда қўй-қўчкор ҳадя қилиш асрий одатлардан ҳисобланади. Афсуски, ижтимоий мулкни ўрнатиш сиёсати ўзбек таомларининг энг асосий таркиби ҳисобланган гўштни оилаларда етказиш одатидан маҳрум қилди. Оқибатда ҳозиргача гўшт ва гўшт маҳсулотларини аҳолига етказиш муҳим муаммо бўлиб келмоқда. Республика мустақилликка эришиши билан мазкур ижобий анъаналаримиз қайта тикланишига имконият туғилди.

Ҳозиргача эски одат бўйича маҳаллаларда, айниқса яйловларда ва қишлоқларда янги сўйилган гўштни истеъмол қилишни афзал кўрадилар. Шунинг учун хўжаликларда мол сақлабгина қолмай, бир неча юила биррикеб, вақт-вақти билан бозордан қўй-мол сотиб олиб, сўйиб, бўлишиб олиш одати ҳам сақланган. Илгари сониткичлар бўлмаганлиги туфайли маҳаллий аҳоли гўштни сақлаш усулларини билган. Янги гўшт бузилмаслиги учун уни мол ёғи ёки сариёғда қовуриб, маҳсус идишларда, сопол идиш ва хумларда сақлаганлар. Илгари айниқса ярим кўчманчи бўлган ўзбекларда узоқ сақлашга мўлжалланган қовурдоқдан ташқари қази-қарта, қурт каби таомлар аҳоли орасида кенг тарқалган. Қовурдоқни қуюқ ва суюқ таомларга қўшиб истеъмол қилиш мумкин бўлган.

Қази-қарталар от гўштидан маҳсус усулда зўр маҳорат билан тайёрланади. Масалан, қази тайёрлаш

учун семиз от гўштининг маълум қисмлари: ёғли қисми, гўсти, қартаси, биқинининг бесуяқ қисмлари ва сонининг юмшоқ жойлари ишлатилади. Қазига (ва умуман истеъмолга) ҳар қандай от ҳам яроқли бўла-вермайди. Сўйиладиган от ёш бўлиши ҳамда маълум вақтгача ишлатилмай боқилиб туриши зарур. Қази от гўштини тилишлаб тоғорага солиб туз, мурч ва зира билан мижғилаб, кейин махсус тайёрланган от ичагига бир ёғ, бир гўшт қилиб тўлдириб тайёрланади. Уни яхна ҳолда иссиғида ейиш мумкин. У палов, норин каби овқатларга қўшиб ҳам истеъмол қилинади. Қази жуда кучли овқат бўлганлигидан уни асосан куз, қиши фаслларида ейиш тавсия қилинади.

Қадимги чорвадор ўзбекларда меҳмон келганда қўй сўйилса дастлаб унга гўсти, жигар, ўпка-буйракларидан озроқ ёғда (жизза билан) қовуриб берадилар. Кейин шўрва осилиб, гўсти айrim лаганда дастурхонга тортилади. Жанубий Ўзбекистонда Даشت қипчоқ ўзбекларининг бир қисмида ҳозиргача меҳмонга қўйнинг калласи, оёқ ва ичак-чавоқларини пишириб олдига қўядилар. Уларда «тандир барра», «яхна барра», «барра гўшт», «кўмма қорин», «ҳасип» каби қадимий таомлар ҳам меҳмон олдига тортилган. Айниқса, ҳасип турлари кўп бўлган ва у ҳозиргача Ўзбекистоннинг жанубида ва Тошкент аҳолиси орасида энг севимли таомлар қаторига киради. Ҳасип қўй ва молнинг ёғли ичагини илиқ сувда яхшигина тозалаб, ичига лаҳм қўй ёки мол гўштига қора жигар, буйрак, бир парча ўпка ва думба билан майдалаб, тўғралган пиёз ва зираворлар ҳамда гуруч ёки оқшоқ аралашмасидан мижғиб, қийма қилиб қозонда пиширилади. У пишгач қозондан олиб сувитилади ва паррак-паррак қилиб кесилиб, яхна таом сифатида дастурхонга тортилади. Ҳасипни иссиғида ҳам истеъмол қилиш мумкин, унинг шўрваси ҳам иссиқ овқат сифатида пиёз билан косаларда тортилади. Қўй ичагига яхшилаб ийланган тухум билан пиширилган гуручни солиб «тухум ҳасипи», махсус усуlda тайёрланган «димлама ҳасип», ивтилган гуруч билан қора жигар аралашмасидан пиширилган «гуруч ҳасип»лар ҳозиргача севимли таомларга киради.

Тўқайлар, шоликор ва бугдойзор ерлар кўп бўлган пайтларда ўзбек элида турли паррандалар, қуш ва ҳайвонлар ҳам жуда кўп бўлган. Уша пайтларда овчилик ҳам хўжаликка озуқа етказиб, қўшимча даромад

келтирган. Айниқса катта дарё ва кўл соҳилларида, тоғли ва тўқайли жойларда ёввойи ўрдак, чурак, каптар, қарқара, қашқолдоқ, туствуқ (қирғовул), каклик, чил бедана каби парранда гўшидан турли таомлар, қуён, тоғ эчкиси, архар, жайрон, сайғоқ каби илвасинлардан ҳам қайнатма ва қовурма таомлар пиширганлар. Дарё ва кўл бўйида яшовчи аҳоли, айниқса хоразмликлар жуда ҳам балиқхўр бўлган. Хоразм бозорларида махсус балиқ пиширувчи пазандалар катта қозонларда балиқ қовуриб, харид қилгандар. Бу ерда бакра, лаққа, севрюга каби балиқ турларидан сихда кабоб ҳам пиширганлар. Тоғлиқ ўзбеклар каклик кабоби, водийда бедана кабоби пиширишга уста бўлгандар.

Умуман ўзбеклар қадимдан турли хилда кабоб пиширишни билгандар. Масалан, ҳозиргача қозон кабоб, сих кабоб, қийма кабоб, чўпон кабоб, ҳасип кабоб, буғлама кабоб, тандир кабоб, чарви кабоб, жигар кабоб кабилар халқ орасидаги миллый таомлар ҳисобланади. Гўштлик овқатлардан яна ҳар хил қовурма таомлар ҳам кенг тарқалган. Айниқса турли сабзавот билан пишириладиган дармон қовурма, каклик қовурма, бедана қовурма, қовурма гўшт, қовурма жигар, тухум қовурма, шолғом қовурма, гўштнут, бийрон турлари ўзбек таомларининг нақадар бой эканлигидан дарак беради.

Суюқ овқатларнинг ҳам турлари жуда кўп бўлган. Ўзбекларда суюқ таомлар жазлаб ёки жазланмай пиширилади. Буларни асли гўшт, суяқ, айрим жойларда (Хоразм ва Қорақалпоғистонда) балиқ шўрваеидан, баъзан фақат сабзавотнинг ўзидан ҳам пиширадилар. Суюқ ошга баъзан гўшти қуюқ таомлар тайёрлашдан қолган шўрвалар ҳам ишлатилиди. Миллый суюқ овқат тайёрлашда пиёз, сабзи, шолғом, ош қовоқ (кади), кейинги пайтларда картошка, помидор, карам, булғор қалампири, бақлажон кабилардан фойдаланилди. Булардан ташқари, суюқ овқат гуруч, мош, ловия, нўхат, маккажӯхори, оқ жӯхори каби донлардан, буғдой ва жӯхори уни хамиридан, яқиндан бери макарон, вермишель, рожки кабилардан пиширилади. Ўзбеклар тайёрлайдиган суюқ ошларният аксарияти қўшни туркман, қозоқ ва қирғизлардагидек оддий қуруқ гўштдан пиширилган шўрвадан фарқ қилиб, хилма-хил масаллиғни бир-бирига аралаштириб ош-кўклар, дориворлар қў-

шиб хушхўр қилиб пиширилади. Сутли суюқ овқатлардан ташқари ҳамма суюқ ошларда, айниқса Фарғона водийсида, асосан бутун ёки туйилган қизил қалампир ва мурч, зарчава, зира, зирк каби зираворлар, ош-кўклардан кашнич, райҳон, жамбул ишлатилади, кейинги вақтларда шивит, дафна япроғи (лавр), петрушка, томат кабилар ишлатилмоқда.

Ўзбекларнинг энг севимли суюқ ошларидан ҳар хил шўрва ва мастава бутун Ўрта Осиёда жуда кенг тарқалган. Айниқса қўй гўштидан серпиёзли, арчилган сабзи, тўғралган помидор ҳамда картошка солиб пиширилган қайнатма шўрва тўй-маъракаларда, меҳмон келганда кўпроқ пиширилади. Масаллиғи анча бой, аммо гуруч солиб жазли ёки жазсиз қилиб тайёрланадиган маставани жуда севиб истеъмол қиласидилар. Мастава тайёрлаш палов пишириш усулига ўшаганилиги учун бу таомни ўзбеклар «суюқ палов» ёки «суюқ ош» деб ҳам атайдилар. Анъанавий суюқ таомлардан жазсиз пишириладиган нўхат шўрва, шолғом шўрва, калла шўрва, дармон шўрва, кифта шўрва, чучвара шўрва, пўстдумба шўрва, чумчуқ шўрва, товуқ шўрва ва ҳоказолар; жазли суюқ ошлардан қовурма шўрва, думбул шўрва, мастава, пиёва, угра, манчиза, мошхўрда, умоч оши, гўжа, ёрма, ловия оши кабилар миллий таомлар нақадар бой ва лаззатли эканлигини исботлади.

Ҳозир унutilган, аммо илгари камбағалнинг асосий таоми ҳисобланган «гўжа оши», «атала», «умоч», «қорақурум» ва «пиёва»лар масаллиғи нисбатан камчилик бўлганлиги туфайли «камбағалнинг овқати» деб ном олган. Бундай суюқ овқатлар қаторига «қатиқли гўжа оши», «ширхўрда», «ширқовоқ», сигирнинг ийинди сутидан тайёрланадиган «ўғиз оши» ёки сузма, қурт ва сариёф қўшиб пишириладиган «қўртоба» каби овқатларни киритиш мумкин.

Ўзбек суюқ овқатларининг турлари кейинги даврда бошқа халқларнинг таомлари ҳисобига яна ҳам бойиди. Славян халқларидан ўрганилган бир неча хил карамали шўрвалар (борщч, шчи), булғор қалампир ёки карам билан пишириладиган «дўлмали шўрва», грузинча саримсоқли қайнатма маставага ўхшаш харчо, қозоқча бешбармоқ, уйғурча лағмон, шима ва манти, кулчатоӣ, макарон шўрва, вермишель шўрва, помидор шўрва, сўк

оши кабилар миллий ўзбек таомларининг ҳозирги ассортиментига тўла кирган.

Суюқ ошлар ичидаги сутли ва қатиқли таомлар ҳам диққатга сазовордир. Масалан, суюқ овқатлардан ширхўрда, ширқовок, сутли ўпка оши, угра оши, сўк оши, буғдой оши, ўғиз оши, думбул, сутли атала ва мошхўрда. Кўп таомлар қатиқ билан истеъмол қилинади, шулардан қатиқли хўрда, гўжа оши, мошхўрда, шолром хўрда, чалоп, шопирма қоқурум, сиқмон илгаридан истеъмол қилиб келинган. Сут маҳсулотларидан ҳозиргача кенг тарқалган қаймоқ, сариёф, маскаёф, қурт, сузма, широбча, айрон, қимиз кабилар чорвачилиқ хўжалигининг ривожланганини туфайли миллий таомларининг турларини бойитиб келган.

Қадимий дәхқончилик билан шуғулланиб келган ўзбеклар орасида хамир таомлар алоҳида ўринни эгалайди. Узоқ даврлардан бери Хитой билан алоқалари кучли бўлган ўзбекларнинг миллий таомини анча бойитган хитойча хамир овқатлардан манти ва лағмон бутун Ўрта Осиёда энг севимли овқатлардан бўлиб қолди. Асли манти сўзи хитойча (ман — хамир, ту — юмалоқ) «юмалоқ хамир» дегани, лағмон сўзи «узун хамир» деб таржима қилинади. Хамир нафис қилиб ёйилиб, угра кесилади ва шўр сувда пишириб, олиниб, икки-уч марта совуқ сувда чайқалади. Алоҳида қозонда гўшт, турп, сабзи, лавлаги ва карам қовурилиб қайла тайёрланади. Лағмон қайла тайёр бўлгач, угра иссиқ сувга бир чайиб олиниб, лаганга ёки косага бир қават қайла, бир қават угра солиб дастурхонга тортилади. Чўзма лағмон қатлаб бир оз чўзилиб ёғ билан пиширилади. Узбекларда манти турлари бир неча: гўшт қиймаси ва пиёз билан бир бўлакча думба солиб мантиқозонда димлаб пишириладиган оддий манти, каваток манти, қовурма манти, ошқовоқ манти, палов манти, тухум қўшиб тайёрланадиган сув манти, картошка манти. Чучваранинг ҳам турлари хйлма-хил; анъанавий қийма ва пиёздан пишириладиган чучварадан ташқари кўк чучвара, Бухоро ва Хоразмча пишириладиган тухум (юмурта) барак севимли овқатлардан. Манти сингари таомлар ичидаги кенг тарқалган сомса ҳам севимли овқатлардан. У ҳам бир неча турли: гўшти сомса, қовоқ сомса, кўк сомса ва ҳоказо. Тандир сомса ҳам энг мазали овқатлардан бири.

Хоразмда севиб истеъмол қилинадиган варақа шаклидаги хамирга гўшт, пиёз қўшиб тайёрланадиган гўм-

ма, ушоқ барак, гўкгўмма, қайиш курдик, жугари курдик каби хамир таомлар мавжуд. Ўзига хос хамир овқатлардан шивит оши, чўп оши (тўппа), ун (угра) оши кабилар енгил таомлардан. Қайиш ош, кулчатой (шилпилдоқ), норин, «хўқиз тили», хунон каби таомлар ҳам ўзбек таомларининг бойлигидан дарак беради.

Ўзбек қуюқ овқатларини асли қўйидаги гуруҳларга бўлиш мумкин: жазлаб пишириладиган (палов ва шавлалар), қовуриб пишириладиган (қовурмалар, кабоблар, қисман Фарғона водийсида ва Тошкентда пишириладиган паловлар), буғлаб тайёрланадиган (манти, хунон, ажабсанда, кабоб ва ҳоказолар), димлаб пишириладиган (димлама, ошқовоқ, димлама балиқ, қозон кабоб) ва ҳоказо.

Ўзбек таомларининг энг олийси, шоҳи палов ҳисобланади. Ҳеч бир тўй-томоша, меҳмондорчилик паловсиз бўлмайди. Палов қуюқ таомларга киради. Палов ҳар бир вилоятда, баъзан айрим туманларда ўзига хос услубда тайёрланади. Масалан, Андижон паловидан Самирқандда пишириладиган палов фарқ қиласди. Тошкентники ёки Фарғонанини Бухоро ёки Хоразмниги қараганда ўзгача қилиб тайёрланади. Ёнма-ён иккита туман — Хива билан Хонқа паловлари бир-бирига ўхшамайди. Паловлар асосан пиширилиш усулининг хилмакиллиги ва ишлатиладиган масаллифининг тури ва ҳажмига, тайёр бўлган таомнинг кўриниши ва мазаси (таъми)га қараб ўзаро фарқ қиласди. Шундай бўлса-да, барча турдаги паловларни пиширишда умумий қоида ва муҳим уч шарт мавжуд: а) ёғ доғлаш; б) зирвакни пишириш; г) гуруч солиш. Шулардан энг муҳими зирвакни пишириш, яъни гўштни сабзи-пиёзга қўшиб қовуришdir. Олов ёқиш ва сув меъёрини билиш ҳам муҳимдир. Азалдан шоликор ҳисобланган Наманган, Андижон, Тошкент шаҳарлари атрофларидағи, Амударё, Сирдарё ва Зарафшон бўйларидаги туманларда палов пиширишнинг юзлаб усуллари ва хиллари мавжуд бўлган. Шулардан энг қадимийси «софаки палов», «ошқовоқ палов», «тўнтарма палов», «сузма палов»лардир. Шу билан бирга, ўзбекларда йил фаслига қараб ҳам айрим паловлар фарқланади. Масалан, айрим маълумотларга қараганда, қиши фаслида «пўстдумба палов», «қази палов»ларни, ёз ва баҳорда «коваток палов», «саримсоқ палов»ларни, кузда эса «беҳи палов», «ошқовоқ палов» кабиларни кўпроқ пишириш одат бўлган.

Машҳур фарғонача палов (қовурма палов) қўйида-
гича тайёрланади: асосан қўй ёғи, бўлмаса омиҳта ёғлар
(пахта, зифир, кунжут, кунгабоқар мойлари) ёки сариёғ
(от, мол, эчки ва бошқа ҳайвон ёғлари ишлатилмайди)
доғланниб, бир бўлак суяқ ёғда қовуриб олиниб лўнда-
лўнда тўғралган гўшт қозонга солинади. Гўшт яхши қо-
вурилгач паррак қилиб тўғралган пиёзни ташлаб, уни
қизғиши рангга киргунча пишириб, устига «шодибоғи»
қилиб тўғралган сабзи солиниб, жигар ранг бўлгунча
қорилиб қовурилади ва унга сув солинади. Қайнатилган
зирвакка ҳар хил зираворлар ва қизил қалампир солиб
бир оз пиширилгач, тозаланган гуруч ювилиб қозонга
бир текис қилиб солинади, кейин устига меъёрига қараб
сув қўйилади. Гуруч сувни тортмасдан ошнинг тузи рост-
ланиб, суви тортилгандан сўнг капкир билан ағдариб
ўртаси ўйилиб, бир неча ерига таёқча суқилиб, бир оз
буғлангач ош дамга қўйилади. Дамлаш жараёни гуруч-
нинг миқдорига ва сифатига қараб ярим соатгача давом
этади. Энг муҳими сув миқдорини ва оловни ёқиш дара-
жасини билиш зарур. Олов ёғ доғланганда ўртача, зир-
вак қовурганда баланд, зирвакка сув қўйганда паст,
гуруч солиниб сув қўйилганда яна баланд бўлиб, дамга
қўйганда олов тўхтатилиб бир оз чўғ қолдирилади. Па-
лов тайёр бўлгач, уни яхшилаб аралаштириб катта чин-
ни ёки сопол лаганга уйиб сузилади, устига суякли
гўштлар жойлаштирилиб, дастурхонга тортилади.

Ивитма ва пўстдумба паловлар ҳам фарғонача ус-
лубда қовурилиб пиширилади. Аммо ивитма ошга сув
камроқ солинади. Бухоро ва Хоразмда тайёрланадиган
майиз палов пиёз ва сабзиси кўп қовурилмасдан бир-икки
марта айлантириб, устидан сув қўйиб қайнатилади.
Зирваки тайёр бўлгач оқ ёки қора майизнинг чўпини
териб, илиқ сувда яхшилаб ювиб қозонга солинади. Гу-
руч ҳам илиқ сувда туз қўшиб ювилгач текис қилиб қо-
зонга солинади. Сув «қовурма паловга» нисбатан
камроқ солинади. Шу тарзда баҳор ва илк ёзда пишири-
ладиган коваток палов тайёрланади. Ток оши «қовурма
палов» усулида тайёрланиб пишгач, яхшилаб аралаш-
тирилади ва лаганга уйиб сузилади, коваток сузилган па-
ловнинг бетига қўйилиб дастурхонга тортилади. Хоразм-
да сариёғга товуқ гўшти билан димлама тарзида, яъни
сабзи-пиёзни қовурмасдан қайнатиб гуруч солиб пиши-
риладиган Хива палови севимли таомлардан биридир.
Худди шу тарзда тустворуқ (сулгин) ва бедана палови

пиширилган. Хоразмда қўй ёки молнинг қорни ҳамда йўғон ичаги солиб пишириладиган «қорин палов» ўзига хос мазали таомлардан ҳисобланади.

Турли туманларда тайёрланадиган қази палов, беҳили палов, самарқандча софаки палов, тўғрама палов, қийма палов, хоразмча сузма палов, зарча палов, тўнтарма палов ва ҳоказолар ўзига хос таъми ва мазаси билан ўзаро ажралиб туради. Ҳатто катта қозонларда дамланаидиган тўй паловлари ҳам ҳар бир вилоятда турлича пиширилади.

Ўзбек таомлари ичида паловдан кейин энг кўп тарқилган ва севимли овқат шовла ва ҳар хил бўтқалардир. Шовла ҳатто паловнинг укаси деб ҳам айтилади. Унинг пишириш усули ва масаллиғи (асосан ҳажмини эътиборга олмагандга) паловга тўғри келади. Шовла пишириш учун гўшт лўнда-лўнда қилиб кесилади, сабзи сомонга ўхшаб майда тўғралади, пиёс эса паррак қилиб тўғралади. Барча масаллиғ палов пиширгандек қовурилади ёки димланади, нисбатан кўпроқ сув қўйиб, туз ва зираворлар солиб бир оз қайнатилади. Зирвак таъми ростлангандан кейин ювиб тайёрланган гуруч солинади ва тез-тез кавлаб пиширилади. Таом суви тортилиб тайёр бўлгач уни оловдан олиб қопқоғи (тубоғи) ёпилган ҳолда дамга қўйилади. Сўнгра қозон очилиб лаганга ёйиб текис қилиб сузилади ва дастурхонга тортилади. Шовла ҳам унга солинадиган масаллиғи ва пишириш усулига қараб бир неча турга эга: қовурма шовла, ичак шовла, ловия шовла, ўрикли (турщакли) шовла ва ҳоказо.

Қадимий ўзбек таомларидан қуюқ овқатларга кирадиган мошкичири ҳам севиб истеъмол қилинади. Лўнда гўшт, сабзи-пиёс аралаш ёғда қовурилган жазга сув қўйиб, ювилган мошни солиб очилгунча паст оловда қайнатилади, кейин туз, зираворлар билан тайёрланган гуруч солинади. Моши яхши очилиб, гуручи пишгач, бир оз дам едириб лаганга ёки косаларга сузилади. Шу тарзда қиймали мошкичири пиширилади. Гўштсиз ва сабзисиз тайёрланадиган қатиқли мошкичири ҳам ўзига хос таомлардан.

Узоқ даврлардан бери шаҳар ва қишлоқ аҳолиси орасида турли хилдаги бўтқалар вақт ва имкониятга қараб тайёрланадиган кундалик овқатларга киради. Шулардан кўпчилиги ҳозиргача сақланган: ҳалим, гўжа бўтқа, сўк бўтқа, мохора, мошхўрда, нўхат хўрак, сут

били пишириладиган ширгуруч, кади гуруч, хоразмча қайлали гуруч (сут гуруч).

Ўзбек дастурхони меҳмонга очилганда доимо бой ва ранг-баранг бўлиши шарт. Унда ҳар хил яхна таомлар, қаймоқ, турли мева-чевалар, мураббо ва бошқа ширинликлар, қовун-тарвузлар ва албатта иссиқ нон ҳамда патир бўлади. Дастурхонга тортиладиган яхна овқатлардан қази, норин, яхна гўшт, ҳар хил барра, кўмма қорин, ҳасип турлари, сутли ўпка, товуқ гўсти, пўстдумба ўрамаси, думба-жигар, сузма, пишлок, баъзи консервали таомлар ва ширинликлардир. Ўзбек дастурхони даставвал турли ширинлик ва қандолатлар билан ажойиб қилиб безатилади. Ҳар хил мурабболар, қиём, шинни, новвот, ҳолва, қанд, байрамларда нишолда, ҳолвайтар, Наврӯзда сумалак ва ҳозирги даврда яратилган турли конфет ва бошқа ширинликлар дастурхонни беҳайди. Булардан ташқари ёзда барчаб ҳилдаги тоза мева-чевалар (узум, олма, шафтоли, анжир, хурмо, нок ва ҳоказолар) ва қуритилган мевалар (туршак, писта бодом, жийда, қовун қоқи, ёнғоқ кабилар) ҳам дастурхоннинг безаги бўлган.

Ўзбекча ширинлик ва қандолатларнинг хили ниҳоятда кўп. Маҳаллий қандолатчи усталар бир вақтлар тайёрлаган «Шарқ ширинликлари» дунёга машҳур бўлган. Ўзбек пазандачилигига зўр маҳорат билан маҳсус усталар томонидан пишириладиган ажойиб қандолатлардан «оби новвот», «парварда», «печак қанд», пашмак», «лавз ҳолва», «кунжутли ҳолва», «писта-бодом ҳолва», «тахин ҳолва», «бодроқ ҳолва» кабилар энг қадимий ширинликлар ҳисобланади. Қандолатчилар мазкур маҳсулотларни тайёрлашда «букман», «гулқанд», «ёнтоқ қиёми» каби қадимий рецептлардан фойдаланиб келмоқдалар. Масалан, қиём тайёрлаш учун қандолатчи асосий хом ашё сифатида қанд (шакар) нигина эмас, балки мева ва айрим ўсимликлардаги ширани ҳам ишлата билган. Бундай муҳим хом ашёлардан бири Ўрта Осиёда жуда кўп учрайдиган янтоқдир. Ёзниг иссиқ кунларида янтоқнинг барг ва пояларида сарғиш тусли ёпишқоқ суюқлик пайдо бўлади, кечқурун ҳавонинг ҳарорати пасайгач, ўша модда қотиб кўкнор уруғига ўхшаш доначаларга айланиб қолади. Ана шу «янтоқ қанди»ни тўплаш учун тупининг тагига дастурхон ёки рўмолча ёзилиб, шохларига калтакча билан урилади, шунда барг ва пояларда қотиб қолган «янтоқ қанди» доначалари осонгина тўки-

лади. Қиём тайёрлашдан олдин у аралашиб қолган барг ва шохчалардан әлаб тозаланади. Бу ишларнинг ҳаммаси августнинг охири — сентябрнинг бошларида эрта саҳарда, асосан ҳаво ҳарорати бир оз пасайган пайтда бажарилади. Янтоқ қиёми ҳам эрталаб, яъни янтоқ қанд тўплагандан сўнг қайнатилади, акс ҳолда доначалари эриб буғланиб кетиши мумкин. Шуниси ҳам муҳимки, қандолатчиларнинг таърифича, янтоқ қанди шифобахш хусусиятга эга. «Букман» ҳам шундай фазилатли. У кузда соғилган қўй ёки эчки сутига новвот толқони аралаштириб тайёрланади. Маълумки, куз фаслида ўтлар яхши пишган бўлади ва бу пайтдаги сут, айниқса эчки сути фоят шифобахш бўлади. Шунинг учун букмани ёш болаларга едириш тавсия қилинади. Ёнғоқ ва майиздан тайёрланадиган «янчмиш ҳолва» калорияли ширинлик бўлиб, ўзига хос лаззатли, чой билан истеъмол қилинади. «Гулқанд» эса атиргул япроқларига шақар сепиб офтобда тайёрланадиган ширинлик бўлиб, унинг таркибида эфир мойлари, глюкоза, қанд ва бошқа фойдали моддалар мавжуд.

Қадимий дәҳқончилик билан шуғулланиб келган ўтроқ ўзбеклар ниҳоятда бой ва хилма-хил мурабболар тайёрлашни билганлар. Мураббони барча данакли ва уруғли мевалардан, полиз экинлари маҳсулотларидан ўзига хос усулда пиширгандар. Яхши мураббо тайёрлаш учун аввало қиёмни қандай пиширишин аниқлаб олиш зарур. Қиёмни ликопчага томизиб кўриш ўйли билан, қиёмнинг кўпигига ёки пишириладиган меванинг ранги тиниқлигига қараб бир томчи қиёмни совуқ сувли пиёлага томизиб кўриш орқали унинг пишган ёки пишмаганлиги аниқланган. Ўзбек элида боғдорчилик ва узумчилик ривожланганлиги туфайли ҳар хил мева турларидан мурабболар пиширилган. Масалан, анжир, олча ва олхўридан, беҳи, ўриқ, олма, нок, шафтоли ва узумдан, гирос ва ёнғоқдан, полиз экинларидан қовун ва тарвуздан ўзига хос хушбўй ва муаттар ҳидли мурабболар тайёрлаш санъати ҳозиргача сақланган. Қулупнай, лимон, апельсин, мандарин, ҳатто помидордан ҳам мураббо тайёрлаш одати кейинги даврларда пайдо бўлди.

Мурабболардан ташқари меваси озроқ, суви кўпроқ, бир қайнатишида пишириладиган, аммо узоқ сақланмайдиган турли мева ва сабзавотлардан қиём ҳам тайёрланган. Албатта, бундай ширинлик мураббо тайёрлаш учун ишлатиладиган «қиём»дан фарқ қиласи.

дан тоғлиқ ва чўл туманларда пишириладиган ровоч ва янтоқ қиёми, кўп жойларда тайёрланадиган сабзи қиёми, гул қиёми, ош қовоқ қиёми, ғўра (довучча) қиёми, тоголча қиёми ҳам ўзбек таомларининг нақадар бой эканлигидан далолат беради. Шу маънода ҳар хил меваларни қайнатиб пишириш, жумладан узум, тут, қовунтарвузлардан пишириладиган шиннилар ҳам, маҳаллий мева ва экинлардан тайёрланадиган қувватижон, бол қаймоқ, бодроқ, толқон, майиз билан нўхат ҳам ўзбек дастурхонининг безагидир.

Озиқ-овқат маҳсулотлари орасида ўзбекларда мева, сабзавот ва резаворлар қадимдан алоҳида ўринни эгаллайди. Тадқиқотларга қараганда, ўзбек таомларининг 40—50 фоизини фақат сабзавотларнинг ўзигина ташкил қиласди. Демак, маҳаллий озиқ-овқат минтақаси инсон учун зарур бўлган моддаларни ўзида мужассамлаштирган. Айниқса ёз фаслида ўзбек таомларидан ҳар хил данакли мевалар (шафтоли, хурмо, ўрик (зардоли), олхўри (қораоли), олча, уруғли мевалар (олма, нок, беҳи), субтропик мевалар (анжир, анор, жийда), қовунтарвуз кўп истеъмол қилинади. Қиш ва баҳор фаслларида ҳар хил қуруқ мевалар (майиз, тут қоқи, қоқ ўрик) озиқ-овқат ассортиментига кирган.

Анъянавий ичимликлардан чой ҳозир ҳам жуда кенг тарқалган. Фарғона ва Зарафшон водийлари, Қашқадарё, Сурхондарё ва Хоразм ўзбеклари кўк чойни яхши кўрадилар, қора чой асосан Тошкент воҳасида кўпроқ истеъмол қилинади. Айрим жойларда қиш пайтларида нонуштага сут солиб дамланган шир чой ёки оқ чой, баъзи ерларда мурч чой, асалли чой, олма чой ҳам дамлаб ичилади.

Илгари ярим кўчманчи ўзбекларда тариқдан кайф оширадиган бўза номли ичимлик тайёрланган. Кўп жойларда, айниқса узум сероб жойларда узоқ даврлардан мусаллас ичимлиги (виноси) маълум. Ўзбекларнинг қадимий аждодлари узумдан қилинган кайф оширадиган ичимликлар тайёрлаб, истеъмол қилганликлари тўғрисида археологик ва ёзма манбаларда таъкидланади. Эрамиздан аввалги II асрда Фарғонада вино ичилганлиги тўғрисида Хитой ёзувларида маълумот бор. Тўрли манбаларда хабар берилишича, илгари ўзбек элида подшо ва ҳокимларнинг сарой даврасида зодагонлар орасида ҳар хил маст қиласидиган ичимликлар кўп истеъмол қилинган, халқ оммаси ичида ҳар хил машавандлик

(бангилик) кенг тарқалган. Махсус сув солиб устига чўғ қўйиб чекадиган чилимда тамаки, баъзан наша солиб чекиш, кўкнори ивитиб ичиш, носвой отиш каби одатлар узоқ даврлардан маълум бўлган. Улар аҳолининг айрим қисмида ҳозиргача сақланган.

Бошка ичимликлардан яхна чой, қатиқ ёки сузмага сув қўшиб тайёрланадиган айрон, турли мева-чевалардан—ўрик, туршак, олча, тоғолча, шафтоли, олма ва нок қоқидан сувда қайнатиб ҳосил бўлган ичимликлар, ҳар хил шарбатлар (анор шарбати, гул шарбати, ғўра шарбати, олча шарбати, жийда шарбати ва ҳоказо) ҳозирги ўзбек озиқ-овқатларининг таркиби ҳисобланади.

Хилма-хил таомлар ва ичимликларни тайёрлашда ва уларни истеъмол қилишда ишлатиладиган идишларнинг ҳам хиллари кўп бўлиши табиийдир. Иссиқ суюқ таомлар илгари ҳам, ҳозир ҳам катта-кичик қозонларда (чўян, мис, тошдан, ҳатто мармардан, ҳозир алюминий ва никелдан) тайёрланиб, сопол, ёғоч, чиннидан ясалган ҳар хил лаган, товоқ, ликопчаларга сузилиб тортилган. Ёғоч қошиқ ва чўмичлар илгаридан ишлатилиб келинган. Эндиликда ҳар хил металлдан ясалган қошиқ, вилка ва пичноқлар, идиш-товоқлар, рюмка ва бошқалар, катта-кичик ликопчалар ҳар бир оилада мавжуд. Ўзбек оиласарининг кўпчилиги чойнак-пиёлаларнинг хилма-хилларига эга. Уларда қасқон, кўза, хум, ҳар хил пичноқлар, капкир ва бошқа ошхона буюмлари доимо етарли бўлган. Ҳозир барча шаҳар ва қишлоқларда фабрика-заводларда ясалган хилма-хил идиш-товоқлар мавжуд. Аммо анъанавий таомларни, айниқса қуюқ овқатларни, даставвал паловни чинни ёки сопол лаганларга сузиш одати ҳозиргача сақланган. Хамир таомларни тайёрлашда элак, тоғора, супра, ўқлов, кува ва бошқа буюмлар ҳар бир оилада ҳозир ҳам бор.

Ўзбекистоннинг табиий-иқлим шароити ва аҳолининг турмуш тарзи муайян овқатланици тартибини шакллантирган. Узоқ давр давомида одат бўлиб келган тартибга биноан энг тўйимли овқатлар асосан кечки пайтда, оила аъзолари тўла тўйлангандан кейин истеъмол қилинган. Эрталабки нонушта ҳам одатда оила билан бирга ўтказилган. Кўпчилик оиласарда нон, чой, қаймоқ, сут, қанд, шакар, ёз пайтларида узум ва бошқа мевалар истеъмол қилинган. Тушки овқатда асосан чой, нон, ёзда қовунтарвуз ва мева-чевалар ёки енгил таомлар билан чекланганлар. Ҳозирги пайтда ишда (хизматда)ги одамлар

ошхоналар ёки кафеларда иссиқ овқат ейдилар. Аммо меҳмон бор уйларда кундузига, баъзан нонуштага ҳам суюқ ва бошқа иссиқ таомлар тайёрланади, кечки овқатга эса қуюқ зиёфат берилади.

Таомларни уйда аёллар пиширади, катта тўй-маъракаларда эркаклар тайёрлайди. Ҳар бир ўзбек палов пиширишни билади, бу ишда зўр маҳоратли кишилар алоҳида ҳурматга сазовордир. Оила овқатланганда дастурхон ўртага (баъзан хонтахтага) ёйлади, чойнак ва пиёла одам сонига қараб қўйилади. Юқорида қайд қилинганидек, суюқ овқатлар илгари бир тоғорада умумий қилиб, кейинчалик косада ҳар кимга айрим сузилган. Қуюқ овқатлар бир ёки икки лагандада умумий қилиб тортилади. Палов ва шовла, баъзан қовурдоқ ва бошқа қуюқ таомлар ҳам айрим оиласларда қошиқ билан ейилади. Овқат ейишдан олдин ва кейин қўлни ювиш одат бўлган.

Овқатланиш тартибида ўзига хос хусусиятлардан бири таомларнинг иссиқлик ва совуқликка бўлинишидир. Бундай тартиб қадимий даврлардан сақланиб, кишиларнинг мижози (темпераменти)га қараб фарқланган. Одатда одамлар бунга кўп эътибор бермаган, аммо киши касал бўлган пайтларда парҳез сақлаш мақсадида таомлар мазкур икки хилга бўлинган. Айрим маълумотларга қараганда, совуқ, фамгин мижозли кишиларга қиздирадиган, ҳароратли таомлар, серғайрат, қизиқон одамларга, аксинча, совитадиган овқат истеъмол қилиш маъқул деб ҳисобланади. Барча ширинликлар «иссиқлик» келтирадиган таомлардир. Халқ табобатига биноан қўй ва от ёғи, ёнғоқ ёғи, донлардан кузги буғдой, мош, маккажӯҳори, сабзавотлардан ошқовоқ, сабзи, лавлаги, мевалардан нок, анор, узум ва қовун «иссиқлик» озуқаларга кирса, мол ва ўсимлик ёғи, ёзги буғдой, оқ жўҳори, турп, пиёз, шафтоли, олма, ўрик кабилар «совуқлик» келтирадиган озиқ-овқатлардан ҳисобланади. Сут маҳсулотларининг деярли ҳаммаси, мол ёғидан тайёрланган маҳсулотлар «иссиқлик» таомларига киргизилган. Мазкур тақсимлаш шунча муҳим бўлганки, ҳатто аёллар тўй ёки маъракага бориладиган бўлса, таомнинг «иссиқлиги» ёки «совуқлигига» қараб дастурхон қилганлар. Ниҳоҳ тўйларида келин-куёвларнинг қалб ҳовурини кўтариш учун маҳсус «иссиқлик» таомлари тайёрланган.

Овқат истеъмол қилишда ҳар хил сеҳргарлик иримлари ҳам сақланган. Масалан, олим ёки домлалардан

қолган овқатни ёш болага едирса, гүёки унга олимнинг донишмандлиги, ақли, домланинг эса муллачилиги ўтиши мумкин. Мөхмон «худо юборган» киши деган тасавбурлар таъсирида ундан қолган овқатни истеъмол қилиш ҳам савоб деб тушунилган, чунки худо марҳамати билан уйда фаровонлик бўлармиш. Шундай мақол ҳам бор: «Мөхмон келар эшикдан, рисқи келар тешикдан».

Ўзбекларнинг маросим таомлари ҳам ўзига хос хусусиятларга эга. Ҳозиргacha ўлим билан боғлиқ хотира кунлари кўп жойларда маҳсус таом — «ҳолвайтар» пиширилади. Бу таом қиздирилган ёғга ун солиб қизаргунга қадар кучли оловда қовурилади, кейин шакар ёки қанд қўшиб пиширилади. Ҳолвайтар пиёла ва ликопчаларга солиб дастурхонга тортилган. Аждодлар арвоҳига бағишлиб ис. чиқариш мақсадида пишириладиган анъанавий таомлардан бўғирсоқ билан пўссиқ (варақа) ҳам кенг тарқалган. Бўғирсоқни тайёрлаш учун сут, эритилган қўй ёғи, тухум, шакар, туз ва хамиртуруш сувда қорилиб хамир қилинади, кейин урвоққа аралаштириб ҳасипга ўҳшатиб чўзиб ёнроқдай қилиб кесиб олинади ва қозонга солиб ёнда қовурилади. Пўссиқ ҳам худди шутарзда тайёрланади, аммо тахтада юпқа қилиб ёйиб пиширилади. Асл умумхалқ байрами Наврӯзда тайёрланадиган сумалак ҳам муайян ибтидоий сеҳргарлик тасаввурлари билан чулғанган. Бир кун давомида пишириладиган сумалак атрофида турли ўйин-кулги ва хурсандчилик билан бирга дуохонлик қилиниб, аждодлар арвоҳини шод этишга, уларни ва илоҳий кучларни саҳийликка чақириб, дэҳқончилик унумли бўлишини, ёз яхши келишини, тўқ, фаровон ҳаётни тилаб ўтказиладиган ҳар хил иримлар билан тўла маросим таомидир. Биби сешанба ва бошқа авлиёларга бағишлиб аёллар томонидан қурбонлик тарзида пишириладиган умоч ош, эркакларнинг мачитда тўпланишиб, буғдой ва гўштдан тайёрлайдиган суюқ бўтқа (холиса) ва бошқа овқатлар ҳам диний тасаввурлар билан боғлиқ таомлардан ҳисобланади. Холиса одатда элга бир оғат келса, эркаклар тул ёки масаллиғ тўплаб қилинадиган халфана бўлиб, уни пишириб худойи тарзида бутун қишлоққа ёки маҳаллага тарқатганлар. Мазкур иримлар ҳозиргacha сақланиб келган.

Ўзбек халқининг энг ажойиб анъаналаридан, ғурурланадиган миллий фазилатларидан бири меҳмондорчиликдир. Қадимий даврлардан меҳмон кутиш ва унга

дастурхон ёзиб безатиш катта санъят ҳисобланган. Бунда муайян тартиб ва қоидаларга риоя қилинибгина қолинмасдан, дастурхон безатувчи уқувли, озода ва по-киза табиатли киши бўлиши шарт бўлган. Нафақат уйда, айниқса тўй-маърака ва йиғилишларда дастурхон соладиган, тайёрланган хилма-хил таомларни меҳмонларга чиройли қилиб безатадиган ва нозу неъматларнинг ҳаммага баравар тақсимланишини таъмин қилувчи киши эл орасида доимо топилган. Асли дастурхон оила аъзоларига нисбатан меҳмонлар учун, тўй ва байрам тантаналари учун бошқача тарзда юксак дид билан безатилиши шарт бўлган. Чунки яхши тузилган дастурхон меҳмонларнинг кайфиятини кўтаради, зиёфатни оқилюна ўютиришга омил ҳисобланади.

Ўзбекча дастурхон безатишнинг ўзига хослиги шундаки, даставвал дастурхонга иссиқ овқатлардан ташқари ҳамма хўраклар, жумладан ҳар хил ширинликлар, яхна овқатлар, мева-чевалар жой-жойига безаб қўйилиши зарур. Меҳмон дастурхони доимо тўла бўлиши, бунинг учун ҳамма зарур нарсалар муҳайё бўлиши, дастурхонга ҳамма нарсаларнинг бирданига келтириб қўйилиши меҳмонларнинг таомларнинг хилига қараб тегишли иштаҳа сақлай олишлари ва овқатланишларининг тўғри ташкил қилинишларига имкон яратиб беради.

Ўзбек миллий одатига биноан меҳмонларни ўтқазиш асосан ёшига ва эл олдидағи ҳурматига қараб тўрдан бошланади. Меҳмонга даставвал нон ушатилиб, чой берилади, кейин иссиқ овқатлар тортилади. Овқат ҳам дастлаб ёши катталарга, тўрда ўтирганларга берилади. Чойда ҳар бир меҳмонга биттадай пиёла, Хоразмда эса ҳар кишининг ўзига чойнак-пиёла қўйилади. Кўпчилик жойларда чойни мезбоннинг ўзи қўйиб беради ёки бу вазифа меҳмонлар орасида энг ёшига топширилади.

Одат бўйича ўзбекнинг хонадонига келган киши (танишми ёки нотанишми) дастурхонга, бир пиёла чойга ёки нон-туз тотишга таклиф қилинади. Ўзбек қаерда ва қандай шароитда бўлмасин ёнига яқин киши, сафдошини ўз таомига шерик қилиш расм бўлган. Бу удумнинг анча кучли эканлигини тасдиқлөвчи тасаввурларга биноан маҳсус ибора — «кўз ҳақи» ҳозиргача сақланиб, сафдош рисқини бериш зарур бўлган. Бу одатга кўра, кимнинг кўз олдида нон ёпилса ёки овқаттайёрланса, шу киши ўзининг «кўз ҳақи»га эга бўлиши мумкин, деб

ҳисобланган. Шунинг учун ҳам уйда, айниқса байрам ва ҳайит пайтларида ширин таомлар пиширилса, қариндош ва яқин қўшниларга бир коса сузуб чиқариш одати ҳозиргача кўп жойларда сақланган. Шу тарзда айрим маросимларда дастурхон қилиб келинса, ундаги озиқ-овқатларни қавму-қариндош ва қўшниларга тарқатиш расм-удуми мавжуд. Шунингдек, шахсий бор ва узум мевалари пишганда ўз яқинлари билан бўлишиш одат бўлиб қолган. Мазкур урф-одат ва иримларнинг кўпчилиги миллӣ анъанага айланиб, уларга амал қилиш ҳозир ҳам шарт ҳисобланади.

ИЖТИМОИЙ МУНОСАБАТЛАР ВА МАҲАЛЛАЧИЛИҚ АНЪАНАЛАРИ

Ўзбекистон аҳолисининг анъанавий ижтимоий турмushi асли XIX аср охири—XX аср бошларида шакллашиб ислом дини томонидан муқаддаслаштирилган феодал тузум билан белгиланган. Аммо бутун турмуш тарзida ва мағкурасида ижтимоий тузумнинг илк шакллари қолдиқлари, қадимий урф-одат ва маросимлар сақланиб, улар феодал муносабатлар ва энди куртак отаётган капиталистик тузум билан ёнма-ён яшаб келган. Барча синфи жамиятларга хос белгилар, феодал-патриархал анъаналар, қарамлик ва ҳукмронлик, ижтимоий зулм ва зўравонлик, чексиз мусибат ва майший ташвишларнинг мураккаб мажмуюи инсон табиати ва онги, турмуш тарзи ва хулқ-авторини белгилаб йўналтирган.

Ўзбекларнинг ижтимоий турмушида ўша даврда сақланиб келган архаик шаклдаги муносабатлардан жамоачилик, айниқса, қўшничилик ва қишлоқ жамоачилиги тартиблари, катта оиласининг таомил бўлиши, айрим гуруҳларда кўчманчилик турмуш ва уруғ-қабилавийлик ташкилотларининг элементлари, қадимий маросим ва ибодатлар қолдиқлари кенг тарқалган. Қўшничилик жамоаси шаклидаги жамоачилик муносабатлари нафақат узоқ чеккадаги тоғлик ва дашт туманларда, балки анча ривожланган суғорма деҳқончилик туманларида ҳам сақланиб келган. Феодал тузум ҳукмронлик қилаётган Ўрта Осиё шароитида анча турғун жамоачилик тартибларини чор ҳокимияти ҳам сақлаб қолишга манбаатдор бўлган. Мазкур муносабатлар ўтроқ аҳоли орасида маҳалла жамоаси сифатида мустаҳкам сақланган. Қўшни-

чилик ҳуқуқига таянган турли одоб ва тартиблар шариат томонидан қўриқланган. Жамоачилик умумий иморатлари, мачитлар ва таҳоратхоналар, умумий буюмлар, идиш-товоқ ва ҳоказолар жамиятда муайян тартиб-қоидага асосланган ижтимоий муносабатларнинг ифодаси бўлган.

Шаҳарларда мазкур тартиб-қоидаларга қаттиқ риоя қилинган ҳолда ҳар бир хўжалик маҳалла жамоасига бириккан. Ўлар умумий жамоа иморатлари, тўй-томуша ва маърака ўтказиш учун зарур идиш-товоқлар, умумий тобут ва бошқа буюмларга эга бўлишдан, ташқари ариқ-ҳовузларга қараб уларни тозалаб турганлар, умумий ишлар учун фаррош, чўпон ва мардикорлар ёллаганлар. Маҳалла аҳолиси оиласий байрам ва тўйларни, дағи маросимлари ва сайлларни ўтказишида жамоачилик анъанаисига биноан умумий вазифа сифатида фаол иштирок этиши шарт бўлган. Оиласий-маиший ва никоҳ масалалари ҳам айрим оила доираси билан чекланмай қавму қариндош ва яқин қўни-қўшниларнинг иштироки билан ҳал қилинган. Жамоачилик тузуми давридан сақланиб келган колективизм анъаналари маҳаллачиликда айниқса намоён бўлиб, айрим оила ва шахснинг ҳаётида рўй бериши мумкин бўлган катта-кичик ташвишларни ҳал қилишда катта аҳамиятга эга бўлган ва ижобий роль ўйнаган. Ҳозиргacha бу ажойиб анъана сақланиб янги давр талабига мослашган ҳолда кишиларнинг ўзаро яқинлашиши, ахлоқ ва одобнинг мустаҳкамланиши каби мұҳим ижтимоий муаммоларни ҳал қилишда хизмат қилмоқда. Катта шаҳарларда (Тошкент, Бухоро, Қўқон ва ҳ. к.) ҳар бир маҳалла шаҳар қабристонида ўзининг мажеус қисмига ёки айрим қабристонига эга бўлган.

Жамоани бошқариш учун маҳсус шахс (оқсоқол, эллиқбоши) маҳалладаги энг обрули кишилардан сайланган ва унга ёрдамчи қилиб эрқаклардан пойкор, аёллардан кайвони ёки ходим тайинланган. Табиийки, маҳалла ҳам феодал тузум асосида синфий-ижтимоий жиҳатдан анча табақалашган. Бой зодагонлар ва амалдорлар билан бир маҳаллада камбағал оиласалар ҳам яшаган. Мўйсафид оқсоқолларнинг, жамоачиликнинг фикри ва сўзи ҳамма учун ҳал қилувчи аҳамиятга эга бўлган. Қишлоқ шароитида жамоачилик муносабатлари шаҳарга нисбатан хўжалик фаолиятида айниқса намоён бўлган (ер мулки, сув масаласи, мол боқиш ва ҳ. к.).

Уруғ-қабилачилик анъаналари анча мустаҳкам сақ-

ланган ўзбекларда патриархал уруғчилик муносабатларининг қолдиқлари анча сезиларли равишда намоён бўлган. Улар ўз уруғи ва қабиласига яқинлигини сезган ҳолда уруғдош ва қабиладошлари билан алоқани мустаҳкам сақлаб келганлар, ҳатто ҳудудий жиҳатдан узоқлашиб кетган тақдирда ҳам. Агар айрим оиласлар ўз уруғдошларидан узоқ давр ажралиб кетган бўлса ҳам аждодлар шажарасини сақлаб, зарур бўлган тақдирда ёрдам қўлини чўзишга тайёр бўлганлар. Баъзан шундай ўзаро алоқа узилган қабиладошлар ҳатто ўнинчи авлод шажарасини ёддан билганлар. Айниқса, Жанубий Ўзбекистонда ўтган аср охирларигача сақланиб келган қабилалар айрим уруғлар ёки уруғ бўлинма (қисм) лардан иборат бўлган. Аммо улар уруғчилик анъаналарини қисман сақлаган.

Маълумки, уруғ дейилганда бир аждоддан тарқалган йирик оиласлар тушунилган. Кўшни қозоқ, қорақалпоқ ва бошқа халқлардагидек ўзбек уруғларида экзогам никоҳ бўлмаган, аксинча уларда кузен никоҳ, яъни ўз уруғдош (амакивачча, холавачча, аммавачча, дойижиян)лари орасидаги эндогам никоҳнинг кенг тарқалганлиги XIX аср охирлари—XX аср бошларига келиб асли уруғ-қабилавий муносабатларнинг емирилганлигини кўрсатади. Аммо айрим жамоачилик анъаналарининг турғун сақланиши уларнинг уруғчилик тузумидан тўла ажралмаганлигидан далолат беради. Лекин тарихий вазият айрим элатларнинг бири — кишига зарурйят туғдириб, улар қабилавий уюшмаларнинг баъзи элементларини тиклаш қобилиятига эга бўлганлар. Масалан, Шаҳрисабздаги кенагас қабиласи маҳаллий «сарт»лар ва тожиклар билан аралашган бўлса-да, ўз қабилавий, яъни этник бирлигини унутмаган. Хоразмдаги мангит қабиласи ҳатто Хива таҳтига кўтарилиб қадимий ўтроқ аҳоли билан чатишиб кетса ҳам қабилавий яқинлигини сақлаб қолган.

Ўзбек хонликларида маҳаллий ҳокимият деҳқонларни феодал тузум-орқали эксплуатация қилиш мақсадида уруғ-қабилачилик муносабатлари қолдиқларини, феодал ва қабила зодагонлари обрўсини сақлаб улардан фойдаланиш мақсадида қўллаб-қувватлаган. Бундай сиёsat Россия Туркистонни босиб олгандан кейин чор ҳокимияти томонидан ҳам амалга оширилган. Айрим этник гуруҳларда уруғ-қабилачилик оиласлар-никоҳ муносабатлари ва ижтимоий-маиший турмушига анча кам

таъсир қилган. Айрим тадқиқотчиларнинг фикрича (С. П. Толстов, Г. П. Снесарев), ўтмишда ўзбекларнинг уруғ-қабилачилик сақланиб келган гуруҳларида фратриал ташкилот белгилари намоён бўлиб, бундай ҳолат қўшалоқ (жуфт) қабилалар номида ўз ифодасини топган (Хоразмда қиёт — қўнғирот, қонгли — қанжигали, Зарафшон ва Хоразмда қтой — қипчоқ қабилалари). Баъзан жуфт қабилалар орасида никоҳ муносабатлари устун турган, масалан, Чиноз туманлигидаги дўрман ва катафонлар орасида доимо қиз бериб, қиз олишганлар. Баъзи олимлар (К. Ш. Шониёзов ва б.) мазкур қабилалар келиб чиқиши ва тарихи ҳар хил бўлганлиги туфайли фратриал тартибда эмас, балки ҳудуд асосида жуфтлашганлар, деб таъкидлайдилар.

Анъанавий қадимий фратриал (дуал) ташкилотлари-нинг қолдиқлари то XX аср бошларигача айрим шаҳар ва йирик қишлоқларда рақобатчи жамоалар орасидаги тортишувларда ҳам намоён бўлиб келган. Анъанавий рақобатчилик удумлари қадимий манзилгоҳларнинг жуфт қисмлар (икки ёки тўрт)га бўлиннишида ўз ифодасини топган. Бундай ҳолатни Шаҳрисабзда шимолий ва жанубий қисмлар орасида, Қаршида шаҳар атрофида жойлашган иккита эл — Чармгор ва Бузрукобод аҳолиси орасида кўриш мумкин. Тошкентда ҳам икки шаҳар қисми — Шайхонтоҳур билан Бешёғоч даҳалари қарама-қарши турган. Улар ўзаро рақобат қилиб маҳсус тортишув (беллашув) маросимларини шаҳарнинг экингоҳ майдонида ўтказганлар. Тарихий манбаларга қараганда, Бухорода ҳам рақобат маросимлари асосан ҳунарманд ўшлар орасида ўтказилган. Ривоятларга кўра, шаҳар тўрт рақобатчи қисмларга бўлинниб, ҳар қисмнинг номи билан рақобат турлари ва бошқа беллашувлар номланган.

Рақобатчилик маросимлари Бухорода баҳор фаслида жуда қизиқарли ўтказилган. Шаҳар девори орасида ўшлар тўпланиб, дастлаб икки томон кураш майдонига жанговар қушларини — хўрз ёки беданаларини, баъзан қўчқорларни қўйганлар. Қайси бир ҳайвон енгиб чиқса, демак, шу жониворларни қўйган томон ғолиб ҳисобланган. Ғолибларни олқишилаганлар, мағлубиятга учраган томон масхараланган. Навбат одамларга келгач, ҳар томон бир кишини ўртага чиқарган. Қоида бўйича аввал бири иккинчисини муштлаб дўппослаган, иккинчи томон бардош бериб чекинмасдан турган. Кейин дўппос-

лаш навбати унга ўтган, рақиб ҳам матонат билан сабртоқат кўрсатишга интилган. Этнографик маълумотларга қараганда, бундай рақобатчилик урф-одат ва удумлар жуда кўп халқларда фратриал тузум қолдиги сифатида сақланган.

Ўзбекларнинг ижтимоий турмушидаги әнг қадимий ўзига хос удумлардан ёшига қараб гуруҳларга бўлиниш — болалик, ўспиринлик, балоғат ёши ва қариллик бўлиб, у билан боғлиқ турли ўрф-одат ва маросимлар ҳозиргача сақланиб келган. Эркаклару аёллар ёшига қараб ўз тенгдошлари билан тўртта гурухга бўлинган бўлиб, уларга ҳар жойда ҳар хил ном берилган (қатор, улфат, тенгқур, жўра) ва улар ўзларининг тенгқурлар даврасини ташкил қилганлар. Бир ёшдаги гуруҳдан иккинчи ёш гуруҳига ўтиш махсус маросим орқали амалга оширилган. Ҳар бир ёшдаги гуруҳ ўзига хос хусусиятларга эга бўлган ва улар кийими, безаклари, сочининг шакли, ижтимоий бўрчи ва хулқ-атвори билан ҳам бироз ажralиб турган. Масалан, Бухоро ва Хоразмда ёшига қараб гуруҳларга бўлиниб кийиниш одати илгари кенг тарқалган. Бухоролик қизларнинг биринчи марта мурсак қалтacha кийиш махсус одати бўлган. Биринчи бола туққан аёл «оналар» гуруҳига ўтишини кийинишида намойиш қилган ва шундан кейин у байрамларда, тўй-томошаларда иштирок қилиш ҳуқуқига эга бўлган.

Эркакларда ёшига қараб жўрачилик ва улфатчилик асосида ташкил қилинадиган гап (зиёфат) ҳозиргача сақланиб келаётган урф-одатлардан бири. Айниқса, қишиг ойларида қишлоқларда «гап» қилиш одат тусига кирган. Шаҳарларда ҳам бў одат мавжуд бўлиб, уни нафақат ёшига қараб, балки касб-ҳунарига ва табақаларига қараб ҳам қилишган. Гап, одатда кузда бошланиб, бутун қиши бўйи давом қилган. Баъзи ерларда (Фарғона водийси, Хива хонлиги) аёллар ҳам гап қилишган. Айрим тадқиқотчилар, генетик жиҳатдан гап (зиёфат) ибтидоий жамиятларда тарқалган эркаклар иттифоқи шакларидан бири, деб ҳисоблайдилар.

Маиший турмушда айрим урф-одат элементлари ибтидоий оналик (матриархат) уруғига бориб тақалади. Масалан, ўзбек оиласида ҳозиргача она томонидан қариндошларнинг, айниқса тоғанинг роли катта. Бундай ҳолат этнографияда авункулат номли оила-никоҳ тартиблари билан боғлиқ бўлиб, тоға-жиянлар муносабатларига алоҳида эътибор берилиши матрилокал тартиб-

ларданdir. Тоға жиянининг бешик ёки суннат тўйларидан то уйлангунча барча тадбирларига бош бўлиб ёрдамлашиб туриши шарт бўлган.

Авункулат ва ёшига қараб гуруҳлаш тартибларининг айrim элементлари қавму қариндошлик атамаларида ҳам ўз ифодасини топган. Масалан, ўзбекларда она ва ота томон қариндошлар номи фарқланган: онанинг ака-укалари жиянга нисбатан тоға ҳисобланса, отасининг ака-укалари амаки деб номланган. Тоғанинг мавқеи амакидан баланд бўлиши қадимиј авункулат қоидаларининг акс-садосидир. Онанинг опа-сингилларига хола, отаникига амма дейилган. Ўзидан катта ўғил биродарига ака, кичигига ука, аёлларнинг каттасига опа, кичигига сингил, акасининг хотинига келин ойи ёки янга, укасининг хотинига келин, опасининг эрига почча (язна), синглиснинг ёки қизининг эрига куёв, ота-онасиининг отасига бобо (бува), онасига момо (она), ака-укаларнинг фарзандларига ёшига қараб ака ёки ука, опа-сингилларники — жиян ва ҳоказо номлар ишлатилган. Аммо Ўзбекистоннинг турли вилоятларида, ҳатто айrim туманларида мазкур номлар ўзаро фарқланиши мумкин. Шуни алоҳида қайд қилиш зарурки, бундай қавму қариндошлик атамалари ҳозиргача қариндош бўлмаган ўзбеклар орасида ҳам ишлатилади. Бу эса асли қадимиј жамоачилик муносабатларининг ўзбеклар турмушида чуқур илдиз отганилигининг яна бир далилидир.

Мазкур қадимиј уруғ-қабилавий ва жамоачилик муносабатларининг ижобий тарзда янги давргача сақланиб қолиши ўзбекларнинг турмуш тарзида асримиз бошларигача ҳукмрон бўлган ижтимоий-иқтисодий тузумни инкор қилмайди. Айниқса, жамоачилик муносабатлари колективизм ва бирлик туйғуларини, ўзаро ёрдам ва ҳамкорлик урғ-одатларини ҳаётга сингдириб, миллий жипслекни мустаҳкамлашда муҳим омил бўлиб келган. Ҳозиргача маҳаллачилик анъаналари янги, замонавий руҳда анча такомиллашиб, оиласвий-маиший муносабатларни мустаҳкамлаб, барча тўй-томушаларда ва маъракаларда ҳамдард ва ҳамсоя бўлиб ўзаро ёрдам бериб қўллаб-қувватлашда катта хизмат қилиб келмоқда. Маҳаллачилик ижтимоий онги катта-кичикни ҳурмат қилиш, айниқса ёши катта кишиларни эъзозлаш, оиласвий муносабатларда аҳилликни сақлаш каби одобикром масалаларини бошқаришда ҳал қилувчи омилга айланган. Маҳалланинг озодалигини сақлаш, жамоат

ёки давлат ишларини бажариш, умумий тартиб ва одоб ўрнатишда ҳам қўни-қўшничилик анъаналари ижобий аҳамиятга эга. Шунинг учун ҳам ўзбек шаҳарлари ва қишлоқларида шу кунгача маҳаллачилик сақланибгина қолмай, ижтимоий ҳаётда катта ижобий роль ўйнаб келмоқда.

Аммо маҳаллачилик ва қўни-қўшничилик XIX аср охирлари ва XX аср бошларида феодал-патриархал тузум, ижтимоий тенгсизлик ва зулм ҳукмронлик қилаётган даврдаги қонун-қоидалар ва одоб нормаларига мослашган. Барча оиласавий-маиший ва ижтимоий турмуш соҳалари, шахсий ҳаёт ҳукмрон ижтимоий муносабатларга бўйсундирилган. Бу даврдаги Ўзбекистоннинг ўзига хос мураккаб ижтимоий тузуми шундан иборат эдик, бу ерда асосан феодал ишлаб чиқариш муносабатлари ҳукмрон бўлса-да, ўлканинг ижтимоий ҳаётида турли ижтимоий-иқтисодий формация элементлари – ибтидоий патриархал-жамоа уклади қолдиқлари, майда, якка хўжаликдан то йирик феодал мулкдорлар ва энди куртак отаётган капиталистик хўжаликларгача чатишиб кетган. Ижтимоий, оиласавий-маиший ва шахсий турмушнинг барча ҳужайраларига сингиб кетган ислом дини томонидан муқаддаслаштирилган архаик-патриархал жамоа тузуми муносабатлари ва анъаналарининг таъсири жуда зўр бўлган. Айниқса, чекка ва марказдан узоқ қишлоқ ва туманларда аҳолининг ҳатто хўжалик фоалиятида, ишлаб чиқариш ва истеъмол соҳасида ижтимоий мулкка асосланган жамоачилик тартиблари ва ўрфодатлари чуқур илдиз отган. Чор Россияси мустамлакаси даврида ҳам қисман товар-пул муносабатлари оқимига туша бошлаган оила-жамоаларнинг кўпчилиги аста-секин алоҳида оиласаларга бўлина бошлаган бўлса-да, феодал-патриархал тузум тартиб-қоидаларига, ислом ва шариатга тўла риоя қилганлар.

Урта Осиё Россия томонидан босиб олингандан кейин у энг олий типдаги мустамлака ўлкага айланди. Чор ҳокимияти бу ўлкани парчалаб ўзбек, туркман, қирғиз, қозоқ ва тожик халқларини сўнъий равища бўлиб, губернаторлик, амирлик ва хонликларга жойлаштириди. Кенг меҳнаткаш омма «ўзлари»нинг эксплуататорларининг ижтимоий ва маънавий зулмига қўшимча равища мустамлакачилар, ҳукмдорлар, банкирлар, савдогарлар, судхўрлар ва фабриканларнинг аёвсиз эксплуатациясига дуч келган эди. Икки томонлама зулм, оғир меҳнат

ва қийин шароит, ижтимоий тенгсизлик ва адолатсизлик, зўравонлик ҳукмрон ижтимоий тузум билан белгиланган.

Ўзбек қишлоқларида феодал ишлаб чиқариш муносабатлари ва тартиблари тўлиқ ҳукмрон бўлган. 1886 йил 12 июнда тасдиқланган «Туркистон ўлкасини бошқариш Қонуни»га биноан барча сугориладиган ерлар илгари кимга тегишили бўлса, ўша хўжаликка фойдаланишга мерос қилиб биркитилган. Ижтимоий гуруҳлар қуидагича бўлган: батрак — пролетарий дехқонлар — 0,5%, яirim пролетарий мардикорлар — 16,7%, майда дехқон — чоракор ва мардикорлар 30,7%, феодал элементлар (ер эгалари, судхўрлар, вақфдорлар ва ҳоказо) — 16%. Ери кам дехқонлар асосий қисмни ташкил қилган ва улар энг оғир аҳволда яшаганлар. Умуман, ўтган асрнинг охирларида бутун Туркистон ўлкасида қишлоқ аҳолиси 86,2%ни, шаҳар аҳолиси эса 13,8%ни ташкил қилган. Бухоро амирлиги ва Хива хонлигига ҳам аҳолининг кўпчилик қисми қишлоқларда яшаган.

Дехқон хўжаликларининг кўпчилиги чексиз зулм ва оғир солиқлар туфайли бой ва судхўрларга қарздор ҳолда бутун умр қарам бўлиб келганлар. Қашшоқлашган дехқонларнинг анча қисми ўзларининг кичкинагина ерларини сотишга ёки гаровга қўйишига мажбур бўлиб, оқибатда ерсизлар сафини тўлдирганлар. Масалан, биринчи жаҳон уруши арафасида Фарғона водийсидаги Марғилон уездига ерсизлар сони 22%, Андижон уездига — 15, Намангандага — 11, айrim волостларда (Каттақўрғон уездига) 30% ни ташкил қилган. Хонликларда эса ҳалқ оммасининг аҳволи ундан ҳам оғир бўлган. Айниқса, турли-туман солиқларга ботиб кетган меҳнаткашлар ниҳоятда қашшоқ ва фақирона ҳаёт кечирганлар. Хива хонлигига 25 га яқин, Бухоро амирлигига 55 га яқин турли солиқ ва йиғимлар меҳнаткаш оммани ўргимчакдек тўрига илинтириб, бутун «қонини сўриб», бедармон аҳволга соглан.

Ижтимоий тафовутлар, адолатсизлик, ижтимоий тенгсизлик аҳолининг моддий турмушида, унинг ўтириштуришида, кийим-кечагида, таоми ва озиқ-овқатида алоҳида намоён бўлган. Шаҳарларда бойларнинг дабдабали серҳашам уйлари билан бир қаторда меҳнаткаш омма яшайдиган лой, гуваладан қурилган ойнасиз туйнукли кулбалар бир-бирларига чатишиб кетган. Ўтган асрдаги рус мустамлака маъмурияти масъул ходимла-

ридан бири этнограф олим Н. П. Остроумов таърифича, Туркистонда катта даромадли кишилар катта ҳажмдаги уйларга, сифатли ва кўп сонли кийимларга ва жуда бой таомларга эга бўлганлар. Айниқса ишчи, ҳунарманд ва мардикорлар ниҳоятда қашшоқликда яшаганлар. Ўша даврнинг таниқли тадқиқотчиларидан А. Шишов статистик далилларга таяниб, қуйидагича ёзади: «Мардикорлар, аравакаш ва бошқа кўп ишчилар иссиқ овқат қилишга қудрати етмай, кунига 4—5 дона нон билан тирикчилик ўтказадилар... Кўп оиласлар бундан ҳам баттарроқ яшайдилар». Айрим ўзбек қабилалари ўтов, қамиш чайла ёки ертўлаларда истиқомат қилганлар. Ўтоворнинг ички жиҳозлари асосан ёғоч сандиқ, буғжама, ҳар куни ишлатиладиган ямоқ кўрпа-ёстиқ, кўрпача ва болиш, бўйрага тўшалган битта-яримта кигиздан иборат бўлган.

ХХ аср бошларида бутун ижтимоий ҳаётда феодал-патриархал ва жамоачилик анъаналари муҳим роль ўйнаган. Қишлоқ ва шаҳарларда синфий жамият нормалари билан бир қаторда қўшничилик жамоаси тартиблари маҳаллачилик шаклида намоён бўлган. Ҳунармандлар касбига қараб цех, ташкилот (касаба, улпагар) ларга бирикканлар. Ўрта асрларга хос касб жамоачилигини ифодаловчи цех тузуми тартибларига биноан ҳар бир ҳунармандчилик соҳаси ўзининг афсо-ниавий ҳомийси (пири) га ва жамоа манфаатини қўриқловчи маҳсус низом (рисола) га эга бўлган. Рисолада турли ривоятлар, диний-ахлоқий қонун-қоидалар ва ишлаб чиқариш технологияси билан боғлиқ талаблар баён қилинганд. Жамоачилик фикри билан бошқариб туриладиган маҳаллачилик тартиблари, юқорида қайд қилинганидек, аслида ибтидоий жамоа тузуми қолдиқлари сифатида сақланиб, уларга тўла риоя қилиш шарт деб ҳисобланган.

1913 йили бутун Туркистон ўлкасида ҳунармандчилик маҳсулотлари умумий саноат маҳсулоти ҳажмининг 30% ини, айрим туманларда эса ундан ҳам кўп қисмини ташкил қилган. Туганмас табиий бойликларга эга бўлган бу ўлкада саноат маҳсулотлари бутун Россия фабрика ва заводларида ишлаб чиқариладиган маҳсулотга нисбатан 2%дан ҳам кам ҳажмда ишлаб чиқарилган.

Ўзбек аҳолисининг мазкур ижтимоий-иктисодий тузуми ва майший турмуш укладининг ўзига хос ҳусусияти патриархал типдаги анъаналар ва тасаввурларнинг,

консерватив тартибларнинг ўтган аср охирларигача мустаҳкам сақланишида эди. Үларни ҳукмрон мафкура ҳи-собланган ислом дини ҳар томонлама қўллаб-қувватлаб, ҳатто илоҳий руҳда қонунлаштирган, баъзи элементларини эса ўз ақидаларига мослаштирган. Иңсоннинг ту-ғилишидан умрининг охиригача бўлган бутун хатти-ҳаракати шариат, Қуръон ва Ҳадисларда муқаддаслаштирилган тартиб-қоидалар қолипига солинган.

Ўрта Осиё Россия томонидан босиб олингандан кейин ўзбек ҳалқининг майший ва маданий турмуши масаласида чор ҳокимияти эски, ўрта асрчилик урф-одатлари ва тартибларини сақлаб қолиш, шариат ва исломни қўллаб-қувватлаш сиёсатини амалга ошира бошлаган эди. Чор ҳукумати ҳалқ оммасини нодонликда сақлаб, уни ҳар томонлама эзиш мақсадида, ўз ҳалқини эксплуатация қилишда христианликдан фойдаланганидек, ислом дини ва мусулмон руҳонийлари хизматидан мустамлакачилик воситаси сифатида ҳам кенг фойдаланишга интилган. Мустамлака қилинган чекка ўлкалар аҳолисини зулм, қолоқлик ва қашшоқликка ҳукм қилибгина қолмай, чо-ризм турли ҳалқ ва элатлар орасида миллий ва диний низолар уйғотган.

Ўрта Осиёнинг Россия томонидаи босиб олиниши маҳаллий ҳалқларнинг майший ва маънавий ҳаётида муйайян ўзгаришларгэ сабаб бўлди. Үлканинг Россия орқали капитализм гирдобига тортилиши унинг биқиқ натурал ҳўжалигининг емирилишига, ҳунармандларнинг инқизорзга учраши ёлланма ишчилар сафларини тўлдиришга ва пролетариат армиясининг кўпайишига олиб келган эди. Янги шаҳар ва қишлоқларнинг пайдо бўлиши, пахтачиликнинг жиддий ривожланиши, завод-фабрика корхоналарининг юзага келиши бутун ўлкада янги бир тарихий даврни бошлаган эди. Маҳаллий саноатнинг ўсиши қанча суст бўлмасин, аммо бу жараён маҳаллий ишчилар сафларининг кўпайишини ва улар онғининг ўсишини ҳамда ижтимоий фаоллигини кучайтириб, ижтимоий тараққиётда муҳим аҳамиятга эга бўлди.

Шундай қилиб, ўтган асрнинг охирларига келиб маҳаллий аҳолининг майший турмуши ва маънавий ҳаётида, айниқса Самарқанд, Кўқон, Фарғона каби йирик шаҳарларда жиддий ўзгаришлар рўй бера бошлайди. Үлкага чор амалдорлари, ҳарбийлар, ҳар хил савдогар

ва фабрикантлардан ташқари жуда кўп илфор зиёлилар намояндалари, демократик руҳдаги чиновниклар, ишчи ва ҳунармандлар ҳам кела бошлаган. Улар асосан шаҳарларга ўрнашиб, рус маданиятини тарқатишга, асрлар давомида ҳукмрон бўлиб келган эски патриархал-феодал тузум тартибларининг аста-секин емирилишига, аҳоли дунёқарашида айрим ўзгаришларга, тафаккур эркинлиги ва даҳрийлик ғояларининг куртак отишига туртки бўлган эди. Аммо, атоқли шарқшунос олим В. В. Бартольд ёзганидек, европача янги шаҳарларнинг пайдо бўлиши ёки қадимий шаҳарларнинг сунъий равишда иккига — «янги шаҳар» ёки руслар қисми ва «эски шаҳар» ёки осиёликлар қисмига бўлиниши икки маданиятни юзага келтириб, чор ҳокимияти ўз диққатини маданий ва санитар хизмати, ободонлаштиришни фақат рус-европача қисмига жалб қилган, «туземцы» (маҳаллийлар), «инородцы» («ғайри уруғлар») ёки «осиёликлар» яшаётган қисмига «минимум ғамхўрлик ва максимум камситишни «тақдим қилган эди». Шунинг учун «европа типи»даги шаҳарлар маданийлашган ва ободонлашган бўлса, «осиёликлар» қисми асосан ўрта асрлар типа қолаверган.

Бухоро амирлиги ва Хива хонлигидаги бутун ижтимоий-маший ва оиласи турмуш феодал-патриархал ва мустабид тартибларга тўла бўйсундирилган. Ҳар бир инсон ўзининг маълум бир ижтимоий табақага тегишли эканлигини ва шу гурӯҳ манфаати теварагидалигини ҳис этган. Муайян табақа жамоа аъзоси ҳисобланган шахснинг табиати ва онгига асрлар давомидаги қонун-қоидалар ва урф-одатларнинг чексиз ҳукми сингиб кетган. Унинг бутун маънавий ҳаёт фаолияти, ҳис-туйғулари, кайфияти ва бошқа ижтимоий-руҳий кечинмалари, шахсий муносабатлари ҳам ўша гурӯҳ ёки жамоа манфаати билан белгиланган ва бошқарилган. Шуниси муҳимки, муайян тартиблар қабила ёки элат (маҳалла) даврасида ҳамкорлик, аҳиллик туйғуларини сингдириб, ўзаро ёрдам (ҳашар), меҳмондўстлик, ёши катталарни ҳурмат қилиш каби ижобий фазилатларда намоён бўлган. Бу объектив ҳолат ислом дини ақидалари орқали муқаддаслаштирилиб, ҳамма қурдатли Оллоҳ олдида тенг ва бир деган ғояни юзага келтирган. Бутун Ўзбекистонда тўнтаришдан илгари ҳукмрон бўлган ислом мафкураси худо олдида барча бандаларни бир қилиб кўрсатиб, кимки ерда ўрнатилган тартибларга қарши

чиқса ёки норозилик билдирса, демак, Олло таолога қарши чиқсан, деб қораланган. Шариат ва сиёсат, хуқуқ ва диний тартиблар бир-бири билан чатишб кетганинги туфайли шахс фаолияти ва эркинлиги жиддий ра-вища чекланган.

Шариат қонунлари диний руҳда бўлгани учун ҳар қандай қонунбузарлик, жиноятчилик, давлат тартиблари-га хиёнат қилиш, ҳоким ва хонларга қарши чиқишлиар динга қарши хиёнат, ва аксинча, диний тартиблардан чекиниш ёки уларга риоя қилмаслик ҳокимиятга қарши қаратилган ҳаракат деб баҳоланган. Атоқли этнограф В. П. Наливкин Ўрта Осиё ҳонликларида демократик тузум тўғрисида шундай деб ёзди: «... илоҳий таълим, ақидавий тартиб ва юридик қонунлар узвий боғланган яхлит бирлиқдан иборат бўлиб, жинояткорлик — гуноҳ, гуноҳ эса жинояткорлик, деб ҳисобланган. Чунки ҳар бир давлат қарорлари, қонун-қоидлари, тартиблари худо инъом қилган Қуръонга таянган». Унинг таърифича, биринчидан, шариат абадул ўзгармас универсал қонун-қоида, унда мусулмон ўз ҳаётида барча саволларга жавоб тона олади, деган тушунча қабул қилинган, иккинчидан, шариат киши ҳаётида учрайдиган деярли барча катта-кичик ҳодисаларни муайян урф-одат тартибига со-либ, унга икир-чикирларига қарамай қаттиқ риоя қи-лишни шарт деб билади. «Инсон ҳаётининг барча ҳоди-саларини имконияти борича майда-чўйдасигача тартибга солган шариат,— деб ёзди В. П. Наливкин,— унинг энг интим (яширин) бурчакларигача кириб, диндор мусул-моннинг фаолиятинигина эмас, ҳатто тафаккури ва тасаввурини ўзига қарам қиласи. Шу тартибга биноан инсон ўз майший турмушида балки ҳеч кимга керак бўл-майдиган майда талабларни ҳам бажаришга ҳаракат қилиб, теварак-атрофдагилар олдида шариат талаблари ва ахлоқ нормасига тўлиқ риоя қилиб яшаётганлигини кўрсатишга интилган».

Халқ оммасининг ижтимоий-руҳий қиёфаси ва маъ-навий ҳаётининг шаклланишига қишлоқ хўжалиги ва ҳунармандчиликдаги оғир ва машаққатли меҳнат, тўйиб овқат емаслик, очлик хавфи, ҳар кунги майший тур-муш қиийинчиликлари билан тинимсиз кураш, минглаб кишиларнинг ёстигини қуритган даҳшатли оммавий ка-салликлар ва табиат оғатлари, хон, амир, ҳоким ва чор амалдорларининг чексиз зулм-жафоси, ижтимоий адолатсизлик бевосита таъсир қилиб келган. Табиат ва

жамият қонунларини ва сирларини тўла тушуна олмаган меҳнаткаш омма хурофий тасаввурларга асосланган диний ақидалар орқали ўзини овутиб келган. Қишилар борлиқни ва барча ижтимоий ҳодисаларни худо номи ва иродаси билан боғлаб, унинг ҳақ эканлигига тўла ишонибгина қолмай, кимки дунёвий, яъни синфий жамият тартибларига қарши чиқса, демак, худо иродасига хиёнат қилиш деб баҳоланган ва мўминлар нафратига йўлиқкан. Шунинг учун ҳам, тадқиқотчилар қайд қилганидек, ўрта аср тартиблари ҳукмронлик қилган шароитда барча ижтимоий ва сиёсий тасаввурлар диний руҳдаги мазҳаблар сифатида намоён бўлган.

Аммо ҳукмрон тузум, зулм шакллари ва адолатсизликка қарши қаратилган барча ҳаракатлар, ҳатто диний шиорлар билан ниқобланган бўлса-да, шафқатсиз ravишда бостирилган. Айниқса, даҳрийликда айблангандарни раҳмисиз қийнаганлар. Бунга Бухоро амирлигида яшаган ва ўзининг эркин тафаккури ва маърифатпарварлиги туфайли мусулмон руҳонийлари томонидан қаттиқ қувғин қилинган буюк адаб Садриддин Айний ҳаётти ёрқин далил бўла олади. У ўзининг ажойиб «Эсадликлари»да ҳам даҳрийлиги учун айбланиб шафқатсиз жазоланган қишилар тўғрисида ҳикоя қиласи. Масалан, амир даврида мулла ва эшонлар бир аравакашни худога қарши чиқсан деган туҳмат билан айблаганлиги, «оқ подшо»нинг Бухородаги сиёсий агенти руҳсати билан тошбўрон қилиб ўлдиришга ҳукм қилинганлиги ва бу ҳукм руҳонийлар томонидан амалга оширилганлигига Айний ўзи гувоҳ бўлганлигини баён этади.

Мусулмон руҳонийлари ва аҳолининг хурофотга берилган мутаассиб қисми қишиларнинг хатти-ҳаракатида, анъанавий майший турмуш шаклларида рўй бераётган барча янгилик ва ўзгаришларга ниҳоятда қарши чиқсан. Айниқса, Бухоро амирлиги ва Хива ҳонлигига кичкинагина янгиликлар руҳонийлар ва диний жамоатчилик фикри томонидан қаттиқ қораланганд. Умумий қабул қилинган тартиблар, одат ва удумлар, ташки кийим ва ҳаракатлардан чекиниш бидъат деб ҳисобланган ва ундей шахслар қувғин қилинган ёки жазоланганд. Масалан, мусулмон руҳонийлари поездга ёки трамвайга чиқиши, велосипед («шайтон арава») мимишни гуноҳ деб ҳисоблаганлар. Шунинг учун кўпчилик аҳоли янги транспорт воситаларидан узоқ вақтларгача фойдаланмаган. Поездга Октябрь тўнтарицигача, асосан савдогарлар ва

ҳажга кетаётганлар тушган. Бойваччалар, мулла ва қозилар, замондошларнинг таърифлашича, қанча вақт отда юришни маъқул топса-да, охири бундай консерваторлар ҳам янги транспорт воситаларининг қулай ва арzon эканлигига ишонч ҳосил қилганлар.

Узгаришлар фақат моддий-маданий соҳадагина эмас, ҳалқ оммаси психологияси ва онгида ҳам рўй бера бошлиган. Айниқса рус аёл врачларининг туб аҳоли билан яқиндан алоқада бўлиб, уларнинг ички ҳаётига кириб, биқиқ мусулмон ойлаларини янги турмушга қадам ташлашга йўл очиб берганлиги дикқатга сазовордир.

Асрлар давомида жабр-зулм, оғир ҳаёт, қашшоқликда яшаб келган кенг меҳнаткаш омма турли ижтимоий касалликларга ҳукм қилиниб, бевақт ўлим ва бедаво қирғинликлар туфайли жуда қисқа умр кўрган. Хурофот тўрига чулғанган беморлар ҳар хил касалликларни даволашга «ихтисослашган» турли «муқаддас жойлар»— авлиё-анбиёларга, асосан хурофий йўл билан даволайдиган табиб, фолбин, ромчи, бахши, шайх ва муллаларга мурожаат қилишга мажбур бўлган. Бундай «шифокорлар» фол очиб, «арвоҳлар» ва «парилар» билан «сўзлашиб» турли тумор ва дуолар ёзиб, беморни ҳар хил авлиёларга рўпара қилиб, баъзан зикр тушиб савалаб даволаганлар. Авлиё «урган» беморни касалдан қутултириш учун ўша авлиёнинг арвоҳини хурсанд қилиш мақсадида худойи аташ ва диний маросимларга риоя қилиш зарур, деб тушунтирилган. Т. Н. Қори-Ниёзий таърифлаганидек, шариат ақидаларига «мутахасис» бўлиб қолган мунофиқ риёкорлар, одатда пулга «ривоят» сотар эдилар, яъни қандай бўлмасин, улар шариатдан ва Куръондан «асос» топиб берар эди. Бора-бора бу «санъат» ҳатто «ҳийлаи шаърий», яъни «шариат ҳийласи» деган очиқдан-очиқ алдаш усулига айланган. Бутун даволаш усувлари ҳам асли шундай ҳийла-найранглардан иборат бўлган, айниқса «шифокор» авлиё-анбиёлар тўғрисидаги ривоятлар афсонавий уйдирмалардан тўқилган.

Улимнинг кўплиги аҳолининг нодонлигини кучайтирган. Ҳалқ шифо ахтариб хурофий ва ибтидоий усуlda даволайдиган табибларга, бахши, фолбин, дуохон эшон-муллаларга мурожаат қилишга мажбур бўлган. Улар ишлатадиган кўчириқ, кинна, ром очиш, амал, дам солиш, азайнмхонлик, тумор тақиши, авлиё-анбиёлар

тупроғи, «муқаддас» сувлар каби даҳолаш усуллари кенг тарқалган эди.

Чор Россияси Туркистонни босиб олгандан кейин соғлиқни сақлаш масаласига айниқса дастлабки вақтда эътибор бермади. Тиббиёт ёрдами асосан бошқа шаҳарлардан келган ҳарбийлар ва рус аҳолисига кўрсатилар эди. Эски туркистонлик рус врачларидан профессор П. Ф. Боровский шундай деб ёзди: «Фуқаро беморларни фақат Андижон, Наманган, Марғилон шаҳарларида жойлашган ҳарбий лазаретларда қабул қилганлар. Агар амалдорларни эътиборга олмагандан, фуқаро аҳолига деярли тиббий хизмат кўрсатилмаган деса бўлади: даволаш ҳарбий врачлар томонидан хусусий йўл билан амалга оширилган... Агар бу соҳада бир оз иш қилинган бўлса, фақат янги шаҳар (Тошкент)да қилинган, эски шаҳарда деярли ҳеч қандай хизмат кўрсатилмаган; стационар даволаш умуман йўқ деса бўлади. Қишлоқ тиббиёти ҳақида фикр ҳам юритилмаган, фақат ўлим кўпайган вақтлардагина врач юборилган, улар ҳам асосан касалликларнинг сабабларини аниқлаш учун. Умуман тиббиёт-санитария ишлари учун арзимайдиган маблағ ажратилган. Аҳоли орасида маърифат тарқатиш эса муллалар қўлида... Бу масалада самарқандлик рус врачларидан биттаси маҳаллий ҳокимиятга арз қилиб, маҳаллий аҳоли орасида тиббий хизматни кучайтириш ва хурофий табиблар фаолиятини чеклаш тўғрисида ёзган мурожаатига ҳарбий губернатор шундай деб жавоб берган: «Бизлар келгунча маҳаллий аҳолини табиблар даволаб келган, ундан улар ўлмаган, буёғига ҳам табибча даволашни билганича давом қилдираверсин».

ХАЛҚ БАЙРАМЛАРИ, ЎЙИН ВА МАРОСИМЛАРИ

Ўзбек халқининг маданий меросида халқ ижод қилган ва катта ижтимоий аҳамиятга эга турли байрамлар, оммавий ўйинлар, мавсумий ва ҳунар-касб маросимлари алоҳида ўринни эгаллайди. Байрамлар ва маросимлар ижтимоий ва шахсий ҳаётнинг барча томонларини қамраб оловчи ва кишилар ўзаро муносабатларининг турли жиҳатлари ва шаклларида намоён бўлувчи муайян урфодатлар ва анъаналар, ахлоқий принциплар ва ҳуқуқий тартиботларнинг тарихан шаклланган йиғинидисидир. Уларнинг муҳим белгилари ва хусусиятлари барқарор-

лиги ва оммавийлиги, ривожланишидаги тақорорийлиги, давомийлиги ва узлуксизлигидадир. Одат тусиға кирган маросимлар кишилар хулқ-авторини бошқарар экан, нафақат жамоачилик фикрлар нуфузига, балки қабул қилинган ва қарор топган қонун-қойдалар кучига ҳам сұянади.

Ўзбеклар ва Үрта Осиёдаги бошқа халқларнинг тарих синовидан ўтган байрамлари ва маросимлари кишиларнинг ўзаро муносабатларидағи яхши фазилатларни, чинакам халқчил, умумисоний қадриятларни акс эттиради. Ижобий урф-одат ва маросимларда ўзбекларнинг миллый руҳияти, уларнинг маънавий онгининг соддалиги ва феъл-авторининг шакллари ҳам намоён бўлади. Асрлар давомида шаклланиб ва авайланиб келинган ижобий расм-удумлар ва одатлардан Ватанга садоқат, ёши катталарга ҳурмат, ота-онага, етимларга ва қарияларга ғамхўрлик, меҳмондўстлик, қон-қариндошлиқ ва ўзаро ёрдам, оила шарафини ва аёллар шаъини эҳтиётлаш, ҳаётдан кўз юмган яқин-узоқ кишилар хотирасини ёд этиш кабилар ижтимоий характерга эга бўлган байрам ва маросимлarda очиқ намойиш қилинади. Асрлар оша сақланиб келинган ва ижтимоий моҳиятга эга урф-одатлардан яна бири оғир, мاشаққатли кунларда ўз яқинларининг очлик ёки камбағалликдан гадолик ёки дайдилик қилишига йўл қўймаслиkdir. Агар шундай одам чиқиб қолгудай бўлса, унинг исноди барча қариндош-урӯвларга, маҳалла-кўйга, халқига келган.

Ўзбек халқи орасида энг кенг тарқалган, миллый тусга эга бўлган урф-одатлардан мавсумий маросимлар диққатга сазовордир. Айрим тадқиқотчиларнинг фикрича, ўзбек мавсумий мароемларини қўйидаги туркумларга тасниф этиш мумкин: 1) қишида ўтказиладиган гап-гаштак, яса-юсун кабилар; 2) баҳорги маросимлар — Наврӯз, шоҳмойлар (қўш чиқариш), лола ёки қизил гул сайли, лой тутиш, «суст хотин» кабилар; 3) ёзги маросимлардан «қовун сайли», «чой момо» ва ҳоказолар; 4) кузги маросимлар — ҳосил йиғими билан боғлиқ миҳрган, «облобарақа», шамол чақириш, ўзум сайли кабилар.

Бутун Олд ва Үрта Осиёда машҳур Наврӯз байрами ва маросимлари жуда узоқ даврлардан бери нишонланаб келмоқда. Бу байрам асли қадимий деҳқончилик календари билан боғлиқ бўлиб, Ернинг шимолий ярим шарида баҳорги кечада билан кундуз teng келган кунларидан.

ри —20—21 марта бошланади. Уша даврда бутун табиат уйғона бошлайды, ер бағридаги барча маҳлуқот ва мавжудотларнинг, қурт-күмурсқадар, ўсимлик ва ўт-ўланларнинг жонланиши рўй беради. Бундай янгиланиш жараёнининг бошланиши шамсия (Қуёш) йили ҳисобида 21 марта тўғри келган биринчи янги кунни Наврўз деб атаганлар. Ўрта асрнинг буюк мутафаккири Беруний мазкур йил ҳисобининг бошланиш ойи ҳисобланган фарвардин ойи тўғрисида гапириб бундай деб ёзади: «Наврўз янги йилнинг биринчи куни бўлиб, унинг форсча номи ҳали шу маънони тақозо этади. Наврўз эронликлар зижлари бўйича ўтмиш замонларда, улар йилларини кабисам қилган вақтларида Қуёшнинг саратон буржига кириш пайтига тўғри келар эди. Сўнгра у орқага сурилгач баҳорда келадиган бўлди. Энди у баҳор ёмғирининг биринчи томчисини тўкишидан гуллар очилгунча, дарахтлар гуллашидан мевалари етилгунча, ҳайвонларда шавқат қўзғалишидан то насл вужудга келгунча ва ўсимлик униб чиқа бошлагунча давом этган вақтда келади. Шунинг учун Наврўз оламнинг бошланиши ва яратилишига далил қилинган». Уша даврда яшаган улуғ сиймолар Маҳмуд Кошғарий ва Умар Ҳайёмлар ҳам Наврўз тўғрисида анча қизиқарли маълумотлар ёзib қолдирганлар. Уларнинг асарларида Наврўзнинг табиат қонуниятига мувофиқ томони қайд қилинибгина қолмай, у билан боғлиқ турли ирим, урф-одат ва маросимлар тўғрисида ҳам қимматли маълумотлар келтирилган. Масалан, Берунийнинг таърифика, афсунгарлар Наврўз куни тонг отганда бирор гап гапиришдан олдин уч қошиқ асал ялаб, уч бўлак (хушбўй) мум тутатса, бу кўп касалликларга шифо бўлармиш. Еки шу куннинг тонгида гап гапиришдан олдин шакар тортиб, ўзига зайдун (ёғи) суртган кишидан йил бўйи турли балолар даф этилади, деган иримлар бўлган. Байрам урф-одатлари ҳақида сўзлаб аллома шундай деб ёзади: «Эронликларда Наврўз куни бир-бирларига шакар ҳадя қилиш расм бўлган эди. Бағдод мубоди Озорбоднинг хикоя қилишича, бунинг сабаби, Наврўз куни Жамшид мамлакатида шакарқамиш пайдо бўлган...».

Маҳмуд Кошғарий ҳам Наврўз тўғрисида ўн икки мучал йил ҳисоби билан боғлаб турли маълумотлар беради. Наврўз байрамида баҳорга бағишлиланган халқ қўшиқларидан намуналарни келтиради. Ривоятлардан бирида Наврўзга бориб тақаладиган мучал ҳисобидан

ҳайвонлар номларини тилга олиб шундай деб ёзади: «Турклар бу йилларнинг ҳар қайсисида бирор ҳикмат бор, деб тахминлайдилар. Масалан, уларча сигир йили бўлса, уруш кўп бўлади, чунки сигир бир-бiri билан сузишадиган ҳайвон. Товуқ йили кирса, озиқ-овқат кўпаяди, лекин одамларда ташвиш ортади. Чунки товуқнинг овқати дон бўлиб, уни топиб ейиш учун нарсаларни титиб юради. Тимсоҳ йили кирса, ёнгаришлик ва ҳосил кўп бўлади, чунки у сувда яшайди. Тўнғиз йили кирса, совуқ, қор ва фитна кўп бўлади... Кўчманчи ва мусулмон бўлмаган турклар ойларни тўрт фасл билан атайдилар. Ҳар уч ойни бир исм билан юритадилар. Масалан, Наврўз (янги кун)дан кейинги аввал баҳорга боғлиқ ой, сўнгра улуғ оғлоқ ой дерлар. Чунки ой бу вақтда катта бўлиб қолади ...» Наврўздан бошлаб йилнинг илк фасли саналган ва барча фасллар табиат қонуни ҳамда осмон сайёralари (Ой, Қуёш) ҳолатига қараб белгиланган.

Қадимги Ўрта Осиёда ва Эронда Наврўз нафақат ҳалқ, балки давлат байрами сифатида ҳам нишонланган. Тарихий маълумотларга қараганда, одамларни табақаларга бўлиб Наврўз байрамини бир ойга чўзиб ҳар беш кунни бир табақага тааллуқли деб ҳисоблаганлар. Масалан, Эронда биринчи беш кунлик подшоларники, иккинчиси зодагон зотларники, учинчи беш кўнлик подшо **хизматкорлариники**, чўри-малайларники тўртинчи беш кунлик ва олтинчиси дехқонларники ҳисобланган. Подшо Наврўзининг беш кунлигига шоҳ байрамни бошлаб берган ва фуқароларга мулоқотда бўлишини ҳамда муруват қилишини эълон қилган. Иккинчи куни у дехқонлар ва аслзодаларни қабул қилган, учинчи куни отликлар ва олий руҳоний (мобед)ларни, тўртинчи куни ўз фарзандлари ва фуқароларини қабул қилган. Олтинчи кун улуғ байрам ҳисобланиб, унга «Катта Наврўз» деб ном берилган. Хоразмликлар ва сўғдийларда сосонийлар ҳукмронлиги даврида Наврўз билан бирга бир неча ҳалқ байрамлари давлат байрами деб эълон қилинган.

Беруний асарларида, Умар Ҳайёмнинг «Наврўзнома» сида ва бошқа манбаларда илк баҳор байрамини нишонлагандаги ерга сув қўйиш ёки сепиши, совға-саломлар ҳадя қилиш, арғимчоқларда учиш, шириналлик (қандолат) тарқатиш, етти йил ҳосилини белгилаш, таҳорат қилиш ва ёмғир сувига чўмилиш каби урф-одат ва ирим-

лар тўғрисида хабар берилади. Наврўз куни подшоҳ дастурхонига турлича дондан—буғдой, арпа, тариқ, макка, нўхот, ясмиқ, гуруч, кунжут ёки лобиё унидан пиширилган нон қўйилган. Дастурхон ўртасига турли дарахт (тол, зайдун, беҳи, анор ва ҳ. к.) лардан етти новда, етти оқ коса ва оқ дирхам, янги динор ҳам қўйилган. Подшога оқ қанд ва кокос янғоғи билан маҳсус таом берганлар, у таомни янги соғилган сутга хурма солиб истеъмол қилган. Ҳозиргача Эронда Наврўз дастурхонига маросимга биноан етти хил (ҳафтсин) «с» ҳарфи билан бошланадиган нарсалар тортилган. Шу билан бирга қатиқ, сут, қурт ва бўялган тухум, мева, ёнғоқ, бодом ва ҳоказолар қўйилади. Шуниси муҳимки, байрамнинг бош маросим таоми сумалакни ҳам илгари пиширганлар. Қадимий даврларда Наврўз арафасидаги етти кун совуқ бўлиб «ожиз кампир» кунлари деб номланган. Ўрта Осиё ҳалқларида, шу жумладан ўзбекларда, янги йил маросим таомидан етти дон унидан гўжа ва сумалак пиширилади. Шу кунларда катта бозорларда савдо-сотиқлар, ялпиз, кўкпиёз, ёш беда ва бошқа кўкатлар солинган турли таомлар ва ширинликлар тайёрланади. Тантана ва ўйин-кулгилар билан пиширилдиган шоҳона таом сумалак рўзқ-рўз, мўл-қўлчилик рамзи бўлиб, уни тайёрлаш катта санъат талаб қилади. Одатда, сумалакка кетадиган харажат жамоадан йифиб олинган. Сумалак пиширишдан олдин жамоа (маҳалла) аъзоларидан буғдой кўки ва ўт йиғиштирилиб умумий қозонга солинган ва пишгандан кейин тарқатилган.

Наврўз байрами катта оммавий сайиллар, ҳалқ ўйинлари, мусобақалар, созанда ва раққосалар, масҳараబоз ва дарбозлар иштироқида ўтади. Умар Ҳайём берган маълумотларга асосланиб, шуни таъкидлаш мумкинки, 26 асрдан буён нишонланиб келаётган Наврўз байрами бошланиши билан ўзаро урушлар тўхтатилган, ярашиш шартномалари битилган, ҳатто дағн маросимлари бошқа кунга кўчирилган. Бу байрам шунчалик эҳтиромли, қувончли ва шодлик кунлари сифатида катта тантаналар билан нишонланибгина қолмай, ўзоқ-яқин қавму қариндош ва дўстларни йўқлаш, касаллар ҳолидан хабар олиш, марҳумлар қабрини зиёрат қилиш, дўстлар аро садоқатликни билдириб инсон қадрини эъзозлаш каби одатларга амал қижинган.

Наврўз байрамининг бошқа баҳор фасли байрамларига анча яқинлиги ҳам диққатга сазовордир. Этнограф-

ларнинг берган хабарларига қараганда, Наркент, Самарқанд ва Хоразмда ўтказиладиган лола сайли, сайли гулисурх ёки қизил гул сайиллари асли Наврӯз маросимларига анча ўхшаб кетади. Бундай байрамлар март (ҳамал) ойида нишонланиб бир ойгача давом қилган. Сайил вақтида катта бозор ишлаб бир қишлоқдан иккинчисига ўтган. Бозор майдонида масхарабозлар, дарбозлар, созандалар, полвонлар томоша кўрсатганлар, кўчқор, туя, хўрот ва бедана уриширишлари, тухум уришириш ўтказилган. Баъзан мазкур мусобақалар муштлашишга айланниб, қадимий фратриал тузумга хос ибтидоий маросимларни ўзган элементи сифатида сақланиб қолган. Шуниси ҳам диққатга сазоворки, мазкур байрамда иштирокчилар (эркак ва аёллар) анча эркин бўлганлар, кечки базмларда маҳсус тайёрланган шароб мусалласи ичилган, ўйин-кулгилар авжига чиққан. Айрим тадқиқотчиларнинг фикрича, гул сайиллари бир ой давомида ўтказилиб, баҳор байрамининг бош маросими Наврӯз билан уланиб кетган.

Ҳаётимизда Наврӯз билан боғлиқ сақланиб келаётган анъаналардан бири янги туғилган болаларга Наврӯз исмини қўйиш одатидир. Лутфийнинг ажойиб асарларидан «Гул ва Наврӯз» достонида Фарруҳ шоҳнинг ўғли шу куни туғилгани учун унинг оти Наврӯз деб қўйилган. Ҳозир ҳам Самарқанд, Сурхондарё, Қашқадарё, Бухоро вилоятларида Наврӯз куни туғилган бўлса асосан ўғил болаларнинг, Фарғона водийсида эса кўпинча қиз болаларнинг исми Наврӯз қўйилади.

Илгари маҳаллий иқлим шароити ва унга мос турмуш тарзи ҳамда мёҳнат тажрибаси, йил фаслларининг алмашинишига қараб деҳқон ва чўпон йиллари фарқ қилинган. Деҳқон йили 21 мартдан кейин — ер илиб, ўсимликлар жонлангандан кейин бўшланади, 16 мартдан ўт-ўланларнинг ўсиб чиқа бошлиши билан чўпон йили ҳисобланади. Мазкур даврдан деҳқонлар фаол ҳаракатга келиб ерга ишлов беришга киришади, чўпои (чорвадор) лар ёзги яйловга кўчиш ишларини бошлаб юборади.

Наврӯз ҳам асли деҳқончилик билан узвий боғлиқ бўлган ва унга тайёргарлик қилиш ишлари билан биргаликда олиб борилган. Ҳозиргача Наврӯзга тайёргарлик дала ишларини ўтказиш тадбирлари билан бирга ўтказилади: боғ-роғларга гул ва кўчатлар экиш, далалярни экинга тайёрлаш, агротехника ва моддий ресурс-

ларни таҳт қилиш, маҳаллӣ ўғит тӯплаш, ариқ ва зо-
вурларни тозалаш каби ишлар бажарилади. Бутун Ўз-
бекистонда эрта баҳорда бошланадиган дехқончилик
ишларидан лойқа ўтириб қолган ариқ-зовурларни тоза-
лаш, уларни янги мавсумга тайёрлаш алоҳида эътибор
талаб қиласиди. Бундай ишлар якка хўжаликларнинг қуд-
рати етмаганилигидан бутун қишлоқ ёки туман аҳли ку-
чи билан ҳашар ёрдамида амалга оширилган. Мана шу
пайтда Сурхондарё, Қашқадарё ва Зарафшон водийси-
да лой тутиш, Хоразмда қазув маросимлари ўтказилган.
Лой тутиш маросимини ўтказиш қуйидагича бўлган: би-
рор киши ариқ қазувчilar олдидан ўтиб қолса, унинг
қўлига кетмон ёки белда лой тутқазганлар. Қелган ки-
ши уни лойи билан олишга мажбур бўлган. Шунда у
ўзининг бирор ҳунарини кўрсатиб қутилиб кетади, ёки
ҳашарчиларга зиёфат беришга мажбур бўлади, ё белги-
ланган жойнинг аригини қазиб беради. У қўшиқчи бўл-
са қўшиқ айтиши, бахши бўлса достон куйлаши, полвон
бўлса кураш тушиши, темирчи бўлса ариқ қазиш учун
зарур бўлган асбоб-ускуналар ясад ёки уларни тузатиб
бериши лозим. Агар айтилганлардан бирортасини ба-
жара олмаса, у белгилаб берилган ердаги ариқни қазиб,
сўнг ўз йўлига кетиши мумкин.

Мазкур маросимлар Хоразмда ҳам қазув пайтида ўт-
казилган, Ҳашар (кўмак) одатига асосланган турли ом-
мавий ишлар ижтимоий характерга эга бўлиб, халқ
ижод қилган ҳар хил маросимлар ва сайиллар билан
нишонланган.

Дехқончилик касбига оид энг муҳим маросимлардан
бiri далага қўш чиқариш билан боғлиқ «шоҳмойлар»
алоҳида қувонч ва тантана билан нишонланади. Одатда
далага қўш чиқариш кунини қишлоқдаги тажрибали
дехқон (оқсоқол) белгилаб берган. Шоҳмойлар душан-
ба, чоршанба ва жума кунларидан бирига тӯғри келиши
лозим бўлган, чунки бу кунлар дехқонлар тасаввuriда
бахт, омад келтириладиган кунлар ҳисобланган. Асосан
қўш чиқариш Наврӯз кунлари бошланган, аммо ерлар
пишиб етишса, об-ҳавога қараб Наврӯзга қадар ҳам
ўтказилган.

Шоҳмойлар тантаналарига тўқ-фаровон жойларда
қишлоқнинг барча аҳли тайёргарлик кўрган: ҳар бир
хонадон турли таомлар пиширган, нону қатлама, патир-
лар ёпилган, боурсоқ ва пўssiқлар пиширилган. Маро-
сим ўтказиладиган жой супирилиб-сидирилиб, шолча,

жигизу гиламлар тўшалиб, дастурхонлар ёйилган, унга тайёрланган таомлар тортилган. Қишлоқ аҳли тўплангач оқсоқол яхши тилаклар билан дуо-фотиҳа қилиб, пиширилган нарсалар аҳоли орасида тарқатилган. Шундан сўнг қўш чиқариш учун маҳсус боқилиб турған ҳўкизлардан бири олиб чиқилган ва ўтган йилги ҳосилнинг охирги тутамидан тайёрланган кулча қишлоқнинг барча мўътабар қариялари ва бошқа иштирокчиларига бир парчадан синдириб берилади. Кулчанинг бир бўллаги танлаб олинган ҳўкизга ҳам берилади. Ниҳоят, кўз тегмасин деб ҳўкизларнинг шохига зифир ёғи суртилади, инжинслардан ва ёвуз руҳлардан пок бўлсин деб исирқ тутатилади.

Дастлабки қўшни қишлоқнинг энг ҳурматли, сер-фарзанд ва кўп неварава-чеварали мўйсафиidlаридан бири солади. Оқсоқол қўш билан кучи етгунча ё бир марта, ё уч, ё беш марта, умуман тоқ марта ҳайдайди, кейин ўтган йилги ҳосилнинг охирги тутамидан олинган буғдойдан иримиға ҳайдалган ерга бир неча ҳовуч сепади. Мазкур маросимдан сўнг барча дехқонлар ҳўкизларини етаклаб уйга қайтганлар ва оиласий доирада байрам хурсандчилигини уйда давом қилганлар. Бой хонадонлар қўш чиқариш арафасида зиёфатлар беришиб унга мулла-эшонларни чақириб дехқон рисоласини ва бошқа диний китобларни ўқишган.

Дехқончилик ва чорвачилик билан боғлиқ янада бир муҳим маросимлардан қурғоқчилик вақтларида ёмғир чақириш урф-одатлари ҳам қадимдан сақланиб келган. Лалмикор дехқончилик ва чорва билан шуғулланувчи аҳоли учун баҳор ҳамда ёзингилк ойларида ёмғирга катта эҳтиёж сезилади. Ўзбеклар ва бошқа Урта Осиё халқлари табиий, яъни ёмғир сувлари билан суғориладиган экинларни лалми (қайроқи) деб номлаган. Бундай дехқончилик ёғингарчилик бўлмаган ойларда хавф остида қолган. Шунинг олдини олиш мақсадида ўтказиладиган маҳсус маросимлардан «суст хотин», «сув хотин», «чала хотин» каби ёмғир чақириш удумлари кенг тарқалган.

Маросим маҳсус белгиланган кун ва вақтда ўтказилган. Аммо бу кун халқ тасаввурида қабул қилинган иримга қараб ҳафтанинг баҳтили кунига тўғри келиши зарур бўлган. Маросимнинг биринчи босқичи ташкилий ишлардан бошланган, унга эпчил ва уддабурон шахслардан ташкилотчи мутасадди тайинланган. У маросим

учун керак бўлган нарсаларни тайёрлаган. Бундай нарсалар, масалан, лоқай ўзбекларида битта бўш қовоқ, иккита қамиш найча, иккита тошбақа, битта эшак ва хайр-садақа солиш учун битта хуржундан иборат бўлган. Энг муҳим нарса шуки, ёғочдан қўриқчи шаклидаги қўғирчоқ ясалиб, у полиз экинлари ўртасига қўйилган ва қари аёлнинг кўйлаги кийгизилган. Шундан сўнг маросимнинг асосий қисми — иккинчӣ босқичи, яъни уни ўтказиш бошланган. Шуни ҳам қайд қилиш лозимки, «суст хотин» маросими ўзининг иштирокчилари таркиби, жинси ва ёшига, айrim элементларига қараб ҳар бир вилоятда ҳар хил бўлган.

Маросимнинг анча кенг тарқалган хили Жиззах, Қашқадарё ва Сурхондарё вилоятларида ўтказилган. Чунки бу ерларда лалмикор экинлар кўп экиласди. Маросим белгиланган кун ва вақтда ўн-ўн беш аёл маҳсус ясалган қўғирчоқча қари аёлнинг кўйлагини кийдириб, бир аёл уни кўтариб олади, қолганлари унинг ортидан эргашиб, қишлоқ ёки маҳалладаги хонадонларга «суст хотин» қўшиғини нақорат билан айтиб бирма-бир кириб чиқади. Ўй эгаси уларни хурсандчилик билан қаршилаб, қўғирчоқ устидан сув сепади ва имкониятига қараб хайр-эҳсонлар қиласди. Айтиладиган қўшиқда деҳқон сепган буғдойнинг мўл ҳосил бериши, хонадонларга хурсандчилик келтириши, эл-юрга тўкинчилик ва қутбарака бериши таъкидланади, энг муҳими, ёмғир ҳадя этиш «суст хотин» дан илтижо қилинади.

Ҳосиллар мўл бўлсин, суст хотин,
Деҳқоннинг уйи тўлсин, суст хотин,
Ёмғирларни ёғдиргин, суст хотин,
Ёмоининг уйи куйсин, суст хотин...
Осмондан томчи ташлаб, суст хотин,
Элу юртни тўйдиргин, суст хотин.

Айrim ахборотчиларнинг хабар беришича, тахминан 40—50 йиллар муқаддам қишлоқларда «суст хотин» маросими ҳар йили баҳорда икки-уч маротаба ўтказилган. Шўрчи туман Қаллиқ қишлоғи ва унинг қатрофидаги жойларда, Жанубий Тожикистанда ўзбек лоқайларида мазкур маросимни асосан эркаклар ўтказган. Унда қўғирчоқ ўрнига иштирокчилардан бирига аёл кишининг кўйлаги кийдирилиб, сув ана шу кишининг устидан сепилган. Лоқайларда 15—20 киши тўпланиб, ярим яланроҷ икки кишини эшакка бир-бирига қара-

тиб миндирганлар. Уларнинг ўртасига икки тошбақани осёридан боғлаб, эшакнинг икки томонига осилтириб қўйганлар. Мингашган кишининг бирига сув солинган қовоқ тутқазилган, иккинчисига бир-бираига боғланган икки қамиш найча берилиб, найчалар сув солинган қовоқ идиш ичидаги айлантирилади ва гувиллаб овоз чиқарди. Бу овоз гўёки қийналган тошбақаларнинг овоз чиқаришига тақлид ҳисобланади. Қолган иштирокчилар эшакка мингандарнинг орқасидан эргашиб, «суст хотин» қўшигини айтиб қишлоқдаги хонаёнларни бирма-бир айланиб чиқадилар. Уй эгаси эшакка мингандарнинг устидан сув сепиб, маросим иштирокчиларига хайр-садақа беради. Бериладиган нарсалар асосан нон, дон, қанд-қурс, баъзан улоқ, қўй, ҳаттоқи сигир, от ёки нақд пулдан иборат бўлган.

Ёмғир чақириш маросимининг Бухоро вилоятининг Қоракўл ва Олот туманларидағи ўзига хос маҳаллий хилларидан бири ижро этилган «чала хотин» қўшифи билан маълум. Бунда ҳам ёғочдан ясалган аёл қўйлаги кийгизилган қўғирчоқни бир аёл қишлоқ бўйлаб уймайди айлантириб хайр-садақа йиғади. Унинг орқасидан беш-олти бола хуржун кўтариб юради. Болалар хонаёнларга кириб қўғирчоқни айлантириб, ёмғир ёғишини тангридан тилаб, «чала хотин» қўшигини куйлайдилар:

Айланади чала хотин,
Ургилади чала хотин.
Онамнинг тўнғичиман,
Қозоннинг қирғичиман,
Ёмғирнинг ёғричиман,
Худо берса, оби раҳмат ёғаверсин.
Айланади чала хотин,
Ургилади чала хотин.

Маросим охирида жамгарилган нарсалар ҳисобига унинг иштирокчилари бутун қишлоқ ёки маҳалла ахолисига ис чиқаради. Одатда ис чиқариш қишлоқнинг гузарида ёки сўлим жойларидан бирида ўтказилган.

Худоларнинг рамзий шаклларини ҳайкал ёки қўғирчоқ қиёфасида ясаб, унга сининиш ҳамда турли маросимлар ўтказиш жуда кўп халқларда, шу жумладан Шрта Осиё халқларида энг қадимий даврлардан мавжуд эканлигини археологик ва этнографик маълумотлар тасдиқлайди. «Суст хотин» маросими якунидаги

қўғирчоқни ё куйдириб юбориш ёки эски қудуққа ташлаш удуми узоқ ўтмишдаги аждодларимизнинг қурбонлик қилиш маросимининг қолдиқларидан эканлигини аниқ кўрсатиб турибди. Этнографиядан маълумки, қурбонлик қилиш дастлаб тирик одамлар, асосан қариялар, ҳиндуларда ёш қизлар, кейинчалик (масалан, Иброҳим пайғамбар афсонаси) айrim ҳайвон ёки жонсиз буюмлар ҳисобига ўтказилган. Шу асосда «суст хотин» маросимидағи кекса аёл қўйлаги кийдирилган қўғирчоқнинг ёмғир ёғиши учун куйдириб юборилиши ёки қудуққа ташланишини одамни қурбон қилишнинг рамзий ифодаси деб ҳисоблаш мумкин.

Узоқ ўтмишдан сақланиб келган шамол чақириш ва уни тўхтатиш маросими матриархат даврига оидdir. Сибирь халқлари сўнгги вақтларгача шамолни илоҳийлаштириб, аллақандай тош одамлар вужудга келтиради деб уни чақириш ёки тўхтатиш учун улкан тошларга, қояларга сифиниб қурбонликлар қилганлар. Айrim халқлар шамолни қандайдир мўъжизавий қурратга эга бўлган аёл пайдо қиласи, деб ўйлайдилар. Фарғона водийси ўзбеклари ҳам шамол аллақандай ғордан келиб чиқади, унинг ҳомийси қари аёл сифатида, деб тасавур қиласилар. Самарқанд, Бухоро, қисман Қашқадарё ва Сурхондарёда яшовчи ўзбеклар ҳам шамол ҳомийсини кекса аёл образида тасвирлайдилар.

Жанубий Қозористондаги ўзбекларда «чой момо» маросими ҳозиргача сақланиб келган. Бу маросим тўғрисида таниқли этнограф А. Диваев асримиз бошларида қисқа маълумот берган. Унинг таърифича, ёзойларида, айниқса бошоқли эқинлар етилган пайтда қаттиқ шамол тўриб, арпá, буғдой, тарик каби эқинларни пайҳон қилиб ташлайди. Бунинг олдини олиш учун бир неча қари аёллар юздарига қоракуя суркашиб, кели сопини от қилиб минишаб, кўлларига узун гаврон олишиб, унга турли рангдаги латта-путталарни бойлашиб, отга ўхшаб кишиаб, сакрашиб «чой момо» қўёшини айтганлар. Ҳар бир хонадон маросим иштирокчиларига хайр-садақа қилган. Айrim муаллифлар фикрича, «чой момо» қадимий туркий тиллардаги шамол сўзи «чал» шаклида бўлғанлигини инобатга олиб, «чал момо» сўзининг фонетик ўзгарган шаклидир, «шамол момо» маъносини англатади. А. Диваев ҳам «чой момо» дегани нотўғри ибора, чунки у ҳеч қандай маънони англатмайди, «чал момо» асли қари, оқсоқ кампир маъносида,

деб таърифлайди. Аммо у маросим тўғрисида маълум бермайди.

Б. Саримсоқовнинг тўплаган маълумотларига қарангандо, «чой момо» маросими сайрам ўзбеклари орасида қуийдагича ўтказилади. Икки кампир эски-туски кийим кийиб, юзларига қоракуя суркашиб, қўлларида ҳасса билан олдинда юриб «чой момо» қўшиғини айтиб боришади. Бўйи етган беш қиз бошларига қизил шолча ёпиб, кампир кетидан эргашиб ашулага жўр бўладилар. Уларнинг кетидан етти-саккиз яшар ўғил бола катта хуржун ортилган эшакка миниб ўқлоқ, юмшоқ супурги ва кели сопини бирга боғлаб судрайди. Маросим иштирокчила-ри шу тариқа қишлоқ бўйлаб «чой момо» қўшиғини айтиб кўчама-кўча айланадилар. Ҳар бир хонадон имко-ниятига қараб буғдой, ун, тухум, нон ёки пул бериши шарт. Йиғилган нарсалар хуржунга солинади. Маросим иштирокчилари қишлоқни бир кунда, баъзан иккі-уч кунда айланаби, йиғилган буғдой-ундан чалпак пишириб шамол ота (она)га ис чиқарадилар. Пиширилган чалпакдан ўн иккитасини шамол ҳомийсига атаб ерга кўмишади ёки муқаддас ҳисобланган жойдаги тешикка ташлашади. Бошларига шолча ёпишган қизлар бутун маросим давомида юзларини очишмай юришлари шарт, аксинча шамол яна кучайиб кетар эмиш. Баъзан йиғилган нарсаларни сотишган ва қўй олишиб, шамол чиқадиган жойга бориб қурбоилик қилишган. Қурбонлик гўштидан шўрва пиширилиб аҳолига тарқатилган, ортиб қолганини шамол чиқади деб тахмин қилинган тешикка тўкканлар.

Мазкур маросимнинг аёллар томонидан уюштирилиши ва бажарилиши, шамол ҳомийсийнинг аёл киши деб тасаввур қилиниши шубҳасиз жамиятда аёллар мавқеининг юқори даражага кўтарилганлигини, «чой момо» маросими илдизининг матриархат даврига оид эканлигини исботлайди. Унда бешта вояга етган қизни бошига қизил шолча ёпинтириб олиб юриш ҳам генетик жиҳатдан энг қадимий урф-одатлардан. Бу қизларни табиатнинг даҳшатли кучлари (сурункали қаттиқ шамол, сув тошқини ва қурғоқчилик кабилар) олдида ижтимоий қўрқув таъсирида айrim мамлакатларда амал қилинган одамни қурбонликка маҳкум этиш одатининг рамзи, деб тушуниш мумкин. Қизлар сонининг бешта бўлиши ҳам қадимий тасаввурлар билан боғлиқ. Кўн халқларда дастлабки ибтидоий ҳисоблар беш бар-

моқдан бошланиши, дастлаб ҳафтанинг беш қундан иборат бўлиши, одам танасининг беш мучадан (кўз, қулоқ, оғиз, оёқ ва қўл) иборатлиги, беш хил сезгининг мавжудлиги, айrim халқларда қутбларниң беш қисмга бўлиниши каби тасавурлар бу рақамниң муқаддаслигини тасдиқлайди. Маросимда ишлатиладиган буюмлардан ўқлов билан кели сопи ризқ-насиба рамзи сифатида олиб юрилса, супургининг зиён-заҳматни супурувчи деган мақсадда олиб юрилиши асли ибтидоий магик (сехргарлик) билан бевосита боғлиқ одатлардан. Ҳозиргача ўзбекларда супурги устидан ҳатлаб ўтиш ёки бирор ерига тегиш кишига зарар етказади дёган ирим сақланган. Қари аёлларниң юзларига қоракуя суртиши ҳам асли магик тасавурлар билан боғлиқ иримлардан.

«Чой момо» маросимида айтиладиган қўшиқ мазмани ҳам диққатга сазовор. Этнограф А. Диваев асримиз бошларида ёзиб олган матнида шамол ҳомийсига мурожаат қилишни, етилган дон бошоқлари пайҳон бўлаётганлиги, ем-хашак ва похол фарамлари сочилиб, қишлоқни безор қилаётганлиги айтилиши билан бирга «чой момо»га қараб, «бўронни тиндираман, емишингни синдираман, бошингга ўлим келтираман», деб дўқ-пўписа ҳам қилинади. Қўшиқ маросим иштирокчиларига саҳйлик қилиб, мўл садақалар бериб, худойи қилиб шамолни ҳайдаймиз, деган мурожаат билан тугайди.

Шамол чақириш ёки уни тўхтатиш маросими нафакат ёзда, балки куз фаслида ҳам ўтказилган. Чунки ёз фаслида ҳамма нарса пишиб етишганда сурункали қаттиқ шамол заарли бўлса, кузда пишиқчилик пайтида донни янчиб, сомонни тозалаш учун шамол эсиши талаб этилган. Илгари ўзбекларда ва бошқа туркий халқларда шамолни тўхтатиш ёки чақириш мақсадида ўтказиладиган мазкур маросим кенг тарқалган, аммо ҳозир бутунлай йўқолиб кетган.

Ез фасли билан боғлиқ ижтимоий мазмундаги саъил ва маросимлар пишиқчилик, экин-тўқин ва илк ҳосиллар, қишга тайёргарлик каби ҳаётий муаммоларни ифодалайди. Ез фаслида кишилар қишининг ғамини ейди, дастлабки йиғим-теримни бошлайди, айниқса ўрим пайлари деҳқон учун энг қувончли ва масъулиятли давр ҳисобланади. Қишига тайёргарлик, озиқ-овқат, сабзавот, кийим-кечак, туарар жой ва уй-рўзгор ғамлари билан боғлиқ ташвишлар ранг-баранг ва турли маросимларни юзага келтирган. Шулардан бири охирги ту-

гам буғдойни ўриб олиш маросими ҳисобланади. Узбекларда бу маросимнинг «Обло барака» (Фаллаорол атрофларида) деб номланиши ислом таъсирида пайдо бўлган. Хоразмда сўнгги тутам буғдой йиғилиб, хирмон тугатилганда устига кесак қўйилади, шунга қараб уни «барака кесаги» деб атаганлар.

Мазкур маросим асосан буғдой ўримида қатнашган ҳашарчилар иштирокида ўтказилган. Маълумки, ҳашар ўзбек халқининг ижтимоий характерга эга энг ажойиб, қўхна анъаналаридан ҳисобланади. Ҳашар дастлаб қўни-қўшни, қавму қариндош, ҳамқишлоқларнинг ёрдами билан ўтказиладиган жамоавий ишлар, жумладан, уй қуриш, ариқ қазиш, кўприк қуриш, ҳовуз ёки қудуқ тозалаш, экинни ўриб олиш кабилардир. Экин ўрими дехқон ҳаётининг ниҳоятда муҳим ва масъулиятли вақти ҳисобланиб, етилган ҳосилга кўз тегмасин, баракали бўлсин, деб турли расм-удумлар, ирим-сиримлар ва маросимлар ўтказилган. Ўзбекларда илгари ўрим бошлашдан олдин ҳатто қурбонлик қилиш одати бўлган. Ийниқса жамоага тегишли ёки вақф ерларидаги ҳосилни йиғиб олиш тантанали ўтказилган. Масалан, Бухоро амирлигига экиласидиган ерларнинг 24,6 фоизи вақф ерлари бўлиб, бу ерлардаги экинлар савоб ҳисобланиб бутунлай ҳашар йўли билан ёрга ишлов берилиб, экин экилиб йиғиб-териб олинган. Маҳаллачиликда ҳам экин ўрими одатда ҳашарчилар иштирокида ўтказилган.

«Обло барака» маросимида ҳашарчилар буғдой ўримининг охирида бир парча ўрилмаган ер қолгач ҳар томондан ўриб ўша ерга интиладилар. Ҳар бир ҳашарчи охирги буғдой тутамини ўриб олишга ҳаракат қилган ва шу тутамини «она буғдой» деб атаганлар. Кимки биринчи бўлиб охирги тутамга етиб келса, «еттим еттим, еттим, обло барака берсин», деб уни ўриб олади. Она буғдой шу ҳолича боғланиб, уйга олиб борилади ва баҳорги экиш пайтигача сақланади. Экин экиш бошланганда она буғдой тозаланиб, бир қисми уруғлик донга, бир қисми янчилиб хонадондаги тайёр унга араплаштирилиб, ундан, ноң, патир ёнилади. Епилган ноң-патир далага олиб чиқилиб, дон сепишга чиқсан дехқонларга улашиб берилган.

Тарихий-этнографик маълумотларнинг аксариятида туркий халқларда, жумладан ўзбекларда об-ҳавони ўзгартириш, баҳор ёки кузда ёмғир ёғдириш, қишида ҳавони иситиш учун қўлланиладиган сеҳрли тошлир

мавжуд бўлиб, уларнинг яда (жада), сата («Авеста»да «дъата») деб номланиши ҳақида хабар берилади. Бундай тошлар гўёки от, сигир, буғу каби ҳайвонлар ҳамда карқур номли қушнинг ошқозонидан топилган. Яда (жада) сўзининг этимологияси қадимги туркий тилдаги жодугарлик сўзидан олинган магик құдратга эга бўлган тошни ифодаловчи мустақил атама ҳисобланади. Бу сўз билан боғлиқ бўлган маҳсус маросим ўтмишда Урта Осиё ва Шарқий Туркистонда яшовчи барча туркий халқларда мавжуд әканлиги аниқланган. Яда тоши ёрдамида нафақат об-ҳавони ўзгартириш, балки кишилар ва уй ҳайвонларининг айрим касалликларини даволаш каби маросимлар жуда кенг ҳудудга, чунончи, бутун Урта Осиё, Сибирь ва Шарқий Туркистонда яшовчи туркий халқлар орасида тарқалган бўлиб, ҳозир улар бутунлай унутилган.

Ижтимоий аҳамиятгә эга бўлган муҳим анъанавий тартиблардан бири устозларнинг шогирдларга фотиҳа бериш маросимиdir. Бу маросим барча касбларда деярли бир хил ўтган. Шогирдликка одатда болани ёшликтан (8—10, айрим пайтларда 6—7 ёшда) ота-онаси олиб келиб муайян устага топширади. Боланинг отаси фарзандини устага топширишда: «Гўшти сизники, суюги бизники», деган ибора билан, яъни бутун тақдири устоз қўлида, нима қўйса ихтиёри ўзида, деб қолдиради. Йигит касбини ўрганиб, ўзи мустақил равишда маҳсулот тайёрлаш даражасига етганда ота-онаси (етим бўлса устанинг ўзи) фотиҳа зиёфатини ўтказиши шарт бўлган. Масалан, этикдўз ёки маҳсидўз шогирд усталикни тўла эгаллаб олганлигини исботлаш учун бир жуфт пойабзални тикиб бозоргга чиқаради. Бозорда этикдўзлар калантари (оқсоқол) унинг маҳсулотини текширади, яхши, бозорбоп бўлса фотиҳа олишга рухсат беради, акс ҳолда ҳайдаб юборади.

Фотиҳа бериш маросимига катта устолар, калантар, топшириги билан пайкал орқали таклиф қилинади. Зиёфатга касб (улпагар) раҳбарлари билан домла ҳам чақирилади. Гап-гаштак тарзида ўтказиладиган ўтиришларда дастурхонга ширинликлар, мева-чевалар қўйилади, чой берилади, иссиқ овқат тортилади (шўрва, ош ва ҳоказо). Кейин калантар янги сарполар кийинган шогирдни даврага чақириб, устасига ва шогирдига шундай мурожаат қўйлади: «Уста, сиз шогирдингизни боқдингиз, кийинтирдингиз, нон, туз ва пул

бердингиз, шунга розимисиз? — Розиман!» — деб жавоб беради уста. Кейин шогирддан сўрайди: «Устага хизмат қилдинг, хизматингга розимисан? — Розиман! Шундан кейин уста-шогирд ўртасида сұхбат бўлиб ўтади. Шогирд устасига қараб: «Кўп хизматингизни қилдим, кўп тузингизни едим, Уста рози бўлинг!» Уста унга жавобан: «Урдик, сўкдик, койидик, сен ҳам рози бўл!», дейди. Баъзан айрим усталар саволлар бериб, имтиҳонга ўхшашиб савол-жавоблар ҳам бўлган. Маросим якунида шогирдга усталикка фотиҳа берилади, шогирд ўз устасига, калантарга, имконияти бўлса ҳурматли катта усталарга ҳам сарпо кийгизади. Айрим касбларда уста шогирдига баъзи иш қуролларини ҳадя қиласиди.

Асосан чорвадор аҳоли орасида қадимдан ўтказилиб келингган яса-юсун маросими ҳам диққатга сазовордир. М. Ф. Гавриловнинг хабар беришича, бу маросим XVII асрнгча қимизхўрлик маросими сифатида маълум бўлган, кейинчалик тариқ ва курмакдан тайёрланган маҳсус ичимлик — бўза ичиш билан алмашган. Ўзбекларда яса-юсун маросими бошқа номлар билан ҳам маълум. Масалан, Тошкент ва Фарғона водийсида бўзахўрлик, Бухоро, Самарқанд ва Туркистон ҳамда Сайрам атрофларида кўна ўтиришлари деб юритилган.

Бўзахўрлик ўтиришлари 30—40 кишидан иборат бўлиб шерда (меҳмонхона) уютириш йўли билан иштирокчилар томонидан умумий ҳаракат ҳарпона (ҳарифона) ёки навбатма-навбат тартибда ташкил қилинган. Гап-гаштакдагидек, шерданинг раиси, унинг ўнг ва чап оталиқлари (ўринбосарлари), эшик оғаси (шерда ўтадиган уй эгаси), бий ва унинг ўринбосарлари бўлган. Маросимда буйруқларни бажартирувчи ясовул, бўза қуиб тарқатадиган соқий (косагул) доимо хизматда бўлган. Базм иштирокчилари косагулга тўла бўйсуниб, узатган бўзани бир нафасда ичиши, уни тўқмаслиги, дастлаб чўкка тушиб ўтириб, раис рухсатидан кейин эркин, истаган тарзда ўтириши, маст бўлмай одоб сақлаши, ўтиришни раис ва эшик оғаси рухсатисиз тарқ этмаслиги, барча топшириқларни эътироҳозиз бажариш каби шерда қоидаларига амал қилиши шарт бўлган. Маросимда айтиладиган қўшиқларда бўзани таърифлаш ва уни тайёрловчиларга мадҳиялар айтиш, ҳазил-мутойиба, хурсандчилик ва кўнгил очишга дарьват қиласидиган, баъзан ижтимоий адолатсизлик ва бошқа мотивлар ўз ифодасини топган. Масалан,

Бўзанинг асли отаси курмақдир,
Майхонада ўйнамоқдир, кулмоқдир.
Майхонада ўйнамасанг, кулмасанг,
Ким қўйибди майхонага келмоқни ...
Бўзани ичган сари кайф ортадур,
Барчани бирдек яратсанг нетадур.
Бир нечага берибсан тахту давлат,
Бир нечанинг умри зое ўтадур ...
Бир нечага берибсан боз устига боз давлат,
Бизга ҳам бир қўниб ўтсанг нетадур.

Бундай ашула намуналарини қўлига бўза олган киши чилдирма жўрлигига ижро этган. Маросим қўшиқларининг маҳсус турлари Туркистон, Қарноқ, Иқон, Сайрам атрофларида «Кўналар», «Ҳаққоналар», айрим жойларда «Бўзагарлар қўшиғи» деб юритилган. Тадқиқотчиларнинг фикрича, маросимда ижро этиладиган қўшиқлар ҳам мазмун, ҳам текстуал жиҳатдан, макон ва вақт тафовутига қарамай, асосан бир хилда ўтказилган. Кейинчалик шаҳарларда маҳсус майхоналар очилиб, бўза билан савдо қилиш кучайиб бўзахўрлик маросими ўзбекларда сақланмаган. Унда айтиладиган шеърлар, куйланадиган қўшиқлар айрим кекса кишилар хотирасидагина қолган, холос.

Ўзбекларда қиш фасли билан боғлиқ бошқа маросим ва расм-руслар анчагина бўлган. Масалан, биринчи қор ёққанда «қор ҳат» ташкил қилиб, яқин дўсту биродарларига топшириб, зиёфат қарзини юклаш, кўп қор ёғиб ҳеч тинмаган пайтларда маҳсус удум ва маросимлар ўтказиш кабилар ҳозир унутилиш арафасида турибди.

Ижтимоий-тарбиявий характерли миллий спорт ва мусобақалар, жисмоний машгулотлар ва ўйинлар ўзбекларда қадимий даврлардан ривожланиб келган. Ешларни жасурлик, эпчиллик, чаққонлик, мардоноворлик руҳида тарбиялашга қаратилган турли ўйинлар мавжуд бўлган. Болалар ўйинларида асосан маҳаллий аҳолининг касб-ҳунари ва машгулотлари ўз ифодасини топган. Шунинг учун болаларнинг ўйинчоқларида ўйрўзғор буюмлари, қишлоқ хўжалиги асбоблари, идиштовоқлар, аравача, бел кетмон ва болға кабилар намоён бўлган. Қиш пайтлари яхмалак ва қор ўйинлари, ёзда от миниш ва «улоқ», баҳор ва куз пайтлари ошиқ, копток, варрак ва парпарат учирин, ёғоч-дарахтларга

осилган арғимчоқ (ҳайинчак, саринжоқ). Учиш каби-
лар ўспириналарнинг севимли ўйинларидан. Ўғил бола-
лар орасида латтадан тикилган тўп ўйини, даста ўйин
(Фарғонада) ёки чиллик (Тошкент, Самарқанд ва Хо-
размда) ўйинлари ниҳоятда қизиқарли ва завқли ўтган.
Улар ҳарбий ўйинлар ва ўйинчоқлар билан ҳам вақт
ўтказганлар. Масалан, болалар орасида қўшкамалак
ёкичувалак камон, махсус тош солиб отадиган палаҳ-
мон ёки сопқон, пуфак найда каби қадимий қуроллар-
дан машқлар ўтқазиш одат бўлган. Афсуски, бундай
халқ ўйинларининг кўпчилиги унутилиб кетган. Ҳозир-
гача сақланиб келаётган ўйинлардан миллий кураш,
от чопиш ва улоқ ўйинлари ва бошқа анъанавий машқ-
лар кенг тарқалган. Ҳозир ўзбек ёшлиарининг кўпчили-
ги замонавий спорт турлари билан шуғулланиб кел-
моқдалар.

ОИЛАВИЙ-МАИШИЙ ТУРМУШ АНЪАНАЛАРИ

Ўзбеклар ўтган аср охирларида феодал-патриархал
тузум даражасида турганлиги туфайли оиласарининг
тузилиши ва майший турмушн мазкур тузумга мос кел-
ган. Барча ўтроқ аҳоли ва қисман ярим кўчманчи ўз-
беклар орасида асосан моногам никоҳ ҳукмронлик қил-
са ҳам катта ажралмаган оила кенг тарқалган. Асли
бундай оиласар, юқорида қайд қилинганидек, қадимий
патриархал оила жамоаси қолдиқ шаклларидан ҳисоб-
ланади. Агар ибтидоий катта патриархал оиласар асо-
сан бир неча авлоддан ташкил тонган қариндошлар
бирикмасн сифатида намоён бўлган бўлса, XIX аср-
нинг иккинчи ярмида ўзбекларда бундай оиласар анча
камайган, катта оила жамоаси емирила бошлаган. Бў-
линмаган катта оиласар икки ёки уч никоҳланган ав-
лодлардан иборат бўлиб, унга ота-она, уйланган фар-
занди, ака-уқалар кирган ва улар умумий хўжаликка
эга бўлганлар. Мураккаб бўлинмаган оиласар хўжали-
ги бир бўлса-да, янги никоҳланган оила айrim хонага
ва баъзан қозонини бошқалаб чиқади.

Айниқса XX аср бошларида Туркистон ўлкасининг
капиталистик тузум гирдобига тортилиб, товар-пул му-
носабатларининг ривож топиши натижасида вояга етиш-
ган ўғилларнинг уйланиб мустақил оила тузиш жараёни
анча кучаяди, ота-она оиласидан бўлинниб чиқиб, айrim

хўжалик ташкил қилиш бир оз кўпаяди. Аммо катта оила уклади ўрнига кела бошлаган кичик оилалар ҳали кам бўлган. Бунинг сабаби ўзки, катта патриархал оиланинг хўжалиги умумий бўлиб, уларнинг иқтисодий бирлигининг асоси ҳисобланган ерга ва бошқа ишлаб чиқариш қуролларига хўжайинлик фақат оила бошлиғи қўлида бўлган. Оиданинг хўжалик-иқтисодий жиҳатдан энг муҳим хўжайра бўлганлиги барча ўғилларнинг ота билан умумий меҳнат қилишида намоён бўлган. Аммо ўғилларнинг олинадиган даромадни бошқаришга ҳаққи бўлмаган, унга фақат оила бошлиғи тўла хўжайинлик қилган, яъни моддий жиҳатдан ўғиллар отага қарам ҳисобланган. Ер ва бошқа мулк оила бошлиғи вафот этгандан кейин ўғиллар орасида тақсимланган. Катта бўлинмаган оилалар асосан бой хўжаликларда кўпроқ сақланган, чунки улар иқтисодий жиҳатдан умумий хўжалик юритишга манфаатдор бўлганлар. Камбағал, ери кам оилалар иқтисодий замин бўшлигидан ажralиб чиқишига мажбур бўлган. Бундай жараён ер умумий (жамоа) мулки ҳисобланган жойларда ҳам содир бўлган. Чунки бундай ерларда ер ҳар йили айrim оиласа қайта тақсимланган. Кичик оилалар қурама бўлиб ҳар ердан келиб жойлашган элатлар, мардикор ва ёлланма ишчилар орасида ҳам кўпроқ учрайди. Бундай оилалар аста-секин кўпайиб, уйланган ўғиллар патриархал анъанага таяниб бирга яшашни давом қилдириб мураккаб оиласи юзага келтирган.

Кўпчилик ўзбек оиласида, ҳозиргача сақланиб келаётган одат бўйича, катта ўғил уйлангандан кейин уни уй қилиб ажратиб чиқарганлар. Агар уй қилиш имконияти бўлмаса набира вояга етиб никоҳ тўйигача яшаб келган. Оила бошлиғи ўғил туғилиши билан анъанага биноан унинг келажагини ўйлаб имкониятига қараб уй-рўзгорининг ғамини ёшлиқдан еган. Чунки ўғил бола ҳам дастёр иш кучи, ҳам келажакда оила боши. Кўпчилик тўқ оиласи ўғил кўриши билан унга уй қилишини ўйлади. Она эса қизининг ғамини кўради ва унга ёшлиқдан сеп (мол, бисот) тўплайди. Одат бўйича кенжя ўғил ота билан қолади, ота вафотидан кейин уй ва хўжалик унинг мерос мулкига айланади.

XIX аср охири — XX аср бошларида Бухоро амирлиги ва Хива хонлигига катта оиласи ҳамма ерда мавжуд бўлиб, ер оила жамоасига тегишли бўлса-да, уни сотиш мумкин бўлмаган. Ишчи мол, қишлоқ хўжа-

лиги қурол-аслаҳалари, ердан олинган ҳосил оила жамоаси мулки бўлган. Аммо сепга келган сутли сигир шахсий мулк («мулки мерос») ҳисобланса-да, унинг сут маҳсулотлари, жуни умумий мулк бўлган. Ҳатто қўлда ишланган ҳунар-касб маҳсулотларидан кирадиган даромад ҳам умумий оила бюджетига қўшилган. Бутун оила даромади ва мулки оила бошлиғи (Бухорода «калантари хона») ихтиёрида бўлган. Чекка жойларда қадимги демократик оила жамоалари қолдиқлари сақланиб, ота ўлгандан кейин уйланган ака-укалардан бирини унинг ўриига сайлаб қўйганлар. Оила кенгаши сақланган Жанубий Хоразм ўзбекларида бундай катта оилалар қаср шаклидаги катта, кўн хонали кунгирали ҳовлиларда яшаганлар. Ҳовлида бир неча уйланган ака-укалар айрим хоналарда яшаб, ҳовлида умумий молхона ва меҳмонхонага эга бўлганлар. Бундай оиласариинг даромади ва ҳовлидаги барча нарса, ҳатто қиз учун олинган қалин ҳам умумий мулк ҳисобланган. Қозон умумий бўлиб, нон бир тандирда ҳамма учун ёпилган. Оиласада ота ҳукмрон, унинг иродаси ва обрўси ҳал қилувчи кучга эга. Бундай катта оилалар патриархал жамоа анъаналарини анча мустаҳкам сақлаб келган. Кичиклар катталарга, ҳаммаси оила бошлиғига тўла бўйсунганлар.

Агар оиласада ўғиллардан бири бола-чақаси билан бўлинниб чиқиб бошқа хўжалик тузса, кейинчалик унинг болалари катта бўлиб уйланиб бола-чақали бўлса, мазкур кичик ҳисобланган оила ҳам аста-секин мураккаб бўлинмаган оиласага айланади. Бундай оиласада асли тўла мустақилликка эга бўлмаган. Улар фақат уй-рўзғори, қисман моли ва «қозон»ни бошқа қилиб, ер, корхона ёки дўкон умумий бўлиб ота қўлида хизмат қилиб, унга иқтисодий қарам ҳисобланган. Бир ота бошлилигига бир неча қавму қариндошларнинг ҳам бириниб ишлаганлиги оиласавий муносабатларни анча мураккаблаштирган. «Қозонни бошқа қилиш» дегани катта патриархал оиласарнинг аста-секин емирила бошлаганигидан дарак беради.

Этнография фанида қабул қилинган мазкур «бўлинмаган оила»нинг пайдо бўлиши Ўрта Осиё ҳалқлари, шу жумладан ўзбеклар турмушидан ўтган аср охирларида жамиятда рўй бера бошлаган жиддий ижтимоий ўзгаришлар оқибатининг рамзи эди. Айрим тадқиқотчиларнинг кичик оила фақат кейинги даврда пайдо бўл-

ган, деган фикри ҳақиқатга тўғри келмайди. Кичик оиласарнинг Ўрта Осиёда ҳам узоқ ўтмишда, эрамиздан аввалги биринчи минг йиллик ўрталарида мавжуд бўлганлигини тарихий манбалар тасдиқлайди. Археологик қазишмаларда илк Ўрта асрларда катта патриархал оиласарга оид ҳовлилар билан бир қаторда кичик бир оиласа мўлжалланган уй харобаларининг топилиши бу фикрни тасдиқлайди. Утроқ деҳқон оиласарнинг бўлиниб чиқиши ер ва сув хўжалиги умумий анъана-рининг емирилишига сабаб бўлиб, анча қийинчиликлар ва иқтисодий муаммоларни келтириб чиқарган. Шунинг учун қадимий деҳқончилик хўжаликларида катта оиласан ажralиб чиқиши қораланган ва уят ҳисобланган. Шу сабабли ўтроқ аҳоли ичидаги қавму қариндошлар орасида никоҳ ўрнатиш одат бўлган. Бундай никоҳ ерсувни бўлишга, умумий оила хўжалигининг емирилишига, алмашлаб экишнинг бузилишига йўл қўймаган.

Аммо совет тузуми ўрнатилгач, айниқса ер-сув ислоҳоти ва колективлаштириш сиёсати амалга оширилиши туфайли бундай анъана хўжаликни иқтисодий асосидан маҳрум қилиб уларнинг барбод бўлишига олиб келади. Нафақат ўтроқ аҳоли, балки ярим кўчманчи гуруҳлар орасида ҳам аста-секин кичик оиласар кўпая бошлайди. Мустақил томорقا ва ҳовлига эга бўлган, этнография фанида «нуклеар оила» деб номланган кичик оиласар ҳозирги даврда бутун Ўрта Осиёда кўпчиликни ташкил қиласди. Масалан, 1979 йилги аҳоли рўйхатига биноан Ўзбекистонда эр-хотин ва болали ёки боласиз нуклеар оила ўртача 59,5 фоизни, Тожикистонда — 59,7, Туркманистонда — 60,1 фоизни ташкил қилган. Ўзбек қишлоқларида яшовчи (Гошкент, Андижон, Самарқанд вилоятларида) нуклеар ти-пидағи оиласар 60 фоиздан ортиқ эканлиги аниқланган.

Тадқиқотчилар кичик оиласи тўрт типга бўладилар: 1) ҳали болалари уйланимаган жуфт эр-хотин, энг кенг тарқалган ва истиқболли типик нуклеар оила; 2) боласиз, энди никоҳланган ёки қари чол-кампирлар. Одатда қарияларнинг болалари мустақил ажralиб чиқсан, аммо ота-онасига қараб, хўжалигига ёрдам бераб турилади; 3) тўла бўлмаган оила, яъни боласи билан қолган бева (тул) оила. Ўрта Осиёда бундай оиласар камчиликни ташкил қиласди. 80-йилларда ўтказилган этнографик тадқиқотларга қараганда, Ўзбекистонда шаҳар аҳолиси орасида тўла бўлмаган оила 12,1 фоиз-

ни, қишлоқда 4—7 фойзни ташкил қилган. Шулардан бешдан түрт қисми болали бева аёллардир. Илгариги даврларда левират одатига биноан бева қолган аёл қайниси ёки оғасига турмұшга чиқиши шарт бўлган. Акс ҳолда ота-онасингиз кетса ёки турмұшга чиқмоқчи бўлса, болаларинн вафот этган эрининг қариндошларига қолдиришга мажбур бўлган, чунки болалар отага тегишли ҳисобланган; 4) кичик кенгайтирилган оила, яъни болалари ва эрининг, ёки хотинининг ота-онаси билан бирга яшаётган беванинг оиласи. Бундай оиласада катта ўғил ишлаб турған бўлса оила бошлиғи ҳисобланади. Қадимий фанда «минорат» деб номланган одатга биноан кичик ўғил ажралмасдан ота-онасими боқиб, уларга қараб туриши шарт бўлган. Анъанага биноан қариялар ўлса, дағи қилиш унинг вазифасига киради. Аммо ҳозир уч авлодли бундай оиласада демографлар томонидан ҳам ҳисобга олинган. Этносоциологик тадқиқотларга қараганда, ҳозир Ўзбекистон қишлоқларидаги 34,5 фойз оиласада эр-хотин билан ота-оналари ва болалари бирга яшайдилар. Янгилик сифатида айтиш мумкинки, энди эрнинг оиласида хотин томон ота-оналаридан ёки қариндошларидан ҳам яшави мумкин.

Ҳозирги вақтда Ўрта Осиёга хос мураккаб бўлинмаган оиласада Ўзбекистонда 10,6 фойзни, Тожикистонда — 12,2, Туркменистанда — 9,9 ва Қирғизистонда — 6,2 фойзни ташкил этади. Этнографик дала материаларига қараганда эса мураккаб оиласада ўзбекларда 25—35 фойз, тожикларда — 21, қирғизларда — 19,5 фойиздан иборат. Оммавий этносоциологик тадқиқотлар Ўзбекистоннинг қишлоқдаги оиласада бундай оила типи учдан бир қисмни, шаҳарда тўртдан бир қисмни ташкил қилганлигини кўрсатади. Бунинг боиси шуки, биринчидан, этник анъаналарнинг мустаҳкамлиги, иккинчидан, моддий манбаатдорлик ва умумий фойда ҳамда қишлоқдаги турмуш шароитининг нисбатан оғирлигидир. Бир неча оиласада томорқаларининг қўшилиб бир хўжалик олиб борилиши янги никоҳланган оила учун манбаатли ҳисобланган.

Ўрта Осиё халқларининг оила сони уларнинг этник хусусиятларига боғлиқ бўлган. Қадимий даврлардан маҳаллий халқлар; жумладан, ўзбеклар ҳам кўп болалиги билан ажралиб туради. 1979 йилги аҳоли рўйхати бўйича ўзбекларда оила ўртача ҳисобда 6,2 киши-

га тўғри келса, этносоциологик тадқиқотларга қараганда (1974—1976 йиллар), қишлоқ аҳолисидә ўртача оила сони 6—7, баъзан 11—12 кишидан иборат бўлган. Уша рўйхатга биноан 7 боладан кўпроқ болага эга бўлган оналар ўзбек оиласарида 19,6 фоизни, туркманларда—20, тожикларда—25 фоизни ташкил қилган. Этносоциологик тадқиқотларга қараганда, 70-йилларда Узбекистондаги қишлоқ оиласарининг ярмидан кўпи тўрт ва ундан кўпроқ болаларга эга бўлган. Маълумотларга қараганда, ёши катта аёллар ёшроқ аёлларга нисбатан кўп болаликни маъқул кўрадилар. Тадқиқотлар шуни тасдиқлайдики, сўралганларнинг (18—47 ёшдаги аёллар) 1,8 фоизи 2—3 болали бўлишни, 31 фоизи 4—5 болали, 39,9 фоизи—6—10 болали бўлишни маъқул деб ҳисоблайдилар. Кўчилик аёллар болалар қанча кўп бўлса, шунча яхши деган фикрда. Қадимий мақоллардан бирида «Болали уй бозор, боласиз уй мозор», деб бежиз айтилмаган. Жамоатчилик фикрича, боласизлик катта фожиа. Шунинг учун бола туғилмаган оиласар кўпинча бузилган, ёки эри иккинчи хотин олишга мажбур бўлган. Халқ орасида кўп болалини маъқуллаб, бола «ўнта бўлса, ўрни бошқа», деб ҳозиргача гапирилади. Болага меҳр қўйиш, кўп болали оиласарни ҳурматлаш, оиласа серфарзандликни тилаш кабилар ўзбеклар миллий руҳиятининг ифодасидир. Республикада икки мингдан ортиқ кўп болали оналар «Қаҳрамон она» деган фахрий унвон, «Шарафли она» ордени ва «Оналик медали» билан тақдирланган. Узбек оиласини ўрганган айrim тадқиқотчилар ҳақли равишда кўп болали оиласарнинг ижобий томонини қайд қилиб, оиласий жамоаликни мустаҳкамлаш, уй-хўжалик ишлари кооперациясини ташкил қилишга имконият яратиш, болатарбиясини яхшилаш, уларга меҳнат анъаналарини ва одоб-икром қоидаларини сингдириш каби Фазилатларни шакллантиришда уни муҳим омиллардан деб ҳисоблайдилар. Чунки бундай муҳим вазифаларни бажаришда нафақат катталар, балки ўспирин ва катта ёшдаги болалар ҳам бевосита иштирок қилади.

Узбек оиласарининг турмуш тарзи, маданий ва маънавий даражаси оила аъзоларининг ижтимоий ҳолатига боғлиқ. Қишлоқ аҳолисининг анча қисми махсус ва ўрта билимга эга бўлиб, малакали мутахассислардан иборат. Оиласарда механизаторлар, агрономлар, ўқитувчилар, муҳандислар, зоотехниклар, врачи ва бошқа

замонавий касб әгаларининг бўлиши оиласвий-маиший турмуш ва муносабатларнинг мөҳиятини ўзгартириб, янгича урф-одат ва маросимларнинг пайдо бўлишига, анъанавийларини тাকомиллаштиришга муҳим омил бўлмоқда. Агар собиқ Иттифоқ бўйича 1939 йилдан 1981 йилгача, яъни кейинги 40 йиллик давр ичиде олий ва ўрта билимли кишиларнинг сони 7 баравар ошган бўлса, Узбекистон ва Тожикистонда 15 баравар, Туркманистонда 11 баравар юшган. Бутун Урта Осиёда 40 йил (1939—1979) давомида олий маълумотли аёллар сони 50 баравар кўпайган. Бундай ҳолат, табиийки, оиласвий муносабатларда аёлларнинг мавқенини ва ўринини анча ўзгартирган.

Мазкур ижтимоий-маданий ўзгаришлар миллат ва жамиятни қайта тиклаш, янги оила ташкил қилишнинг энг муҳими ҳисобланган никоҳда ўз ифодасини ёрқин намоён қиласди. Никоҳ маросимлари нафақат Урта Осиёда, балки ўзбекларнинг айрим этнографик гуруҳлари орасида ҳам бир оз фарқ қилиб, ўзига хос хусусиятларга эга. Аммо никоҳ асли ибтидоий жамиятда пайдо бўлган умуминсоний қадриятларни ўзида мужассамлаштирган ажойиб маросимлардан бўлиб, унда барча элатлар учун зарур қонун-қоидалар ўз ифодасини топган.

Жамиятнинг энг муҳим ҳужайраси ҳисобланган оила никоҳдан бошланади. Оила қанча соғлом, тўқ ва мустаҳкам бўлса, жамият ҳам шунча соғлом, тинч ва фаровон ривожланади. Шунинг учун никоҳ ибтидоий жамият давридан бошлаб маҳсус урф-одат орқали оиласвий бардам ва мустаҳкам бўлишига қаратилган жамоатчилик томонидан нишонланиб, даставвал одат, кейинчалик ёзма тарзда қонунлаштирилган маросимдир. Оиласвий ва оммавий байрам ва сайилларда ўтказиладиган қадимий маросимлар ҳам никоҳ масалаларини ҳал қилишга, масалан, ёшларни бир-бири билан учраштириб, ўзаро таништириш ва яқинлаштиришга қаратилган йигит-қиз лайтишувлари, сумалак базмлари, гул ва олма ҳадя қилиш каби ёшларнинг баҳор ўйин ва сайиллари янги оила яратишга хизмат қилиб келган.

Афсуски, биз кейинги вақтларгача никоҳни ижтимоий-иктисодий жиҳатдан ислом одатлари билан боғлаб, уни фақат феодал патриархалчилик тузуми сарқитлари деб камситиб келганимиз. Никоҳ ҳар бир ҳалқнинг эзгу ниятларини рўёбга чиқаришга қаратилган энг ажойиб ва гўзал маросимлардан ҳисобланади. Ҳатто ислом

ҳам ўз ақидаларида эркак ва аёл орасидаги ижтимоий тенгсизликни патриархал тузум асосида қонунлаштирган никоҳ масалаларида ота ҳуқуқини авторитар қонун-қоидаларига бўйсундирган бўлса-да, Урта Осиёда қадимдан одат бўлиб қелган қиз-йигитларнинг ўзаро учрашувлари, эркин севги, муҳаббат туйғуларини изҳор қиласидиган миллий урф-одатларни ман қилмаган эди. Аксинча, барча қиз-йигит айтишувлари, ёр-ёлларни, халқ ижод қилган анъанавий никоҳни ва у билан боғлиқ қадимий удумларни бир оз исломлаштиришга мажбур бўлган. Ислом дини тўла ҳукмронлик қилган Бухоро ва Хива хонликларида ҳам ўзбек ва тоҷик аҳолиси орасида никоҳ маросими билан боғлиқ расм-русларда, айниқса тўй пайтида йигит-қизларга анча эркинлик берилган.

Ҳозиргача риоя қилиниб келинаётган мусулмончилик никоҳи асли умуминсоний қадриятлар асосида оиласи мустаҳкамлашга қаратилган. Қуръон ва шариат оиласи юксак инсоний фазилатлар, одоб-икром, садоқатлик, ғамхўрлик, ўз бурчи ва вазифасини англаш каби туйғуларни сингдириб, оиласи муносабатларни қўриқлаган. Шариат жамоачилик тартибларининг ижобий томонларини мужассамлаштириб, ҳатто ҳозирги замонавий қонунчиликка асос қилиб олинган Рим ҳуқуқшунослигидан устун туриб, оила бошлигини юқори кўтарган. Шариатга биноан оила ота раҳбарлигига ташкил топган мустаҳкам қон-қариндошлиқ бирикмаси ҳисобланади. Унинг барча аъзолари бир шахсга — оила бошлиғига ва бирикма қонун-қоидасига тўла бўйсуниши шарт. Шуинг учун ҳам оила шажараси, яъни фамилия қўйиш тартиби ушбу бирикманинг ҳаёт бошлиғи исми билан боғлиқ бўлган. Масалан, Абу Али ибн Сино, яъни Абу Али Сино ўғли, ёки Мұҳаммад ибн Аҳмад, яъни Мұҳаммад Аҳмад ўғли ва ҳоказо. Кейинги авлод кейинги фарзандларни яратган ота номига ўтади. Ҳозирги кўпчилик оиласаларда фамилиянинг эркак (ота) томонидан белгиланиши, шу асосда никоҳланган келининг ҳам эри фамилиясига ўтиши асл ибтидоий патриархал оиласи муносабатларнинг акс садосидир. Мусулмончилик мазкур расм-русларни қонунлаштирган ҳолда отанинг оиласидаги ҳукмронлигини ўрнатиб, уни шариат орқали қўриқлади. Шу асосда оиласининг барча аъзолари шахсий масалаларини, жўмладан, никоҳла-

нишни ҳам оила бошлиги маслаҳати билан ҳал қилиши ҳозиргача сақланган.

Шуни алоҳида қайд қилиш лозимки, Осиё шароитида оғир мұхитда оилани боқиши ва уни таъминлаш, табиийки, қадимдан әркакнинг оиласын мавқеини күтартган. Айниқса оила бошлиғининг масъулияти ниҳоятда юқори бўлиши ҳам табиий бўлган. Шу туфайли ота оиласынинг ички интизомини сақлаш, одоб-ахлоқни мустаҳкамлаш, ташқи тажовузкорликдан қўриқлаш учун катта ҳуқуққа эга бўлиши шарт эди. Бундай шароитда бошқа оила аъзоларининг отага тўла бўйсуниши ва унинг айтганидан қайтмаслиги қонунлаштирилган. Дастреб бу ҳол бутун Осиёда ҳалқ одати сифатида на-моён бўлиб, жамоатчилик томонидан қўриқланса, ис-лом пайдо бўлгандан сўнг Қуръон ва ҳадислар орқали шариатга кирган. Лекин шариат қонунлари никоҳда ва бошқа масалаларда ота томонидан ўз ҳукмронлигини ғуисистеъмол қилмаслик, аёлларнинг истаги ва эҳтиёжи билан ҳисоблашиш, уларга иисбатан хушмуомалада бўлиш, ҳатто жинсий жиҳатдан ўз вақтида яқинлашиш ва талабларни қондириш, бола тарбиясига эътибор қилиш, хулқ-атворни мустаҳкамлаш каби умумиисоний қадриятларни қўриқлашга қаратилган.

Никоҳ масалаларида отанинг ҳуқуқи анча баланд. Ҳатто ҳаётимизга сингиб кетган қалин масалалари ҳам шариатда бўлажак янги оиласынинг иқтисодий аҳволига қараб ёрдам маъносида баён этилган. Албатта, шариат ўз даврига хос феодал-патриархал тузумга хизмат қилиб келган. Аммо ҳозиргй турмушимиздаги туб ўзгаришлар, айниқса бозор муносабатлари, янгй иқтисод ва хусусий мулкчilik масалаларининг кўндаланг қўйилиши шариатдаги никоҳ меъёрларига ижодий ёндашишни талаб қилади. Узоқ даврлар совет тузуми туфайли бизлар хусусий мулкчilikни инкор қилиб, у билан боғлиқ барча тартиб-қоидаларни рад этиб келдик. Ҳозирги шароитда оила ва никоҳ масалаларида ҳам хусусий мулкнинг тикланиши, бозор иқтисодиётининг шафқатсиз қонунлари кутилмаган йўналиш томон өлиб кетиши мумкин. Шарият қонунларини чуқур ўрганиб, ундаги шахс, никоҳ ва оиласи оид қонун-қоидаларни замона талабига мослаҳтириш, барча мусулмон мамлакатларидаги тажрибага таяниб мустақил республикамизда янгича никоҳ муносабатларини ўрнатиш ва оиласи ҳар томонлама мустаҳкамлашга қаратилган урф-одат ва маросим-

ларни яратиш тақозо этилади. Бунинг учун даставвал анъанавий никоҳ тартиб-қоидаларини ўрганиш зарур.

Ўзбекларда ҳозиргача амал қилиниб келинаётган анъанавий никоҳ маросими мустаҳкам, фаровон, сер-фарзанд оилани яратишга қаратилган. Бу маросим оиласвий турмуш ва маънавий маданиятнинг таркибий қисми бўлиб, унинг иштирокчилари томонидан бажариладиган урф-одат ва удумларнинг мураккаб мажмуидан иборат. Ундаги кўп элементлар асли реликт шаклида сақланиб келган ибтидоий жамоачилик урф-одатларидан, масалан, сеҳгарлик (магия), табиатга ва ҳосилдорликка сифиниш, олов ва ўзоқ ибодати, аждодларга сифиниш, турли демонологик тасавурлардан иборат. Албатта, бундай илк дин шакллари билан боғлиқ ибтидоий расм-руслар XX асрга келиб ўз моҳиятини ўзгартира бошлаган, янги ижтимоий муҳитга мослашган. Ҳаттоқи, ўз ақидаларига садоқатли ислом дини ҳам бундай ҳолатни ўзгартира олмаган, аммо унга диний тус беришга интилган.

Никоҳ маросими, диний руҳдаги анъаналардан ташқари, ижтимоий ташкилот хусусиятларини ифодаловчи бир қатор урф-одатларни ўзида мужассамлаштирган. Улар, табиийки, қолдиқ сифатида намоён бўлиб, янги ижтимоий тузум шароитида янги маъно кашф этган. Масалан, Ўрта Осиёга хос қадимий, фақат муайян этник гурӯҳ одамлар орасида ўрнатиладиган экзогам никоҳ тартиби, никоҳлашгандан кейин нафақат келинкуёвларнинг ўзаро учрашмасдан юриши, балки ота-она ва қариндошлардан қочиб яшириниш одатлари, қавму қариндошлиқ ҳашари, қалин тўлаш, келиннинг сеп-сийдирғаси ва ҳоказолар асли диний мағкурага ҳеч алоқаси бўлмаган никоҳ маросими мажмуининг ажралмас қисмларидир. Шу тарзда улар ислом дини муқаддаслаштирган ва феодал-патриархал давлати жамоатчилиги фикри томонидан тасдиқланган қадимий маросим сифатида сақланиб келмоқда. Шуни алоҳида қайд қилиш лозимки, Ўрта Осиё ҳалқлари, шу жумладан ўзбекларнинг анъанавий никоҳ маросими бизнинг асри мизгача мураккаб, кўп босқичли, келиб чиқиши ва давр (вақти) жиҳатидан ҳар хил характердаги урф-одат ва расм-руслар мажмуидан иборат бўлган. XX аср бошларига келиб мазкур никоҳ маросими мусулмон одати сифатида расмийлаштирилган.

Маросимдаги барча фаолият, никоҳланаётганлар

нинг ҳаёти фаровон, эзгули ва баҳтли бўлишини таъминлаш, серфарзандликни тилаб амал қилинадиган иримлар авлодни давом қилдиришга қаратилган мөҳиятга эга. Диний тусдаги сеҳргарлик элементлари ҳам келин-куёвларнинг серпуштлигини тилаб, уларни турли ёвузликлардан ва ёмон кўздан сақлашга қаратилган иримлардан иборат. Юқорида қайд қилинганидек, маросим иштирокчилари, айниқса ота-оналар томонидан қилинадиган совға-саломлар келажакда ёш оиласа моддий ёрдам сифатида ўтказиладиган урф-одатлардир. Аммо никоҳ маросимининг асосий элементлари генетик жиҳатдан қадимий уруғ жамоа тузуми даврига оид бўлиб, ҳозирги даврда ҳам никоҳ масаласи айрим шахснинг манфаати билан эмас, балки жамият манфаатига боғлиқ муҳим ижтимоий ҳодиса сифатида сақланаб келмоқда. Чунки ҳеч бир жамият ўзининг жонли ҳужайраси ҳисобланган янги оиласининг яратилишига бефарқ бўлмасдан, унга зўр масъулият билан қараб жамоатчилик диққатини жалб қилган. Шунинг учун ҳам ўзбекларнинг никоҳ ва бошқа оиласий маросимлари ҳозиргача кенг жамоатчилик иштирокида ўтказилиб келинмоқда.

Барча шаҳар ва қишлоқларда сақланиб келаётган маҳаллачилик анъаналари ўзбекларнинг майший турмушида муҳим аҳамиятга эга бўлган. Улар қадимий қўшничилик жамоаси манфаати билан узвий боғлиқ бўлибгина қолмай, оиласий муносабатларни ва маросимларни бошқаришда ҳал қилувчи ролни ўйнаб келмоқда. Халқ орасида «уй олма, қўшни ол», деб бекиз айтилмаган. Яхши қўшничилик тўй ва маросимларни ўтказишда анча енгиллик түғдирган. Қўшничилик жамоаси (маҳалла, элат, қавм) ўзининг бошқариш функцияси (вазифаси) ни оқсоқоллар маслаҳати орқали бажарган ва жамоатчилик фикри томонидан назорат қилиб турилган.

Никоҳ маросими айрим вилоятларда ўзига хос хусусиятларга эга бўлса-да, умумий совчиликдан бошланади. Икки томонлама келишилгандан кейин маълум бир вақтда куёв томон қизникига совчилар юборади. Дастрлабки расмий унаштириш — «нон ушатиш» удуми ўтказилиб, кейин маслаҳат (кёнгаш) оши берилади. Унда қалин миқдори, тўй харажатлари, иштирокчилар сони, тўй вақти ва бошқа масалалар ҳал қилинади.

Қалин бутунлай тўлангандан кейин катта никоҳ тўйи ўтказилади.

Анъянавий тўйларда амал қилинадиган айрим урфодат ва иримлар нафақат ҳурсандчилик ва шодиёналик бўлибгина қолмай, балки муайян мақсадга қаратилган сеҳгарлик тусдаги расм-руслардан ҳам иборат. Масалан, ҳозиргача кўпгина тўйларда ўтказиладиган одатлардан қудаларга оқ ўратиш, тўққиз тортар, келинкуёвга, қудалар ва қавму қариндошларга фалон сидра сарпо қилиш, дастурхонга солинадиган нон-патирларнинг сони, исириқ тутатиш, келиннинг олов атрофидан айланиши (Фарғона водийсида келинли кўшана аравани олов устидан, Тошкент ва Хоразмда ўтга яқин келтириб ёки айлантириб ўтказиш), куёв тиззасига ўғил болани ўтказиш, келин-куёв устига пул-чақа ва ширинликлар сочиш, уларни кўзгуга қаратиш ва тухум егизмоқ кабилар гарчи ўз моҳиятини йўқотса-да, қадимдан муайян сеҳгарлик мақсадида ўтказилиб келинаётган иримлардир. Кўп жойларда (Фарғона водийси ва Тошкент вилояти) қишлоқ ёки маҳаллага катта ош бергач никоҳ базми дўсту биродар, қавму қариндошлар иштирокида алоҳида ўтказилади. Ҳозирги никоҳ тўйлари (базми) асосан ресторон ёки кафеларда, махсус ажратилган никоҳ уйларида ёки ҳовлиларда нишонладади.

Тўй маросими ҳамиша шод-хуррамлик, ёшлиқ, гўзаллик, келажакка яхши умид ва эзгу орзулар рамзи сифатида ўтказиладиган ажойиб оиласи байрамдир. Еоят гўзал бўлган бу маросим барча хилдаги халқсанъяти, ашула, рақс билан ўтказилади. У аслида асрлар оша синовдан ўтган, моҳиятан чуқур ўйланган, миллий асосда нишонланадиган маросим ҳисобланса-да, ҳар бир даврда такомиллашиб, муттасил бойиб келган. Албатта, айрим этник таруҳларгина эмас, ҳатто ҳар бир қишлоқ, туман ёки вилоят ҳам анъянавий тўйнинг ўзига хос элементларига эга бўлиши мумкин. Лекин ўзбек тўйларининг бўлиб ўтиши деярли ҳамма жойда бир хилдир.

Ҳозирги вақтда ўзбекларда кенг тарқалган никоҳ тўйлари асосан анъянавий удумларни сақлаган ҳолда янгича маросимга мувофиқ келин билан куёв ихтиёри, ота-оналар, яқин қариндош ва дўсту биродарлар маслаҳати билан ўтказилади. Кўп жойларда ҳозиргача амал қилинадиган анъянавий «фотиҳа оши», «сарпо

юбориш», «маслаҳат тўйи», «қуда танишув», «ҳайитлик», «қизлар базми», «падар оши» сингари расм-руслар ёки тўйдан кейин ўтказиладиган «чимилдиқ йиғди», «келин саломи», «келин кўрди», «чаллар» ёки «куёв чақириқ» каби урф-одатлар ва айниқса катта ва кичик тўйлар ниҳоятда дабдабали ўтказилади. Асосий тўй базми бошланишидан олдин расм-руслар ўтказилиб янги маросимга мувофиқ тўй куни белгиланганча таклифномалар тарқатилади. Қуёв дўсту биродарлари, келин дугоналари ва бошқа яқин кишилари иштирокида тантанали равишда никоҳ рўйхатидан ўтишади. Шундай сўнг келин-куёв давраси билан бир неча енгил машиналарда шаҳар ёки қишлоқнинг гўзал жойлари, тарихий обидалари ва муқаддас жойларини зиёрат қилиб айланниб чиқадилар. Катта тўй куёв уйида, «Бахт уйи» ёки «Бахт сарой»ларида, баъзан ресторан ёки кафеларда ўтказилади. Фарғона ва Зарабшон водийлари, Тошкент вилояти ва бошқа жойларда тўй икки жойда—келинники ва куёвникида ўтказилиб, эрталаб нонуштага ёки тушга катта ош тортилиб, кейин кечки никоҳ базмига дастурхон ёзилади.

Албатта, бундай никоҳ тўйлари жуда ҳам катта харжат талаб қиласиди. Одат тусиға кирган мазкур маросимлар кўп болали оилалар учун анча оғир юқ бўлиб, кўпинча уларнинг қарзга ботишига олиб келади. Ҳозиргача сақланиб келган қалин эса унинг устига яна ҳам ортиқ харжат бўлиб юкланди. Уни ҳозир «куёв совғаси», «сут ҳақи» деб замонавийлашган шаклда на мояниш қилмоқдалар. Аслида қалин исломгача туркий халқлар орасида кенг тарқалган одатлардан. Масалан, VI асрга оид Үрхун-Енисей ёзувларида, Маҳмуд Кошварий асарларида утилга олинган. Баъзи тадқиқотчилар қалинни аёлларнинг жамиятда қадр-қимматини иш кучи сифатида баҳолаш билан боғлиқ одат деса, айримлари уларнинг ижтимоий тенгсизлиги бошланиши билан юзага келган, деган фикрни билдирадилар. Буни асослаш учун қадимий одат бўйича қалин ҳақи учун ишлаб бериш ёки пул шаклида тўлашга мажбур бўлиш мисол қилиб кўрсатилади. Айрим пайтларда қалин ўрнига ўзаро қиз алмаштириш, яъни қарши қудалик одатига амал қилиб қалин тўланилмаган. Ислом дини пайдо бўлгач қалин тўлаш қонунлаштирилган. Бу одат ҳозиргача сақланиб, Жанубий Узбекистон, Хоразм ва Қорақалпоғистонда катта пул ҳисобланади.

Этносоциологик тадқиқотларга қараганда, қизларнинг кўпчилиги умр йўлдошларини ўзлари танлаб олиб турмуш қуришни истайдилар ва қалинни қоралайдилар, аммо айрим қисмий қалинни моддий ёрдам деб қўллаб-қувватлайди. Юқорида қайд қилинганидек, барча никоҳ маросимларида келин ва куёвни «ёмон кўз»дан, назар-нафасдан сақлаш учун эскича иримлардан уларга исириқ тутатиш, бадавлат ва ширин яшашни тилаб, устидан сочқи (пул ва ширинликлар) сочиш, ували-жувалий бўлиши учун келин-куёв тиззасига бола ўтқазиш, кўп болали аёлларнинг хизмат қилиши, куёвни кига келин келганда уни ўтдан сакратиш каби сеҳргарлик билан боғлиқ амал қилинадиган одатлар ҳозир ўз моҳиятини бутунлай йўқотган эмас.

Албатта, анъанавий никоҳ тўйларининг ҳозиргача катта харажат талаб қиласидиган, баъзан ўринсиз исрофгарчиликларга сабаб бўладиган томонлари ҳам бор. Аммо ўзбекларнинг келин-куёв тўйлари ҳамиша шодхуррамлик, ёшлиқ, гўзаллик, келажак тўғрисидаги ёрқин умид ва эзгу орзулар байрами сифатида ўтказилиб келинмоқда. Келиннинг куёв уйига тантанали безалгай никоҳ карвонида, куй садолари остида жозибадор рақслар билан кириб келишидан иборат гўзал қувончли маросим никоҳланаётган ёшлар хотирасида агадий қоладиган ажойиб воқеадир.

Келиннинг янги оиласа қўшилиши ҳам бир неча ўзига хос иримлар билан ўтказилган. Масалан, унда келин-куёвга қизнинг айниқса янгаси ва бошқа қариндош аёлларнинг алоҳида эътибор бериши, катта оиласалардан бири унинг «мурундуқ ёки вакил онаси» қилиб, оиласаги эркакнинг иккинчи ота сифатида тайинланиши ёшларни оиласавий ҳаёт сирларига ўргатишга қаратилган қадимий ажойиб одатлардан ҳисобланади.

Ҳозирги никоҳ тўйи маросимлари ва ундан кейинги оиласавий-маиший муносабатлар ўзбек ҳалқининг турмушида жиддий ўзгаришлар рўй берганлигидан, унинг майший ҳаёти, турмуш тарзи ва ижтимоий онги давр талабига жавоб берадиган даражада замонавийлашиб бораётганлигидан далолат беради. Республика мизнинг мустақиллик шароитида эркаклар билан хотин-қизларнинг иқтисадий, ҳуқуқий тенглигини ўрнатиш, шунингдек, аёлларни камситувчи қалин тўлаш, зўрлаб эрга бериш, кўп хотинлилик, ёш қизларни барвақт турмушга чиқариш каби эскилик тартиб ва удумларини ман-

этадиган қонунларнинг мавжудлиги, янги конституция асосида оилавий-маиший муносабатлар ҳамда демократик тартибларни ўрнатиш замонавий турмуш тарзига хос эркин ўзбек оиласининг шаклланишига ижтимоий-сиёсий замин яратиб бермоқда.

Оилавий муносабатларни демократиялаштиришдаги муҳим ижтимоий-иқтисодий тадбирлардан бири жамият ва оиласда хотин-қизлар мавқеининг тубдан ўзгаришидир. Маълумки, илгари феодал-патриархал тузум ҳукмронлик қилган даврда хотин-қизларни камситувчи, хўрловчи, ҳақ ҳуқуқини чекловчи ва обрўсизлантирувчи турли-туман қонун-қоидалар ва расм-руслар кўп бўлган ва улар шариат орқали муқаддаслаштирилган. Ислом ва шариат инсоннинг туғилишидан то умрининг охиригача бутун ҳаётини ўз измига қаратиб, оила, никоҳ, ажралиш, мерос, ҳуқуқ, жазо тартибларини ва бошқа икир-чикирларни ақидалар орқали «муқаддас»лаштирган. Шариатда ҳар бир мусулмонга еб-ичишдан ётиш-туриш (ҳатто эр-хотин орасидаги интим муносабатлар ҳам) гача қоидалаб кўрсатилган, айниқса куёв томонни улуғлаб, аёл томоннинг ҳуқуқи анча камситилган, қайнона, қайнота ҳамда келин орасидаги муносабатлар патриархал тартибларга бўйсундирилган. Барча аёллар, ижтимоий мавқеидан қатъи назар, юридик жиҳатдан ҳуқуқлари чекланган, моддий жиҳатдан эркаклар (ота ёки эр)га қарам бўлган. Айрим оилаларда ҳозиргача сақланиб келаётган тамагирлик, молпарастлик, инсофиззик, порахўрлик, беандишлик ва бошқа салбий ҳолатлар оилавий-маиший турмушга доғ тушириб, аёллар аҳволини ёмонлаштириб келаётган омиллардандир.

Ўрта Осиё ҳалқлари, шу жўмладан ўзбекларда ҳам хотин-қизларнинг ижтимоий меҳнат ва ишлаб чиқаришга жалб қилиниб, эркаклар билан тенг ҳуқуқли бўлиши уларнинг жамиядаги ўрнининг юксак даражага кўтарганлигидан далолат беради. Ҳозир, масалан, Узбекистонда ҳалқ маорифи соҳасида 58 фоиз, маданият соҳасида 61 фоиз, соғлиқни сақлаш ва ижтимоий таъминотда 70 фоиз аёллар фаолият кўрсатмоқда. Уларнинг 100 фоизи саводли бўлибина қолмай, фан ва санъатда, маъмурӣ ва маданий ташкилотларда фаол хизмат қилиб келмоқдалар. Аёлларининг оиласидаги мавқеининг ўзгариши уларнинг даромади билан ҳам боғлиқ. Этносоциологик тадқиқотларга қараганда, ўзбек қишлоқларида яшовчи оилаларда 20 фоиз аёллар эр-

ларидан кўпроқ маош олмоқдалар. Демак, анча оиласарда оила бюджетига аёллар ҳам хўжайинлик қилмоқда.

Янги оиласавий муносабатларнинг яна бир ижобий томони отанинг тўла ҳукмдорлиги чекланиб, оила аъзолари ўртасида адолатли меҳнат тақсимотининг ўрнатилиши, уй-рўзгор ишларининг эр-хотин орасида тўғри йўлга қўйилиши, бола тарбиясида икки томонлама фаол иштирок қилиш кабиладир. Узбекистонда ўтказилган этносоциологик тадқиқотларга биноан (М. Бикжанова, Ф. Арипов, Н. П. Лобачева ва ҳ. к.) ҳозирги оила бошлиғи даставвал маслаҳатчи, тарбиячи ва ёрдамчидир. Масалан, илгари у авторитар оила тузуми тартиби асосида барча масалаларни фақат ўзи ҳал қилган бўлса, энди кўпинча оиласавий муаммолар, шу жумладан бюджет масаласи ҳам эндиликда хотини ва катта оила аъзолари билан бамаслаҳат ҳал қилинади. Тадқиқотлар шуни кўрсатадики, қишлоқдаги ўзбек оиласарининг 51,7 фоизида эр уй хўжалигига ва бола тарбиясида хотинига ёрдам беради, 21 фоиз оиласада вазифалар тенг бўлинган, фақат 6,5 фоиз оиласарда эри хотинига ёрдам бермайди. Бўлинмаган мураккаб ва кўп болали оиласарда уй-рўзгор ишлари кўп бўлиб, улар барча оила аъзолари орасида тенг тақсим қилинади. Бундай оиласарда яқин қавму қариндошлар ҳам хўжаликка ёрдамлашиб туради. Биргаликда овқатланиш (ота-бала, эр-хотин бўлинмасидан, аммо анъанавий ҳурматини сақлаган ҳолда), оила аъзолари ўртасида «сиз-бизнинг» сақланиши ва ўзаро ҳамкорлик кабилар ўзбек оиласарининг ҳозирги даврдаги қиёфасидир.

Албатта, умумий инсоний қадриятлардан ташқари ҳар бир ўзбек оиласида ўз миллатига ва этник хусусиятига қараб бошқаларга ёт бўлганд мажаллий урф-одат ва расм-руслар ҳозиргача сақланиб, баъзан янги оиласарга салбий таъсир қиласидиган томонлари ҳам учрайди. Бундай ҳолат айниқса қишлоқ хўжалигига механизациянинг камлигидан, меҳнатнинг оғирлигидан, уй-рўзгор ишларининг тақомиллаштирилмаганидан келиб чиқади. Бола-чақа ишларининг ёмон йўлга қўйилиши, турмуш маданиятининг ҳалигача анча пастлиги ўзбек оиласарида мураккаб, баъзан зиддиятли аҳволни яратиши ва шу асосда айrim пайтларда фожиали оқибатларга олиб келиши мумкин.

Ўзбек оиласларининг энг ажойиб тарихий анъаналаридан бола тарбияси алоҳида ўринни эгаллади. Маълумки, бола тарбияси оиласнинг бош вазифаси ҳисобланади ва бу вазифа нафақат оиласда, балки ижтиомий жиҳатдан энг муҳим бўлғанлиги туфайли давлат ва жамоатчилик томонидан ҳам фаол бажарилиб келинган ва келинмоқда. Афсуски, бу масалага тадқиқотчилар кам эътибор бериб келгандар, унга фақат расмиятчилик билан қарабган, холос. Ваҳоланки, этнопедагогика ва этносоциология жиҳатдан ёндашиб бола тарбияси муаммоларини чуқур тадқиқ қилиш энг олижаноб ва муҳим вазифалардан биридир. Ҳозирги даврда оила ва оиласний муносабатларда демократик тартибларнинг ўрнатилишини, оила аъзолар орасидаги, айниқса отона ва болалар, бобо-момолар ва авлодлар, ака-ука ва опа-сингиллар орасидаги анъанавий муносабатларни ўрганиш ниҳоятда долзарб ва фойдали вазифа деса бўлади. Қадимдан ўзбекларда ёшига, жинсига ва табиатига қараб бола тарбиясига алоҳида эътибор берилган. Масалан, ўғил болаларга ёшлигидан оталар уруфининг давомчиси, меросхўри, оила ор-номуси ва ифтихори, ҳимоячиси, қизларга нисбатан устун турадиган эркаклик фазилатларини онгига сингдириб, қизларга эса бўлажак она ва уй бекаси вазифасини адо этувчи шахс сифатида тарбия беришган. Аста-секин вояга етиши билан ўғил бола ота таъсирида, қиз бола она таъсирида муайян тартибларга ўргатила бошланган. Одат бўйича болалар 6—7 ёшидан меҳнатга ўргатилиб, даставвал енгил ишларни, 10—12 ёшидан бошлаб оғир хўжалик ишларини бажара бошлагандар. Бола тарбиясига отона ва жамоатчилик алоҳида эътибор берган, айниқса уларнинг одоб-икромли бўлиши кўпчиликнинг диққатмарказида турган.

Оила, мактаб, дам олиш пайтлари болаларнинг ўзаро яқинлашиши ва жисплостиши учун қулай шароит яратиб беради. Уларнинг ахлоқий жиҳатдан камол топишида, ўзаро дўстона ва биродарлик муносабатларини мустаҳкамлашда, ота-она ва катталарга ҳурмат ва меҳрмуҳаббат туйғуларини уйғотишда, кичкина болаларни катта болаларга қараб тарбиялашда ва бошқа одоб-икром масалаларида ҳозиргача маҳалла ёки қишлоқ жамоачилиги томонидан назоратда бўлиш ўзбек халқининг энг ажойиб анъаналаридан. Шунинг учун ҳам боланинг туғилишидан (фарзанд тўйи, бешик тўйи, суннат

тўйи) то уйланишигача (унаштириш, фотиҳа қилиш, никоҳ тўйи) бўлган барча удумларнинг бевосита жамоатчилик иштирокида ўтказилиши этник гуруҳлар ўртасида энг зарур бўлган миённи бирликни мустаҳкамлашга хизмат қиласди. Кейинги вақтларда деярли барча оиласарда оила аъзоларининг туғилган кунини, янги йилни нишонлаш, ўрта мактаб ёки олий ўқув юртини тугатиш, мукофот олиш ёки диссертация ҳимоя қилиш ва бошқа оиласий хурсандчиликлар муносабати билан зиёфат бериш расм бўлди.

Жамоатчиликнинг фаол иштироки билан ўтказила-диган яна бир қадими үрф-одат дағи маросимидир. Ҳозиргача маҳаллий этнослар, шу жумладан ўзбекларда жамоачилик анъаналарининг сақланиб қолиши нафақат тўйларда, балки ўлим ва у билан боғлиқ маросимларни ўтказишида бошига мусибат тушган оиласага ҳам моддий, ҳам маънавий (руҳий) енгиллик туғдира-ди. Инсон қадими даврдан ўзининг оғир кунларида мадад истаб қавму қариндош ва дўсту биродарларининг ёрдамига муҳтоҷ. Маълумки, ўзбеклар имконияти борича бир-бирига яқин жойда уй-жой қуришни, қавму қариндошлар ёнма-ён жойлашишни одат қилиб келганлар. Шунинг учун ҳам ҳозиргача узоқ ўтмишдан қолган қавму қариндош (патронимия)лар гуруҳлари кўп жойда сақланиб келмоқда. Бундай ҳолат айниқса оиласий-маиший үрф-одат ва маросимларни ўтказишида катта роль ўйнайди. Айниқса дағи маросимини ўтказиш кўп одамларнинг иштироки билан маҳаллачилик ва қавму қариндошлиқ анъаналарига таянади.

Дағи маросими асосан ўзининг қадими кўринишларини сақлаб қолса-да, у ислом дини қоидаларига амал қилинган ҳолда ўтказилади. Асли бундай үрф-одатлар ниҳоятда мураккаблашган турли удумлар ва иримлардан иборат бўлиб, унинг илдизи ибтидоий анимистик тасаввурларгà бориб тақалади. Ҳозиргача амал қилинадиган марҳумнинг учи, қирқи, баъзи ерларда юзи, йили билан боғлиқ ва бошқа кўпдан-кўп расм-руслар, айниқса ҳар хил худойилар энг ибтидоий диний тасаввурларни ўзида мужассамлаштирган. Кейинги вақтларда аҳоли ўртасида янги дағи этиш маросими жорий этилиб, фуқаролик митинги (йиғиличи)ни ўтка-зиш, меҳнат жамоаси, жамоатчилик вакиллари ва дўсту биродарларнинг таъзия нутқи, марҳумнинг хотирасини абадийлаштириш, қабр тоши ўрнатиш кабилар билан

бирга ҳамма жойда жаноза ўқиши одати сақланган.

Умумхалқ байрамлари ва сайиллари ҳам, ижтимоий характердаги турли тадбирлар ва тантаналар ҳам айрим оила ва унинг аъзоларининг фаол иштироки билан ўтиши уларнинг жамият олдида бурчи ва вазифасини англаб олишга, масъулияти ва тартиб-қоидаларни мустаҳкамлашга хизмат қиласи. Барча оилаларда байрам ва маросимларга олдиндан тайёргарлик кўрилади, баъзи оила аъзолари янги сарпо-кийимлар киядилар, совға-саломлар инъом қилинади. Барча оилавий-маиший маросимлар ўзининг қувноқлиги, тантанаворлиги, ранг-баранглиги, гўзаллиги, маънавий мазмундорлиги ва эстетик таъсиричанилиги билан кишиларни руҳий жиҳатдан доим рағбатлантириб, миллий маданият ва майший турмушни бойитиб келган.

ДИНИЙ ТАСАВВУРЛАР, УРФ-ОДАТЛАР ВА ИРИМЛАР

Ўзбек ҳалқининг ижтимоий, оилавий-маиший ва шахсий турмушида диний тасаввурлар муҳим ўринни эгаллаб келган. Дин ибтидоий жамоа тузумидан ҳозиргача ҳалқимиз маънавий маданиятининг таркибий қисми сифатида жамиятнинг, оила ва шахс ҳаётининг барча ҳужайраларигача сиигиб кетган. Унинг илдизи энг қадими тош даврига бориб тақалади ва бутун кейнги тарихий тараққиёт жараённан турли шаклда на-моён бўлиб келган.

Палеоантропология ва археология фанларининг ютуқларига қараганда, инсоният тарихида жуда узоқ вақт—иккӣ ярим миллиондан ортиқ йиллар давомида дин бўлмаган. Олимларнинг фикрича, неолит, яъни янги тош даврида яшаган одамлар табиатнинг даҳшатли кучлари олдида ожизлигидан бир қатор нотўғри, хаёлий тасаввурлар таъсирида бўлганлар. Бундай ҳолат уларни дафн маросимида айрим иримларга риоя қилишга унданган. Баъзи неандерталь маконларда ўликларнинг муайян тартибда кўмдирилганлиги бунга далиллар. Шунга асосланиб айрим олимлар дастлабки диний эътиқодлар неандерталларда пайдо бўла бошлиган, деган фикрга келганлар. Мазкур фикрни тасдиқлаш учун Жанубий Ўзбекистондаги Тешиктош горида кўмилган 8—10 яшар неандерталь бола жасадининг суяклари ва бошқа топилмаларни ҳам кўрсатадилар.

Бу маконда жасад муайян ҳолатда дағн қилинган, ўликнинг бош суюги теварагида эчки шохлари ерга қадалган, қисқа муддат ёқилган олов изи мавжуд. Балки олов ибодат билан борлиқ маросим туфайли ёқилгандир, деб фараз қилинади. Тешиктошдаги жасад буқланиб, ёнбошлиб ухлаётган кишини эслатади, унинг оёқ-қўли боғланган бўлиши ҳам мумкин. Мазкур кўмийш маросими бошқа халқларда ҳозиргача сақланиб келган. Масалан, Янги Гвинея папуаслари ўлик қайтиб келиб уруғдошларига зарар етказмасин, деб жасаднинг қўл-оёғини боғлаб дағн қиласидар.

Кейинги даврларга оид ибтидоий маконлар дағн қилиш маросимлари дин билан боғлиқ эканлигини аниқ исботлайди. Қазилиб текширилган неолит ва айниқса бронза (жез) даври гўристонларида ҳар хил¹ буюмларнинг учраши ўша даврдаги кишиларда дастлабки «нариги дунё», охират тўғрисидаги тушунчалар анча шаклланганлигидан далолат беради. Демак, археологик кашфиётлар туфайли диннинг қачон пайдо бўлганлиги, унинг илк шакллари тўғрисидаги маълумотларни Ўзбекистон ҳудудидаги обидалар ҳам исботлайди.

Афсуски, археологик маълумотлар ниҳоятда кам, уларни жонлантириш ва тўлдириш, жонсиз буюмларни гапиртириш учун этнографик тадқиқотларга мурожаат қилишга тўғри келади. Фанда қабул қилинган таснифлашга биноан ибтидоий диннинг энг қадимиш шаклларидан бири тотемизм бўлиб, у илк уруғчилик жамияти даврида пайдо бўлган. Тотемизм тушунчаси айrim шахснинг ёки бир гуруҳ кишиларнинг, уруғ ёки қабиланинг кўпинча қандайдир бир ҳайвон ёки ўсимлик билан, баъзан жонсиз моддий буюм ёки табиат ҳодисалари билан ғайритабии яқинлиги, ҳатто қон-қарин дошлик алоқаси бор, деган эътиқодни англатади. Бу динга сифинувчилар ўзи ёки уруғнинг барча аъзоларини муайян ҳайвон, ўсимлик ва бошқа нарсадан келиб чиқсан деган тасаввуррга таянади. Айrim тотемистик тасаввурлар сарқитларини Ўзбекларнинг оилавий-майший урф-одатларида ҳозиргача учратиш мумкин. Масалан, отга сифиниш ва унинг гўштини истеъмол қилишдаги иримлар, муқаддас қушлар (каптар, мусича ва ҳоказо) ва ҳайвонларнинг суюги (айниқса калла суюги), тирноғи, пари ва ҳоказоларни тумор шаклида ишлатиш, баъзи жониворларнинг номи билан айrim уруғлар ёки қабилалар (така, қурт, серка ва ҳоказо)-

нинг аталиши, уйлар ва токларда қўчқор шохининг осиб қўйилиши кабилар тотемистик тасаввурлар қолдиқлари эканлигини тадқиқотчилар қайд қилганлар.

Яна бир қадимий дин шаклларидан фетишизм (португалча «фейтишо» сўзидан тумор, сеҳрланган буюм деган маънода) дин тараққиётининг барча поғоналарида ибодатнинг муҳим элементи сифатида оддий /илк динлардан то ҳозирги мураккаб жаҳон динларигача ҳаммасида намоён бўлади. Аммо қайси даврда ва қандай шаклда намоён бўлмасин фетишизмнинг моҳияти шундаки, даҳшатли табиат ёки бераҳм ижтимоий кучлар олдида ожизлик қилган одам хурофий қўрқинч туйғулари асосида қандайдир ғайритабиий кучдан мадад кутади, унинг ҳимоясига ўмид боғлайди. Масалан, маҷусийликда қотиб қолган мурдаларга «авлиё» деб сиғиниш ва икона (худо тасвири)га чўқиниш, мусулмон халқларда, жумладан ўзбекларда ҳам «муқаддас» дарахт ва тошлар, ҳар хил авлиё-анбиёларга сиғиниш, турли-туман дуо ва туморлардан мадад исташ, айrim буюмлар (қайчи, болта, пичоқ, исириқ, қалампир) нинг таъсир кучига ишониш, санам, бут кабиларни муқаддаслаштириш, фетишизм билан боғлиқ тасаввурлар эканлиги исботланган.

Ўзбекларда фетишизмнинг энг ёрқин намунаси ёмғир чақириш маросимида қўлланиладиган сеҳрли яда тошидир. Дастлаб бу тўғрида XI асрда Маҳмуд Кошварий маълумот беради. Унинг таърифича, туркий халқларда «ёмғир, шамол ва бошқаларни талаб қилиш учун маҳсус тошлар (яда тоши) билан фол очиш одатидир. Бу одат улар орасида кенг тарқалгандир. Мен буни яғмолар шаҳрида ўз кўзим билан кўрдим. У ерда пайдо бўлган бир ёнгинни сўндириш учун шундай фол қилинган эди. худонинг амири билан ёзда қор ёғди. Кўз олдимда ёнгинни сўндириди». Бошқа тарихий-этнографик адабиётларнинг аксариятида тарихий халқларнинг кўнчилигига об-ҳавони ўзгартирувчи сеҳрли қудратга эга бўлган тошларнинг яда (жада), сата, дъада деб юритилиши ҳақида хабар берилади. «Яда» сўзи турли фонетик шакллардаги вариантлардан иборат бўлиб, унинг этиологик асослари ҳақида адабиётлarda ҳар хил изоҳлар мавжуд. Тадқиқотчилар «яда тоши» сўзининг ўзбек тилида қадим замонлардан буён кенг тарқалганигини қайд қиласидилар. Фольклорист Б. Саримсоқовнинг ёзишича, 1973—1982 йилларда ўтказилган дала изла-

нишлари натижасида кўплаб ахборотчилар яқин пайтларгача ўзбеклар ўртасида ҳам ёмғир ёғдирувчи тошлар бўлганлиги, ҳозир эса уларнинг йўқолиб кетганлиги тўғрисида маълумот берганлар. Хуллас, яда тоши ёрдамида ёмғир ёки қор ёғдириш, кишилар ва уй ҳайвонларида пайдо бўлган айрим касалликларни даволаш каби маросимлар жуда катта ареалда, яъни Урта Осиё, Сибирь ва Шарқий Туркистонда яшовчи туркий халқларда ўтмишда кенг тарқалганлиги фетишизм динининг бу ерда муҳим аҳамиятга эга бўлганлигини исботлайди.

Тотемистик тасаввурлар ва фетишизм билан боғлиқ ниҳоятда кенг тарқалган ва ҳозиргача сақланиб келган илк дин шаклларидан яна бири магия (сехргарлик) ҳисобланади. Магия ёлғон ва кўзга кўринмайдиган сехрли алоқа ва таъсирларнинг табиатда мавжудлиги га ишонтириш, айрим ҳолларда одам билан табиат ўртасидаги муносабатларга ўзаро таъсир ўтказиш, бир одамнинг иккинчи бир шахсга таъсир қила билиш қобилиятига эга эканлигидан иборат диний эътиқоддир. Бу эътиқод асосида айрим одамлар муайян усул ва воситалар орқали табиатга ва бошқа одамларга ўзи истаганича фойда ёки зарар ўтказиш мумкин, деган тушунча ҳосил қилганлар. Буюм ва ҳодисаларнинг афсонавий кучга эга эканлигига ишониш баҳт ва омад келтирувчи ёки балодан сақловчи ҳар хил тумор ва тилсимларнинг пайдо бўлишига, яхшилик ва ёмонликдан иборат турли ирим ва ҳаракатларнинг келиб чиқишига сабаб бўлган. Сехргарлик билан табиий ҳодисаларни ўзига бўйсундириш ёки айрим шахсларга таъсир қилиш мақсадида ўтказиладиган хатти-ҳаракатлар ва шу билан шуғулланадиган шахслар бизнинг давримизга етиб келган. Ҳатто ҳозирги илмий-техника тараққиёти замонида ҳам сехргарлик билан кишиларни даволаш, тақдирга таъсир қилиш мумкин деган тасаввурларга эга айрим шахсларни, турли экстрасенсларни, фолбинлик ва дуогўйлик билан шуғулланувчи фирибгарларни учратишимииз мумкин. Бундай ибтидоий тасаввурлар, бир томондан, инсоннинг қўрқищ ҳисси билан боғлиқ сехр-жоду пардасига бурканган муайян мақсад сари йўналтирилган хатти-ҳаракат бўлса, иккинчи томондан, шу хатти-ҳаракатни амалга оширадиган муҳим омиллардан сўз магияси алоҳида ўринни эгалайди.

Барча шарқ ҳалқларида, шу жумладан ўзбекларда ҳам сўз ва қаттиқ кўз билан боғлиқ сеҳргарлик қадимдан тарқалган ва ҳозиргача кучини сақлаган магия турларидан бири. Инсон ўзининг сўзлаш иқтидорига, сўзининг сеҳр-жоду қудратига доимо ишониб келган. Қадимдан сўз магиясига таянган ўзбеклар ўзини сал ноҳуш сезадими ёки қоқилиб, сурилиб кетадими, омади бўлмай қоладими ёки бир фожиага йўлиқадими — барчасини у ғайритабии ҳаракат, ёмон кўз ёки ёвуз сўз қудратидан деб билади. Ҳозирга қадар ўзбеклар орасида қўлланилиб келинаётган кинна, бадик, бурей ва аврашлар бевосита сўзининг сеҳр-жоду қудратига асосланган. Замонамида кенг тарқалган экстрасенслар ҳам сўз магиясидан зўр маҳорат билан фойдаланадилар. Асли Қуръон ўқиши ёки тиловат қилиш ҳам сўз сеҳри билан боғлиқ.

Маросим фольклори тўғрисида жиддий тадқиқотлар олиб борган истеъодли олим Б. Саримсоқов сўзининг магик қудратига асосланган ўзбек маросимидағи жанрлар ўзида ҳалқнинг қадимий эътиқодий тасаввурларини, демонологик қарашларини нисбатан тўла акс эттиради, деб ҳақли равишда қайд қиласди. Унинг фикрича, ўзбек сўз магияси жанрлари у ёки бу жойдаги ўзига хос анъана ва хусусиятга эга бўлса-да, ягона мақсадга йўналтирилганлиги, ягона мавзуга эгалиги билан алоҳида ажралиб туради. Олқиши, қарғиш каби жанрларда сўз қудрати воситасида кишиларга ё яхшилик, ё ёмонлик тилаш мотивлари устун туради, яъни етакчилик қиласди.

Сўзининг жоду қудратига асосланган ўзбек ҳалқ ижодидаги ҳомий рӯҳлар томонидан танланган, иқтидорли ижро этиладиган жанрлар: шомон айтимлари, кинна, бадик кабилар ёки маҳсус сеҳргарлар ижро этувчи авраш, бурей-бурей кабилар ва кенг оммавий ижро этилувчи олқиши ва қарғиш каби жанрлар ҳам асли анимистик тасаввурлар билан ҳам боғлиқ. Айниқса биринчи гуруҳга мансуб шомон чақириқлари, кинна, бадик кабилар ҳомий рӯҳлар билан «алоқада» амал қилишлари анимизмга бевосита тааллуқли. Бу соҳада жиддий тадқиқотлар ўтказган этнограф олимлардан Г. П. Снесарев ва В. Н. Басиловлар мазкур эътиқодлар ва иримлар тўғрисида бой маълумотлар тўплаганлар.

Ибтидоий динларнинг илк шаклларидан бири анимизмдир. Бу ном фанга инглиз этнографи Эдуард Тэй-

лор томонидан киритилган (лотинча «анима» — жон, руҳ дегани). Ибтидоий одамларда дастлаб жон ва таннинг алоҳидалиги ва жоннинг мустақил яшashi мумкинлиги тўғрисида оддий (примитив) тасаввурлар пайдо бўлган. Улар ўз таналари тузилишини, одамнинг ўлиши ва жасади билан боғлиқ ҳодисаларни тушуна олмай жонни мавжуд бир нарса деб билганлар. Бошқа халқлардагидек ўзбекларда ҳам анимистик тасаввурларнинг туб моҳияти руҳлар ҳақидаги қадимий қарашлар билан боғлиқ.

Одам узоқ даврлардан буён фойдали ва заарали, яхши ва ёмон, эзгу ва ёвуз кучлар таъсири остида ўзининг ожизлигини сезиб ёки англаб, қўрқув туйғулари таъсирида ҳар хил йўллар билан барча табиат кучлари (кейинчалик ижтимоий кучлар)ни илоҳийлаштириб уларни ҳурматлашга, «жаҳлини чиқармасликка», раҳмдил қилишга, ўз томонига ағдаришга ҳаракат қилиб турли-туман хатти-ҳаракатлар қилган. Ҳозиргача ўзбекларнинг тасаввурида руҳлар, ўз табиатига кўра, ёвуз ёки ёмон (шайтоний) ҳамда эзгу ёки яхши (раҳмоний) каби турларга бўлинади. Бундай дуалистик қарашларга кўра, руҳлар инсонга ё ижобий, ё салбий таъсири кўрсатади. Ёмон руҳлар, гўёки инсон танасига кириб олиб, унинг ҳаётига хавф солади, соғлиғига зарар етказади, яхши руҳлар эса, аксинча, инсоннинг барча фаолиятига кўмаклашиб унга хизмат қиласди, соғлом сақлайди. Руҳлар инсон баданига озиқ-овқат, кийимкечак ва кишилар орасидаги ўзаро мулоқот орқали ёки руҳлар жойлашган манзилдан ўтиши оқибатида жамият ўрнатган қонун-қоидалар, хилма-хил тақиқларни бузиши натижасида кириб жойлашар эмиш. Шунинг учун ўзбекларда кишиларни ҳушёр бўлишга, эҳтиёткорликка чорлайдиган ҳар хил тақиқ (табу) ирим-сиirim, расм-руслар кенг тарқалган бўлиб, уларнинг деярли аксарияти анимистик тасаввурлар негизида юзага келган. Бунга айниқса ўзбекларда зва бошқа ўрта осиёйлик туркий халқларда мавжуд маросим фольклорига оид бадик жанри ёрқин намуна бўла олади.

Маҳмуд Кошғарий «бадик» атамасига изоҳ бериб «бадик — титроқ, ларза», базик безди, яъни қаттиқ титради, деб таърифлайди. Айрим тадқиқотчилар «базик» сўзини «безгак» билан боғлаб изоҳлайдилар. Цемак, бадик киши танасига сувчечак, қизилча ёки ўшакеми тошганда бемор қаттиқ иситма қилиб қалтирайди, шу

асосда касаллик номи ва уни даф қилиш билан боғлиқ даволаш ва урф-одат юзага келган. Бадикхонларнинг таърифича, бадик ёмон руҳларнинг озиқ-овқат, кийим-кечак, кишиларнинг ўзаро мулоқоти орқали инсон та-насиға кириб олиши ҳатти-харакатида пайдо бўлади. Халқ тасаввурнида у танада пайдо бўлади. Бундай таъсирга тушиб қолишнинг асосий сабаби ёмон руқга алоқадор нарсалар, обьектлар билан мулоқотда бўлишдан иборат. Айрим олимлар бадикнинг киши баданига тошишини нафақат анимистик тасаввурлар, балки одамлар ўртасида доимо бўлиб турадиган мулоқот (контагиоз) магияси билан боғлиқ ҳолда изоҳлайдилар.

Б. Саримсоқов, Г. П. Снесарев, В. Н. Басилов каби олимларнинг тадқиқотлари шуни кўрсатадики, бадикхонлик ўзбеклар билан бир қаторда Ўрта Осиёлик барча туркий халқларда мавжуд бўлиб, диннинг илк шакларидан шомонизмга бориб тақалади. «Шуни алоҳида қайд қилиш лозимки,— дейди ҳақли равиша Б. Саримсоқов,— танланган шахс зиммасига бадикхонликни қабул қилмагунча руҳларнинг таъқиби остида юриши ва оғир хасталикка чалиниши ҳамда ана шундан кейингина ҳомий руҳлар томонидан бадикхон сифатида танланишининг ўзиёқ унинг шомон шахсияти билан алоқадор эканлигини тасдиқлайди...» Бадикхонлар билан учрашув, уларнинг хатти-ҳаракатини кузатиш шуни кўрсатадики, туркий халқларда, хусусан ўзбекларда ҳақиқий бадикхон айни пайтда ҳақиқий шомонлик билан ҳам шуғулланади. Бу нарса, шубҳасиз, бадикхонлик тарихан шомонлик билан алоқадор бўлибгина қолмаедан, балки унинг шомонликдан ажralиб чиқиб кейинчалик мустақил касб сифатида шаклланганлигидан далолат беради. Бундай фикрни этнографик тадқиқотлар ҳам тасдиқлайди.

Бадикхон амал қиласиган усул ва хатти-ҳаракатлар, даволашга ва руҳларга нисбатан ишлатадиган буюмлар унинг шомонийлик ва анимистик тасаввурлар билан боғлиқлигини тасдиқлайди. Масалан, Фориш бадикхонлари шомонликдек беморни юқорига қараб ётқизиб, унинг устидан оқ мато, матонинг устидан қўй ё сигир териси ёпиб, унинг устидан майдалангани қий ё кул, ёки чорраҳадан олинган тупроқ сепиб даволашга киришади. Гўёки қий, кул, чорраҳа тупроғи ёки сигир гўнги ёмон руҳларни қувувчи восита эмиш. Шундан сўнг бадикхон толдан кесиб олинган етти дона гавронча

билин бадик тошган шахсни аста-секин савалаб беморни даволашга киришади. Айрим жойлар (Нурота ва Шаҳристон) да бадик тошган шахс ётқизилмай кун ботиш томонга қарата ўтиргизиб қўйилади. Киши баданига жойлашиб олган ёмон руҳлар уч восита — сўз, ҳаракат ва магик қудратга эга, деб тасаввур қилинадиган буюмлар ёрдамида қувилади.

Бундай воситалардан яна бири дастлабки куни пишириладиган бўғирсоқ бўлиб, у bemorларнинг бошидан уч марта айлантирилиб, ит, мушук ёки бошқа жониворлар есиń, деб ҳовлидан ташқарига чиқарип ташланади, иккинчи куни қовурмоч қилиниб уни томга сепиб ташлайдилар. Анимистик тасаввурларга кўра мазкур ирим, яъни бўғирсоқ ва қовурмоч bemor бошидан уч марта айлантирилган, bemor баданидаги ёмон руҳларнинг бир қисми ана шу буюмларга ўтади, улар орқали шу нарсаларни истеъмол қилган жониворларга ёмон руҳлар кўчиб bemor касалликдан қутулади. Аммо бу сеҳрли буюмларга ёмон руҳларни кўчириш учун магик кучга эга маҳсус сўзларни айтиш зарур. Бу сўзларнинг асосий мазмуни ёмон руҳларни ҳайдаш, bemor баданидаги тошмаларни даволашга қаратилган. Масалан, bemorнинг баданига жойлашиб олган бадикнинг ўз маконини тарқ этишини қатъий талаб этадиган сатрлар диққатга сазовор:

Кўч, кўч, кўчасан!
Қават-қават қулоғидан кўч,
Билқиллаган буйрагидан кўч,
Сўлқиллаган юрагидан кўч,
Умуртқанинг уйидан кўч,
Қобирғанинг зеҳидан кўч,
Хайр қилган қўлидан кўч,
Иzzат қилган тилидан кўч,
Пойтараф оёғидан кўч,
Ўта турган жойидан кўч.
Қилатурган ишидан кўч,
Қирқпоя суягидан кўч!

Шуниси қизиқки, bemor баданидан ёмон руҳларни қува олмаган бадикхон (парихон ёки бахши) ўзи шу ёвуз кучлардан зарар кўришига ишонади. Шунинг учун буйруқ оҳангига бадикни кўчиш жойини кўрсатиб дўқ қилади:

Кўч, кўч, кўчасан!
Кўчар еринг мен айтсам,
Қизиб ётган гўрга кўч,
Улик ётган мозорга кўч,
Тегирмоннинг дўлига кўч,
Ийиқ билан бийикка кўч,
Тоғда юрган кийикка кўч,
Қизил эгар нақшига кўч,
Боқолмаган бахшига кўч.

Ўзининг қудратли сўзиға ишонувчан бадикхон ёмон руҳларга қаратса пўписа билан: «кўчирмасам қўймайман, қонинг имчай тўймайман», бу ўртада қўймайман, деб мурожаат қиласди. Яна бир муҳим томони шундаки, бадикнинг кўчиш объектларининг ичидаги жонсиз буюмлар билан бирга ҳар хил ҳайвонлар ва ҳатто момолар ҳам тилга олинади:

Кўч, кўч, кўчасан!
Кўчар еринг мен айтсам,
Момо бўлсанг кўлга кўч,
Зиён бўлсанг, чўлга кўч,
Арвоҳ бўлсанг, гўрга кўч.

Мазкур сатрлар бадикхонликнинг Урта Осиёда қадимдан кенг тарқалган момоларга сифиниш тасаввурлари билан боғлиқлигини кўрсатиб, генетик жиҳатдан унинг нафақат шомонийлик, балки матриархат даврига оид баъзи элементлар билан ҳам алоқадор эканлигини тасдиқлайди. Маълумки, момолар ибодати қадимги аёллар худоси образи, кекса аёллар руҳи билан боғлиқ бўлиб, улар ҳозиргача аёлларга кўз очишида, насл қолдиришда ва бошқа ёвуз кучлардан, касалликлардан сақлаб қолишида ҳомийлик қилган. Аммо ўзбекларда момолар ва аждодлар ибодати (культи) арвоҳлар (анимизм) эътиқоди билан қоришиб кетган. Мазкур бадик матнида момо, арвоҳ ва уларнинг кўчиш объектлари ажратилиб, бу нарса, Б. Саримсоқовнинг фикрича, «қадимги аёллар руҳига бориб тақалувчи момолар культининг кейинчалик мустақил култ даражасига кўтарилиганидан далолат беради».

Археологик ва этнографик тадқиқотлар Узбекистонда энг қадимий даврлардан табиатдаги фасл ўзгариши билан боғлиқ маросимларда аёл худолар образига сифиниш урф-одати мавжудлигини тасдиқлайди.

Табиат ҳодисалари ва кучларини илоҳийлаш, ҳамиша тирилиб турадиган табиатнинг абадийлигини ифодаловчи мотам-маърака маросимининг марказий сиймосига айланган худо образи аёлларнинг ҳомийси сифатида бутун Шарқ мамлакатларида, қадимги Миср, Юнонистон, Римда ўтказиладиган маҳсус байрамларда намойиш қилинганд. Ҳозиргача сақланиб келган момолар образи, бир томондан, аёлларнинг ҳомийлигини ифодаловчи ғайритабии куч (худо)лар образи билан боғлиқ бўлса, иккинчи томондан, кекса аёллар ибодати (культи) билан боғлиқ анимистик тасаввурларни ифодалайди.

Мазкур урф-одат ва иримларнинг ҳозиргача кўп элементлари сақланиб қолган, айниқса ўлим маросимида намоён бўладиган қадимий диний тасаввурлар асли анимистик характердаги аждодлар арвоҳига сифиниши ибодати билан бевосита боғлиқ. Жон ҳақидаги тасаввурларнинг келиб чиқиши ўликка бўлган муносабатни анча мураккаблаштирган. Ўлим дастлаб ҳеч уйғонмайдиган уйқу, деб тасаввур қилинганд (ҳозиргача ишлатиладиган «мангу уйқуда ёт!», деган иборани эслатиш мумкин) ва «ухлаганинг» қавму қариндошлари унга ёки унинг руҳига ғамхўрлик қилиб, ҳар хил расм-руслар ва иримларга риоя қила бошлаганлар. Кейинчалик пайдо бўлган содда тасаввурларга биноан киши ўлгандан сўнг унинг жони яшашда давом этади. Сув ёки ер остида, осмонда, тоғлиқ ёки чангальзор ўрмонларда арвоҳлар дунёси мавжуд, деган ғоя ва тушунча асосида руҳларни ҳурматлаш, уларни доимо хотирлаш, ғамхўрлик қилиш каби турли маросим, урф-одат ва иримлар пайдо бўлган. Ҳозиргача халқимиз аждодлар арвоҳини эслаб шам ёқиши («ота-боболар чирогини ўчирма» деган иборани эслайлик), ҳайитларда ис чиқариш, маҳсус таомлар пишириб мозор бошига чиқиши, учи, еттиси, йигирмаси, қирқи ва йилида аза оши бериш кабилар анимистик тасаввурлар асосида пайдо бўлган урф-одатлардир. Аслида ислом пайдо бўлгандан кейин жаноза вақтида, маъракаларда амал қилинадиган жуда кўп иримлар, авлиёларга қурбонлик аташ, домла-имом ва ювғичларга бериладиган пул ва бошқа худойилар ҳамда садақаларнинг барчаси ўтган аждодлар арвоҳини хурсанд қилиш мақсадида ҳозиргача ўтказиладиган урф-одат ва маросимлар ҳисобланади.

Тарихий-этнографик тадқиқотларга қараганда, даст-

лабки диний тасаввурлар мифология билан боғлиқ бўлиб, халқ ижодининг турли жанрларида, айниқса афсона ва ривоятларда, эртак ва достонларда, ҳатто халқ ўйинлари ва рақсларида сақланиб келган. Масалан, ўзбекларда нишонланадиган мавсумий сайилларда, Наврўз, «Лола» ёки «Қизил гул» халқ байрамларида ижро этиладиган куй ва рақсларда сеҳргарлик ва тотемистик тасаввурларнинг элементлари ёрқин намоён бўлади. Масалан, Ҳоразмда ўтказиладиган байрам сайилларидаги ўйин-кулгилар, ёр-ёрлар, қўшиқ айтишлар, кичик жанрдаги халқ оғзаки драмалари, «чағаллоқ» ва «сулгин» ўйинлари ва ҳатто машҳур «лазги» рақсида тотемистик ва сеҳргарлик тасаввурлари билан боғлиқ элементлар аниқ сезилади. Айниқса «чағаллоқ» ўйини пантомимасида раққоснинг балиқчи қушнинг балиқ тутиш пайтидаги ҳаракатларини дўпти ёки пиёла атрофида бўйинни чўзган ҳолда икки қўлини қанот қилиб, пириратиб, қушдай овоз чиқариб, ҳаракат ва имоишоралар билан ифодалаши ибтидоий тотемистик руҳдаги рақсларни эслатади.

Утган аждодлар арвоҳига сажда қилиш, уларни хотирлаш, табиат кучларига сифиниш натижасида жуда кўп муқаддас жойлар ва авлиёлар вужудга келган. Асли анимистик тасаввурлар билан узвий боғланган авлиё-анбиё, «муқаддас» жойлар, табиат ва аждодларга сифиниш каби ибтидоий-диний тасаввурлар кейинчалик жаҳон динларининг тарқибий қисмига айланган. Узбек элида учрайдиган, одатда «мозор» ёки «авлиё» номи билан донғи чиққан муқаддас жойлар турли замонларга тааллуқли бўлиб, ҳар хил диний тасаввурларни ўзида мужассамлаштирган синкретик (аралаш, қурама) характеристдаги диний эътиқодлардир. Энг қадимий даврларга оид табиат кучларига сифиниш билан боғлиқ муқаддас ҳисобланган уюлма ёки ғалати шаклдаги тошлар, ерга қадалган таёқ ёки ҳамма ёғига латта-путталар осилган якка дараҳтлар ҳозиргача кўп жойларда учрайди. Файритабиий шаклдаги форлар ва қоялар, шифобахш булоқлар ва кекса дараҳтлар ҳам зиёратгоҳларга айланган. Масалан, Сурхондарё вилоятидаги «Чилон ота», «Чинор бобо», «Анжир ота», «Мурҷ бобо» каби авлиё дараҳтлар, Бойсун ва бошқа тоғ бағридага «муқаддас» балиқли булоқлар, Фарғона водийси ва Ушдаги «Тахти Сулаймон» номли муқаддас қоялар, Намангандаги анча масофага чўзилган фор, Сул-

тон Увайс тоғидаги «муқаддас» тош қоялари, Бухородаги Лесак ҳовузи ва ҳоказолар табиатга сифинишнинг ёрқин далилларидан.

Аждодлар эътиқоди билан боғлиқ зиёратгоҳлар ичida машҳур тарихий шахслар ва йирик дин арбоблари номи билан аталган, шуҳрат қозонган мозорлар билан бир қаторда айrim маҳаллий қишлоқ аҳолиси-нинг зиёратгоҳи ҳисобланган кичик авлиёлар ёки но-маълум мозорлар ҳам мавжуд. Илмий кузатишлар шуни кўрсатадики, авлиёларни зиёрат қилувчиларнинг бутун ҳатти-ҳаракати (қурбонлик қилиш, ёғоч ёки дарахтларга латта осиш, дуо ўқитиш кабилар) да исломгача мавжуд бўлган ибтидоий фетишистик, анимистик, магик (сеҳргарлик), ҳатто табиат ва аждодларга сифиниш каби диний эътиқодларнинг элемен tlари муҳим ўринни эгаллайди.

Уруғ-жамоачилик муносабатларининг кейинги тараққиётида, яъни матриархат (она уруғи) даврида дин табиатга сифиниш ўйлидан ривожланади. Бу даврда деҳқончилик айниқса ривож топади ва шу асосда она ерга, Қуёшга, Ойга ва бошқа табиат ҳодисаларига сифиниш кучаяди. Табиат кучлари ва айrim элементлар аёллар образи сифатида гавдаланади ва шунга мувоғиқ руҳларнинг кўпчилиги аёллар номи билан атала-ди. Жамоада ва хўжаликда ҳам матриархат анъанали-ри етакчи роль ўйнайди. Эркак ва аёллар ўртасидаги ижтимоий меҳнат тақсимоти туфайли шу босқичда хў-жалик ва жамиятда, аёллар мавқенинг кўтарилиши бунинг сабабидир. Лекин патриархал (ота уруғи) муносабатларнинг пайдо бўлиши аста-секин бутун жамият устқурмасида эркакларнинг ролини кўтарди, на-тижада диний тасаввурларда ҳам ўзгаришлар рўй берди. Эркаклар образидаги худо ва руҳлар аёл руҳларни ва худоларни сиқиб чиқарди. Моногам патриархал оила пайдо бўлиши билан эрининг оиласига кўчиб ўтишга мажбур бўлган аёл дастлабки вақтларда ўз ибодатига риоя қилган, кейинчалик эрининг динига ўтган ва унинг худосига сифинган. Бу даврда табиатга ва аждодларга сифиниш яна ҳам ривожланади, оила жамоасининг ўсиши билан уруғ аъзолари ўз уйига, ўчоғига кўпроқ сифина бошлайдилар, яъни «ўчоқ ибодати» кучаяди.

Ибтидоий динларнинг синфи жамият динларига ўтиш жараёни даставвал жамоа аъзолари ичидан мус-

тақил коҳинлар ажралиб чиқишида, махсус ибодатлар ва диний ташкилотларнинг пайдо бўлишида ёрқин ифодасини топган. Уруғ-қабила бошлиқларини илоҳийлаштириш, курашчан қабилавий худоларнинг пайдо бўлиши, энди куртак отаётган ҳусусий мулкчилик ва қулдорлик муносабатларини муқаддаслаштириш, коҳинликнинг махсус қасб сифатида табақаланиши каби муҳим ўзгаришларни ибтидой жамоа тузумининг охирги босқичида аниқ кузатиш мумкин. Кишилар уруғчилик тузуми емирилиши билан фақат табиат кучларинингнина эмас, ижтимоий муносабатларнинг стихияли кучлари олдида ҳам ожизлигини сеза бошлайди. Натижада уруғ, қабила бошлиқлари, буюк аждодлар илоҳийлаштирилади, илгари номсиз, махфий ҳисобланган арвоҳлар табақаланиб, муайян ҳўжалик фаолиятининг ҳомийсидаги худолар образига кира бошлайди.

Қабилалар иттифоқининг пайдо бўлиши ғолиб қабила худоси бошчилигига кўп худолик (политеизм)ни вужудга келтиради. Археологик кашфиётлар, ёзма манба (Авеста)ларга қараганда мулкий тенгсизлик, яъни бой-камбағаллик нариги дунё, охират тўғрисидаги тасаввурларда ёрқин намоён бўлади. Кишининг ўлгандан кейинги ҳаёти фоний дунё ҳаётининг давоми деган тасаввурлар асосида дабдабали маросимлар ўтказиш, катта қурбонликлар ва у дунёда зарур, ниҳоятда бой буюмлар, қурол-аслаҳалар билан дағн қилиш синфий жамиятнинг пайдо бўлишидан дарак берувчи эътиқодлардир. Бундай диний тасаввурлар Европа ва Осиёning кўп қисмida ўтказилган археологик қазишмалар туфайли ҳам яқъол намоён бўлди. **Демак**, бу даврда табиат кучлари билан бир қаторда ижтимоий кучлар ҳам майдонга чиқади, одамга қарши турувчи бу кучлар ҳам унга тушунилмайдиган, ёт бўлади ва табиат кучлари сингари зоҳирӣ зарурият сифатида ожиз инсон устидан ҳукмронлик қиласди. Албатта, бу жараён ниҳоятда мураккаб ва узоқ даврни ўз ичига қамраб олади. Оқибатда ривожланган қулдорлик жамиятига келиб дин махсус мафкуравий қурол сифатида ўртага чиқади.

Урта Осиё ҳалқларининг қадимги антик даври тарихи бу ерда яшаган барча элатларнинг давлат динига айланган зороастризм (зардуштийлик) диний эътиқоди билан боғлиқ. Айрим тадқиқотчиларнинг исбот қилинича зардуштийлик дини Урта Осиёда пайдо бўлиб,

Эронга, Озарбайжонга тарқалган ва биринчи минг йиллик ўрталарида давлат динига айланган. Зардуштийлик ёки зороастризм номи бу динга асос солган афсоналарга чулғантган пайғамбар Зоротуштра (Зороастр) исми билан боғлиқ. Аммо у фанда бошқа ном билан ҳам аталади: унга бош худо Ахурамазда исми билан маздакизм, бош муқаддас китоб Авеста номи билан авестаизм, асосий эътиқод — оловга сифиниш бўлганилиги туфайли оташпаратлик ёки кейинги даврларда ундан ажралиб чиқсан йирик мазҳаб худо Митра исми билан митраизм деб ном берилган. Бу диннинг асосий асари Авеста Ўрта Осиё ва қўшни мамлакатларнинг (эрамиздан аввалги II минг йиллик охириларидан I минг йилликнинг кейинги асрларигача бўлган даврни Қамраб олган) тарихи ва маданиятини ўрганишда муҳим ёзма манба бўлиб хизмат қиласди.

Авеста ривоятларидан бирида афсонавий биринчи одам ва эронийларнинг биринчи подшоси Иима ҳақида унга осмон худоси Ахурамазда берган ерларнинг кенгайтирилганлиги тўғрисида ҳикоя қилинади. Иима уч юз қиши ҳукмронлик қиласди. Шу давр ичida унинг ерида ўсимликлар, қушлар, ҳайвонлар, чорва ва одамлар шунча қўпайиб кетганки турар жой ҳам қолмаган, ерга ҳам оғирлик тушган. Кейин Иима ўз одамларини янги макон излаб Қуёш йўли билан жанубга бошлаган ва у ерда 600 йил ҳукмронлик қиласди.

Айрим олимларнинг фикрича, бу афсонавий ўлка муқаддас дарёning қуий оқимида жойлашган кўхна Хоразм деб ҳисобланади. Археологик тадқиқотлар ҳам бу фикрни тасдиқлайди. Беруний берган маълумотларга қараганда, Хоразмга афсонавий қаҳрамон Сиёвшур келиб, дастлаб давлатга асос солган давр — хоразмча йил ҳисобининг бошланиши санаси «буюк кўчиш»лар даврига тўғри келиши диққатга сазовордир. Эрамизнинг X асрига қадар ҳукмронлик қиласан мазкур афсонавий сиёвшулар сулоласининг асосчиси Авестада Сиёваршон номи билан тилга олинади, уни образи халқ эпосида, афсоналарда ярим худо қиёфасида гавдаланаади. Иима эса Фирдавсийнинг ўлмас эпоси «Шоҳнома»да Жамшид образида намоён бўлади. Жам (йим) киши исми, шид — нуроний деган маънени англатади. Унинг подшолик қиласан даври ёруғлик зулмат устидан, адолат ёвузлик устидан, инсонлар девлар устидан узил-кесил ғалаба қиласди, ҳатто ўлим енгилган,

ҳар бир дардга даво топилган замон деб таърифланади, эронийларнинг афсонавий тарихида «олтин давр» ҳисобланади. «Шоҳнома»даги бир афсонага кўра, Жамшид авлоди Ҳушанг Прометей сингари оловни кашф этиб, сада байрамида кишиларга ўргатиб, уни муқаддаслаштиради. Мазкур афсонада зардуштийлик динининг асосий эътиқоди оловга сифинишнинг пайдо бўлиши ҳақида ҳикоя қилинади. Бу диннинг энг муҳим белгиси унинг дуалистик характерга эга эканлигидadir. Унда ёруғлик, эзгулик худоси Ахурамазда (Ормузд) ва қоронғилик, ёвузлик худоси Анgra Майню (Аҳримон) ўртасидаги доимий жиҳдий кураш ғояси ётади. Биринчisi — деҳқончилик, ўтроқ аҳолининг, уй ҳайвонларининг, иккинчisi — жанговар, урушқоқ кўчманчи қабилаларнинг, йиртқич ҳайвонларнинг ҳомийси деб таърифланади.

Зардуштийлик таълимотига биноан келажакда Ахурамазда Аҳримон устидан ғалаба қозонади, бутун инсоният бирикиб ягона давлат ва ягона тил ўрнатилади. Бундай демократик ғоялар зардуштийликнинг узоқ давр ҳалқ орасида сақланиб келишига сабаб бўлган.

Эрамиздан аввалги IV—I асрлар қадимги Хоразмнинг гуллаб-яшнаган даври бўлиб, бу даврга оид ёдгорликлар жуда кўп ва хилма-хилдир. Хоразмнинг антик даврдаги шаҳарларининг деярли барчаси воҳани даштдаги қўшни қабилалардан мудофаа қилиш мақсадида қурилган. Амударёнинг ўнг томонидан шарқдан гарбга қараб бирин-кетин чўзилган Кангақалъа, Жонбосқалъа, Бозорқалъа, Қўроғшинқалъа, Қирққиз, Аёзқалъа, Бурлиқалъа ва Тупроққалъа суғориш иншоотларининг этагида бир-бирларига яқин ва қатор қилиб қурилган. Бир режага асосланган мудофаа тизими ва тараққий қилган зўр суғориш иншоотларининг мавжудлиги Хоразмнинг қудратли марказлашган давлат бўлганлигини кўрсатади.

Бу қалъалардан Кангақалъа, Жонбосқалъа ва Қўйқирилган қалъаларда топилган буюмлар, бошқа топилмалар қадимги хоразмликларнинг диний эътиқодларини аниқлаш имконини беради. Жонбосқалъа марказий кўчаси охирида жойлашган иморат харобаларини текшириш натижасида ўт ибодатхонаеи бўлганлиги аниқланди. Иморат ўртасидаги супачага қурилган ўчоқда муқаддас ўт доимо ёниб турган. Ибодатхонанинг ички девори тагида узун супа, оташхона ёнида

эса ибодат қилувчиларнинг диний маросимларни ўтка-
зишлари учун айрим хона ҳам мавжуд бўлган. Бу
хонада топилган кўп суюк қолдиқлари унда диний ма-
росимлар учун тайёрланган таомлар истеъмол қилин-
ганидан дарак беради.

Урта Осиёдаги ҳалқлар илк феодализм даврида ҳам
жамоа тўпланган пайтларда умумий маросим таомла-
рини пиширганликлари, одамлар тўпланиши учун мах-
сус уйлар бўлгани, бу уйлардаги ўчақларда доимо ўт
ёниб тургани ҳақида Беруний ва бошқа бир қанча му-
аллифлар ҳам ёзиб қолдирганлар. Маълумки, яқин вақт-
ларгача Тожикистоннинг айрим тоғли туманларида
маҳсус оташхонали уйлар мавжуд бўлиб, бу ерда эр-
каклар тўпланишиб гап берганлар. Ўзбекларнинг тўй
ва бошқа айрим маросимларида гулхан ёқиш одати
ҳали ҳам учрайди. Бутун антик даврда Урта Осиёда
хўкмронлик қилган зардушт (зороастризм) динига би-
ноан, шунингдек эски урф-одатларга эътиқод қилувчи-
ларнинг тушунчасига қараганда, ўтга сифиниш турли
фалокат ва инс-жинслардан сақлар, турмушда баҳт
ва муваффақиятлар келтирадар эмиш.

Жонбосқалъя ва бошқа ёдгорликларда ҳам жуда кўп
учрайдиган ҳайкалчалар (археологлар тилида террак-
оталар), идишларга солинган отнинг расмлари қадим-
ги хоразмликларда зардушт динидан ташқари табиат
кучларига, ҳайвонлар, чунончи, отга сифиниш эътиқоди
катта аҳамиятга эга эканлигини кўрсатади. Тарихий
манбаларда ҳам массагетларнинг отга сифинганлиги
тўғрисида фикрлар бор. Серҳашам кийимли аслзода
кишини тасвирловчи жуда кўп ҳайкалчалар унумдор-
лик худоси, сув ва сугориш иншоотларининг ҳомийси.
Анахита образи билан боғлиқлигига ҳеч шубҳа йўқ.
Наршахийнинг ёзишича, зардушт динидаги бухоролик-
лар ҳар йили Наврўз байрамида бозордан лойдан ясал-
ган худо ҳайкалчаларини олиб, эскисини синдириган-
лар. Ёдгорликларда топилган ҳайкалчаларнинг деярли
ҳаммасининг синдирилганлиги бу фикрни исботлайди.
Беруний асарларида ҳам Наршахий ҳикоясига ўхшаш
маълумотлар, ривоятлар мавжуд.

Тасвирий санъат намуналари ичida жимжимали
оссуарийлар алоҳида ўринни эгалладайди. Юқорида ай-
тилганидек, бу даврда бутун Урта Осиёда, Эронда,
Озарбайжонда зардустийлик дини ривож топган эди.
Зардустийлик динига биноан ўликларни ерга кўмиш,

сувга ташлаш гуноҳ деб ҳисобланиб, жасадни ё куй-дирганлар, ёки гўшти ва терисини йиртқич ҳайвон, қушларга едириб сүякларини маҳсус сопол қути (оссуарий) ларга солиб, айрим биноларда сақлаганлар. Шундай қутиларни Ўрта Осиёning ҳамма ерида учратиш мумкин. Мана шу ва бошқа фактларга асосланиб, кўп олимлар зардуштнинг ватани Ўрта Осиё деб ҳисоблайдилар.

Қўйқирилган қалъа теварагида учрайдиган оссуарийлар хилма-хиллиги билан ажралиб туради. Бу оссуарийлар қопқоқларининг кўпчилигига ҳайкалчалар ясад қўйилган. Қўйқирилган қалъадан тахминан бир ярим чақирим шимолда қум тепалар орасидан топилган квадрат шаклдаги оссуарийнинг қопқоғида чордана қуриб ўтирган эркакнинг ҳайкали жуда ажойибdir. У калта мўйловли, соқоли хоразмча қилиб қўйилган, кийими нақшдор қилиб тўқилиб, камари учидан қўй бoshини тасвирловчи безак борлиги кўриниб турипти. Оссуарийлар ичидан от шаклида қилинганлари ҳам учрайди. «Шоҳнома»да учрайдиган айрим қаҳрамонларнинг номи (Лухрасп, Гуштасп, Аржасп ёки хоразмдаги Хазорасп қалъаси) от (асп) билан боғлиқ эканлигини эътиборга олганда бу тасвирлар муайян диний эътиқодлар билан боғлиқ дейиш мумкин.

Қалъалиқирда сўнгги йилларда топилган қумтошдан, лойдан ва ганҷдан, шунингдек сополдан ясалган турли типдаги оссуарийлар ичидан юмалоқ, қопқоғида қуш тасвири берилган квадрат оссуарийлар ажралиб туради. Уларнинг тотемизмга оид эканлиги шубҳасиз. Антропоморф, яъни одамсимон ҳайкаллар бир неча археологик қазишмаларда топилган. Қуёш худоси Митрага бағишлиб ҳар йили маҳсус байрамлар (митраган) нишонланган. Бу юоннлардаги ўсимлик маъбудаси Дионисга бағишлиланган вакханалия байрамига ўхшаш кузда, йигим-терим вақтида ўтказиладиган табиат ҳосилдорлигига бағишлиланган хушчақча байрам ҳисобланган. Қадимги Парфия пойтахти Нисада топилган мармардан ясалган ниҳоятда гўзал Родогунда ҳайкали муҳаббат туйғуси, гўзаллик ва мафтунлик худоси ҳисобланган Афродита образини эслатади. Машҳур «Амударё хазинаси»га тегишли жуда кўп олтин, кумуш буюм ва безаклардаги бургут бошли, шер гавдали ва қанотли баҳайбат маҳлуқ ва бошқа образлар қадими Шарқ худоларига ўхшайди.

Юнон-Бақтрия кумуш тангаларида тасвирланган, бир томонида маҳаллий подшоларнинг қиёфаси ва иккинчи томонида қанотли отлар, юнон худолари тасвирига ўхшаш ҳомий мъబудалар образи бу даврда синкретизм диний тасаввурларнинг кенг тарқалғанлигидан далолат беради. Кушон империяси даврида бу анъаналар кучаяди ва чуқурлашади.

Бақтрияни емириб, унинг харобалари ўрнида пайдо бўлган кушонлар империяси жуда қисқа муддат ичida қудратли давлатга айланади. Император Канишка (78—123) ҳукмронлик қилган давр охиrlарида Кушон давлати ўз ҳудудини ниҳоятда кенгайтиради ва замонасининг буюк давлатлари Рим, Парфия ва Хитой билан бир қаторда туради. Канишканинг дин соҳасидаги сиёсати натижасида Кушон империясида, жумладан Ўрта Осиёда ҳам то араб истилосигача буддизм дини кенг тарқала бошлаган. Ҳаттоқи Хитойга ҳам буддизм Кушон империяси орқали тарқалган. Буддизмнинг энг муҳим асарларидан бири Амитаба Сутра Кушон мамлакатидан Хитойга 147 йилда олиб келтирилганлиги тўғрисида Хитой солнномалари хабар беради.

Ўрта Осиёда, шу жумладан Ўзбекистонда буддизм нақадар муҳим ўринни эгаллаганлигини кейинги йилларда ўtkазилган археологик қазишмалар ҳам тасдиқлайди. Жанубий Ўзбекистон ва Туркманистонда, Тоҷикистон ва Афғонистонда археологлар қашф этган будда ибодатхоналарининг харобалари, айниқса зўр маҳорат билан ясалган катта-кичик будда ҳайкаллари бунинг ёрқин далилидир. Қадимги Термиз харобаларидан топилиб, текширилган йирик ибодат маркази (унда 20—25 та будда мажмуи борлиги аниқланган) диққатга сазовордир. Ажойиб санъат ва меъморчилик намунаси бўлган кушон зодагонининг қасри ҳисобланган Холчаёнда будда иншоотлари қашф этилган. Айритом, Болалитепа, Даъварзинтепа ва Фаёзтепа ёдгорликлари мажмуи, марказий будда ибодатхонаси жойлашган Қоратепада топилган археологик материаллар ўша даврдаги истеъоддли аждодларимизнинг юксак моддий маданияти, диний тасаввурлари, умуман дунёқараши ва урф-одатларини кенг тасаввур қилишга имкон беради.

Мазкур обидаларни текшириш узоқ ўтмишдаги аждодларимизнинг моддий ва маънавий маданиятида, шу жумладан диний тасаввурларида ҳам антик маданий анъаналар билан бир қаторда янги анъаналар пайдо

бўлганлигйни кўрсатади. Чунончи, сопол идишларда тасвирланган ҳайвонлар (асосан от, қўй, қўчқорлар, маймун ва фил) кушонликларнинг диний тушунчаларида, бир томондан, Шимолий Қора денгиз бўйларида, Шарқий Европа ва Қозоғистон даштларида яшаган қабилаларнинг таъсири борлиги, иккинчи томондан (маймун ва фил образи), Ҳиндистон халқлари диний мафкурасининг таъсири борлигидан гувоҳлик беради. Топилган буюмларнинг кўпчилиги бу даврда зороастризм ва буддизмдан ташқари ҳар хил тотемистик ва сеҳргарлик (магия) дичий тасаввурлари муҳим роль ўйнаганлигини кўрсатади.

Узоқ тарихий давр давомида турли-туман диний тасаввурлар таъсирида бўлиб келган ўзбеклар VIII аср бошларида арабларнинг босиб келиши билан аста-секин ислом динига ўта бошлайдилар. Янги жаҳон динининг маҳаллий элатлар орасида тарқалиши бир неча асрга чўзилган. Ислом дини маҳаллий хусусиятларни ҳисобга олган ҳолда халқ орасида кенг тарқалган қадимиј кўхна диний тасаввурлар, ўрф-одат ва маросимлар, ибодат ва ғояларни ўзида мужассамлаштира бошлаган. Натижада Мұҳаммад пайғамбарнинг таълимоти Ўрта Осиё шароитида бир оз қурама (синкетик) характерда намоён бўлади.

Маълумки, ислом дини пайдо бўлгандан кейин, Мұҳаммад вафотидан сўнг мусулмонларга бош бўладиган, ҳам диний рутба, ҳам дунёвий ҳокимлик қиласидан мусносиб халифа (пайғамбарга —«ўринбосар»)га эҳтиёж юзага келади. Янги феодализм тузуми мустабид ҳукмронларга муҳтоҷ бўлганлиги туфайли энди яратилган араб давлати тоҷ-тахти учун пайғамбар авлодлари ва яқинлари орасида кураш бўлиб, мусулмонлар «шия» ва «сунна» оқимларига бўлинib кетадилар. Исломдаги кейинги асрларда пайдо бўлган ҳар хил мазҳаблар асли ўша даврдаги маънавий ва ижтимоий-иқтисодий зиддиятларнинг муҳим оқибати сифатида келиб чиқсан эди.

Феодализм тузуми инқизозга учраган қулдорлик тузумининг харобалари ўрнида пайдо бўлар экан, бу жараён ижтимоий онг шаклларининг халқ ҳаракатлари билан чирманиб кетган ҳар хил ўйналишлар ва мазҳабларда, еретиклик таълимотларида ўз ифодасини топади. Мазкур ҳодиса ва оқимлар айниқса истило қилинган мамлакатларда, даставвал, Ўрта Осиёда ҳам

рўй берган эди. Бунга хоразмлик Ҳурзод ва бухоролик Муқанна қўзғолонлари, қодирийлар ҳаракати, мұътаба-зила ва сўфийлик мазҳаблари ёрқин далил бўла олади. Бундай турли таълимот, оқим ва мазҳабларнинг пайдо бўлиши ислом динининг синкетик моҳиятини яна ҳам кучайтирган эди.

Узбеклар асосан сунна мазҳабига эътиқод қилиб келмоқдалар. Яқин ўтмишда, совет тузуми ўрнатилишигача ислом дини инсон ҳаёт фаолиятининг барча томонларини қамраб олган: унинг дунёқарашини, майший ва маданий турмушини, ҳуқуқий ва оилавий тартибларини, бутун турмуш тарзини, шу билан бирга унда қадимий диний эътиқод ва тасаввурларнинг кўп элементлари мужассамланганилиги маҳаллий исломнинг ўзига хос хусусиятларини юзага келтирган. Ҳатто мусулмончиликнинг бешта асосий қоидаси (фарз)ни адo этишда ўзбеклар орасида ўзига хослик пайдо бўлган.

Даставвал мусулмон бўлиш учун исломнинг энг асосий бош ғояси ҳисобланган калима қайтариш, яъни якка худолик эътиқодини тасдиқловчи сура сўзларини айтиш орқали киши ўзининг шоҳид, итоатгўй эканлигини исботлаши зарур бўлган. Қандай иш бошламасин мўмин киши ягона Оллоҳнинг раҳмдил ва шафқатли эканлигини тасдиқловчи муқаддас сўзлар (Бисмиллоҳу раҳмону раҳим)ни айтиши шарт.

Мусулмончиликнинг иккинчи асосий вазифаси ҳар куни мажбурий беш вақт намозни ўқишдан иборат. Намоз исломда энг муҳим фарз ҳисобланади. Намоз мачит томи ёки минорадан махсус шахс (азончи, муаззин) орқали жар қилинади. Мачитга бориб намоз ўқиш. Бухоро амирлигига жуда ҳам мажбурий бурч ҳисобланниб, ўқишини бузган киши қаттиқ жазоланган. Айниқса бу ерда тонгда ўқиладиган аzon намози мачитда ўқишиши шарт бўлган. Махсус амалдор (раис) эрталаб мачитларни айланиб чиққан, кимки намозга сабабсиз келмаган бўлса қаттиқ огоҳлантирилган ёки жазоланган. Туркистон генерал-губернаторлигига бундай қатъиянлик бўлмаган, аммо мачитга қатнаш жамоатчилик фикри томонидан бошқарилган. Уни бажармаган кишини «кофир бўлди» деб қоралаганлар. Намозни уйда, мачитда ёки далада ҳам ўқиш мумкин, лекин мўмин уни ўқишиндан олдин ўзини тозалаши (таҳорат қилиши) шарт. Ҳозир ўзини чинакам мусулмон деб ҳисоблайдиган фуқароларнинг кўпчилиги нафақат беш

вақтли намозни, ҳатто мажбурий бўлган жума намозини ҳам адо этмайдилар. Хотинлар мачитга намозга қатнамайдилар.

Мусулмончиликнинг учинчи муҳим вазифаси рўза тутишdir. Бир ой муддат (рамазон ойи) ичida гўдак норасталар, саёҳлар ва касаллардан ташқари ҳар бир мусулмон тонг отишдан кун ботгунча ейиш, ичиш, турли майшат ва ҳоказолардан ўзини маҳрум қилиши ва бутун вужудини Олло таолога бағишлиши шарт. Рўза ойида кундалик беш вақт намоздан ташқари қўшимча олтинчи намоз ўқилиши тавсия қилинади, яна аҳд қилинса ёки бир одам келса ҳам қўшимча ўқиши савоб ҳисобланади. Рамазон ойи давомида Туркистон ўлкаси ва хонликларда кечки бозорлар ишлаб сайиллар ўтказилган, унда созандалар, аскиябозлар, раққос (бачча)-лар томошалар кўрсатганлар, турли шириналлар ва таомлар пиширилиб харид қилинган. Кўп оиласлар энг камида ойда бир марта қавму қариндошлар, ёру биродарлар ва кекса қўшниларни чақириб ифторлик берганлар. Рўза тугагач, катта ҳайит сайиллари ўтказилади. Рўза байрами (ид-ал-фитр) кунлари мачитда жамоа тўпланиб ҳайит намози ўқилади.

Иккинчи катта диний байрам қурбон ҳайити (ид-ал-адҳа) ҳам зўр тантаналар билан шаввал ойида уч кун давомида нишонланади. Бу ҳайитда камбағалларга атаб садақалар берилади, Куръон ва ҳадислар ўқилади, ўз гуноҳларини ювиш учун айrim бандалар жарима тўлайдилар ва ҳоказо. Одатда Оллоҳ номига қурбонлик қилинади, сўйилган нарсанинг гўшти камбағалларга ва қисман байрам таомларига ишлатилиб жамоаға тарқатилади. Ҳайит байрамларида сарполар янгиланади, ўзаро меҳмондорчилик кучаяди. Ҳозир Ўзбекистон Республикасида иккита ҳайит куни ҳам дам олиш куни деб эълон қилиниб, катта байрамлар ўтказилмоқда.

Қурбон ҳайити мусулмончиликнинг яна бир муҳим шарти — ҳажга бориш вақтига тўғри келади. Маккага зиёрат (ҳаж)га бориш зулҳижжа ойининг биринчи ўн кунлигига бўлиб, Мина водийсида қурбон байрами тантаналари билан тугайди. Тарихий манбаларга қараганда, фақат Ўрта Осиё ва Қозоғистондан ўтган аср охирларида 1500 дан ортиқ киши ҳажга борган. Совет мустамлакачилиги даврида Макка зиёратига бориш ман қилиниб ниҳоятда чекланиб қўйилган эди. Маса-

лан, 1989 йили фақат Узбекистонда қайта қуриш ва демократия эълон қилингандан кейин атиги ўн киши ҳажга борган бўлса, 1990 йили 355 киши борди. Мустақиллик арафасида бу рақам 1200 га етган бўлса, таваллудининг биринчи йили бу рақам ўн баравардан ҳам ошиб кетди.

Мафкуравий жиҳатдан шахснинг бутун ҳаёт фоалияти ва яшаш мақсади, умид-орзулари ҳам ислом динининг ахлоқий нормалари билан белгиланган. Шариат талабларига тўла риоя қилишига қараб шахс ҳаракатига, хулқ-авторига ва одобига жамоатчилик ёки ижтимоий гурӯҳ томонидан баҳо берилган. Айниқса, маҳалла ёки қишлоқ аҳолисининг маънавий ҳаётини бошқариб турган ҳамқишлоқлар ёки ҳаммаҳалланинг фикри катта кучга эга бўлган. Одат тусиға кирган жамоа гуруҳининг фикри, ҳукмрон диний мафкурадан қатъи назар, ёзилмаган, аммо бажарилиши шарт қонун-қоидада ҳисобланган. Илгари кимки шу қонун-қоидани бузса, у жамоатчилик томонидан қаттиқ жазоланган ёки қишлоқ ё маҳалладан ҳайдалган. Одат ва шариат нормалари ўзаро боғлиқ бўлиб, бир-бирини тўлдирган. Бу тўғрида тарихий-этнографик манбаларда, таниқли ўзбек олимлари, шоир ва ёзувчилари асарларида, ҳалқ оғзаки ижодида жуда кўп далиллар келтирилган. Одат ва шариат нормаларининг ўзаро боғлиқлиги асrimiz бошларидаги этнографик асарларнинг бирида шундай таърифланади: «динга одат деб қарадан, унга риоя қилмаганлар жамоатчилик фикри билан қораланган. Сарт учун бу фикр худо ғазабидан ҳам қўрқинчли ҳисобланган».

Ижтимоий-руҳий жиҳатдан жамоатчилик фикри ислом дини таъсири остида шаклланган ва ривожланган оддий кундалик онг таъсирида бўлган. Шунинг учун кишиларнинг хатти-ҳаракати, ишлари ва хулқ-автори ёмонликка йўналса, дўзахда жазолаёнадиган туноҳ деб қораланган, яхшиликка йўналган эзгу характерга эга бўлса, савоб ҳисобланган ва нариги дунёда юксак баҳоланиб, жаннатга йўлланма билан қадрланган. Аммо шариат ва жамоатчилик фикри гуноҳ билан жиноятни фарқламайди, улар худо яратган ислом нормаларига, яъни Қуръон қоидаларига қарши қаратилган ҳаракат деб ҳисобланган. Масалан, рўза тутмаслик ёки ўғирлик, фоҳишалик ёки даҳрийлик, диндан қайтиш ёки одамни ўлдириш мусулмончиликда ҳам туноҳ, ҳам жи-

ноят деб қораланиб, бир хил жазоланган. Йекин одатта асосланган жамоатчилик фикри баъзан шариатдан ҳам устун турган. Унинг таъсирида ҳатто ислом ақидаларига зид бўлган айрим маросим ёки расм-руслар амалга оширилган. Масалан, Қуръон ақидаларида фарз бўлмаган баъзи оиласий-маиший урф-одатлар, айниқса анъанавий тўйлар жамоатчилик фикри таъсирида жуда кўп сонли кишиларга мўлжалланган тантанавор равишда катта харажатлар сарф қилиниб ўтказилган ва ҳозир ҳам ўтказилмоқда. Элга, маҳаллага катта ош бериш ислом динида кўрсатилмаса-да, қарз ҳисобланган. Ўтмиш тўйлари тўғрисида ўтган асрдаги рус этнографи И. С. Ликошин бундай деб ёзди: «Қадимдан одат тусиға кирган барча оиласий тантаналарни маҳаллий аҳоли «тўй» билан нишонлади, тўйда таниш-билишларга катта зиёфат ва совға (чопон)лар инъом қилинади. Тўй қилмаслик — уят, умуман тежамкор сарт уятга қолмаслик учун қарзга ботиб, баъзан хонавайрон бўлса ҳам, ўша одатга риоя қилади... Тўйта маҳалла аъзолари, қўшни маҳаллалардан бутун шаҳар билсин учун бир неча кишидан иборат вакиллар таклиф этилади. Катта қозонда ош дамланади, меҳмонларга сарпо учун арzon чопонлар харид қилинади ва таклиф қилингандарнинг мавқеи ва бойлигига қараб тақсимланади». Муаллиф қайд қилганидек, оиласий байрам зиёфати маҳалладошлари олдида ўз бурчини адо этиш характеристига эга. Жамоатчилик фикри томонидан қораланмаслик учун маҳаллага ош бермаслик мумкин эмас, акс ҳолда илгари ошга чақирган таниш билишлар ва қўшнилар хиёнат қилган хасис деб ҳисоблайди.

Инсоннинг барча майший ва маънавий фаолиятини қамраб олган ислом муносабатлар шароитида ҳам жамият тараққиётига катта таъсир қилиб келган. Аммо Ўрта Осиёда, шу жумладан Ўзбекистонда ўша даврда асосан феодал-патриархал муносабатлар ҳукм сурғанлиги туфайли иқтисодий ва этник алоқалар, маданият ҳам ривожланган, шахс қарамлиги анча кучли бўлганлиги учун миллий бирликка нисбатан диний бирлик устун турган. Юқорида қайд қилинганидек, дин маънавий ва майший тўрмушда ҳукмрон бўлганлиги учун бутун ижтимоий ва оиласий-маиший муносабатларни бошқарувчи ҳуқуқ-ахлоқ механизми вазифасини бажариб келган, диний,

этник бирлик ўзаро узвий боғлиқ бўлган. Шу сабабли ёш миллӣ буржуазия ва унинг мафкураси феодал-патриархал заминдан тўла ажралмаган ҳолда ҳукмрон ислом мафкураси таъсирида ўз манфаатини дин байроби остида ҳимоя қилган эди. Утган асрнинг 90-йиллари Туркистон ўлкаси, Бухоро амирлиги ва Хива хонлигига жадидизм, панисломизм, пантуркизм ғоялари кенг тарқала бошлайди, бу ғоялар мазкур ижтимоий-иктисодий ва маданий ҳаёт асосида юзага келтган.

Даставвал бу ғояларни мусулмон руҳонийларининг ақидапараст қисми тарғиб қила бошлади. Бундан ташқари, ўша даврда Ўрта Осиёда кўплаб пайдо бўлган Туркия тарғиботчилари дин арбобларининг панисломизм ва пантуркизм ғояларини ҳар томонлама кучайтириб, маҳаллий халқларни «коғирлар»га, яъни русларга қарши курашга чақирганлар. Бундай ташвиқотчиларнинг бир қисми Туркистон ўлкаси ва Бухорога юборилган. Бу тўғрида Туркистон генерал-губернатори Духовский ҳам подшога ахборот беради. «Маълумотларга кўра,— деб ёзади у,— турк эмиссарлари халиф фойдасига садақа тўплабгина қолмай, баъзан разовот ғоясини ҳам тарғиб қилмоқдалар... Бизнинг мусулмонлар орасида ҳозир бизга энг заарли панисломизм ғояларининг кенг тарқалганлиги ва бизнинг зиёлиларнинг ислом билан мутлақо нотаниш бўлганлиги туфайли турк эмиссарларигина эмас, бизнинг татарлар ҳам шариатни билмайдиганларга ҳар хил бемаъни, нотаниш йўллар билан, матбаа орқали ва бошқа тадбирларни кўллаб, бизнинг ҳукуматга ва бизнинг жамиятга исломни ғайридиндагиларга қарши, умуминсоний тараққиёт ғояларига бемуроса эканлигини исбот қилиш тасаввурини тарқатиши хавфли». Духовский таърифича, айрим маҳаллий Тошкент китоб-фурушлари панисломизм ва пантуркизм ғояларини ҳамда Туркия қудратини кўкка кўтариб мақтайдиган адабиётларни яширин равишда тарқатганлар. Бундай ғояларни ташвиқот қилишда айниқса сўфий мазҳаб вакиллари — шайхлар, эшонлар ва уларнинг кўп сонли муридлари фаолият кўрсатганлар.

Сўфизм ўз издошларида ниҳоятда кучли диндорлик ва фанатизм тўйғуларини, пирига қатъиян бўйсунишни ва ўз иродасидан тўла кечишни тарбиялаган. Сўфийлар даврасида тарқалган иборага биноан «му-

рид ўлик ювручи қўлидаги мурдага ўхшashi керак». Шунинг учун ҳам мусулмон руҳонийлар минглаб итоатгўй издошлари — муридлари билан қудратли кучга эга бўлганлар. Ўзбекларнинг майший-турмушини жиддий ўрганганд олим Н. Маллицкий таърифича, ийрик эшонлар минглаб издошларини шаҳарларда, айниқса паст табақалар орасида топганлар. «Ҳозирги даврда,— деб ёзган эди у ўтган аср охирларида,— мусулмон давлатларида сўфиийлик халқнинг маънавий-ахлоқий ҳаётига раҳнамо кишилар ҳисобланади». Шунинг учун қудратли ғоявий оқимга айланган сўфизм ижтимоий-сиёсий ҳаётгагина эмас (айниқса ҳонликларда), балки халқнинг бутун майший турмуши ва маънавий ҳаётига ҳам зўр таъсир ўтказган.

Уша даврдаги ижтимоий онгнинг таркибий қисмига айланган Ўрта Осиё сўфизмининг ўзига хос хусусияти унинг ниҳоятда синкетик характерга эга бўлиши, яъни унда турли фалсафий таълим элементлари, ортодоксал исломнинг асосий ақидалари ва маросимлари, ҳар хил қадими мажаллий диний эътиқод, ибодат ва ғояларнинг аралашиб кетганлигидадир. В. П. Наливкиннинг таърифича: «Тасаввуф (сўфизм, европаликлар тилида — дарвишизм ёки муридизм) мазҳаб сифатида юзага келиб, исломнинг биринчи асарларида унга зид ва қарама-қарши бўлган. Чунки ислом жиддий монотеизмни тарғиб қилиса, сўфизм кенг маънодаги пантеизм тарафдори. Ундан ташқари, сўфизм мистик йўналиш сифатида ўз издошларига Қуръон инкор қиласидаги христианлик ва буддизм таъсирида пайдо бўлган дайди дарвишлик ва зоҳидликни тавсия қиласди».

Сўфизм мафкураси ва ибодати аслида пантеистик характердаги таълимот бўлиб, генетик жиҳатдан анимизм, шаманийлик, сеҳргарлик ва дуохонлик каби ибтидоий эътиқодлар билан узвий равишда боғлиқ бўлган. Масалан, арвоҳлар билан мулоқот қилиш шаманийликдаги сингари баланд чўзиқ овоз чиқариб диний шеърлар ва Қуръон сураларини ўқиб зикрга тушиш орқали амалга оширилган. Зикр маросими қўпчилик орасида иштирокчилар, томошабинларга қизиқарли ва эмоционал жиҳатдан таъсирчан усулда ўтказилган ва шуидай қилиб уларнинг диндорлигини анча кучайтирган ҳамда мустаҳкамлаган. Театрлашган бу маросимга асосан эзилган меҳнаткаш аҳоли қатнашган.

Сўфизм ғояларини тарғиб қилишда ёзма адабиётдан ташқари ҳар ҳил оғзаки ижод жанрлари — эртак, афсона, ривоят, эпик асарлар, мақол ва масаллардан ҳам кенг фойдаланилган. Сўфий шоирлар ва ислом назариётчилари яратган кўплаб афсона ва ҳикояларда, достон ва эртакларда дунёвий лаззатлардан кечган, аммо кучли, иродали ва худога яқинлиги туфайли қурдатли пиру авлиёлар, саҳий дарвишу девоналар куйланган. Бундай асарларда пирига садоқатли шахслар доимо бахтга эришади, мурод-мақсадига етади, унинг дуоси билан турли ғояларни ва қийинчиликларни енгиги чиқади, бўйсунмай ўзбошимчалик қилгандар эса, аксинча, шармандаларча ҳалок бўлади, дейилади. Бадиий тасвирланган мазкур образлар ё саҳрода ташналикада ўлаётган мусофири қутқаради, ё душманлардан шаҳарни ёки мамлакатни озод қиласди, ё адолатсиз подшони ёки ёлғончи судхўрни қаттиқ жазолайди. Бундай ижод маҳсулотлари шубҳасиз меҳнаткаш оммани ижтимоий зулм шароитида анча овутадиган муҳим восита бўлган.

Диний адабиётни, мусулмон афсоналари ва ривоятларини, авлиёлар тўғрисидаги турли тўқималарни халқ орасида ташвиқот қилувчи маҳсус оғзаки профессионал ҳикоячилар — маддоҳлар меросий касб эгаси бўлган. Ислом ташвиқотчиларидан Қуръонни ёддан биладиган қорилар (одатда кўзи ожиз кишилардан) ҳам маҳсус мактабларда — қориҳоналарда яшаб таълимтарбия олганлар. Улар қорибоши раҳбарлигига Қуръон сураларини (айримлари бутун Қуръонни) ёдлаб, қироат билан ўқиш санъатини эгаллаб, турли диний оиласвий-маишӣ маросимларга, жанозага ва бошқа оиласвий урф-одатларга таклиф қилингандар.

Кенг омма орасида эшонларга сифиниш шунчалик кучли бўлганки, улар ўлгандан кейин авлиё дараҷасига кўтарилиб, образлари турли афсона, ҳикоя ва ривоятларга кирган, сўфий шоирлар ижодида куйланган, уларнинг устав (рисола)ларига кирган. «Паст табақадаги сартлар, айниқса ҳунармандлар,—деб ёзади Н. Маллицкий,— ўз касбларининг «пирлари» деб мусулмон оламида қачонлардир дунёдан ўтган «машҳур» авлиёларни тилга оладилар. Сартлар орасида умуман ахлоқий жиҳатдан бош бўладиган айрим чинакам авлиё, кароматли донишманд эшонлар бор, лекин кўпчилик эшонлар мурид қалбли эмас, балки пул овлайди-

ган ёлғончи ва мунофиқ шахслардан иборат, деган тушунча тарқалган». Бу фикрни тасдиқлайдиган йамуналар халқ ижодида ҳам ўз ифодасини топган.

Касал даволайдиган дуохонлик қилувчи эшонлар махсус тоифани ташкил қилган. Улар асосан оиласи турмуш билан алоқада бўлиб, оиласи-маиший муносабатларга таъсир қилган, айримлари таъмагирлик, ахлоқсизлик, ножӯя хатти-ҳаракатлари билан ёмон ном қолдирган, Бедил, Машраб, Муқими, Мунис Хоразмий, Аваз Утар ва бошқа демократ ёзувчи ва шоирларнинг асарларида мутаассиб, чирик, эски ижтимоий ва майший ҳаётнинг барча иллатлари, феодал жамиятнинг малайлари ҳисобланган хурофотчи сўфий эшонларнинг кирдикорлари ва найранглари фош этилади, қаттиқ танқид қилинади.

Аҳолининг оиласи-маиший муносабатларига кўп сонли авлиёлар ва муқаддас жойлар ҳамда уларда хизмат қилувчи махсус руҳонийлар — шайхлар катта таъсир ўтказган. Кўпчилик шайхлар ўзларини ушбу мозор ёки авлиёда дағн қилинган шахснинг авлоди деб ҳисоблаган. Ҳар бир муқаддас жой муайян касалликларни даволайдиган авлиё сифатида «мутахассислашган», яъни у ерларда муайян касалликларни «даволайдиган» махсус авлиёлар бўлган. Меҳнаткаш халқ ю-донлиги туфайли турли ижтимоий зулм ва сон-саноқсиз оғат келтираётган ҳар хил касалликларнинг сабабини билмаслигидан сохта хурофий даволаниш усулларига мурожаат қилишга мажбур бўлган. Ушбу мозор ёки муқаддас жой тўғрисидаги афсона ва ривоятлар муҳим маънавий қуллик воситаси сифатида руҳонийлар ва хокимлар томонидан тўқилиб кенг тарқатилган.

Шундай қилиб, октябрь тўнташидан олдин ислом дини маҳаллий аҳоли ижтимоий ва оиласи-маиший ҳаётнинг бутун ҳужайраларига сингиб кетиб, бир томондан, эски қолоқ турмуш ва оиласи-маиший муносабатларнинг барҳам топишига тўсқинлик қилса, иккичи томондан, тафаккурда мутаассиблик, туомун тарзida консерватизм ва биқиқликни сингдириб, ҳаётда замонавий, янгича, бальзан фойдали нарсаларнинг тарқалишига ва янгиликларни ўзлаштиришга қарши чиққан. Асрлар давомида ўрнатилган диний қоида ва расм-руслардан ҳар қандай чекиниш жиноят деб ҳисоблаган ислом фақат майший турмуш ва маданият-

нигина эмас, ҳатто иқтисодий тараққиётни ҳам маълум даражада чеклаб қўйган.

Шунинг учун миллий буржуазия вакиллари — жадидлар эски мактабни ислоҳ қилиш ва бошқа айрим янгиликлар киритиш ташаббуси билан чиқа бошлаган. Бундай интилишлар фақатгина ўқитиш усулига тааллукли бўлса ҳам, асл моҳияти билан маҳаллий аҳолининг маданият ва турмуш соҳасидаги ўзгаришларга муҳтож эканлигини ифодалайдиган тадбирлар эди. Туркистон жадидларининг бошлиғи М. Беҳбудий бундай деб ёзган эди: «Бизлар ҳозирги маданият асосида мактаблар, устахоналарни ва бошқа эски турмуш билан боғлиқ соҳаларни ислоҳ қилишимиз зарур». Унинг фикрича, маориф соҳасидаги ислоҳот феодал-маший турмушни тубдан ўзгартириб, маҳаллий буржуазиянинг «нормал» ўсишига имкон яратиб беради.

Миллий буржуазия янги шароитда халқ оммасининг маърифатга интилишини сезиб, ғоявий таъсир во-ситаларини ўз қўлига олиш мақсадида ўзларини янгилик тарафдори қилиб кўрсатишга интилган. Миллий буржуазия мафкурачилари — жадидлар ўз газетасини чиқара бошлаган, у орқали фан ва исломни яқинлаштиришга интилиб, пантуркизм ва панисломизм ғояларини тарғиб қилганлар, халқни чоризмга қарши чиқишдан огоҳлантирганлар. Биринчи рус инқилобининг тарқалишидан қўрқсан жадидлар рус империалистик буржуазияси билан бирлашиш ва чоризм билан иттифоқ тузиш йўлларини ахтара бошлаган эди.

М. Беҳбудий ислом ақидаларининг иқтисодий ва мафкуравий заманида буржуазия партиясини ташкил қилиш ташаббуси билан чиқади. Жадидлар пантуркизм ва панисломизм шиорлари остида бутун мусулмонларни бирлаштирувчи ягона мусулмон партиясини чоризмга ва рус империалистик буржуазиясига қарши курашиш учун эмас, балки меҳнатқашлар орасида марксистик мафкуранинг тарқалишига қарши ташкил этишини мақсад қилганлар. Бундай биринчи сиёсий ташкилот 1917 йили март ойида Тошкентда «Шўрои исломия» номи билан пайдо бўлган ва унинг теварағида маҳаллий феодал-клерикал ва буржуазия элементлар бирлашган.

Темир йўл транспортининг пайдо бўлиши, тош йўл ва ободонлашган рус шаҳарчаларининг қурилиши,

қишлоқ хўжалигида баъзи рационал усуллар ва янги экинларнинг жорий қилиниши, деҳқончиликда ва ҳўнармандчиликда анча такомиллашган қуролларни ишлиши каби ўзгаришлар маҳаллий халқларнинг хўжалик-маданий ривожига ва майший турмуш тарзига аста-секин ижобий таъсир кўрсата бошлаган. Тошкент, Самарқанд, Фарғона, Жиззах каби шаҳарларда бой табақа вакиллари рус турар жой иншоотларига ўхшаш ёғоч полли ва кўчага қаратилган ром деразали уйлар қура бошлаган. Айрим хонадонларда ёғ чироқ ўрнига керосин лампалар, сандал ўрнига голландча чўян печкалар, самовар, тикив машинаси, европача идиш-товоқлар, каравот, стол ва стуллар, рус завод ва фабрикаларида ишланган қайчи, игна, темир сирли идишлар, газлама ва бошқа буюмлар пайдо бўлган. Маҳаллий аҳолининг кийим-кечагида ҳам анча ўзгаришлар рўй берган: камзул ва тик ёқали кўйлаклар, бешмет ва резина калишлар, эчки чармли маҳси ўрнига американча фабрика чармидан тикилган лакли әтиклар даставвал бой табақалар, кейин бошқалар томонидан қабул қилинган.

Ўзгаришлар фақат моддий-маданий соҳадагина эмас, халқ оммасининг онгига ҳам рўй берা бошлаган. Илфор рус маданияти маҳаллий аҳолининг оиласавий муносабатларига ҳам самарали таъсир кўрсатган. Айниқса рус аёл врачларининг туб аҳоли билан яқиндан алоқада бўлиб, уларнинг ички ҳаётига кириб, мусулмон оиласарини янги турмушга қадам ташлашга йўл очиб берганлиги дикқатга сазовор.

Аерлар давомида жабр-зулм, оғир ҳаёт, қашшоқлик ва нодонлика яшаб келган кенг меҳнаткаш омма турли ижтимоий касалликларга ҳукм қилиниб бевақт ўлим ва бедаво қирғинликлар туфайли жуда қисқа умр кўрган. Хурофот тўрига чулғангандеморлар ҳар хил касалликларни даволашга «ихтисослашган» турли «муқаддас» жойлар — авлиё-анбиёларга, асосан хурофий йўл билан даволайдиган табиб, фолбин, ромчи, бахши, шайх ва муллаларга мурожаат қилишга мажбур бўлганлар. Бундай «шифокорлар» фол очиб, «арвоҳлар» ва «парилар» билан «сўзлашиб» турли тумор ва дуолар ёзид, деморни ҳар хил авлиёларга рўпара қилиб, баъзан зикр тушиб, савалаб даволаганлар. Авлиё «урган» демор касалликдан қутулиши учун ўша авлиёнинг арвоҳини хурсанд қилиш мақсадида ҳудойи аташи ва

диний маросимларга риоя қилиши зарур деб тушунтирилган.

Үлимнинг кўплиги аҳолининг нодонлигини кучайтирган. Халқ шифо ахтариб хурофий ва ибтидоий усулда даволайдиган табибларга, бахши, фолбин, дуохон, эшон-муллаларга мурожаат қилишга мажбур бўлган. Улар сеҳргарлик йўли билан ишлатадиган кўчириқ, кинна, ром очиш, амал, дам солиш, азойимхонлик, тумор тақиши, авлиё-анбиёлар тупроғи, «муқаддас» сувлар каби даволаш усуллари кенг тарқалган ижтимоий касалликларни тугата олмас, ўлим сонини камайтирmas эди, албатта.

Адолат нуқтаи назаридан шуни алоҳида қайд қилиш лозимки, совет даврида тиббиёт соҳасида мисли кўрилмаган ютуқларга эришилди. Айниқса урушдан кейинги йилларда соғлиқни сақлаш масаласи биринчи даражали вазифага айланди. Ҳозир мустақил Узбекистонда нафақат тиббиёт соҳасида, балки маънавий маданиятнинг барча соҳаларида янги мафкура яратиш мақсадида жиддий ҳаракатлар бошланиб, унинг бош ғояси инсон тақдири, унинг фаровон ҳаёти билан боғлиқдир.

Энг қадимий даврлардан Шарқ мутафаккирлари инсон мавқенини ниҳоятда улуғлаб келганлар. Уни жамият моҳияти билан боғлаб шахс камолининг асосий манбай жамиятда, инсон фаолияти билан боғлиқ ижтимоий муносабатлар тизимида эканлигини алоҳида қайд қилганлар. Инсон моҳияти масаласини унинг маънавий дунёсининг ўзаро узвий боғланган ҳуқуқ, адолат, бурч каби умуминсоний қадриятлари орқали тўғри идрок этиш мумкин. Улуғ донишманд Умар Хайём маънавий тараққиётнинг марказида доимо инсон тақдири ва камолоти ётади, деб алоҳида қайд қилган эди. Унинг таърифича, «дунёнинг тилаги, самари ҳам, ақл кўзин қораси — жавҳари ҳам, тўгарак жаҳонни узук деб билсак, шаксиз, унинг кўзи — гавҳари ҳам инсондир». Жамиятнинг пойдевори ахлоқий поклика ва ҳақиқат, адолатни эса оламнинг тожи деб ҳисоблаган ажойиб мутафаккир Носир Хисрав ўзининг жўшқин шеърларида инсон ақл-идрокини, меҳнати, одоби, истеъоди ва эркини ниҳоятда улуғлаб нодонлик ва эўравонликни, ёвузлик ва хурофотни, зулм ва адолатсизликни аёвсиз қоралайди.

Инсон камоли муайян эътиқод, орзу-умидга таянган, ўз мавқеи ва ҳуқуқини анлаган шахс эркинлиги-

нинг ривожи, унинг онгли ва эркин ижодий фаолияти билан узвий боғлиқ. Узбекларда «ноумид шайтон» деб бежиз айтилмаган. Ҳаётда яхши орзу-ниятлар, эзгу ўмидлар, бахт-саодат, адолат ва ҳақиқат, тинчлик ва фаровонлик даставвал ҳалол меҳнат, фаол ижод орқали рӯёбга чиқиши мумкинлигини, шахс эркинлиги билан боғлиқлигини, уларсиз ижтимоий тараққиёт бўлмаслигини тарих исботлаган. Эркин шахс яшаш мақсадини, жамиятда тутган мавқенини тўғри аниқлаб олишга, ўз ақл-идроқи ва куч-ғайратига, эътиқоди ва виждонига таяниб, ҳалол меҳнат ва фаолият билан турмуш шароитини яхшилашга интилади. Аммо кишилар орасида эрксиз ва иродасиз шахслар ҳам борки, улар турмуш қийинчиликлари олдида ожиз бўлиб, ахлоқсизлик ва нодонлик тўрига тез илинадилар. Барча ифлос сарқитлар шундай ожиз, бўш, лапашанг, қўрқоқ, нодон кишиларга ёпишади. Халқимизда «ориқ отга чанг юқар» дейилганидай, барча ёвуз ниятли шахслар айниқса ижтимоий ўзгаришлар пайтида ўзини на-моён қиласди.

Бизнинг ёш мустақил республикамиз янги жамият қуришга киришди. Аммо бундай тарихий жараён ниҳоятда оғир мураккаб ижтимоий-иқтисодий вазиятда ўтмоқда. Совет Иттифоқи бир зумда парчаланиб, деярли унинг ҳамма ерида нафақат иқтисодий ва маънавий қашшоқлиқ, балки ёвузлик ва тўқнашувлар, зўравонлик ва қон тўкишлар, кутилмаган зиддиятлар ва ижтимоий оқибатлар халқларни гаранг қилиб қўймоқда. Афсуски, бундай жараённинг қудратли тўлқинида даҳшатли ахлатлар, хатарли чиқиндилар ҳам қалқиб чиқмоқда. Улар айрим пайтларда ўзларининг ёвуз ниятларига етишга, ўз ҳукмини ўтказишга, турли шиорлар ва ниқоблар билан мустақиллик туфайли эришган демократик қонуний давлатга доғ туширишга интилмоқдалар.

Шундай мураккаб бир вазиятда конституцион давлат ўз кучини кўрсатиши зарур. Узбекистон Республикаси Президенти Ислом Каримов айтганидек, Узбекистоннинг давлат мустақиллигига, ҳудудий яхлитлигига ва хавфсизлигига рапхна соладиган, миллий ва диний адоватни авж олдирадиган, уруш ва зўравонликни тарғиб қилувчи, конституцион тузумга, халқнинг демократик эркинликларига ва маънавиятига тажовуз қиласидиган шахслар ва жамоа ҳаракатлари қонундан

ташқари бўлиши лозим. Конституциямизда ҳурфикр-лилик, виждан ва диний эътиқод эркинлиги масалаларига катта эътибор берилганлиги ҳам бежиз эмас.

Албатта, бундай ниҳоятда мураккаб ва оғир бир шароитда тараққиёт кутилмаган томонга йўналиши, ижтимоий оқибатлар яратиши мумкин. Бундай ижтимоий оқимнинг қудратли тўлқинида халқимизнинг ва ҳар бир шахс, фуқаронинг иродаси, сабр-тоқати, кучи ва ақл-идроқи катта синовдан ўтади. Омма қанча донолик ва ақл-заковат билан иш тутмасин, унинг умидорзулари, эътиқоди, диёнати ва ишончини инобатга олиб, уни оқлайдиган сиёsat ва амалий тадбирлар ўз вақтида бажарилмаса, уларнинг моҳияти инсон онги ва қалбига етказилмаса, албатта, ижтимоий ва сиёсий зиддиятлар юз бериши мумкин. Катта сиёsatда буни доимо инобатга олиш зарур.

Ачинарли томони шуки, сиёsatда ва амалий фаолиятда бизлар ё ўнг, ё сўлга чекиниб, ўзимизни ўзимиз қоралаб, тарихни соҳталаштира бошладик. Наҳотки, 70 йил давомида ҳеч қандай ютуқларга эришмадик, кечаги кунимизни бутунлай унтиб, фақат қанча қурбонлар билан қўлга киритган ғалабаларни бир гуруҳ қонунбузар, ёвуз ҳукмдорларнинг хатосини рўкач қилиб, тарихий ютуқларимизни бутунлай ўчириб ташласак? Узбек элида «Агар чўпондан чиқиб подшо бўлсанг ҳам, уйнинг тўрига чорифингни осиб қўй», деган ибора бор. Бунинг маъноси кўмлигингни ҳеч вақт унутма деганидир.

Утмишда ва ҳозир ҳам маънавий маданиятимизнинг таркибий қисми ҳисоблангани ислом динимизнинг, албатта, хулқ-авторимизни, анъанавий турмуш тарзимизни мустаҳкамлашда хизмати катта. Аммо катта сиёsat, давлат ишларида замонавий халқаро муносабатларни самарали бошқаришда умуминсоний дунёвий қонун-қоидаларга риоя қилиш давр талабидир. Шунинг учун янги Конституциямизнинг 31-моддасида «Ҳамма учун виждан эркинлиги қафолатланади. Ҳар бир инсон ҳоҳлаган динга эътиқод қилиш ёки ҳеч қайси динга эътиқод қиласлик ҳуқуқига эга. Диний қарашларни мажбуран сингдиришга йўл қўйилмайди» деб ёзилиши жуда ўринли ва замонавий руҳдаги қоидадир.

МИЛЛИЙ МАДАНИЯТ, МАЪНАВИЯТ ВА ГУЗАЛЛИК

Ўзбек ҳалқининг миллий маданияти узоқ тарихий даврни қамраб олади. Шарқ мамлакатлари ичидә энг қадимий ёзув намуналарини ўлкамиизда яшаган аждодларимиз яратганлиги фанда аниқланған. Хоразм туроғида жойлашган Қўйқирилган қалъа харобаларидан топилган сонол идишларга ўйиб ёки тушь билан битилган аромей типидаги ёзув эрамиздан аввалги IV—I асрларга оидdir. Бундан ташқари хоразмшоҳлар пойтахти Тупроққалъада кашф этилган эрамизнинг III асрига мансуб архив ҳужжатлари, Нисодан топилган ҳамда эрамиздан аввалги I асрга оид Парфия архиви ҳужжатлари ўрта осиёликларнинг илк антик замондаёт саводли бўлганлигини исботлайди. Афсуски, коммунистик мафкуранинг «қудратли» кучини ва социалистик тузумнинг «афзаллигини» кўрсатиш учун яқин даврларгача Ўрта Осиё ҳалқлари, шу жумладан ўзбеклар ҳам бутунлай саводсиз бўлган, деган фикрлар илгари сурилди. Ҳалқ маорифи тарихига оид барча адабиётлarda бу гоя ҳукмрон бўлиб қолди. Ваҳоланки, совет тузумидан илгари бутун элат оқсуяк зода-гопларга хос ёки дунёвий билимларга эга бўлмаса-да, кўпчилик аҳоли ёзиш-ўқиши билган. Айниқса шаҳар аҳли (уларнинг асосий қисми ҳунармандлар, ишбилармон ва савдогарлар)нинг кўпчилиги саводли ва ўқимишли бўлган. Бунга ёрқин далиллардан бири барча қишлоқ ва маҳалла мачити қошида савод чиқарадиган бошланғич мактаб мавжудлиги, ҳар бир касб-хунар эгаси ва савдогариинг ўзининг ёзма рисоласи (устави)га эга бўлганлиги, катта-кичик шаҳарларнинг бозорларида ҳатто китоб сотиладиган раста ёки дўконларнинг бўлганлигидир. Демак, бизнинг миллий маънавий маданиятийизнинг тарихи ниҳоятда узоқ даврларга оид ва кенг тарқалган ёзувли маданият анъана-ларига эга, ҳалқимизнинг азалдан юксак маданият яратган, жаҳон фанини бойитган, сон-саноқсиз билим-дон фарзандлар етиштирганлиги тарихдан аён.

Барча замонларда ҳар бир жамиятнинг бош омили дунёдаги энг олий мавжудот бўлган инсон ҳисобланади. Инсон моҳияти жамият моҳияти билан боғлиқ шахс камолининг асосий манбай жамиятда, у фаолият кўрсатаётган ижтимоий муносабатлар тизимида. Инсон

моҳияти масаласини унинг маънавий дунёси ўзаро уз-
вий боғланган жамият билан бирга, ўзга шахслар ва
муҳит, умуман инсон маданияти билан бевосита ало-
қадор эканлигини аниқлаш орқали тўғри тушуниш
мумкин. Инсон ўз халқининг фарзанди сифатида фа-
қат жамият яратган ва яратаетган моддий ва маънавий
бойликлар таъсири остидагина эмас, балки ўша муно-
сабатлар мажмуй сифатида, ўз миллати ва халқи ол-
дидаги фуқаролик бурчини адо этиш орқали намоён
қиласди. Ҳар бир миллат аъзоси ўзининг моҳияти ва
ролини оламни билиш, ўтмиш сирларини ўрганиш, эски
хатоларни бартараф қилиб, янги ҳаёт бунёд этишда
тўхтосиз изланишлар, жиддий курашлар орқали
аниқлаб олади. Ўтмиш хотираси маънавий ва маданий
тараққиёт учун муҳим омиллардан бири бўлса, асрлар
давомида тўпланиб келган тажриба инсоннинг камол
топишида, элат ва халқининг тарихий ривожида энг за-
тур замин ҳисобланади. Ахлоқий камолот фақат маъ-
навий бойликларда, амалий бунёдкорлик фаолиятида,
ижодий мөҳнатда намоён бўлади ва унинг миллий
руҳиятида ифодаланади.

МАЪРИФАТ ВА ИЛМ-ФАН

Маънавий маданиятнинг негизини ташкил қиласди-
ган илм-маърифат, унинг даражаси ва таъсири ҳар
бир даврнинг ижтимоий-иқтисодий тузуми билан бел-
гиланади. Урта Осиё капиталистик муносабатлар гир-
добига тортилишидан илгари бу ерда феодал-патриар-
хал тузум тўла ҳукмрон бўлган, унга хизмат қилувчи
устқурма бутун маънавий ва маданий ҳаётни белги-
лаган. Улкамизнинг яқин ўтмишида ҳукм сурган иж-
тимоий тузум ўзига хос маориф тизимини яратди. Бу
тизим асли асрлар давомида шаклланиб келган фео-
дал-патриархал тузум негизини мустаҳкамлаш ва унга
мос ижтимоий муносабатларни қарор топтиришга,
шахсни ўз замони руҳида тарбиялашга хизмат қила-
диган кўп тармоқли аппаратнинг таркибий қисми эди.
Мазкур тизим бир неча хилдаги диний таълим ва нараб
ёзувини ўрганувчи бошлиғи мактаблар, Куръон сұ-
раларини ёдлаб овоз чиқариб ўқишига ўргатадиган қо-
рихоналар, ўрта ва олий типдаги мадрасалардан ибо-
рат бўлган.

Хонликларда ва чор Туркистонидаги ҳар бир қишло-

лоқ ва шаҳардаги мачитларда диний бошланғич мактаб бўлган. Унда ўғил болаларга ўқиши мажбурий ҳисобланган. 1894 йили Фарғона ва Самарқанд вилоятларида 3500 та эски мактаб ва мадраса бўлган бўлса, уларнинг сони биринчи жаҳон уруши арафасида 5300 га етган. Бухорода 200 та мачит, Туркистон ўлкасининг учта вилоятида эса 12 мингга яқин мачит бўлган. Бошқа маълумотларга қараганда, 1899 йили губернаторликка оид Туркистоннинг уч вилояти (Сирдарё, Самарқанд ва Фарғона)да 4632 та мактаб бўлган. Бутун Туркистондаги мактабларда ҳаммаси бўлиб 44773 бола ўқиган, яъни ўрта ҳисобда ҳар бир мактабда ўқиган болаларнинг ўртача сони ўнтадан ошмаган. Истеъоддли болалар ўқиш-ёзишни билгач, билим доирасини оширишга интилиб ўқишни мадрасаларда давом қилдирган ёки ажнабий мамлакатларга бориб таълим-тарбия олиб келган. Маҳаллий мактабларда диний китоблардан ташқари хаттотлик (калиграфия), арифметикадан билим берилган. Ўқиши муддати ўртача 7—8 йилга етган. Умуман, Туркистон ўлкасида (хонликларсиз) ўтган аср охирларида, статистик маълумотларга қараганда, 5 мингдан ортиқ мактаб қайд қилинган. Айрим шаҳарларда маҳсус ўқитувчи (мактабдор)лар шахсий мактаблар очганлар, баъзи бойлар ўй мактабига ҳам эга бўлганлар. Домлалар болаларга ўрта аср руҳида таълим берар эдилар. Мазкур бошланғич мактабларда алифбе ўрнида тушъ билан ҳарфлар ёзилган маҳсус тахталар бўлган, унда ҳарфлардан ташқари сўз бўғинлари ёзилиб ёдланган, кейин китоб ўқишига ўтилган.

Атоқли ўзбек олими Т. Н. Қори-Ниёзий хотираларида таърифланганидек, мактабда ўқиши муддати аниқланмаган, ҳар бир бола ўз лаёқатига қараб таълим олган. Унинг таърифича, дастлабки сабоқ «Ҳафтияқ» (Қуръоннинг еттидан бир қисмидан иборат арабча китоб)дан бошланиб, унинг маъносига ҳеч ким тушунмас эди. Кейин савол-жавоб тарзида ёзилган диний ақидалар баён этилган форсча «Чор китоб» ўқитилган, ундан сўнг баъзи болаларга авлиё-анбиёлар ва худони мақташга бағишлиган ўзбек тилида ёзилган «Сўфи Оллоёр» ёки «Хўжа Хофиз» шеърлари ўқитилган. Т. Н. Қори-Ниёзийнинг ёзишича, шу тариқа ўргатилган сабоқларни жойларида ўтирган болалар овоз билан қичқириб такрорлар ва мактабда доимо шовқин

бўларди. Домла эса буни кузатиб борар, бола шўхлик қилса уни бақириб огоҳлантирап ва бунинг билан тийилмаса, унга қаттиқ танбеҳ берарди. Агар у ҳам таъсир қилмаса, энг оғир жазо — «фалоқ»га осиларди. Фалоқ тақрибан бир метр узунликдаги ёғоч бўлиб, ундаги ўйилган иккита ҳалқасимон тешикдан арқон ўтказиб, боланинг икки оёғини ҳалқага солиб бураб осмон ҳалқа қилинган. Домланинг амри билан икки ҳалифа (катта пешқадам шогирдлар) гуноҳкор бўлган боланинг оёғини ҳалиги икки ҳалқадан ўтказиб баланд кўтариб туради... Шу ҳолда домла калтак билан боланинг товонларини давлатни бўшлайди.

Ўғил болаларнинг бошланғич мактабларда ўқиши мажбурий бўлса, қизлар ота-онасиининг розилиги билан ўқиши мумкин бўлган. Улар учун айрим маҳсус ўй мактаблари мавжуд бўлиб, уларда саводли ёллар, одатда мактабдор ёки имомларнинг хотинларидан чиққан отин-бибилар дарс берганлар. Бундай мактаблар айниқса Фарғона водийсида кўп тарқалган.

Маҳсус мактаб бинолари фақат Бухорода бўлган, улар айрим маҳаллаларнинг мачитига яқин жойдаги эски иморатда жойлашган. Баъзи ерларда мактаб учун мачит биносидан бир хона ажратилган. Уқувчилар чипта ёки бўйра тўшалган ерда ўтирганлар, айрим мактабларда ўтиришга қулай ўра қазилган. Кўп жойда фишт ва лойдан қурилган, ёғоч ёки тахтадан ясалган маҳсус китоб қўядиган буюм бўлган.

Олий ва ўрта таълим ўчофи ҳисобланган мадрасалар асосан руҳонийларни, ўқув юртлари учун домлаларни, қозиларни ва идора ишлари учун мирзаларни тайёрлаб етиштирган. Бир вақтлар, айниқса Ўрта асрларда Шарқнинг Ўйғониши (Ренессанс) даврида жаҳонга буюк сиймоларни етказиб берган мадрасалар кечки феодализм ва мўстамлака даврига келиб анъанавий дунёвий илмларнинг кўпчилигини сиқиб чиқариб, асосан илоҳиётни ўқитишига ўтган. Бундай ҳолларни кўрган Ўрта Осиёning буюк мутафаккирларидан бири Мирза Бедил: «Мадрасаларда энди зиё чироғи сўнди..., миясиз аҳмоқлик даври келди», деб замонидан дод-фарёд қилиб куйиб ёзган эди.

Мадраса бинолари анча ҳашаматли бўлиб пишган фиштдан қурилган, кўпчилиги кошинлар билан безатилган. Улар одатда икки қаватли бўлиб, кичкина ҳужралар ва дарсхоналардан иборат. Ҳар бир мадра-

са ўзининг мачити ва таҳоратхонасига эга бўлган. Катта шаҳарларда ўнлаб мадрасалар жойлашган. Масалан, йирик маърифат маркази ҳисобланган Бухорода 200 га яқин мадраса бўлиб, унинг кўпчилигига муллаваччалар (талабалар) яшаган. Ҳар бир мадраса ҳужрасининг эгаси уни сотишга ҳақли бўлган. Ҳужрага эга бўлган муллавачча ўз истаги билан мударрис танлаган. Кичик мадрасаларда битта, катталарида бир неча мударрислар бўлган. Масалан, Бухородаги Қўкаaldoш мадрасасида битта, Улуғбек мадрасасида доимо икки мударрис таълим берган. Мадрасалар ўз ер мулкига — вақфларга эга бўлган. Мударрисларнинг сони ўқитиладиган дарслар билан эмас, балки вақф ҳажми, яъни ундан келадиган даромад билан белгиланган. Жанубий Фарғонада мактаблар ҳам ўз вақфиға эга бўлган. Утган аср охиirlарида бутун вақф ерларининг ярмиси мадрасаларники ҳисобланган.

Чоризм мустамлакаси даврида халқ маорифи соҳасида бир оз ўзгаришлар рўй беради. XIX асрнинг 70-йилларидан бошлаб диний мактаб ва мадрасалар кўпчиликни ҳосил қилса-да, аста-секин янгича услубдаги дунёвий ўқув юртлари юзага кела бошлайди. Дастлаб ўзбекларнинг айрим қисми рус мактабларида таълим олиб, ўрта маълумотга эга бўлади. Бундайлар жуда оз бўлган. 1885 йилларда пайдо бўла бошлаган рус-тузем мактаблари қисқа муддат ичida маҳаллий аҳоли диққатини ўзига жалб қиласди. Октябрь тўнтариши арафасида рус-тузем мактабларида икки мингга яқин ўзбек болалари таълим олган. Рус тилини ўрганиш мақсадида ўша даврда катталар учун маҳсус мактаблар ва кечки курслар очилган. 1885—1916 йиллар давомида мазкур курсларни тугатганлар сони 2—3 мингга етган. Тошкент ва Қўқон мадрасаларида рус тили ўқитила бошлаган.

Албатта, бундай тадбирлар мустамлака маъмурияти ҳамда маҳаллий ва рус капиталистларига зарур амалдорлар ва хизматкорлар етказиб бериш мақсадида амалга оширилган. Мазкур тадбирларнинг ўзига хос хусусияти шундаки, улар мустамлакани идора қилиш мақсадида рус капитали манфаати нуқтаи назаридан амалга оширилганлигини жуда кўп ҳужжатлар тасдиқлайди. Масалан, Туркистон генерал-губернатори ташабbusi билан уюштирилган Халқ маорифини ташкил қилиш маҳсус комиссияси олдига шундай вазифа

қўйилган: «Улкада халқ маорифи масаласини ҳал қилишдан асосий мақсад уни русларнинг манфаатлариға хизмат қилдиришдан иборат». Аммо мустамлака ҳокимияти диний тусдаги эски ўқув юртларининг фаолиятига мутлақо аралашмай уларни ўзича қолдириди, маҳаллий болалар билан рус болаларини қўшиб ўқитиш асли руслаштиришга қаратилган. К. П. Кауфман таърифича: «...босиб олинган ўлкани ассимиляция қилишда жиддий манфаатдор» православликлар ва мусулмонларни «Россияга тенг фойда келтирадиган фуқаролар қилиб тайёрлашдан иборат» бўлган. Лекин туб аҳоли болаларини янги мактабларга жалб қилиш анча чекланган. Кейинчалик чор ҳокимияти бутун маориф соҳалариға, шу жумладан эски мактаб ва мадрасаларга ҳам ўз назоратини кучайтирган. Шу билан бир қаторда, рус мактаб таълими ва мусулмонча ўқув усулини ўзида мужассамлаштирган рус-тузем мактабини очишига қарор қилинган эди. Генерал-губернатор «ҳукумат маҳаллий мактаб ва мадрасаларни, янги устлуб деб номланган мактабларни ҳам ўз қўлига олиб, улардан туб аҳоли орасида бизга мақбул ғояларни тарқатувчи восита сифатида фойдаланиш зарур», деб очиқ-ойдин мустамлакачилик мақсадини ифода этган эди.

Биринчи рус-тузем мактаби 1874 йили Чимкент шаҳрида очилган. 1913 йилга келиб рус-тузем мактабларининг сони 167 тага етган ва унда етти минг тўрт юзга яқин ўқувчи таълим олган. Уларда 6969 та ўзбек ва бошқа маҳаллий халқ вакиллари ва 346 рус ўғил болалари ҳамда 13 та рус қизи ўқиган. 1916 йили бундай мактаблар сони 212 тага етган. Рус-тузем мактабларида ўқитиш усули эски мактабларга нисбатан анча устун турса-да, асосий таълим маҳаллий аҳоли болаларини кенг билимдон қилиб тарбиялаш эмас, балки фақат рус тилини әгаллашта қаратилган эди. Умуман, рус-тузем мактабларида таълим олаётган маҳаллий халқ болалари дунёвий рус мактабларига қараганда анча паст билимли, мактаб ёшидаги болалар сонига нисбатан жуда ҳам кам жалб қилинган эди.

XX аср бошларида чор ҳокимияти янги очилаётгани барча мадрасаларда рус тили ўқитишни мажбурий қилиб киритган. Ўзбек рус-тузем мактабларида эса рус болалари учун ўзбек тилидан дарс киритилган. 1883 йили Тошкент шаҳар ўқув юртида, 1901 йилда Шарқ-

шунослик жамияти қошида ўзбеклар учун маҳсус рус тилини ўрганиш курслари очилган.

Рус-тузем мактаблари учун маҳсус дарслерлар — «Ўқиш китоблари» тузилган бўлиб, унда табиат, одамлар, ҳайвонлар ва қушлар ҳаётидан энг оддий бошланғич маълумотлар, рус адабиёти классиклари — Пушкин, Лермонтов, Крилов, Толстой, Некрасов ва бошқаларнинг қисқача шеър ва ҳикоялари, масал ва эртаклари келтирилган. Айниқса С. Граменецкийнинг 1898—1899 йилларда нашр этилган учта дарслердан иборат «Ўқиш китоблари» ва «Мисол ва масалалар тўплами» қўлланмасидан кенг фойдаланилган.

Ўзбекча биринчи дарслерни тошкентлик Сайдрасул Азизий (Сайд Азизов) яратган. Унинг «Устоди аввал» номли қўлланмаси даставвал 1900 йилда нашр этилиб, кейинчалик қисқа муддат ичida 17 марта босилиб чиққан. Азизий эски мактаб ва мадрасани тугатиб, рус-тузем мактабида дарс берган. Унга мадраса домлалари ва мутаассиб руҳонийлар нафрат билан «кофир» деб лақаб қўйганлар. Азизий рус тили ва маданиятига қизиқкан, илвор рус зиёллilари билан яқин алоқада бўлган (айниқса машҳур рус шарқшуноси А. Н. Самойлович билан), 1910 йил ёзида Петербург ва Москвага саёҳат қилган. Уни ҳатто Тошкент ўқитувчилар семинариясига ишга жалб қилганлар. Академик В. В. Бартольд Азизийни «ўқитишишларига баъзи ислоҳот киригтан» маҳаллий ўқитувчилардан бири деб юксак баҳолаган.

Урта Осиё маърифати ва адабиёти тарихида самарқандлик Саидаҳмад — Хўжа Сиддиқий («Ожизий») ва Абдуқодир Шукурийлар муҳим ўринни эгаллайдилар. Улар истеъоддли педагог бўлибгина қолмай, шеъриятда ва дарслерлар яратишда ҳам фаол ижодкор бўлиб танилганлар. Сиддиқий Самарқанд шахрида ва теварик-атрофдаги қишлоқларда янги услубдаги мактабларни очища ташаббускор бўлган. У рус классиклари (И. А. Крилов, Н. В. Гоголь, Л. Н. Толстой ва ҳ. к.) нинг асарларини ўзбек ва тожик тилларига таржима қилган.

Ажойиб ўзбек педагоги Шукурий ҳам ўз қишлоғида янги услуг мактабини очиб, ўзбек ва тожик болаларига диний дарслардан ташқари география, табиатшунослик, арифметика ва рус тилидан бошланғич маълумотлар берган. У ўзи ёзиб, ўз маблағига нашр этган

ўкув қўлланмаларига шарқ классиклари Жомий, Ни-
зомий, Саъдий, Фирдавсий кабиларнинг асарларидан,
Европа классиклари асарларидан ҳам парчалар кирит-
ган.

Шуни алоҳида қайд қилиш зарурки, ўзбек маъ-
рифатчилигининг ривожида миллий буржуазия маф-
курачилари — жадидлар алоҳида ўринни эгаллайди.
Улар ўлкада эски мактабни ислоҳ қилиш, майший тур-
мушни янгилаш ва бошқа муҳим ташаббуслар билан
чиқа бошлаганлар. Бундай янгиликлар асосан ўқитиш
усулига тааллуқли бўлса-да, асл моҳияти билан ма-
ҳаллий аҳолининг маданият ва турмуш соҳасидаги ўз-
гаришларга муҳтоҷ эканлигини ифодалайдиган тад-
бирлар эди. Туркистон жадидларининг раҳбари М. Беҳ-
будий шундай деб ёзган: «Бизлар ҳозирги маданият
асосида мактаблар, устахоналарни ва бошқа эски
турмуш билан боғлиқ соҳаларни ислоҳ қилишимиз за-
рур». Унинг фикрича, маориф соҳасидаги ислоҳот фео-
дал майший турмушни тубдан ўзгартириб, маҳаллий
буржуазиянинг нормал ўсишига имкон яратиб беради.
Ўз навбатида миллий буржуазия ҳам янги шароитда
халқ оммасининг маърифатга интилишини сезиб, ғоя-
вий таъсир воситаларини ўз қўлига олиш мақсадида
ўзларини янгилик тарафдори қилиб кўрсатишга инти-
либ, жадидларни ҳар томонлама қўллаб-куватлаган-
лар.

Тўқувчи оиласидан чиқсан Абдулла Авлоний, кам-
барад боғбон ўғли Исматулла Раҳматуллаев, форс
тили дарслиги ва «Болалар боғчаси» номли қўлланма
яратган Муҳаммад Расулий, Хивада рус-тузем макта-
бини очиш ташаббускори, шоир Комил Хоразмий каби-
лар маърифат тарқатишида жасурлик кўрсатдилар.
Шулар қаторига ўзбек аёлларидан биринчи бўлиб гим-
назияни тугатган Ойшаҳон опа Қори-Ниёзий ҳам ки-
ради.

Туркистон жадидлари биринчи жаҳон уруши ара-
фасида вақтли матбуот соҳасида анча самарали фао-
лият кўрсатди. Улар қисқа мuddат ичida 15 га яқин
газета ва журналлар чоп этдилар. 1905 йили подшо
сийёсий эркинлик беришга ваъда қилиб, манифест чи-
қариши билан жадидлар ўзбек тилида газета чиқа-
ришга Туркистон генерал-губернаторидан ижозат олиб,
«Ўрта Осиёнинг умр гузорлиги» деган янги газета
нашр қила бошладилар. 1906 йилнинг бошларида Ис-

моил Обидий муҳаррирлиги остида чоп этила бошланган «Тараққий» номли газетада мактабларни ислоҳ қилишга бағищланган, мусулмонларнинг миллий бирлиги ва синфий ҳамкорлигини тарғиб қилган, ижтиёсий-сиёсий муаммоларни ҳал қилишга қаратилган қатор мақолалар чиқа бошлаган эди. Жадидларнинг бундай танқидий мулоҳазалари ва ҳурфиксалилиги чор ҳокимиятига ёқмайди. Подшо газетани исёнкор деб атаб, уни чиқаришни ман қилиб, ҳукм чиқаради. Аммо жадидлар «Хуршид» номли янги газета чиқаришга ижозат олиб, унинг саҳифаларида мавжуд ижтиёсий тузумни танқид қилмай, балки унга хайриҳоҳлик кайфиятини билдиришга ҳаракат қилганлар. Шундай бўлса-да, Туркистон маъмурияти бу газетани ҳам ёниб қўяди. Бир йил ичida иккита газетанинг ёпилиши жадидларнинг бу йўлдаги ҳаракатларини янада кучайтиради. Улар 1907 йилнинг декабрида «Шуҳрат» номли янги газета чиқаришга эришадилар. Унинг саҳифаларида рус буржуазияси билан ҳамкорлик қилиш, инқилобий ҳаракатга қарши курашиб ғоялари очиқ изҳор қилинса-да, бу газетани ҳам ярим йилга етмасдан чор ҳокимияти ёниб қўяди. «Шуҳрат» газетасидан қолган маблағ ҳисобига чоп этила бошлаган «Осиё» номли газетанинг умри қисқа бўлди, чор маъмурияти уни ҳам ман қиласди.

Тошкентнинг энг катта бойларидан Саидкарим Саидазимбой Туркистонда биринчи марта нашр қилган шахсий тижорат газета «Туджор» («Савдогар») ҳам ўзини оқлай олмасдан ёпилади. Миллий буржуазия манфаатини ифодалайдиган вақтли матбуотга муҳтоҷлик зўр бўлганлиги туфайли янги газеталар чиқиши тўхтамади. Эндиликда вақтли нашрлар ўлканинг бошқа шаҳарларида ҳам чоп этила бошлади. Чунончи, 1913 йили Самарқандда Беҳбудий томонидан «Самарқанд» номли, 1914 йили Кўқонда «Садои Фарғона», Бухорода «Бухорои шариф» ва «Турон» газеталари нашр қилина бошлаган эди. Шулар ичida 1914 йили Тошкентда чиқа бошлаган «Садои Туркистон» газетаси ўзининг оташин ва ўткир мақолалари, дадил сатирик ва шеърий нашрлари билан кенг омма ичida обрў қозонган эди.

Ўзбек тилида ўша даврларда бир неча журналларнинг пайдо бўлиши жадидларнинг матбуот соҳасида жиддий ҳаракатининг маҳсули эди. Масалан, 1913 йи-

ли Самарқандда «Ойна» журнали чоп этила бошлади, 1915 йили Тошкентда «Алислоҳ» журнали чиқарилди.

Улкамизда матбуотнинг ривожланиши ўз навбатида ўзбек ва бошқа маҳаллий тилларнинг шаклланиш жараёнига, адабий ва илмий тафаккурнинг ўсишига жаддий турткى бўлиб, уларни бирмунча юқори поғонага кўтарди. Айниқса ўзбек тилида чиқа бошлаган «Садои Туркистон» газетаси тил ва имло масаласига алоҳида эътибор берган эди. Бу муаммога бағишлиланган маҳсус бир мақолада шундай ёзилган: «Тил ва имлони муайян бир изга қўйиш матбуот ва адабиёт учун энг муҳим бўлган бир масаладир. Тили ва имлоси лойиқинча ислоҳ этилмаган миллатнинг матбуоти, адабиёти асрларга аралашиб келган кирлар ила қораланганд ҳолда бўлур».

Ўзбек тилининг ниҳоятда бойлигини алоҳида қайд қилиб, унинг узоқ тарихий анъанага эга бўлган туркенисей ёзувларига бориб тақалиши ва қадимий уйғур тили билан яқинликда соғ туркча она тилимизни арабфорс сўзлари билан аралаштирилиб юбораётганимиздан ўша даврдаёқ матбуотчиларимиз жуда афсусланган. Бундай ачинарли ҳолатни сезган ажойиб шоир ва адабиётчи Абдулла Авлоний мазкур журналнинг 1914 йил 28 майда чиқсан сонида куйиниб бундай деб ёзган эди: «Биз туркистонликлар миллий тилни сақламоқ бир тарафда турсин, кундан-кун унумтоқ ва йўқотмоқдадирмиз. Тилимизнинг ярмига арабий, форсий уланган, илмоқ қилиб бир четига рус тилини ҳам ёпиштирмоқдадурмиз ... Еху! Бизга не бўлди! Боболаримиз йўлидан четга чиқиб кетдик. «Яхши қўшнингдан олгунча, ёмон қўшнингдан қидир», демишлар. Боболаримизга етишган ва яраган муқаддас тил ва адабиёт бизга ҳеч камлик қилмас. Ўз ўйимизни қидирсак, ахтарсак йўқотганларни ҳам топармиз. «Йўқолса йўқолсин, ўзий бошимга тор эди», деб Европа қалпоғини кийиб кулги бўлмоқ зўр айб ва ориятдир ...». Доно башорат қўлган шоирнинг таърифича, она тилимиз ва у орқали ифодаланадиган «сўз инсоннинг даража ва камолини, илм ва фозилини ўлчаб кўрсатадиган тарозусидир. Соҳиблари кишининг дилидаги фикр-ниятини, илму қувватини, қадру қимматини сўзлаган сўзидан билурлар». Шу билан бирга жадидлар ўз матбуотида она тилидан ташқари замон талабига мувофиқ бошқа ажнабий тилларни ҳам ўрганиш зарурлигини алоҳида қайд қилганлар. «Рус тилининг аҳамияти» сарлавҳали

бир мақолада таърифланганйдек, ҳар бир ҳалқ қайси бир миллатнинг тахту ҳимоясида турған бўлса, ул ҳалқга миллатнинг асл тилини билмоқ ҳар жиҳатдан зарур ва лозимдур.

Республикамида ўзбек тилининг давлат тили деб эълон қилиниши бу ерда яшовчи барча ҳалқ ва элатларга тааллуқли эканлигини ва улар маҳаллий ҳукуматнинг тахту ҳимоясида бўлганлиги учун ўзбек тилини ўрганиши лозимлигини аждодларимиз ҳам қайд қилган. «Бу асарда,— деб ёзади муаллиф,— ҳар ким ўз она тилидан ғайри бирор маданий ёки тирикликда ғоят зарур бўлган ажнабий бир тилни ўрганмоқлик албатта лозимдир. Масалан, Расул акромимиз ҳадиси шарифларида «атлабу-ильм ва ловби-син» деганлар, яъни илм Хитойда бўлса ҳам бориб ўрганинглар ... Демакки, фойдаси билиниб турган ғайри бир тилни ўрганмоқликнинг динимизга ҳеч бир хилоф жойи йўқ. Балки Расул акром ўзлари буни амр этубдурлар». Бундай башорат доно аждодларимиз биздан ҳам донишманд эканлигидан далолат беради. Афеуски, жумҳуриятимиз мустақилликка эришиши билан бизлар ажнабий тилларни ўрганишимиз нақадар зарурлигини пайқаб, қанча нарсаларни ютқазганлигимиз энди аён бўлмоқда. Афсуски, ҳозир ҳам бошқа тилларни ўрганиш, шу жумладан, энди бизга ажнабий бўлган рус тилини ҳам билиш зарурлигини ҳалигача тушуна олмайдиган арбоблар кам эмас, улар бизнинг тараққиётимизга муайян бир ғовдир.

Шарқ мамлакатларида биринчи марта Туркистон жадидлари ўз нашрларида хотин-қизларни озодликка чиқариб, тараққиёт йўлига, илм-фан ва маърифатга жалб қилишга чорлаганлиги ҳам уларнинг муҳим тарихий хизматидир. «Садои Туркистон»да чоп этилган бир неча мақола ва шеърлар бунга далил бўла олади. Бухоролик Зухриддин Фахриддинзода номидан чоп этилган бир мақолада: «Ҳар бир миллатнинг тарих китобларига боқилар, аввал миллатнинг тараққий ва ётаданнаси хотунларнинг олима ёки жоҳила бўлганлигидан эканлиги оп-очиқ кўринур ... Чунки тараққий қилмоқнинг биринчи сабаби илмдир. Олим бўлмоқнинг биринчи йўли волидаларимизнинг олима ва тарбия соҳиби бўлмоқларига боғлиқдир», деб ёзилган. Үнда халойиққа қуйидагича мурожаат қилинади: «Эй, туркистонлик ватандошларим! Биз мунча хотун-қизларимизга

ёмон кўз билан қараймиз. Биз мунча хотунлар ҳақига шафқат ва марҳаматсизлик қиласиз. Етар энди бу бечораларни асорат занжирида тутмоқ, етар жаҳолат чуқурига иргитмоқ. Агарда бизлар хотун-қизларимизни бу ҳолда илм ва тарбиядан маҳрум қиласерсак ўзимизга зўр заарлар келтирамиз. Келажак замонларда булардан вужудга келадирғон ва буларнинг қучогида ўсадирғон авлодларимизнинг жоҳил ва нодон қолишига ўзимиз сабаб бўлурмиз. Келинг энди фафлат кўрпасини устимииздан иргитиб, бирлик ва иттифоқ ила бир миллат оналарини жаҳолат панжасидан қутқарайлик, адолат ва инсоният юзасидан бу ватан оналарига мактаблар очиб берайлик. Мана, келажакда биз садоқат ва баҳтиёрлигимиз шул хотун-қизлар тарбиясига келиб териладур».

Маҳаллий аҳолининг маънавий тараққиётига ўтган аср охириларида ташкил топган ҳар хил ҳунар-касб ўқув юртлари, чунончи, қишлоқ ва сув хўжалигига оид мактаблар, эркак ва аёл гимназиялари, дунёвий мактаблар ижобий таъсир ўтказган. Маърифат тарқатишда айниқса 1879 йили Тошкентда очилгап Туркистон ўқитувчилар семинарияси муҳим роль ўйнаган. Масалан, мазкур семинарияда 80-йилларнинг ўрталаридан бошлаб рус-тузем мактаблари учун кадрлар тайёрлашга киришилиб, унда маҳаллий тилларни ўрганиш шарт бўлган. Натижада уни тугатган кадрлар ўзбек ва бошқа маҳаллий халқлар билан эркин гаплашиб, яқиндан алоқа қилиш имкониятига эга бўлган. Унда таълим олганларнинг анча қисми туб аҳоли орасида маърифат тарқатишда, илм-фан, маданият ва санъатни ривожлантиришда фаол иштирок қилганлар.

Жадидларнинг ўз халқи маърифати ва маданияти учун кураши зое кетмади. Улар социалистик ғоя ва тузум нуқтаи назаридан қанча қораланмасин, ўзбек элининг кейинги ижтимоий тараққиётига зўр замин яратган эди. Илфор капиталистик муносабатлар тарафдори ва ҳатто мафкурачиси сифатида жадидлар советлар даврида рўй берган маданият ва маърифий ўзгаришларнинг дебочаси бўлди.

Узбекистонда биринчи марта пайдо бўлган турли маданий-маърифий муассасалар — кутубхона, клуб, театр, ҳар хил оммавий ахборот воситалари ва шу сингарилар халқимизнинг маънавий камол топишида катта роль ўйнаганлигини алоҳида қайд қилиш лозим.

Ҳозирги даврда ўнлаб журнал ва газеталар, телевидение ва радио республика миқёсида кенг оммага зарур маънавий озуқа етказиб бермоқда. Агар 1929 йили республикада атиги 187 та, шу жумладан қишлоқларда 74 та кутубхона (китоб фонди 44 минг нусха) мавжуд бўлган бўлса, эндиликда кутубхонасиз туман, қишлоқ, мактаб ёки ташкилот йўқ деса бўлади.

Ўзбекистонда жуда ҳам кўп ноёб қўллётмалар тўплланган бўлиб, уларнинг асосий қисми Республика Фанлар академиясининг Шарқшунослик ва қўллётмалар институтларида сақланмоқда. Бой тарихий-адабий ва илмий меросимизни ўрганишда олимларимиз зўр жасорат кўрсатмоқда. Буюк мутафаккирларнинг қўллётма асарларини илмий жиҳатдан ўрганиб, кенг оммага етказиб бериш анча мушкул иш бўлса-да, бу соҳада анча ютуқларга эришилди. Тилшунос олимлар ҳам ўзбек тилини ўрганишда кўп хизмат қилиб, она тилимизга оид жиддий илмий асарлар, ўқув қўлланмалари ва дарсликлар, кўп жилдлик лугатлар яратишга муяссар бўлдилар. Ўзбек адабиётшунослиги ва фольклористикасида ҳам катта ютуқлар қўлга киритилди, катта монографик тадқиқотлар ва дарсликлар, халқ ижоди яратган бой эпик асарлар нашр қилинди.

Маъмурий-буйруқбозлик тизими даврида ўзбек халқининг майший турмуши ва маънавий маданиятини юксалтиришга катта зарар етказилган эди. Ўзбек олимлари ва адиларининг кашфиётлари, бадиий асарлар, шунингдек маҳаллий тилларга таржима қилиниб, кенг омманинг маънавий мулкига айланган жаҳон классиклари асарлари ўзбек халқининг маданий савијасини ошириш, фикр доирасини кенгайтириш, маънавий дунёсини бойитиш каби олижаноб вазифани бажаришда муҳим роль ўйнади.

Ўзбек адабиётининг тарихий илдизи аждодларимиз яратган ёзув ва халқ оғзаки ижоди намуналари билан боғлиқ. Бизгача етиб келган ўзбек халқининг этногенезида иштирок қилган туркий қабилаларнинг энг қадиимий ёзувлари VI—VIII асрларга, бадиий асарлар намунаси эса XI асрларга оид бўлса-да, фан ҳали ечиб улгурмаган муаммолар ичida антик замон маънавий меросимиз, ўша даврда яратилган ёзма асарлар ва халқ оғзаки ижоди намуналари ўз тадқиқотчиларини кутмоқда. Афсуски, бизгача етиб келган юзлаб тилсиз тарихий обидалар, ажойиб қурилиш иншоотлари ва бу-

юмлар узоқ аждодларимизнинг дунёқараши, жонли ҳаётি ва маънавий турмушини тасаввур қилиш имконини бермайди.

ФОЛЬКЛОР ВА АДАБИЕТ

Кейинги йилларда Узбекистон ҳудудида ўтказилган тадқиқотлар бу ерда эрамиздан аввалги биринчи минг йилликда юксак маданиятли, катта ирригация ва қурилиш иншоотларини яратган, ажойиб ҳунармандчилик сирларини билган, зўр маънавий қадриятларга эга бўлган этносларнинг қўшни давлатларга ўз таъсирини ўтказганилигидан гувоҳлик беради. Антик давр муаллифларининг ёзувларига қараганда, бу ҳалқлар нафақат ёзма асарлар, балки бир неча жанрдаги оғзаки ижод намуналарини ҳам яратганлар. Кўхна обидалардан топилган буюмларда тасвирланган турли афсонавий образлар ўша даврда мифологик жанрда ҳалқ ижоди намуналари мавжудлигидан дарак беради. Шарқ ҳалқларининг классик дурдонаси бўлмиш Фирдавсийнинг «Шоҳнома»сида куйланган айрим ривоятлар ҳам асли «Авеста»да келтирилган афсонавий образларни эслатади. Зардуштийлик динининг бу муқаддас китобидаги кўпгина мифологик сюжетлар ҳалқ оғзаки ижодининг маҳсули десак хато бўлмайди. Геродот, Страбон ва бошқа қадимги муаллифлар таърифлаган, жаҳон адабиётининг ажойиб дурдоналаридан бири «Роланд ҳақида қўшиқ» номли француз эпосида тилга олинган сак-массагетлар, сўғдий ва бақтрийларнинг бой оғзаки ижодга эга эканлиги тўғрисида баъзи маълумотлар мавжуд.

Буюк адабиёт танқидчиси В. Г. Белинский таърифлаганидек, «ҳалқ поэзияси унинг тарихи билан узвий боғлиқдир: поэзияда ҳам, тарихда ҳам ҳалқнинг сирли руҳияти мужассамланган, шу сабабли унинг тарихини поэзия билан, поэзиясини эса тарихи билан тушунтириш мумкин». Бу фикрини тасдиқлагандай А. М. Горький ҳам «ҳалқ оғзаки ижодини билмай туриб, меҳнаткаш ҳалқнинг чинакам тарихии билиш мумкин эмас», деб бежиз айтмаган. Чунки фольклор ҳалқ маънавий маданиятининг муайян қисми ҳамда унинг колектив психикаси ва дунёқараши сифатида тарихий воқеликни

халқнинг эстетик идеаллари таъсирида бадиий образлар орқали ифодалайди.

Тарихий манбалар ҳам ҳозирги Узбекистон ҳудудида яшовчи элатлар эрамиздан аввалги V—IV асрларда бой оғзаки поэтик ижодга әга эканлиги тўғрисида хабар беради. Бундай маълумотларнинг Ўрта Осиё халқлари, шу жумладан ўзбек халқи оғзаки ижоди яратган баъзи асарларда акс садоси сезилади. Масалан, ўзбек достонларида қадимги сак-массагет қабилалари эносидаги баъзи элементлар сақланган. «Ойсулюв» номли ўзбек достонининг сюжети эрамиздан аввалги VI асрда рўй берган Эрон истилочиларига бош бўлган шоҳ Кирга қарши массагетлар қаҳрамони Тўмариснинг курашини эслатади. 1928 йили атоқли халқ шоири Фозил Йўлдош ўғлидан ёзиг олинган «Роҳия ва Сухонгул» номли ўзбек достонида ҳам Тўмарис тўғрисидаги ривоятнинг айрим эпизодлари келтирилган.

Ўзбек фольклористлари ёзиг олган айрим достонларда Каспий денгизидан то Сирдарёгача бўлган катта ҳудудни эгаллаган мамлакатнинг ҳокими Зариандра ва унинг сак подшосининг қизи Одотидага севгиси тўғрисида милетлик Харес ёзиг олган сак эпоси ҳам ўз аксини топган. «Авеста»нинг қадимий қисмидаги тасвирланган мамлакатни вайрон қилган даҳшатли дев Ажи-даҳака билан муқаддас китоб қаҳрамонининг кураш эпизодлари ўзбек халқ оғзаки ижоди асарларида ҳам кўп учрайди. Ўзбек эпосига ўзининг чексиз жасурлиги ва буюк олижаноблиги билан халқ онгига сингиб кетган Рустам образи сак ривоятларида ўтган бўлса ажаб эмас. Атоқли шарқшунос олим В. В. Бартольд тадқиқотлари шуни кўрсатадики, «Шоҳнома»нинг муаллифи Фирдавсий ўзининг бу ўлмас асарини яратишда сўғдлар ва саклар яшаган Чоц (Тошкент) да истиқомат қилувчи бир дехқон тўплаб берган материаллардан фойдаланган. Кўлгина ўзбек достонларининг қадимги илдизларини, масалан «Ширин ва Шакар» даги сюжет элементларини ўгай она тазиикларига чидай олмай ўз ватанини тарқ этиб, бир қанча қаҳрамонликлар кўрсатиб мусофирилкда ўлиб кетган Сиёвуш образи тасвирланган афсоналардан топиш мумкин. Археологик тадқиқотлар ҳам шуни кўрсатадики, мазкур образ Ўзбекистоннинг тасвирий санъат обидаларида ўз аксини топган. X асрда яшаган тарихчи олим

Наршахий ўрта асрларда Бухорода Сиёвушга бағишиланган ашулалар борлигини қайд қиласди.

Сиёвуш образининг Турон афсонавий қаҳрамони Афросиёб образига жуда яқинлиги ҳам тасодифий эмас. Ўзбек фольклорида машхур бўлган Афросиёб тўғрисидаги (уни яна Алп Артунг деб ҳам атаганлар) ривоятлар XI асрга оид туркий тиллардаги манбаларда учрайди. У тўғрисидаги маълумотлар атоқли тилшунос Маҳмуд Қошғарийнинг «Девону лугатит турк» ва Юсуф Боласофуннинг «Қутадғу билик» асарларида сақланган. Мазкур қадимий асарларда ўзбек халқининг майший турмуши ва маданияти хусусиятлари, унинг асрий ўй-фикрлари ва орзу-умидлари, юксак умуминсоний қадриятлари ва миллий ҳис-туйғулари акс эттирилган.

Ўзбек фольклори ниҳоятда бой ва турли жанрларга эга. Барча жанрларда халқимизнинг майший турмуши ва кўп қиррали маданияти, унинг одамгарчилик хосияти ва эзгу-ниятлари, озодлик, эркинлик, биродарлик, ватанпарварлик гоялари, эзгулик билан ёвузлик орасидаги муросасиз кураш, олий инсонпарварлик ва душманга чексиз нафрат каби олижаноб фазилатлар куйланади. Халқ орасида кенг тарқалган Насриддин Афанди ва бошқа латифалар, мақол ва масаллар, сатирик ва кулги афоризмлари ўзбекларнинг жамиятдаги ижтимоий ва сиёсий, ахлоқий ва ғоявий ҳодисаларга бефарқ бўймасдан ўз муносабатларини билдирадиган ажойиб оғзаки ижод намуналарири.

Халқ орасида энг кенг тарқалган ва севимли жанрлардан бири эпик асарлар — достонлар бўлиб, улар бизнинг давримизгача узоқ ўтмиш замонлардан оғзаки поэзия анъаналари туфайли етиб келган. Достонларни авайлаб сақлаб келган ва зўр санъат билан ижро этувчи шоирлар ёки баҳшилар асли меҳнаткаш аҳоли орасидан чиқсан деҳқон ёки чўпонлардир. Улар, табиийки, меҳнаткаш халқининг ўй-фикрлари ва орзу-ниятларини зўр маҳорат билан ифодалаб келганлар. Ҳозирги ўзбек халқ шоирлари гўзал ва бой эпик меросимизни ота-боболардан ўрганиб, уларнинг сақлабгина қолмай, балки давр талабига ҳамоҳанг бўлиб ўзларининг жўшқин ижодларида импровизация қилувчи истеъоддли ажойиб куйчилар ҳамдир. Машхур баҳши ва шоирлардан Эргаш Жуманбулбул ўғли (1868—1936), Фозил Йўлдош ўғли (1872—1955), Муҳаммад Жамрад

ўғли Пўлкан (1874—1941), Ислом Назар ўғли (1874—1953), Абдулла шоир Нурали ўғли (1870—1975), Қурбон Исмоил ўғли (1869—1940) кабилар жуда бой эпик меросни қолдиргандар.

Ўзбекистонда қадимдаи бир қатор истеъодди бахшиларни яратган машҳур қишлоқлар мавжуд. Шулардан бири Самарқанд вилояти Нурота туманидаги Қўрғон қишлоғи бўлиб, унда XIX аср ўрталарида 20 дан ортиқ эркак ва аёл халқ достончилари яшаган. Бу қишлоқдан чиққан атоқли бахши Пўлкан шоир 70 дан ортиқ достонни ёддан билиб куйлаган. Аёл бахшилардан Эргаш Жуманбулбулнинг катта бувиси Тиллакампир жуда машҳур бўлган. Яна бир эпик ижод маркази Булунғур туманининг Лайқа қишлоғи ҳисобланган. Бу ердан энг йирик бахши Фозил Йўлдош ўғли ярим кўчманчи қирқ қабиласидан чиққан. Унинг отаси Йўлдош шоир ҳам бахши бўлган ҳамда кўпгина бахшилар яратган устоз сифатида танилган. Фозил шоирнинг репертуарида 43 та достон бўлиб, уларнинг кўпчилиги ёзиб олинган, баъзилари чоп этилган.

Кейинги даврларда халқ шоирларининг йўжоди гуллаб-яшинади. Улар эски достонларни қайта тўплаб та-комиллаштирибина қолмай, замон талабига мос қеладиган янги асарлар ҳам яратдилар. Замонавий халқ шоирларидан Бола бахши (Қурбонназар Абдуллаев), Ерлақаб Бекназаров, Эгамберди Оллабергенов, Тошмаир Чоршанба ўғли, Отахон Матёқубов, Шоберди бахши, Қодир бахши ва бошқалар халқимиз орасида катта обрўга эга бўлганлар.

Маълумки, достонлар назмий баён этилган, насрый изоҳлар билан дутор ёки рубоб жўрлигига ижро қилинадиган яхлит бир асардан иборат. Унда қаҳрамонлик ва романтик мавзулар чатишӣ узвий боғланган. Ўзбек достонларининг кўпчилиги халқнинг тарихий ўтмишини акс эттиради. Аммо асрлар давомида авлоддан-авлодга ўтиб келган достонлардаги тарихий фактлар халқнинг ижодий хаёли (фантазия)дан ўтиб умумлаштирилган ва шоирона типиклаштирилган. Характерли томони шуки, ундаги узоқ ўтмиш қаҳрамонларини назмий идеаллаштириш мақсадида афсонавий фантастика элементларидан фойдаланилган. Бунга ёрқин мисол сифатида «Алномиш» достонини олиш мумкин. Унинг ғоявий мазмунини ярим кўчманчи ўзбек элатларининг илк феодализм даврида ижтимоий ва

оилавий майший укладида патриархал-феодал муносабатлар ҳукмронлик қилган бир вақтда шаклланган турмуш хусусиятлари белгилаб берган. Мазкур халқ достонининг асосий сюжетини баҳодир қаҳрамон Ал-помиш билан жасур қиз Барчиной орасидаги шиддатли синовлардан ўтган катта муҳаббат ташқил этади. Ал-помиш ва Барчинойнинг ўлмас образлари орқали соғ севги, жасурлик, биродарлик, ўз бурчига садоқатлик ва буюк ватанпарварлик каби фазилатлар зўр маҳорат билан куйланган. Бу ажойиб асарда қадимий аждодларимизнинг турмуш тарзи, ижтимоий аҳволи ва муносабатлари, никоҳ ва оила, урф-одат ва маросимлари, диний тасаввурлари каби тарихий-этнографик маълумотлар ҳам сақланиб келган.

Ўзбек халқининг узоқ ўтмишдаги чет эл истилочи-ларига қарши қаҳрамонона кураши «Юсуф ва Аҳмад», «Маликаи Айёр», «Интизор», «Райҳон араб», «Орзигул», «Ширин ва Шакар», 40 га яқин Гўрӯғли циклига кирган бир қатор қаҳрамонлик ва романтик достонларда акс эттирилган. Бундай ажойиб оғзаки ижод намуналари Урта Осиё туркий халқлари ўртасида жуда кенг тарқалган. Барча эпик асарларда халқнинг ижтимоий тенгсизлик, адолатсизлик, зулм ва зўравонликка қарши чексиз нафрати ифодаланади.

Ўтмишда халқимизнинг майший турмуши ва ижтимоий ҳаёти жуда кенг тарқалган оғзаки ижод жанри — халқ қўшиқларида ҳаяжонли ва жўшқин тасвирланган. Уларда инсоннинг юксак туйғулари, пок севгиси, садоқатлилик, дўстлик каби фазилатлари билан бирга оғир ижтимоий аҳволи, жабр-зулмлар, бевафолик, түшкунлик, алам-ситамлари қайгули равишда куйланади. Айниқса хазин қўшиқлар хотин-қизлар аҳволига оид бўлиб, уларнинг оиласида ва жамиятдаги фожиали турмуши тасвирланган. Кенг тарқалган ашулашарда ижтимоий жабр-зулм ва адолатсизликлар ўз ифодасини топган. Масалан, ўтган асрда хонликларда яратилган ашулашарда «еганим заққум, ичганим заҳар, кийганим кафан» ёки «Исфандиёр хон бўлди, халқнинг бағри қон бўлди» каби ибораларнинг пайдо бўлиши тасодифан эмас эди. «Ботир хон», «Хон зулми», «Қонхўр золим» каби ўзбек халқ ашулашарда адолатсиз ижтимоий тузумга нисбатан қаҳр-разаб, нафрат, ғамғусса, алам туйғулари изҳор қилинади. Масалан, Хоразмда ўтмишда кенг тарқалган «Хон зулми» халқ ашу-

ласидаги надоматли ва қайғу-ҳасратли сатрлар кишини ларзага келтиради:

Умрим ўтди қон ютиб,
Қобирғам ерларга ботиб ...
Кулбам-айвоним йиқилди,
Уйимга қора тикилди,
Болаларим етим қолди ...
Дунёда иззат кўрмадим,
Завқи сафо ҳеч сурмадим,
Гуноҳим надир билмадим,
Найлайн армонли ўтдим ...

Шу билан бирга инсоннинг оптимилик руҳдаги ижобий тилак-орзулари, яхши фазилатларини куйловчи ашулалар ҳам халқ орасида қадимий даврлардан бери сақланиб келган.

Бизгача етиб келган жуда кўп мақол ва латифаларда, масал ва тўрмаларда барча ижтимоий адолатсизликлар ва зулм, хурофий тасаввурлар ва иллатлар очиқдан-очиқ масхараланади ва фош қилинади. Масалан, «Бой ҳам бойга, худо ҳам бойга». «Шариатда шарм йўқ, шариатнинг йўли кўп» ёки «Диндан чиқсанг ҳам элдан чиқма» кабилар хурофий тасаввурларнинг ижтимоий моҳиятини сезган ўзбек халқининг ҳурфиксали эканлигидан далолат беради. Айрим дин пешволарининг шариатни рўкач қилиб, ваъзлар, панд-насиҳат ўқиб амалда ўз нафси кетидан югуриб, ҳийла-найранглар ва ҳаёсиз ишлар қилганликлари «Мулланинг айтганини қил, қилганини қилма», «Қийшиқ арава йўл бузар, қози-мулла эл бузар» каби мақолларда дадил фош этилган. Фақат пок қалбли меҳнаткаш халойиқ жамиятдаги текинхўр фирибгарларни очиқ қоралайди, уларнинг очкўзлиги, хасислиги ва таъмагирлигини, ҳар хил кирдикорларини қўрқмай ўткир сатира нишонига олади. Айниқса доимо ҳукмдор табақалар хизматида бўлган эшон, пир, имом ва шайхлар халқнинг кулги объектига айланган. Масалан, «Бой бойга боқар, сув сойга оқар», «Эшоннинг қорни бешдир, бири ҳамиша бўшдир», «Фатво ҳам пулингга берилади», «Пулинг кучли бўлгунча билиминг кучли бўлсин» кабилар ижтимоий муносабатлар ва халқ ҳисобидан кун кечирадиган текинхўр табақа вакилларининг табиати ва хулқ-авторини аниқ таърифлайди. Шу билан бирга

жуда кўпгина масал ва мақолларда, афоризм ва латифаларда инсон бахтини ва тақдирини ўз меҳнати ва ақл-идроки билан яратиши, ғойибдан келадиган куч ва мадад хаёлий эканлиги очиқ-оидин ифодаланади.

Халқ доимоadolat ва ҳақиқат тарафдори, риёкор ва разолатнинг ашаддий душмани бўлиб келган. Унинг иродаси ва ақл-идрокини, оғзаки ижоди орқали ифодаланган тафаккур эркинлигини ёвуз кучлар, таъкиб ва қувғинликлар бўғиб қўйганлиги кейинги тарихимиздан маълум. Халқимизнингadolat ва ҳақиқат йўлидаги ижобий ўй-фикрлари ва тинимсиз курашлари латифа ва достонларда, эртак ва ашуаларда зўр маҳорат билан ифода этилган. Масалан,adolatни фош қилувчи афанди латифалари, ижтимоий моҳиятли афсона ва эртаклар, «Алпомиш», «Гўрўғли», «Шоҳсанам» каби ўнлаб достонлардаги барча ёвузликларни ва иллатларни енгиб устун чиқувчи, буюк инсоний фазилатларни куйловчи мотивлар, нафратли сарқитлар ва риёкорликларни фош қилиб, инсон ғууруни кўтарувчи гоялар ҳозиргача халқимизнинг дикқатини ўзига жалб қиласди. Теран халқчиллик билан ажралиб турган ўзбек фольклорининг гоялари халқнинг кундалик майший турмуши ва маънавий ҳаёти билан узвий боғланган.

Узбек халқ оғзаки ижодининг энг қадимий ва барқарор жанрларидан бири маросим фольклоридир. Бужанр ўзининг ҳаётий ўналиши ва мақсади жиҳатидан икки катта туркумга — мавсумий ҳамда оилавий-майший маросимлар фольклорига бўлинади. Ўз навбатида бу икки туркум вазифаси, тузилиши ва поэтик табиати билан ҳар хил жанрларни қамраб олади. Биринчи туркумга оид мулоҳазалар юқорида қайд қилинган эди.

Оилавий-майший маросим фольклори этнографик жиҳатдан муҳим аҳамиятга эга. Бунга кирадиган маросимлар вазифаси ва мазмуни бўйича бир неча хилга бўлинади: а) сўзнинг сеҳргарлик құдратига асосланган кинна, бадик (гулафшо), бурей-бурей, аврош, олқиши ва қарғиш каби қадимий урф-одатлар; б) болаларнинг бешикдаги даври билан боғлиқ — бешикка солиш, чилла қочириш каби удумлар фольклори; в) тўй маросимлари фольклорини ифодаловчи ёр-ёр, ўлан, лапар, келин саломи, тўй олқишилари, ойна кўрсатар қўшиқлари кабилар; г) мотам маросими фольклорига мансуб иири-йўқловлар.

Узбек адабиётининг шаклланиши қадимий аждоддара
римиз яратган ёзув обидалари билан боғлиқ. Бизгача
етиб келгаи турк қабилалари тилидаги энг қадимий
ёзув обидалари VI—VIII асрларга, адабий асарлар XI
асрга оидdir. Уша даврдаги адабий йўналишлардан
энг асосий бизгача қисман этиб келган намуналардан
Аҳмад Яссавийнинг «Ҳикмат», Сулаймон Боқирғоний-
нинг «Охир замон» диний-мистик асарлари дикқатга
сазовор.

Шу билан бирга дунёвий йўналишга эга бўлган
айрим асарлар ҳам пайдо бўла бошлаган. Масалан,
Алининг «Севги қиссаси» ва Дурбекнинг «Юсуф ва
Зулайҳо» достони дунёвий мавзуга бағишлиланган қади-
мий ўзбек адабий асарлари намунасиdir. 1330—1336
йилларда шоир Қутб озарбайжон адабиёти классиги
Низомийнинг «Ҳисрав ва Ширин» номли ажойиб аса-
рини, шоир Сайфи Саъдийнинг машҳур «Гулистон»
поэтик достонини форсийдан ўзбек тилига таржима
қилган.

Узбек адабиётининг кейинги ривожи XV асрларда
яшаган атоқли шоирлар Атоий, Сайфи, Аҳмад Ҳусайнини,
Амири каби катта ижод эгаларининг номи билан боғлиқ.
Улар ўзларининг жўшқин ғазалларидаги инсоний олий
ҳис-туйгулар, севги ва муҳаббатни кўйлаганлар. Узбек
адабиётида биринчи бўлиб қасида яратган шоир Сакко-
кий ўз асарларида маърифатпарвар подшолик ғоялари-
ни тарғиб қилган ва ўрта асрнинг энг буюк мутафаккир
олимларидан Улуғбекни шарафлаган.

XV аср ўрталарида келиб адабиётда мунозара жанри
юзага келади. Аҳмаднинг «Танбур ва чанг», Юсуф
Амирининг «Чоғир ва банг» каби мунозара жанридаги
ажойиб асарларида аллегория шаклида ўз даврининг
маиший ҳаёти, чунончи, айрим темурий ҳукмдорларнинг
зўравонлиги ва ахлоқсизлиги акс эттирилган. Мустабид-
ликнинг ашаддий душмани, ҳаётнинг чинакам куйчиси,
лирик шоир Лутфий ўзбек тилида энг ажойиб ғазаллар
яратган. Уни буюк Навоий юксак баҳолаб «шеърият
шоҳи» деб атаган эди.

Албаттa, ўзбек адабиётининг ўрта асрларда энг ба-
ланд чўққига кўтарилиши Алишер Навоийнинг жўшқин
ижоди билан боғлиқ. Узининг ўлмас асарларидаги теран
ва юксак ғоялари, жозибадор ва ёрқин образлари билан
бутун жаҳон адабиётига, айниқса Яқин ва Урта Шарқ
халқлари адабиётига зўр таъсир кўрсатган Алишер На-

вой энг буюк адилар қаторида тұрады. У ўзининг «Мұхамматул-лугатай» номли асарида ўзбек тилининг бойлиги ва ихчамлигини таъкидлаб, шу тilda адабий асарлар яратиш зарурлигини қайд қиласы.

Навоийнинг машҳур «Ҳамса»си «Ҳайрат-ул аброр», «Лайли ва Мажнун», «Фарҳод ва Ширин», «Саббай сайёр» ва «Садди Искандарий»дан иборат. Шулар қаторига олтинчи—«Лисон-ут-тайр» («Құшлар тили») номли гүзал достони ҳам киради. Юксак бадиият намунаси ҳисобланған мазкур асарларида буюк мутафаккир шоир бир қатор ажайиб образлар яратибина қолмай, ўзбек этнографиясига оид ноёб маълумотлар ҳам келтиради. Бу достонларда мазмун жиҳатдан энг долзарб ижтимоий муаммолар күтарилиб, олий инсонпарварлық ғоялари күйланған, зўравонлик, зулм ва адолатсизликлар нафрат билан қораланған. Аммо у адолатли жамиятни ақл-идрок йўли билан донишманд ҳукмдор орқали яратиш, шундай қилиб халқнинг оғир аҳволини енгиллаштириш мумкин, деган утопистик ғояни илгари суради.

XV аср охири—XVI аср бошлари наср ва назм осмонида ярқираб найдо бўлган яна бир йирик сиймо Захиридин Мұхаммад Бобур эди. Унинг ижоди ҳукмдор подшоларга хос айрим қарама-қаршиликлардан иборат. Чунки у ўзининг айрим асарларида феодал тузумни ёқласа, бошқаларида ўша тузум тартибларини танқид қиласы, ҳукмрон ғояларга зид ҳолда жуда ҳам илғор инсонпарварлық фикрларни баён қиласы. Бобурнинг лирик тўпламларида ўз миллатига хос ватан ишқи, олижаноб инсоний фазилатлар, нозик ҳис-туйғулар зўр маҳорат билан кўйланади. Унинг жаҳонга танилган «Бобурнома» асари ўзининг бадиийлиги, тарихий ҳаққонийлиги ва ўзига хослиги билан кишини мафтун қиласы. Унда муаллифнинг ҳаёт йўли, Афғонистон ва Хиндистонга қилған юришлари, бу мамлакатларда яшовчи халқларнинг маиший турмуши ва маданияти, табиати ва баъзи тарихий-сиёсий воқеалар юксак бадиият билан таърифланган. «Бобурнома» нафақат тарихий-этнографик жиҳатдан, балки ўзбек мемуар адабиёти намунаси сифатида ҳам муҳим аҳамиятга эга. Бу асарнинг жуда кўп хорижий тилларга таржима қилиниши унинг нодир асар эканлигидан далолат беради.

XVII—XVIII асрларда ўзбек хонликларининг пойттахтларида адабий марказлар пайдо бўла бошлайди.

Улардаги адиларнинг кўпчилиги мадрасаларда таълим олган, анъанага кўра, ўзбек ва тожик тилларини билган, шунинг учун ҳам икки тилда ижод қилганлар. Бухоро, Хива ва Кўқонда ўша даврда маҳаллий шоирлар асарлари асосида пайдо бўлган шеърий анталогиялар ўзбек адабиётининг ривожланганлигидан дарак беради. Масалан, Муҳаммад Раҳимхон (1865—1910) саройида ташкил топган адабий марказга кирган Хоразм шоирларининг асарлари асосида шоир Табибий тўплаган анталогия ўз замонасини тасаввур қилишга имкон берадиган муҳим адабий манбадир. Табиийки, сарой шоирлари яратган асарларда хон ва амалдорлар, сарой ҳаёти мадҳ этилган.

Сарой шоирлари ва мистик адиларга зид ҳолда ўзбек адабиётида ҳалқ ичидан чиққан демократик дунёқарашли адилар алоҳида ўринни эгаллади. Улар ўз асарларида ўткир сатирик назм ва насрлари билан феодал тузум иллатларини, ёвуз хон ва бекларнинг кирди-корларини дадил фош қилганлар. Бундай адиларнинг кўпчилиги оғир ижтимоий шароитда кун кечириб, доимо қувғинда бўлганлар. Шулардан бири ҳалқ қўзғолони тарафдори бўлган, Субҳонқулихон (1680—1702) зулмига, меҳнаткаш оммани эзиз хўрлаган ва талаган ҳукмдорларга очиқ қарши чиққан Турди (Фироғий) эди.

Демократик руҳдаги адилар ичida ўзининг ниҳоятида теран ва мазмундор фалсафий асарлари билан танилган шоир Бобораҳим Машраб (1657—1711) ўзбек адабиёти тарихида алоҳида ўринни эгаллади. Ҳалқ орасида яшаб, дайдичилик ва мусофиричиликда кун кечирган бу улуғ зот ўзининг сатирик сатрларида золим феодаллар, беклар ва уларнинг лаганбардорларини қоралаб кулган.

Меҳнаткаш ҳалқнинг оғир аҳволини объектив тасвири-лаган адилардан Махмур ва Гулханий ҳам ўз давридаги адолатсизлик ва жабр-зулмларга қарши чиққанлар. Гулханийнинг аллегория назмида ёзилган ҳикояларида қуш ва ҳайвонлар образи орқали феодал тузум иллатлари фош қилинади.

Ўзбек адабиётининг хонлик давридаги йирик намояндаларидан бири ажойиб шоир, таржимон ва тарихчи олим Муҳаммад Ризо Оғаҳий (1809—1874) ҳам ўзининг демократик ғоялари билан катта обрў қозонган. Унинг ҳалқпарварлиги жўшқин шеърларида, меҳнат аҳлиниң ижтимоий аҳволини тасвирилаб ҳукмдорларнинг

адолатсизликларини фош қиладиган сатрларида ўз ифодасини топган.

Хурофот ва нодонлик ҳукмронлик қилган бир даврда, яъни XIX асрнинг биринчи ярмида ўзбек адабиётида аёллардан Маҳзуна, Увайсий, Нодира каби шоираларнинг пайдо бўлиши ниҳоятда катта бир воқеа эди. Улар ўзларининг шеърларида алоҳида бир жўшқин руҳ билан ички кечинмалари ва нозик ҳис-туйғуларини изҳор эта билганлар. Увайсий ва Нодира шеърларининг анча қисми куйга солинган ва ҳозиргача халқнинг севимли ашулалиридан ҳисобланади.

Чор Россияси Туркистон ўлкасини босиб олгандан кейин икки томонлама зулмни бошдан кечираётган Урта Осиё халқлари, шу жумладан ўзбеклар ҳам ўз адаблари орқали теварак-атрофдаги ижтимоий мухит, иқтисадий ва сиёсий ахволга муносабатини билдирган. Ўша даврда яшаган ва ижод қилган Муқимий, Фурқат, Комил Хоразмий, Завқий, Аваз Утар, Ҳамза Ҳакимзода Ниёзий, Садриддин Айний ва бошқалар ўз асарларида ижтимоий тенгсизлик ва зулмни қоралаганлар, амалдорлар, бойлар, судхўрлар, заводчи ва фабрикантларни сатирик образларда ёрқин тасвирилаганлар. Демократик руҳдаги ўзбек адабиёти мустамлакачилик шароитида миллий ўзлигини англаган халқнинг иродасини, унинг миллий ва ижтимоий озодликка, давлат мустақиллиги га эришини ўйлидаги барча ҳис-туйғуларини ифодалашга интилиб келган.

XX аср бошларида ўзбек адабиётида янги истеъоддли адиблар пайдо бўлди. Дастлабки «инқилоб» ва «социалистик» ғояларни куйлаған Садриддин Айний, Аваз Утар ва Ҳамза Ҳакимзода Ниёзийлар ижоди маҳаллий адабиётнинг йўналишига таъсир ўтказган эди. Айниқса инқилобий руҳ, янги ҳаёт, бунёдкорлик ғоялари Сўфизода, Абдулла Қодирий, Абдулла Авлоний каби ажойиб шоир ва ёзувчиларнинг фаол ижодида ўз аксини топган эди. Ўзбек халқининг XIX асрдаги ҳаёти Қўқон ҳонлиги ва Тошкент беклигига рўй берәётган воқеалар фонида Отабек ва Кумушшибининг фожиали севгиси орқали ниҳоятда зўр бадиий маҳорат билан ёзилган Абдулла Қодирийнинг «Утган кунлар» романида ҳаяжонли тасвириланган эди. Унинг иккинчи ажойиб насррий асари «Мехробдан чаён»да бераҳм ҳонларнинг зулми ва адолатсиз амирлик тартиблари фош этилади.

1920 йиллардан бошлаб ўзбек адабиётига ўзларининг асарлари билан Ҳамид Олимжон, Ғафур Фулом, Ойбек, Абдулла Қаҳҳор, Қомил Яшин, Уйғун, Ғайратий ва бошқалар кириб келди. Улардан бир оз кейинроқ Зулфия, М. Шайхзода, Туйғун, А. Пўлат, Ш. Рашидов, Миртемир, А. Умарий, С. Жўра кабилар ҳам ўзларининг жўшқин ижодлари билан чуқур из қолдирдилар. Айнинка урушдан сўнгги ўн йилликларда ўзига хос истеъдодли бир қатор ёзувчи ва шоирлар пайдо бўлди. Улар ичida Шукрулло, Сайд Аҳмад, Асқад Мухтор, Иброҳим Раҳим, Саъдулла Кароматов, Одил Еқубов, Пиримқул Қодиров, Абдулла Орипов, Мирмуҳсин, Эркин Воҳидов, Омон Матчон, Уткир Ҳошимовлар ўзбек халқининг замонавий куйчилари бўлиб етишдилар.

ХАЛҚ ТЕАТРИ ВА МИЛЛИЙ РАҚСЛАР

Маънавий маданиятда муҳим ўринни эгаллаган ўзбек халқининг театр ва мусиқа санъати узоқ тарихий даврларга бориб тақалади. Республикаизда ўтказилган археологик тадқиқотлар узоқ аждодларимиз юқори дарражадаги мусиқа санъатига эга эканлигини исботлаб берди. Расмларда тасвирланган флейта, найсимон асбоб, най, арфа, лютия, шоҳ, доира каби мусиқа асбобларининг мавжудлиги бу ерда мазкур санъат ривожланганлигининг ёрқин далилидир. Буюк мутафаккир олимлар Форобий, Абу Али ибн Сино, Абдураҳмон Жомий каби сиймоларнинг мусиқа соҳасига оид асарлар яратганлиги ҳам Урта Осиё, шу жумладан Ўзбекистоннинг энг қадими мусиқали элатлардан эканлигини тасдиқлайди.

Археологик ва этнографик тадқиқотлар Ўзбекистонда рақс ва театр санъати илк науналари ибтидоий жамиятда найдо бўлганлигини исботлайди. С. П. Толстов кашф қилган неолит даврига оид Хоразмдаги Қалтаминорликлар маданияти манзилгоҳида жамоа майдонида ибтидоий рақслар ва театрлаштирилган маросимлар ўтказилган деб фараз қилинади. Сурхондарё ва Зарабшон водийларининг тоғли районларида тоғилган минглаб қадими расмларда тош даврида яшаган аждодларимизнинг маҳсус ниқбланган овчилик маросимларини бажараётганлигининг тасвирланганлиги ҳам халқ театри ва рақслари тарихи низоятда қадими эканлигини кўрсатади. Шуниси қизиқки, айрим

тадқиқотчиларнинг «Хоразм лазги» сини Страбон ва Геродот тасвирлаган қадимги массагетларнинг маросимларида кечаси гулхан ёқиб «қўшиқ айтиб рақсга тушганлиги»ни, уни ҳозирги Хоразм тўйларида қишилари ўт ёқиб ижро этиладиган ашулага жўр бўлиб лазги ва бошқа рақсларга қиёс қилишларини мантиқий асосли деса бўлади. Этнограф Тўра Қиличевнинг фикрича, «Лазги» ўйини ибтидоий жамиятдаги хоразмликларнинг қаҳрамонлик ҳаракатини ўзида акс эттирадиган элементларга эга бўлиши, жанговар ҳарбийлик ҳарактерини сақлаб қолиши жуда кўп ибтидоий қабилаларда ўtkaziladigan зафар тантаналаридағи ҳарбий рақсларни эслатади.

Ўзбекларнинг оммавий театрлаштирилган сайилларида, айниқса Наврўз каби йирик халқ байрамларида ўтказиладиган тантаналарда халқ ижодининг барча намуналари кенг намойиш қилинган. Тадқиқотчиларнинг фикрича, халқнинг энг севимли ва гўзал байрами ҳисобланган Наврўз эрамиздан аввалги XI—X асрларда вужудга келган бўлиб, ўша даврлардан бутун ўрта асрларда Хоразм, Фарғона, Тоҳаристонда ниҳоятда катта тантана ва дабдабалар билан ўтказилган. Этнограф олим К. Шониёзовнинг кўрсатишича, бу байрам маросимлари кейинчалик ўтроқ деҳқонлар орқали кўчманчи ва ярим ўтроқ турк элатлари турмушкига ҳам сингиб кетган.

Ўтган асрда Хоразмда халқ театри ва ашула-рақслар тараққий қўлганлигини бу ерга келган сайёҳ ва ҳарбийлар ҳам тасдиқлайди. Масалан, XIX аср бошлиарида Хивага келган рус офицери Николай Муравьев бундай ҳикоя қиласди: «Халқ орасида бой-бадавлат кишиларнинг яқинлари ичиди аҳволи ночор кишилар қўшиқ айтиши, эртак сўзлаши, соз чалиши, ўйин билан ўз хўжайинига завқ-шавқ бериши, бурунги замонда ўтган қаҳрамонларнинг мардликларини мақташи зарур экан. Қўшиқ айтиш кечаси билан давом этади...» Хоразм хонандаларини ҳатто қўшни давлатларга ҳам таклиф қилганлар. Қўқон хони Умархон ўз пойттахтига хивалик машҳур созанда ва баётакор Худойберди устозни, Мадалихон эса таниқли хонандалардан Солиҳбек ва Мўминбекларни Қўқонга олдиради. Хива хони Муҳаммадхон (1856—1864) саройида масхара-боз созанда ва гўяндалар кўп бўлганлигини машҳур сайёҳ А. Вамбери ҳам хабар беради. «Кечки овқатдан

кейин,— деб ёзади у,— ашулачилар, созандалар ёки қизиқчилар келиб хоннинг кўнглини очадилар. Хивада ашулачиларга катта ҳурмат билан қарайдилар. Ёлғиз Туркистондагина эмас, балки ислом Шарқида ҳам улар машҳурдирлар». 1870 йилда Хивага асир тушиб икки йил яшаган Илья Ильичков бозор майдонларида, жўчаларда, шаҳар ташқарисида сайил ва байрамларда жуда кўп созанда, гўянда, раққос, актёrlар иштирокида томошалар ташкил қилинганинг гувоҳи эканлиги тўғрисида ёзиб қолдирган.

Бундай аҳвол Бухоро амирлиги ва Кўкон хонлигидан, бутун Туркистон ўлкасида намоён бўлган. Бу ерда ҳам халқ байрамлари ва сайилларида, тўй ва зиёфатларда доимо оммавий халқ ўйинлари, саҳналаштирилган асқиябозлик ва қўғирчоқ театри, дорбоз, созандагўянда ва масхарабозлик санъати намойиш қилинган, қиз ва йигитлар иштирокида «қиз қувиши» ўйини, лапарлар айтишиш ташкил қилинган.

Ўзбек халқ театри ўтган асрда асосан икки хилда намоён бўлган; масхарабоз-қизиқчилар ҳамда қўғирчоқ театри. Биринчи хили асли бир неча жанрлардан: кичик сатирик мазмундаги саҳналарни бажарувчи масхарабоз-қизиқчилардан, саҳналаштирилган чиқишлиар бажарувчи йирик вакиллардан, яъни асқиябоз, дорбоз, муаллақчи, найрангбоз (фокусчи), ёрочоёқ ва мусиқачилар қурамасидан иборат бўлган. Иккинчи хили қўғирчоқ театри ёки қўғирчоқ ўйин ҳамда қўл қўғирчофи, яъни қўл билан бошқарилган чиқишлиар ҳамда ип билан бошқариладиган қўғирчоқ ўйин (чодир хаёл) дан ташкил топган.

Барча халқ театри санъаткорлари — масхарабозлар, қизиқчилар, қўғирчоқ ўйинчилари, созандалар бир уюшмага бирикканлар. Бир уюшма «мехтарлик» ёки «корхонаи созанда» деб номланган ва ўзининг рисоласига эга бўлган, унинг бошида маҳсус сайланган оқсоқол — меҳтарбоши турган. Уларнинг рисоласида айрим санъат турларининг келиб чиқиши тўғрисидаги афсона ва ривоятлар, санъаткорнинг хулқ-автори ва айрим касб-ҳунар маслаҳатлари баён этилган.

Халқ театри актёrlарининг чиқишлиари ҳар хил вазиятда бўлиб ўтган. Баъзан оиласи маросимлар, тўй-томуша, байрам ва сайиллар оғир шароитга тўғри келган. Одатда бу чиқишлиарга кўп томошабинлар тўплланган. Айниқса қизиқчи театрида ижро этилади-

ган импровизация ўткир сатирави сюжетга эга бўлиб, хасис бой, судхўр қози ва бошқа мансабдорлар устидан аччиқ кулги билан томошабинларни жуда мамнун қилган. Актёрлар ҳукмрон синфларни тасвирлагандага уларнинг таъмагирлиги, юлғиҷлиги, хасислиги, муноғиқлиги, нопоклиги ва бошқа иллатларини дадил фоши қилганлар. Масалан, «Ҳасан-Ҳусан» номли кичик пьесада қизғанчиқ бой, бир молни икки марта пуллашга ҳаракат қилған алдамчи савдоғар образи тасвирланган. «Тол савдоси» номли пьесада халқнинг оғир аҳволи ва мансабдорларнинг зўравонлиги ва муноғиқлиги очиб берилган. «Эшон» каби кичик драматик асарлар томошабинларга доимо манзур бўлган. Бундай сюжетдаги кўп пьесалар исенкорлик ғоялари билан суғорилган бўлиб, оқибатда золимларни пўстаклаш билан тугайди. Қўғирчоқ театри намойиш қилған пьесаларнинг ҳам кўпчилиги мазкур мазмунда бўлган. Масалан, бир неча вариантда ижро этилган «Қачал полвон» шундай ўткир сюжетли асарлардандир. Бу пьесада ҳар хил импровизация қилиш, ижро жараёнида қўшиб, ўткир диалоглар киритиш имконияти кенг бўлган. Аммо маҳаллий ҳукмрон синф вакиллари, айниқса руҳонийлар ҳалқ театри вакилларини қувғин қилганлар. Айрим актёрлар сатирик чиқишилари учун тақибланиб шафқатсиз жазолангандар. Албатта, ҳалқ ўзларининг севимли актёрларини ҳимоя қилған, уларнинг сафлари истеъододли ёшлилар билан тўлдирилган.

Кейинги ярим асрдан ортиқ давр ичидаги ҳалқ театрлари янгича мазмун ва шаклларда ривожланадиги ҳамда профессионал театрлар пайдо бўлди. Масхарабоз-қизиқчилар, дорбозчилар міллий циркнинг яратилишида, қўғирчоқ ўйинчилари, ашулачи ва раққосалар янги драматик театрлар пайдо бўлишида зўр ҳисса қўшдилар. Дастлаб Тошкентда, кейин Кўқон, Фарғона, Андижон, Хива, Урганч ва бошқа шаҳарларда профессионал театрлар пайдо бўла бошлаган эди. Улар нафақат міллий мавзуда, балки жаҳон класиклари асарлари билан ўз репертуарларини бойитганлар. 1939 йили А. Наувий номидаги Давлат опера ва балет театри, 1943 йили Муқимий номидаги мусиқалий драма ва комедия театри ва бошқа янги театр санъати марказлари пайдо бўлди. Уларниг саҳналарида ниҳоятда кенг репертуардаги жаҳон ва айниқса Европа ва Шарқ классик-

лари яратган ажойиб асарлар қўйилиб, ўзбек театр санъати юксак даражага кўтарилиган эди.

Ўзбек халқининг мусиқа маданиятида қадимдан профессионал созандалик анъанаси сақланган. Ҳаётда кенг тарқалган халқ ашулалиридан ташқари, анча мураккаб, зўр маҳорат талаб қиласидиган қўшиқлар кўп бўлган. Созандачилик санъати оғзаки йўл билан авлоддан-авлодга ўтиб кетган халқ куйларини, шеър ва рақсларни устознинг шогирдига етказиши орқали намоён бўлади. Профессионал созандалар асосан шаҳарларда жойлашган. Уларнинг кўпчилиги ашулаларни жуда ўйчан ва дид билан, ажойиб овози ва мусиқа асбобларини зўр маҳорат билан чалиб ижро этиб келгандар.

XIX аср охири—XX аср бошларида халқ ижрочилиридан бухоролик созанда ашулачи Ота Жалол Носиров ва танбурчи Ота Фиёс Абдулғани, самарқандликлардан созанда ва дуторчи Хўжа Абдулазиз Расулов ва хонанда Леви Бобохонов, хоразмлик танбурчи Матюсуф Харротов ва хонанда Худойберди Қурбонов, Абдулла болобончи ва Бобожон болобончилар, марғилонлик созанда Беркинбой Файзиев, тошкентлик хонанда Мулла Тўйчи Тошмуҳаммедов ва бошқалар халқ орасида жуда катта обрўга эга бўлгандар.

Энг характерли профессионал мусиқа жанрларидан оғзаки ижро қилиниб, баъзан дутор ва танбулар билан жўр қилиниб келинган мақом куйи ҳисобланади. Созанданинг истеъоди ва маҳорати мана шу вокал куйини ижро этишига қараб баҳоланган. Чунки бундай мураккаб катта куйни ижро этиш учун зўр санъат талаб қилинади. Бизгача этиб келган ашула матнларидан маълумки, илк тўла мақом XVI асрга оид Бухоро «Шашмақоми»дир. Мақомлар анча такомиллашган («мақомига етган» деган ибора шундан келиб чиқсан). У қуйи, мураккаб шакли ва жиддий тузилган ритми (усули) билан бошқа ашула ва куйлардан ажralиб туради. Унинг асосий мазмуни лирик севги ва дидактик шеърлардан бўлиб, одатда энг машҳур шоирлар яратган асарлар басталанганди. Масалан ҳозиргacha энг севимли мақомлар Умар Хайём, Жомий, Румий, Навоий, Бедил, Оғаҳий каби классик шоирларнинг ғазал ва шеърлари асосида куйга солинганди.

Амирлик, хонлик ва бекликларнинг ҳукмдорлар саройида маҳсус ашулачилар, раққослар ва мақомчилар

ансамбли сақланган. Масалан, Хоразм хони Мұҳаммад Раҳим II (Феруз) (1865—1910) Ҳивада созанда, шоир ва ҳофизларни, масхарабоз ва раққосларни түплаб ижод қилдирған. Ҳоннинг ўзи шоир ва бастакор бўлганлиги учун вақт-вақти билан Хоразм ашулачилари, созанда ва масхарабозларининг кўригини ўтказиб, ғолиб чиққанларга қимматбаҳо совринлар топширган. Ҳон саройда маҳсус мақомчилар ансамбли хизматда бўлган. Айрим ижодкор созандалар ҳатто саройда девонлик хизматини адо этиб ансамблда иштирок қилгандар. Ўша вақтда ижод қилган шоир ва бастакор Полвон Ниёз Мұҳаммад Мирзабоши Комил Хоразмий (1829—1899) биринчи бўлиб «Хоразм танбур нотаси»ни ёзиб, илмий асослаб берган. Унинг ўғли Мирзо ҳам отаси каби шоир, қўшиқчи ва бастакор бўлиб етишади. Мирзо «Сабо» ва «Уфари» каби ажойиб куй басталаб, Шашмақом»нинг «Рост» мақомига қўшади. Ғазал бойитиш, уни мусиқага солиб куйлаш, ашула ва рақс билан боғлиқ санъат турларини яратишида катта хизмат кўрсатган Комил Хоразмий, Сафо Муғаний Оллаберганов, Мұҳаммад Юсуф Мұҳаммад Еқуб ўғли Чокар, Исмоил Понаевлар билан бир қаторда Мұҳаммад Еқуб дорчи, Аваз дорчи, Еқуб позочи, Абдураҳмонбек каби бастакорлар, мақомчи ашулачилар, машҳур ўйинчи раққослар ўзга жойларда ҳам ном чиқарганлар. Ҳалқ орасида, тўй-томошаларда ва сайилларда ўз санъатини намойиш қилган масхарабозлардан хивалик Худойберган кўр билан Матчан кўр, Бўважон тўқ-тўқ билан Ёпирди масхарабоз, урганчлик Навзолим бобо, гўрланлик Бўважон сори, шаббозлик Қувват калта билан Матёкуб кўр, Бўважон манғитли каби санъаткорлар бутун Хива хонлигига танилган.

Узбек театр ва рақс санъатининг ривожида қадими мусиқа асбобларининг роли ниҳоятда катта. Узбек ҳалқи жуда ҳам кўп ва хилма-хил мусиқа асбобларини яратиб, ажойиб куйларни басталаган истеъодиди санъат усталарига эга бўлган. Ҳозирги мусиқа асбобларининг анъанавий турларини уч гуруҳга бўлиш мумкин. Биринчи гуруҳ торли каманча билан чалинадиган фижжак, қўбиз, сато, чертиб чалинадиган торли дутор, танбур, дўмбира, рубоб ва уриб чалинадиган торли чангдан иборат. Иккинчи гуруҳга пуллаб чалинадиган ёғочдан ишланган най, сурнай, қўшнай, болабон ва мисдан ясалган карнай киради. Учинчи гуруҳ

уриб чалинадиган асбоблар — доира, ногора, сафоил, қайроқ ва қошиқлардан иборат.

Ҳар хил мусиқа асбобларида ўйнайдиган созандалар ўзига хос ансамблларни ташкил қилган. Уларнинг кўпчилиги айрим хонандалар билан бирга тўй ва сайдилларда жўр бўлиб чиққанлар. Хоразмда ўтган аср охирларидан бошлаб гармонь (соз) ишлатила бошлиган. Бу асбобни асосан халфалар ишлатган. Ҳозир эса аккардеон, гитара, балалайка ва электрон мусиқа асбоблари ҳам ансамблларнинг таркибий қисмига айланган.

Ҳозир созанда ва ашулачилар ҳамда раққослар шахсий тарзда эмас, балки маҳсус мусиқа мактабларида, консерваторияда таълим олиб, замонавий хонанда ва раққослар бўлиб етишмоқда. Анъянавий куй ва рақслар замонавий оркестр ва ансамблларда, телевидение ва радио, кино ва театр соҳаларида янгича мақом ва руҳда жарагламоқда. Ўзбек театр, ашула ва рақс санъати жаҳон маданиятига ўзининг салмоқли ҳиссасини қўшмоқда.

АМАЛИЙ БЕЗАК САНЪАТИ

Ўзбек халқи аждодлари тасвирий санъат соҳасида ибтидой жамият давридан бошлаб ажойиб асарлар яратганинги археологик кашфиётлар тасдиқлади. Республикаизнинг жуда кўп жойларида, айниқса Бойсун, Қурама тоғ тизмалари, Самарқанд теварагидаги тоғларда топилган қоя тошларга битилган ибтидой расмлар ўзининг реалиги ва ранг-баранглиги билан ҳозиргача кишиларни ҳайратда қолдиради.

Моддий ва маънавий маданият билан бевосита боғлиқ бўлган санъат намуналари, ибтидой чизма расмларда антик давр ва ўрта асрларда яратилган монументал бадиий обидалар минтақада яшаган турли элат ва қабилалар томонидан ижод қилинган. Ўзбек этногенезида иштирок қилган элатларнинг кўп асрлар давомида шаклланиб келган маданий мероснинг умумий ижодкорлари сифатида намоён бўлиши Ўрта Осиёликларнинг маънавий замини ҳам бир бўлганлигининг далилидир. Айниқса антик даврда яратилган турли хилдаги амалий безак санъати намуналари қадимиий хоразмликлар, бақтрияликлар, сўғдийлар, марғиёна-

ликларнинг юксак маданиятга эга эканлигин намоён қиласи.

Үрта Осиёликларнинг мазкур аждодлари яратган ажойиб обидалар бизларгача етибина қолмай, уларнинг ишлаб чиқариш анъаналари авлоддан-авлодга ўтиб моҳир усталар томонидан ривожлантирилган. Ҳозиргача сақланиб келган ўзбек, тожик, туркман, қирғиз, қозоқ усталарининг ганч, ёғоч ва мармардан яратилган чиройли ўймакорлик буюмлари, нақши сопол идишлари, ранг-баранг тўқимачилик ва каштасилик маҳсулотлари, мискарлар ва заргарлар яратган ажойиб буюмлар ва безаклар умумий характерга эга бўлиб, ҳар бир этноснинг ўзига хос хусусиятларини ҳам намоён қиласи.

Амалий безак санъати ҳар бир халқнинг майший турмушининг таркиби қисми сифатида асрлар оша шаклланиб келган миллий хусусиятларини ўзида мужассамлаштирган. Аммо бизгача етиб келган соҳалар ўзининг ишлаб чиқариш услубини ва зўр санъатини сақлаб қолған бўлса-да, мазмунан ва шакл жиҳатдан анча ўзгарган. Археологик кашфиётлар туфайли аниқланган исломгача бўлган обидаларда топилган ганчдан ва сополдан ясалган буюмларда, металл ва олтин безакларда, деворий санъат намуналарида тасвирланган жозибадор образларда бутун бир майший турмуш соҳаси (айрим одамлар ва турли жоноворлар иштироқида ўtkазилаётган маросимлар ва ҳаёт тасвири берилган паниноларда) намоён қилинган бўлса, мусулмончилик тарқатилгандан кейин барча бинокорлик амалий безак санъатида мазмун ва шакл ўзгариб кетган. Илгари зўр маҳорат билан одамлар, турли ҳайвонлар ва бутун бир воқеалар тасвири берилган обидалар ўrniga геометрик ва ўсимликлар шаклидаги безаклар асосий ўринни эгаллаган. Оддий майший буюмлар ва безакларда ҳашаматли меъморчилик иншоотларида ислом ақидалари туфайли жонли образлар тасвири деярли йўқолиб кетган.

Ҳозиргача сақланиб келган амални санъат соҳаларидан ганч ўймакорлиги кенг тарқалган. Тарихий обидаларда топилған қадимги ганч ўймакорлиги асосан ҳажмий бўлиб, реалистик тасвирлар билан ажralиб туради. Масалан, III—IV аср обидаси бўлмиш Тупроқ-қалъанинг серҳашам сарой меҳмонхоналаридағи ўйма ганчли расмлар, ўша даврга оид Варахша шаҳарчаси-

да кашф этилган ганчга битилган ўсимликсимон нақшлар, пальметта, бўртириб ишланган балиқ тасвирида ўйилган ганч, геометрик шакллар, қушлар, ҳайвонлар ва балиқларнинг тасвиirlари ажойиб санъат намуналаридан. Қадимий усталар мураккаб нақшларни ўсимлик ва ҳайвонларнинг тасвиirlаридан олиб стиллаштириб ишлаганлар. Ганч деворга, устун ва пештоқларга қалин қилиб сувалиб, нақш тасвири ганчнинг ўзига акта (улги) сиз тўппа-тўғри чизиб ўйилган.

Илк ўрта асрлардан бошлаб ганчкорлик санъати яна ҳам ривожланади. Мовароуннахрда ганчкорлик меъморчиликнинг асосий безаги даражасига кўтарилиб, уларда афсонавий ҳайвонларнинг тасвирини ҳам учратамиз. Айниқса, Жанубий Узбекистонда ўрганилган мақбараларнинг интерьери, девор пештоқлари, равоқлари ниҳоятда нафис ўйма нақшлар билан бузатилган. Масалан, XII асрда Термиз мақбараларида янгича услуг ишлатила бошланганлиги, яъни муқарнаслар (стилактитлар)нинг пайдо бўлиши ва кўпгина биноларда қўлланилиши ганчкорликнинг ўсанлигидан гувоҳлик беради.

Кейинги асрларда Афросиёбда топилган ажойиб ганч намуналари бу соҳада янги-янги нақшлар яратилганлигини, биноларда ганч ўймакорлиги, узвий боғланган кошинлар ва тошдан ясалган безаклар, ганч ишлатила бошланганлигини кўрсатади. Ганчкорликнинг гуллаб-яшнаши XVIII—XIX аср бошларига тўғри келади. Бу соҳада ўзбек усталарида айrim минтақага (вилоятга) хос бадиий услуг ва белгилар сақланиб қолган. Улар ўзига хос ўймакорлик мактабларини яратибгина қолмай. ўзаро тарихий давр жиҳатидан ҳам фарқланадилар. Агар қадимги ганч ўймакорлигида деярли ҳажмлик реалистик мазмун ва орнаментал мотивли расмлар характерли бўлса, ўрта асрларда асосан ўсимлик ва геометрик шаклдаги чуқур ўйиб ясалган ҳашаматли безаклар пайдо бўлади.

Бизнинг асримизга келиб ганчкорлик санъатида майда рельефли, нозик ва рангли текис фонда ясалган меъморчилик намуналари кенг тарқала бошлаган. Ҳозирги даврда бинокорликда кўпроқ безакли рангли гуллар ва расмлар билан ганч ўймакорлигини биргаликда ишлашга ҳаракат қилинмоқда. Шунинг учун усталарнинг кўпчилиги нафақат ўймакор, балки шу билан бирга рассомчиликни ҳам эгаллаган. Улар ганч-

дайн ташқари бинокорликда ишлатиладиган ҳар хил карнизлар, устун ва кронштейнлар, панжара ва бошқа деталларни ясаш ва бўяшни ҳам биладилар.

Усталарнинг моҳирлиги туфайли кичик хоналарга майда, текис ўймакор ва унга мос пардоз тури, катта хоналарга эса йирик ёйма, ўзига хос нақшлар берилади. Ганч ўймакорлигидаги йирик ўйма, чуқур ўйма, яssi ўйма, қирма, замини кўзгули ўйма, замини рангли ўйма, чизма пардоз, занжира, ҳажмли ўйма каби услублар ҳозиргача ишлатилмоқда.

Бинокорлик (меъморчилик)да ишлатиладиган аньянавий орнамент геометрик ва ўсимлик шаклида. Ўзбек ҳалқи санъатининг барча соҳаларида ўсимлик орнаменти устун туради, аммо у доимо геометрик нақшлар билан бирга ишлатилади. Ганчкор усталар ҳар хил турдаги ўйма ишлатадилар: замин-кори, чока-пардоз, лўли-пардоз ва табақа-пардоз. Кейинги тури энг охирги ва янги ҳисобланади. Улар ўзаро орнаментларининг ўйилиш услуби, чуқурлиги ва катта-кичиклиги билан фарқланадилар, аммо бир-бири билан узвий боғлиқдир. Ганчкор нақшлар катта корхоналар, маъмурий иморатлар, маданий ва санъат саройларини безабгина қолмай, кейинги йилларда жуда кўп фуқароларнинг уйларига ҳам ҳусн бағишламоқда. Йирик иншоотлар, монументал обидалар, кенг савдоға мўлжалланган ўймакор ганч нақшлар муайян мотивдаги миллый орнаментлар тасвирланган қолипларда қуилиб ишланади. Бундай ажойиб миллый безаклар Тошкентдаги Навоий номидаги опера ва балет театрида, Муқимий номли театрда, катта санъат ва маданий саройларда, жуда кўп маъмурий ва жамоатчилик биноларида, ошхоналар ва дўконларда кенг ишлатилган бўлиб, улар шаҳар ҳуснига-ҳусн бағишламоқда. Ёрқин майин бўёқлар билан аньянавий ўймакорлик нақшларининг биргаликда ишлатилиши айниқса чирой кашф этади. Машхур бадиий ганчкор усталардан Ўзбекистон Фанлар Академиясининг фахрий аъзоси, Республикада хизмат кўрсатган санъат арбоби Ширин Муродов, Халқаро мукофотлар совриндори, Ўзбекистонда хизмат кўрсатган санъат арбоби Абдулла Болтаев, элда катта ҳурматга сазовор бўлган моҳир усталар Тошпўлат Арслонқулов, Усмон Икромов, Анвар Кулиев, Шамсиддин Фофуров, Кули Жалилов, Ўзбекистон Фанлар Академиясининг фахрий аъзоси Юсуф Али Мусаев

ва бошқалар яратган ўймакорлик ва меъморлик санъати халқимизнинг бадний бойлигидир.

Ёғоч ўймакорлиги ҳам Ўзбекистоннинг барча вилоятларида қадимдан кенг тарқалган. Мазкур ўймакорликка оид бўртиқ (горельеф) нақшлар уй-рўзғор буюмларида ва меъморчилигига, айниқса эшик, дарвоза, устунлар, ҳар хил тўсин, хонтахта, қутича, қаламдон, эгар кабиларда ишлатилган. Моҳир усталар яратган бизгача етиб келган айрим буюмлар ҳозиргача ўзининг нағислиги, табиийлиги ва мураккаблиги билан кишини ҳайратда қолдиради. Ёғоч ўймакорлиги намуналари илк ўрта асрларга оид Сурхондарё воҳасидаги Юмaloқтепадан, Бухоро, Хива, Самарқанд, Шахрисабз ва бошқа жойлардаги қазилмалардан топилган. Тадқиқотчиларнинг таъкидлашича, араблар келишидан олдин ёғочдан ясалган маъбуда (худо)ни ҳар бир хонадонда учратиш мумкин. Одатда бундай маъбуда эшик тепасига қўйилган ва у эскирса хонадон соҳиби янги маъбуда харид қилиб, алмаштириб турган. Араб истилосидан кейин ислом ақидаларига биноан тасвирий санъатнинг бундай турлари, айниқса ҳайкалтарошлик бутунлай барҳам топади. Эндиликда уста нақшлар ёғоч буюмларга геометрик шаклда оддий чизиқлардан мураккаб шакллар ясашга, табият манзаси ва ўсимликлар аксини ифодалашга ўтдилар.

IX—X асрларда Урта Осиёда, шу жумладан Ўзбекистонда ёғоч ўймакорлиги яна ҳам ривож топади. Бу даврга хослик шундан иборат эднки, ўймакор усталар яратган нақш заминида қандайдир рамзий маъно, эзгу тилак, орзу ва гўзал ниятлар ифодаланган. Уларнинг нақшларида ҳатто тимсол, дуо-афсунлар, тасбеҳ ва таносиблар анча кўп бўлган.

Кейинги даврда (XI—XIII асрлар) ҳалқ амалий санъатида мураккаб геометрик нақш, яъни гириҳ нақши асосий ўринни эгаллаб, уй-рўзғор буюмлари, меъморчилик нақшлари янада бадийроқ ва нағисроқ бўлиб сезилади. Бунга мисол қилиб XI—XII асрларга оид Самарқанддаги Шоҳи-Зинда деворининг орасидан топилган ёғоч ўймакорлик намунасини, Кўхна Урганч обидаларидағи нақшли эшик ва устун намуналарини келтириш мумкин. Темурйлар даврида яратилган ёғоч буюмларда ҳаттохи тирик мавжудотлар ўйиб тасвирланганлигини кўриш мумкин. Самарқанддаги Рӯхобод мақбарасининг эшигидаги балиқ тасвири, айрим

буюмлардаги қуш, илон каби жонзотларнинг тасвири бунга далилdir.

Ўзбек хонликларида ҳам ажойиб халқ амалий санъати намояндадалири, чунончи, ёғоч ўймакор усталар етишиб чиққан. Утган аср охирларига келиб ҳар бир хонликда ўзига хос турли услубдаги ўймакорлик мактаблари пайдо бўлган. Масалан, Бухоро ёғоч ўймакорлиги нақшнинг жозибадорлиги, жимжима безакларнинг олтин, кумуш суви билан безатилиши, нақш заминида ранглардан фойдаланиш билан ажралиб туради. Хива усталари ёғоч ўймасининг монументаллиги, табийи рангининг мустаҳкамлйги билан бошқалардан фарқланади. Қува ўймакорлари эса калта бўртмали, ясси ўйма нақшлар яратганлар. Пештоқда ҳам нақш билан қопланган ясси бўртмали, заминсиз чизма ёғоч ўймакорлиги кенг тарқалган. Марғилон усталари чуқур заминчили ўймани қўллаб келганлар. Кўқондаги Худоёрхон саройи, Бухородаги Ситораи Моҳи-Хоса, Хивадаги Тошховли, Марғилондаги Саидаҳмадхўжа мадрасаси, Тошкентдаги Н. К. Романовлар саройи ва А. А. Половцев уйи, Қувадаги Зайниддинбойнинг уйи ва бошқаларда ўзбек ёғоч ўймакорлиги санъатининг бебаҳо намуналарий яхши сақланиб келган.

Ўзбек халқи амалий безак санъатининг ганч ва ёғоч ўймакорлиги намуналари халқаро миқёсдаги ҳар хил кўргазмаларда муваффақият билан кўп марта намоийиш қилинган. Масалан, Ўзбекистоннинг моҳир усталари ўз ишлари билан 1925 йилда Парижда, кейин Лейпцигда, 1927 йилда жаҳон бўйича, 1937 йилда Парижда «Санъат ва техника ҳозирги кунда» деган кўргазмаларда қатнашиб иккита «Гран при», иккита кумуш медаль билан мукофотланганлар. 1939 йилда Нью-Йоркда бўлган «Келажак олам» кўргазмасига ҳам қатнашиб ўзбек усталари диплом олганлар. 1938 йили январда Бутуниттироқ халқ хўжалиги ютуқлари кўргазмасидаги Ўзбекистон павильонларини Тошкент, Бухоро, Хива, Фарғона ганч ва ёғоч ўймакорлари ажойиб санъати билан безадилар.

Республика пойтахтида қад кўтарган барча мазъмурий, жамоат ташкилотлари, театр, ресторон, дўкон ва бошқа йирик иморатларнинг ўймакорлик санъати билан безатилган ганч ва ёғоч қисмларини яратишда ўзбек усталари ўзларининг зўр маҳоратларини намоийиш қилганлар.

Республикада танилган ўймакорлардан Сулаймон Хўжаев, Олимжон Қосимжонов, Мақсуд Қосимов, Ортиқ Файзуллаев ва бошқалар ўзига хос ўймакорлик мактабини яратганлар ва жуда кўп истеъодди шогирдлар етиштирганлар. Уста Сулаймон Хўжаевга 1932 йилда Узбекистон халқ усталари ичидаги биринчи бўлиб Социалистик Меҳнат Қаҳрамони унвони берилган эди. Хива мактаби усталаридан Ота Йоловонов, Сапо Боқбеков ва бошқалар ўзига хос ўймакорлик санъатини яратганлар. Уларниң нақшлари майдалиги, юзалиги, заминининг камлиги, нақшларниң зичлиги ва бадиий тузилиши билан ажралиб туради. Хива ўймакор усталари асосан қайрағоч (гужум), терак, чинор дарахт ёғочларини кўпроқ ишлатадилар ва улар ёғочнинг табиий кўринишини сақлашга ҳаракат қилиб янги ўйма юзасини силлиқлаш, бўёқ суришни қўлламаганлар. Самарқанд ёғоч ўймакор усталари ҳам ўзига хос мактаб яратиб, бошқа мактабларга қараганда жуда майда ўйма нақшлар, мураккаб композиция, яъни геометрик, ўсимликсимон ва гулли гириҳ услубига лак берилган буюмларн билан ажралиб туради. Бу мактабнинг нафояндларидан Уста Асатилла, М. Жумабой, Уста Насрулло, Нурали Назруллаев қабилар жуда танилган. Қўюн ўймакор усталари яратган турли буюмларидан (курси, ром, қутича ва ҳоказо) ясси, калта бўртмали ўймани, яъни паргари услубини ишлатиб келганлар, улар меъморлиқда эшик ва устунларга йирик чуқур нақшлар ўйиб ясаганлар. Марғилон ўймакорлари ҳам шу услубда ишлаганлар. Улар кўпинча терак, ёнғоқ ва буқ ёғочидан фойдаланиб, ўйилган нақш юзига тўқроқ ранг бериб, кейин локлаганлар.

Хозир ҳеч бир шаҳар ёки қишлоқ йўқки, ажойиб ёғоч ўймакорлик санъати намуналари бўлмаса. Бу соҳада, айниқса Хоразм усталари ном чиқарганлар. Барча ўймакорлик санъати намуналари меъморчиликда, чунончн, йирик ижтимоий, маданий ва маъмурий иморатларда, ресторан ва кафеларда, шахсий уйларда кўплаб ишлатилмоқда. Айниқса, устун, карниз ва панжаралар чиройли ўсимлик ва геометрик нақшлар билан безатилган. Анъанавий ўймакорлик услуби ҳар хил ўйрўзгор буюмлари ва жиҳозларида ҳам ишлатилади.

Амалий безак санъати турларидан Узбекистонда кенг тарқалган соҳаси бўёқли расмлар чизишdir. Одатда бу соҳа икки хилда: ганч сувоқли деворга расм

солиш ва ёғоч буюмларга рангли нақш беришдан иборат. Мазкур қасбни наққошлиқ санъати деб ҳам атайдилар. Ўтмишда юксак дид билан бунёд этилган нақшли мұхташам бинолар ҳозиргача кишини ўзига мафтун қилиб келмоқда. Ниҳоятда бой, мазмунли миллий нақшларимиз турар жой ва йирик иморатларнинг де-вор ҳамда шифтларида, оддий идиш-товоқлар, сандық ва күрпачалар, беланчак, чолғу асбоблари ва бошқа буюмларда жилваланиб инсонни ҳайратга солади. Илгари бадавлат ўзбек оиласлари турар жойларининг ҳар бир меъморий қисми ўзига хос нақшлар билан безатилган. Унинг интерьери, яъни хона девори узунасига уч қисмга бўлинган — пастки изора (панел), ўрта қисми ва тепа қисми фриз. Деворнинг ўрта қисми манзаралар, катта-кичик нақшлар, унвонли ёзувлар ва бошқа орнаментлар билан безатилган. Тепа фриз қисмига ҳар хил геометрик ва ўсимлик шаклидаги нақшлар ишланган. Деворнинг тепа қисми билан шифт ўртасига одатда ганчдан ясалган ажойиб карниزلар ўрнатилган (унга шарафа деб ном берилган), шифтнинг ўртаси эса ўйиб ишланган ганчли қуббалар билан безатилган ва унга ҳовузак деб ном берилган. Бу ҳовузакларга ислимий ёки геометрик нақшлар ёки турунжлар ишлатилган. Бундай безаклар ўзбек хонадонининг анъанавий зийнати ҳисобланади. Деворлардаги токчалар, тахмонларнинг чети, китоблар ажойиб нақш намуналари билан безатилган. Токчалар ҳар хил идиш-товоқлар билан, чиройли тахмонлар кўрпа-ёстиқлар билан жиҳозланган. Ўзбек хонадонларидағи сергўл гиламлар, рангбаранг кўрпа ва чойшаблар, нақшинкор хонтахталар, қаламдонлар, қутичалар, рангин безакли деворий нақшлар, ҳашамдор шифтлар миллиятнинг нозик дид ва олий ҳис-туйғуларга эга эканлигини исботлайди. Бунинг яна бир тасдиғи мазкур деворлар ва шифтларга берилган нақшларнинг мутаносиблиги, пухталиги, рангларнинг ўйғулиги, нағислиги ва юксак бадиийлигидир. Миллий наққошлиқ санъатининг ривожланиши Фарғона, Хоразм, Тошкент, Самарқанд, Бухоро ва бошқа туман ва вилоятларда ўзига хос наққошлиқ мактабларини юзага келтирган эди.

Анъанавий наққошлиқ ноёб бадиий санъат турларидан бири тош ва суяқ ўймакорлиги ҳисобланади. Бу санъатни халқ орасида тоштарошлиқ ва сангтарошлиқ деб ҳам атайдилар. Ниҳоятда катта истеъодод, зўр сабр-

тоқат ва оғир меҳнат талаб қиласидиган бу қасб қадимдан ривожланиб келган. Маълумки, дастлабки ишлаб чиқариш қуроллари тошдан ясалган. Ибтидоий аждодларимиз тошнинг турли навларидан ва суюқдан ҳар хил қурол-асблор, уй-рўзғор буюмлари, безаклар тайёрлаганлар. Эрамизнинг биринчи асрларига оид обидалар (Фаёстепа, Айритом, Қоратена, Тупроқкалья)-да ҳарсангтош ва мармардан безак ишларидан кенг фойдаланилган. Айниқса, ўрта асрларда тоштарошлик юксак даражада ривожланиб такомиллашган. Бунга мисол сифатида Амир Темур ва Аҳмад Яссавий мақбаралари, Бибихоним масжиди, Хива, Шаҳрисабз, Бухоро, Самарқанддаги ҳашаматли масжид ва мадрасаларнинг жозибадор ўймакорлик тошлар билан безатилганлигини келтириш мумкин.

Бинокорликда ишлатиладиган ранг-баранг кошинлар ва турли хилдаги бадиий аҳамиятга эга уй-рўзғор буюмларини асрлар давомида яратиб келган кулолчилик ҳам алоҳида ўрин эгаллайди. Узбекларнинг бу қадимий амалий санъати ўзининг бой анъаналари, нозик ва майин нақшлари, майший турмушда ишлатиладиган кундалик идиш-товоқларнинг турли хиллиги ва ўзига хос миллийлиги билан узоқ даврлардан бери узоқ-яқин халқларни ҳам ўзига мафтун қилиб келган. Ҳозирча бинокорликда майолика ва мозаика тарзида ишлатиладиган, Бухоро, Самарқанд, Хива, Қўйкон каби шаҳарлардаги масжид-мадрасалар, карвонсаройлар ва қабрларни безатиб турган ранг-баранг кошинлар бу санъатнинг ажойиб намуналари ҳисобланади. XIX аср охирларига келиб бир оз инқирозга учраган кошинчилик кейинги йилларда таъмирчилик ишлари туфайли қайта тикланиб яна жонланди.

Узбек кулолчилигидаги бадиий услугуб узоқ давр давомида шаклланиб, айрим туманларда идиш-товоқлар турлари ва нақшларининг ўзига хослиги сақланиб келмоқда. Идишларга бериладиган нақшлар асосан қалами, чизма ёки харрожи услубида амалга оширилган, баъзан улар биргаликда ишлатилган.

Кулолчилик Узбекистоннинг ҳамма жойида учрайди. Аммо бадиий буюмлар яратишда энг йирик марказлардан Риштон, Фиждуон, Шаҳрисабз, Хива, Ҳонқа, Самарқанд, Тошкент қадимдан машҳур бўлган. Масалан, Риштон кулоллари яратган сирли идиш ва сопол буюмлар ўзининг нозик ва мураккаб нақшлари, бўёқлар коло-

рити, айниқса, очиқ кўк кобалъти ва феруза рангли бир неча оҳанглилиги билан ажralиб туради. Ҳозирги Риштон ғарбий буюмларидағи қалами услубида яратилган нақшлар йирик ва декоратив хилдаги орнаментли. Фиждуон сопол идишлари ўзининг ранг бойлиги ва қатламлилиги билан кўзга ташланади. Уларда ҳам қатлами услубида тўқ жигарранг фонида яшил, тўқ сариқ, тўқ кўк ва қизил ғишил рангли нақшлар бир неча қатламда берилган бўлиб, бўрттирилгандек сезилади. Ҳозирги Шаҳрисабз усталари йирик орнаментли қизил-жигарранг фонда яшил, сариқ, қизфиш ва баъзан кўк ранглар билан идиш-товоқларни безагилар. Самарқандлик кулоллар катта декоратив шаклдаги олтин ёки саккиз қиррали юлдуз, доирасимон, ўсимлик орнаментли нақшлари билан ўз маҳсулотларини безаганлар. Тошкентликларда икки хил сопол идишлар фарқланади: эски хилда ясалган суюқлик оқимига ўхшаш яшил, сариқ ва жигарранг бўёқли ва ҳозирги даврга оид очиқ фонга битилган чеккаси гравировкали, майда ўсимлик орнаментли, полихром безакли намуналар. Фарғона кулоллари сопол идишларга оқ, кўк, қизил, яшил, сариқ ва ҳоказо тусда сир берадилар. Андижонда сирни кўпроқ оқ тусда берадилар. Идишга таг сир берилганидан сўнг унинг устидан рангли бўёқ билан турлича чизиқлар, ҳоллар, гуллар чизилади. Кулолчиликнинг энг қадимги маркази ҳисобланган Хоразм идиш-товоқларининг шакли, айниқса катта овқат идиши — бодия ва лаганлари, сувдонлари (хумлари) билан ажralиб туради. Идишларга бериладиган гулли ва геометрик нақшлар асосан тўқ яшил ва феруза, бир оз кўк ва оқ ранглардан иборат. Ўзбек кулоллари ясадиган ҳар хил фигурали ўйинчоқлар, айниқса хуштак чаладиган ўйинчоқлар қадимий даврлардан маълум.

Чинни идишлар Ўрта Осиёда яқин даврлардан ишлаб чиқила бошланган. Ўзбекистонда кечки феодализм даврида пайдо бўлган чиннисозлик ҳозир тез суръатлар билан ривожланиб, анъанавий бадиий санъат намуналарини яратишини давом қилдирмоқда. Ўтган асрда чиннисозлик Фарғона водийсида, Андижон, Қўқон, Риштон каби шаҳарларда ривож топган. Аммо XIX аср охирларига келиб Россия чинни корхоналарида ишланган идишларнинг Ўрта Осиё бозорларига кўплаб кира бошлаши туфайли маҳаллий чиннисозлар рақобатга чидаёлмай инқирозга учрайдилар. Оқибатда асrimiz бош-

ларида бу қасб кўп шаҳарларда тўхтайди ва йўқолиб кетади. 1954 йилда республикада чиннисозлик қайтадан тикланиб ривожлана бошлади.

Ўзбек кулолчилик санъати ҳам амалий санъатнинг бошқа соҳалари сингари бир қатор ўзига хос хусусиятларга эга. Бу нарса унинг хом ашё, ишлаб чиқариш қурролларининг турлари, меҳнат таҳсимиоти, буюмларнинг шакли ва нақшлари кабиларда кўринади. Сопол идишга солинадиган гуллар ва нақшларнинг номлари баъзан бир хил, баъзан ўзаро фарқланади. Фарғона водийси кулоллари, айниқса машҳур Риштон усталари ижод этган нақш намуналари 300 га яқин. Шуларнинг ичидаги нақш элементларини ифодаловчи қўйидаги сўзларни учратамиз: аноргул, қалампир, тож, қаноти мурғ, қўчқароқ (қўчқор шоҳи), гули афшон, нон севат, сада, гултоҷижхўroz, меҳроба, зар пўчак, булбулзор, туморча, ошпичоқ, оптовагул, чойдиш, четангул, туябўйин, ғўзанак, каптар қанот, ошиқча, риштагул, печак ўт, санама, писта, барг, занжира, осма гул, кошин гул, чор япроқ, гули гажақ. Сопол идишларга туширилган нақшлар ҳам маси бир-бирини тўлдиради, мукаммаллаштиради ва ўзига хос ҳусн баришлайди.

Таниқли наққош ва олим, Ўзбекистон халқ рассоми М. Р. Раҳимов сопол идишларни сир бўёқларига қараб қўйидагиларга ажратади: 1) оқпаз идишлар — бунга ишқор билан сирланган лаган, тавоқ, коса, пиёла кабилар киради; 2) ложувард — бунга суюқ овқатлар қўйиладиган, осмон рангли идишлар ва сиёҳдонлар киради; 3) қалаги ва чинни идишлар — бунга қалай қўшилган қўрғошин бўёғи билан сирланган ўртача катталикдаги фаянс идишлар киради; 4) таги сиёҳ-қўрғошиндан ишланган тўқ жигарранг сирли идишлар, асосан Бухоро ва Қашқадарё вилоятларида учрайди; 5) қўрғошин — бунга қўрғошин билан сирланган, умумий туси кулранг, сарғиш оқ рангдаги идишлар, чунончи, қўзагарлик, косагарлик буюмлари киради.

М. Раҳимов кулолчилик ҳунарини илмий жиҳатдан ўрганибгина қолмай, ўз ижодида анъанавий ўзбек кулолчилиги билан замонавий сополчиликни уйғунлаштиради. Унинг дастлабки фаолиятида яратган буюмларида ёрқин заминдаги кўк, яшил, сарқ гуллар жилоси ажойиб композиция намойиш қиласди. Моҳир уста анъанавий безакли лаган, гулдан ва янги шаклли идишлар билан бирга портрет, совға буюмлар яратган, улар-

нинг безагида ўсимликсимон нақшлар билаи бир қаторда ҳайвон шаклларини ва ёзуви тасвиirlарни ишлатган. У кўп йиллар мобайнида сопол материали ва бўёқларини ўрганиш йўлида самараали хизмат қилиб, бир неча жиддий асарлар яратди. Унинг кулолчилик соҳасида оригинал ясалган бадиий буюмлари турли музейларда сақланмоқда.

Ўзбек амалий безак санъатини дунёга танитган яна бир муҳим соҳа кандалорлик, яъни металлдан ясалган бадиий буюмларга ўйиб ёки бўртик қилиб нақш ишлаш касбидир. Бу бадиий ҳунармандчилик ҳам ўлкамизда қадимий даврлардан маълум бўлиб, у ўз қадимийлиги билан кулолчиликдан кейин иккинчи ўринда туради. Маҳаллий кандалор усталар олтин, кумуш, мис, жез ва бошқа металлардан узоқ ўтмишдан буён турли буюмлар ясад келмоқдалар. Бадиий металл буюмларни ишлашнинг илк намуналари Ўрта Осиёда, жумладан Ўзбекистонда эрамиздан аввалги I минг йиллик ўрталаридан кенг тарқала бошлаган. Дастрлабки тўғнағичларда кичик воқеалар, ҳайвонлар ва бошқа мазмундор тасвиirlар акс эттирилган. Масалан, ўша даврга оид Фарғонада топилган маросим қозони кандалорликда «ҳайвонот услуби» мавжудлигидан дарак беради. Сўнгги антик ва илк ўрта асрларда маҳаллий кандалор усталар қимматбаҳо металлардан ҳокимлар ва зодагонлар учун тўй-томоша, тахтга ўтириш, ов қилиш, шикор ва кураш манзаралари, афсонавий ва эпик ҳаҳрамонлар образи, ҳаётий мавжудот, парранда ва бошқа дунёвий тасвиirlар ўз аксини топган кўпгина буюмлар ясаганлар. Исломгача ўтган даврда Мовароуннаҳр аҳолиси уй-рўзғор бадиий буюмларида дунёвий воқеалар ифодаланган нақшларнинг кўп топилганлиги мазкур касбнинг ниҳоятда кенг тарқалганлигидан далолат беради.

Ўрта асрларда нафақат олтин ва кумуш буюмларнинг зўр маҳорат билан безатилиши, балки ҳашаматли биноларнинг безакларига ҳам олтин суви югуртирилиши дикқатга сазовордир. Бу даврда мис ва унинг қоришмаларидан янги-янги буюмлар ҳайдо бўлади, тўғри тўртбурчакли баркашлар, шар шаклидаги юмалоқ бўйнига нақш солинган кўзалар, чиройли сиёҳдонлар, ҳовонча ва бошқалар кандалорликнинг юксак даражада ривожланганлигини исботлайди. Кўп металл идишларга ҳархил мазмундаги, масалан, шахсни шарафлайдиган,

омад, тан-сиҳатлик, бахт-саодат, фаровонлик тилаб ёзилгân нақшли матнлар «куфий» ва «насх» услубида битилган. Ривожланған феодализм даврига оид (XIV—XV асрлар) Регистон майдони яқинида қазиб олинған хазиналардаги турли-туман идишлар, пиёлалар, тагликлар, қопқоқлар, кўзалар, қозонлар ўзбек кандакорлигининг яна ҳам ривож топғанлигидан далолат беради.

Бадий санъат касбларидан мискарлик ҳам алоҳида ўринни эгаллайди. Сариқ ва қизил таҳтâ мислардан турли идиш-товоқ ва хўжалик буюмлари ясалган, уларнинг кўпчилиги нозик ўйма нақшлар билан безатилган. Мискарликнинг бошқа металлсозлик касбларидан фарқи шуки, мис тоб берилмай, яъни ўтда қиздирilmай совуқ ҳолида ишланади. Аммо мискарлар ичи чуқур мис идишларнинг қисмларини бир-бирига ёпиширишдагина уларни қиздирадилар. Одатда мискарликда меҳнат иккига таҳсилланган: ясаш ва безаш. Идишларни безовчи уста наққош мискар деб номланган.

Буюмлардаги нақш композицияларининг ҳар бирида нақш ўйиш техникасининг турлича усули қўшилиб кетган бўлиб, улардан нақш қоидаларининг мазмунини англаб олиш мумкин. Ўзбек наққош мискарлари яратган мис идишлардаги нақш композицияларининг ниҳоятда мураккаблиги, мавзу ва элементларининг ранг-баранглиги мазкур санъат соҳасининг узоқ тарихий тараққиётни босиб ўтганлигини кўрсатади. Масалан, идишларга ўйилган нақшлардан мадохил, ислими ва намоён номли услубларда яратилган ўнлаб нақш турлари ўзбек наққошлик маданиятига хос бўлған класеик нақш намуналаридир. Бу нақшлар халқимиз бошидан кечирган баъзи тарихий воқеаларни, унинг дунёқарашини ва орзу-истакларини, ишлаб чиқариш ва хўжалик фаолиятини ифодаловчи ҳолатларни айрим-айрим нақш элементлари ёки уларнинг бирикмалари тарзида намоён қиласди.

Айрим элементлар ва номларга қараганда маҳаллий усталарнинг ўтмишда чет эл вакилларининг буюртмаларини бажарғанлиги ёки ўз ишларида баъзан бошқа юртлар услуби ва стилларидан фойдаланганлиги сезилади. Масалан, нақш номлари орасидаги ислими машади, ислими афрон, ислими араби каби атамаларнинг учраши чет мамлакатлардаги истеъмолчиларнинг талаб ва дидлари ҳисобга олиниб, маҳаллий усталарнинг ўз

санъатини бойитганлигидан дарак беради. Баъзи буюмларда, нақшларда афсонавий тасаввур ва эътиқодлар билан боғлиқ турли жониворлар (илон, қуш, ҳайвон, ҳашарот)ларни ифодаловчи шаклларни очиқ сезамиз.

Ҳозирги даврда эса мискарлик санъатига янгича мазмунда ва услубда одамлар, меҳнат фаолияти, юлдуз ва ўроқ-болға, пахта гули ва барглари, герб ва бошқа рамзий тасвирли композициялар кирган. Айниқса, нозик ўйма нақшларни қумғон, жом, мисчойнак, мискоса, миспиёла, мисчилим, тунг ёки мис-кўза (кўпинча қонқоқсиз, жўмраксиз) ва кўзача, мистовоқларда учратиш мумкин. Айрим нусхаларига ташқи томонидан ўйма нақшлар билан хат битилган, ичи оқартирилган, баъзан феруза ёки мунҷоқлар қадалган.

Ўзбек наққош мискарларнинг лексикасида ишлатиладиган нақш элементларининг номлари бу соҳадаги юксак санъатни ва бой тарихни намойиш қилибгина қолмай, маҳаллий элатнинг дунёқарashi, маданияти ва турмуш даражасини ҳам ифодалайди. Масалан, кўхна нақш элементларидан қуйидаги намуналар диққатга сазовордир: 1) Ислими нақшнинг турлари — ислими араби, ислими афшон, ислими бодомбарги, ислими даврон, ислими доира, ислими мева, ислими муғжа, ислими муқаррий, ислими таноб, ислими ҳовандা, ислими қавс, ислими чорқубба, ислими ҳумо ва ҳоказо; 2) ўсимлик барги ва гули билан боғлиқ нақш номлари: барги аннос, барги мушак, барги муғилон, барги бодом, толбарги, гажакгул, гули афшон, гули носира, гули санжари, гули сармуғон, гули ҳуршид, гули тоҷихӯroz ва ҳоказо; 3) идишларга ўйилган нақш тури мадоҳил элементларининг номлари ҳам юқоридаги кўшимча сўзларга тўғри келади; 4) бошқа турлича намуналаридан атиргул, курмақ, булбул, бодомча, нақши ганжа, нақши гулхан, нақши гардиш, ой нақши, ўрдакгул, нақши сўмбула, тўғма нақш, чекмагул, чортакт, юлдузгул, нақши кўзойнак, нақши чорбӯта, чашма зебор ва ҳоказолар.

Мазкур атамалар нафақат ўзбек тиалининг бойлиги, балки безак берилган буюмларнинг хилма-хиллиги ҳамда мискарлик санъатининг юксаклигидан дарак беради. Масалан, турли ўсимликсимон, геометрик ва рамзий нақшлар билан нафис қилиб безатилган мис лаганларнинг лавхӯри, дулава ва қошиғлиқ турлари, юз-қўл ювишда ишлатиладиган қумғон, дастшўй ва офтобалар, сув идишларидан тунг, сатил ва сархумлар, иҳоятда

кенг тарқалган мис чойнак, мис кўза, чойдиш (чойжўш), кашкил (мис чойнак), селобча, чилопчин, туфдон ва бошқа уй-рўзгор асбоблари ҳам мискарликнинг муҳим бадиий соҳа эканлигини кўрсатади.

Мискарлик касби ҳар бир вилоятда ўзига хос буюмлар ва уларга бериладиган нақшлар билан ўзаро фарқланади. Масалан, қўл ювиш учун ишлатиладиган идиш Бухорода офтоба дейилса, Самарқанд, Тошкент вилоятларида обдаста, Хоразмда қумғон деб юритилади ва улар шаклан ҳар хил бўлади. Тадқиқотчилар таърифича, улар қадимги афон офтобаларига ўхшашиб нафис, кўркам ва силлиқ пардозланган. Хивада офтоба (қумғон) лар ясси, бўғзи узун ва ингичка бўлиб дастаси бўлмайди. Шаҳрисабз усталари офтобаларга ранглий ойначалар, рангли сўрғичлардан ва сирланган бўёқлардан гуллар солишган. Бухоро мискарлари яратган офтобалар бўйи пастрок, катта ва ингичка бўғизли, гул солинган, оғзи қабариқ бўлиб, кунгурали қопқоқча билан бекитилган. Қарши офтобаси алоҳида ясалган жўмракли, бироз юқорига эгилган ҳолда тик ўрнатилган. Бухоро мискарлари Қарши усталари тайёрлаган офтобалар бўзига, жўмраги атроғига нақшлар, ўйма гуллар, рангли ойналар, қорнига эса оқ металлдан чиройли безаклар ўйган. Анъянавий буюмлардан дарвешларнинг челакка ўхшашиб идиш (кашкил) лари чиройли нақшлар билан безатилгац. Хон ва беклар овга чиққанда ишлатиладиган дўмбир (довул) лар ҳам ажойиб қилиб безатилган. Ҳар хил шамдон, ўсма тўшак, сурмадон, қалам солинадиган мисчилим, манқалдон, мис коса, шарбат коса, мис қозонлар, чўмич, капгир ва бошқаларга ажойиб нақшлар берилган.

Бухоро, Самарқанд, Хоразм, Қарши, Шаҳрисабз, Тошкент, Фарғона кандалорлик мактаблари ўзига хос миллий характерга эга бўлиб, улар безак бериш услуби, шакли ва орнаментлари билан ҳам ўзаро фарқланган. Ҳар бир мактаб буюмларининг нафосатлилиги, гўзаллиги, умумийлиги билан ҳам бир-бираидан ажралиб турган.

Ўзбек оғзаки ижоди намуналарида, айниқса эртак ва достонларда темир ва пўлатдан ясалган ҳар хил кескир қуроллар тилга олинади. Шулар ичida ҳозиргача эъзозланиб келаётган қурол пичоқдир. Қадимий тош давридан мис ва темир давригача пичоқчилик ривожланиб келган. Ёнга осиб юриладиган пичоқларнинг

турли хиллари Навоий, Бобур ва бошқа ўрта аср адаби-
ларининг асарларига ишланган миниатюраларда тасвир-
ланган. Афросиёб, Варажша, Болалик тепа каби обида-
ларда тоғилган деворга ишланган расмлардан ҳам
пичоқ уй-рўзгордан ташқари ҳарбий қурол сифатида
ишлатилганини кўриш мумкин. Кейинчалик пичоқ-
чилик касби ривожланиб, ўзига хос мактаблар яратил-
ган. Қадимдан Фарғона водийси, Бухоро, Самарқанд,
Хоразм, Тошкент, Қашқадарё мактаблари мавжуд бўл-
ган. Тадқиқотчиларнинг аниқлашига қараганда Узбе-
кистонда йигирмага яқин пичоқчилик марказлари бўл-
ган. Улар ўзининг ишлаш технологияси, ясалиш усули,
шакли, катта-кичиклиги ва безаклари билан ўзаро фарқ
қилган. Масалан, ясалиш усулига қараб чуст (тус) пи-
чоғи, пойтуғ пичоғи, қорасув пичоғи, шаҳриҳон пичоғи,
қўқон пичоғи, хива пичоғи кабиларга бўлинган. Маъ-
лумки, ҳунармандлар қадимдан бир-бiri билан ўюшиб,
муайян маҳаллаларда яшаганлар. Одамларнинг касби
номи билан маҳаллалар танилган. Ҳозиргача катта-
кичик шаҳарларда ёки қишлоқларда пичоқчилар маҳал-
ласини учратиш мумкин. Чунки пичоқ ўзбек оиласарида
кесувчи асбоб сифатидагина ишлатилмай, бутун минта-
қада эркакларнинг энг зарур иш қуроли ва ҳатто сарпо-
безаги сифатида ҳам хизмат қилиб келган. Бундай ҳол
унинг ниҳоятда чиройли безалишини талаб қилиб, пи-
чоқчиликни нозик нақшли санъат соҳасига кўтарган.

Андижон вилоятининг Қорасув қишлоғида яратилган
пичоқ намуналари ўзининг ўткир тифи ва бежирим беза-
ти билан бутун Марказий Осиёда машҳур бўлган. Қорасувлик пичоқсозлар ўтмишда қилич, ханжар, шоп
ва пичоқ ясашда ном қозонганилар. Чуст усталари яса-
тан пичоқнинг дастаси ҳамда тифи узурроқ бўлиб, ти-
ғининг учи ташқарига, дастасининг учи ичкарига томон
қайрилган ва ўзига хос безатилган. Хива пичоқлари ўз:
шаклларининг нозиклиги, безакдорлиги, металининг
моҳирона қайта ишланганлиги, тифи юзининг ислимий
нақшлар билан безатилганлиги, «қинбори»нинг бадиий
нақшлари билан машҳур. Шаҳриҳон ва Қўқон усталари
яратган пичоқлар сукма сопли, тифи катта ҳамда қалин,
ихчам, дастаси сарбастали, гулсиз ёки камгулли.

Заргарлик ҳам энг қадимий зеб-зийнат яратадиган
ҳунармандлик соҳасий ҳисобланади. Археологик каш-
фиётлар жуда кўп сонда турли хилдаги заргарлик
буюмларини фанга етказиб берган. Узбек заргарлари

яратган маҳсулотлар ассортименти кўп ва хилма-хил, айримлари ниҳоятда ноёб санъат дурданаларидан. Асримиз бошларида маҳаллий усталар яратган ажойиб безаклардан турли хилдаги зираклар (тошкент зирак, самарқанд зирак, нўғой зирак, хоразмча зиракка сирға деб, қулоқсирға, бурунсирға кабилар), узук, билағузук, сочопук, баргак, зебигардон, балогардон, баргоҳ, тиллақош, тумор, бўйинтумор, наранжитугма, шингила кабилар зўр маҳорат билан ясалган.

Заргарлар ишлаб чиқарадиган зеб-зийнатларни фойдаланишига қараб бармоққа, қулоққа, кўкракка, бурунга, қўлтиққа, чаккага, пешонага, бошга, сочга, белга тақиладиган безакларга бўлиш мумкин. Масалан, ўтган асрда ясалган Фарғона водийси безак ашёларидан бўйинга тақиладигани зоғара баргак, кундалли баргак, пешовуз, аёллар соchlарига тақиладиган нуқра дўмбоқ ёки тилла чачвоқ, пешонага тақиладиган тиллақош, пешона гажак, биқинга тақиладиган тавшадил, чаккага тақиладиган тиллагажак кабилар шулар жумласидан. Улар Ўзбекистоннинг майший турмуши нақадар ранг-баранг эканлигини кўрсатади. Бу фикрни тасдиқлаш учун яна бир мисолни келтириш мумкин. Фарғона заргарлари яратган узук ва зираклар турларини эслайлик: узуклардан авғонча узук, румча узук, айрибанд узук, қозоқча узук, қума узук, ўрама узук, танга кўзли узук, хожи узук ва ҳоказо. Баъзи зеб-зийнатлар бир умр ечилмасдан тақиб юрилган. Зирак ёки исирға турларидан канозира ёки татарча зира, туркистонзира, туркистонбалдоқ, зулукзира, қўнғироқли зира, қашқар балдоқ, кўзлик зира, ойбалдоқ, фарғона балдоқ, тошкент балдоқ, арава балдоқ, шардироқ балдоқ, анжир балдоқ ва ҳоказолар ҳам ўзбек хотин-қизларининг эстетик жиҳатдан юксак дидли эканлигини намоён қиласиди. Бошқа зеб-зийнат буюмларининг турлари ҳам маҳаллий аҳолининг турмуш маданияти ва дунёқарашини аниқлашга ёрдам берадиган намуналардан. Заргарликда безак ашёларни ўйма ва қолип усулда ясад, ҳал, чодиц, совет, мийна ва турли рангдаги тошлар, маржон, шиша, садаф кабиларни ўрнатиш йўли билан безайдилар. Жавоҳирлар заргарликда қимматбаҳо тош ҳисобланиб, ўзининг чиройилиги, рангининг тиниқлиги, бир хиллиги, ялтироқлиги, товланиши, қаттиқлиги, турли хилда ўзгариши каби хусусиятларга эга. Заргарлик санъати айниқса Бухоро ва Хивада машҳур бўлган. Бу ерда ҳозиргача танилган заргар

усталар ишлаб шогирдлар етиштирмоқдалар. Кўп шаҳарларда заргарлик тикланиб, ҳатто фабрикалар пайдо бўлган. Айрим усталарни ҳар бир вилоятда учратиши мумкин. Замонавий техника билан жиҳозланган заргарлик фабрикалари кейинги вақтларда Бухоро, Самарқанд, Хива, Кўқон ва бошқа шаҳарларда пайдо бўлган.

Бизнинг давримизгача етиб келган энг муҳим амалий санъатлардан бири бадиий тўқимачилик ва каштачилиқдир (каштадўзлик). Бундай хунармандчилик соҳалари Марғилон, Бухоро, Самарқанд, Қарши, Китоб, Хива, Тошкент каби шаҳарларда анча ривожланган. Ўзбек тўқимачилари икки хил бадиий газлама тўқиганлар: пахта ипидан ва ярим ипак йўл-йўл матолар ҳамда ранг-баранг ипак газламалар. Шулардан энг кўп тарқалгани йўл-йўл арқоқи пахта ипидан тўқилган ипак асосли беқасам, эски фарғона (хўжанд) нақшли бинафша, яшил ва оқ аралаш, қисман тўқ қизил ва сариқ рангдаги газлама. Кўк ва тўқ яшил беқасам Фарғона ва Тошкентда кенг тарқалган.

Рангли ипак газламалардан ҳозиргacha энг севимли бўлган. Ҳонатлас нафақат Ўзбекистонда, балки бутун Урта Осиё ва бошқа чет элларда ҳам каттā обрўга эга. Унинг безаклари доимо ўзгариб, бойиб турган. Кейинги йилларда атласнинг гўзаллиги ва ранг-баранглиги шунча бойиб кетдики, унинг айрим нусхаларини алоҳида ажратиш қийин. Ҳонатлас тўқувчилар давр талабига қараб муайян мазмунда турли нақшдаги газламалар яратганлар. Аммо барча нақшларнинг асосида ҳар хил ўсимлик элементлари, геометрик безаклар, қора, тўқ қизил ва кўк, яшил, сариқ ва оқ рангларнинг аралаш-масидан тўқилиб, ўзига хос гўзаллик кашф этади. Бухоро ва Сурхондарё вилоятларида асосан тўқ яшил ва оқ, сариқ нақшли қизил рангдаги атласни афзал кўрадилар. Ҳозир ўзбек усталари атласнинг шахмат атлас, товус нусха каби янги хилларини ҳамда кангуз типидаги ипак газламаларни кўплаб ишлаб чиқармоқдалар.

Қадимий тўқимачилик маҳсулотларидан ҳозиргacha ниҳоятда кенг тарқалган ва узоқ элларга манзур бўлган жуда ҳам чиройли турли нақшли шоҳи чойшаблар ва ёпинчиқлар, ажойиб безакли дастурхон ва сўзаналар амалий бадиий санъатнинг ёрқин намуналаридир. Айниқса, читгарлар яратган босма гулли газламалар, чойшаблар ва бошқа уй-рўзғор безаклари кишини ўзига мафтун қиласидиган даражада юксак дид билан яратил-

ган. Ажойиб ранг-бараг гуллар ва нақшлар туширилган газламаларга босиладиган ёғоч қолипларни маҳалий наққош усталар яратганлар. Читгарлик санъати узоқ даврлардан сақланиб келган.

Бадий каштачилик ҳам ўзбекларда қадимдан тарқалиб, энг севимли касб ҳисобланади. Каштачилик касбини билмайдиган оила йўқ деса бўлади.

Ўзбек каштачилиги безак буюмларининг анъанавий турлари жуда кўп. Масалан, палак, чойшаб, ойнахалта, чойхалта, зардевор, гулкўрпа, буғэлама, парда, белбоғ, ёстиқ устига ёпиладиган такяпўш, дўппи, кўйлак, дастрўмол, жойнамоз, нимча, маҳси кавуш ва бошқалар зўр бадиий дид билан безатилган буюмлардир. Ўзбек усталири ишлатадиган кашта усусларидан тўлдириб гул солиб тўқиладиган босма, кандахаёл, ироқи, занжир кашта, тагдўзи, гулдўзи ва ҳоказо орқали яратилган ажойиб маҳсулотлар ҳозир ҳам кеңт тарқалган. Кейинги вақтларда тикув машинасида ҳар хил деворга осадиган бекзаклар, турли чойшаб, белбоғ, дастурхон, жияклар, йўлаклар ва бошқа уй жиҳозлари майший турмушни безаб кельмоқда. Моҳир ўзбек каштачилари яратган гўзал сўзана, зардевор, гулкўрпа, чойшаб каби саноат буюмлари Германия, АҚШ, Бельгия, Хиндистон каби хорижий мамлакатларнинг музейларида доимий экспозицияларга айланиб қолган.

Кўлда ва машинада тўқилган сўзаналар занжир кашта ёки керги чамбарак усули билан жуда гулдор қилиб ясалган. Сўзаналарни деворларга осганлар, чойшаб қилиб кўрпа-тўшак ва тахмон-токчаларга ёпгандар. Сўзаналар асосан йирик шаҳарларда тўқилган, аммо айrim вилоятларда ўзига ҳос услугуб ва нақшлар яратилган. Тикув машинаси каштачилиги билан ҳозир жуда кўп усталар шуғулланмоқда, уларнинг маҳсулотлари янги мазмунда, ҳатто пейзаж ва меъморчилик нақшлари билан кашталанган. Никоҳ тўйларида келинкуёвлар уйи ва кўрпа-тўшаклари сўзаналар билан тўла безатилган. Қадимий анъаналарга кўра, ўзбек қизлари — бўлажак келинчаклар ўзларининг сеплари (ҳар хил каштачилик буюмлари) ни ўзлари тайёрлаци лозим бўлган. Кашталар қанчалик нозик ва чиройли бўлса қайлиқ шунчалик юқори баҳоланган. Қизлар 7—8 ёшидан бошлаб кашта тикишга ўргатилган.

Дўппи каштачилиги ўзбек халқининг ғурури ҳисобланади. Бошқа амалий санъат соҳалари сингари дўкли-

созлика ҳам ҳар бир жойнинг ўзига хос услугуб ва нақшлари ўзаро фарқланган. Бутун Ўзбекистон ва қўшини ўлкаларда машҳур Чуст дўпписи ўзининг щакли, одми услуби, марказий қалампирли орнаменти, қора ва оқ нақшларининг мутаносиблиги билан характерлидир. Дараҳт кўчати ва баргларини эслатадиган ёрқин кўп рангли нақшлар ипак иплар билан кашталантган чакматўр дўппилари ажойиб санъат намуналаридан. Шаҳрисабзда тўла ва бой нақшлар билан безатилган очиқ рангли дўппилар, Қарши, Бойсун, Челак ва бошқа туманларда тарқалган каштали ўзига хос нақшли қавим қилиб тўқилган пилтадўзи ажралиб туради. Хоразм дўппи (тажъя) лари ҳам ўзининг кашта услуби, шакли ва нақшлари билан алоҳида ўринни эгаллади.

Ўзбекистонда ҳозиргача Тошкент, Чуст, Самарқанд, Бойсун, Шаҳрисабз дўппилари машҳур бўлиб, улар ўзига хос нақшлар билан безатилган. Дўппиларнинг миллий турлари асосан ироқи, чуст дўппи, гилам дўппи, чакма бўр, қизил гул, пилтадўзи, зардўппи деб номланган. Дўппи тикишда кейинги йилларда янги мазмундаги нақшлар пайдо бўлди. Масалан, зўр каштакор усталар «канал», «самолёт», «парашут», «қантар» каби нақшлар, исм ва рақамлар битилган дўппиларни тикиб сотувга чиқарганлар.

Ҳеч бир бадиий-амалий санъат касби зардўзлик сингари катта обрў ва ҳурматга эга бўлмаган. Бундай серхашам санъат намуналари узоқ ўтмишда жуда кўп тилга олинив куйланган. Археологик ва тарихий маълумотларга қараганда, Урта Осиёда зарбоф кийимлар ва безакли бадиий буюмлар эрамизнинг биринчи асрларидан маълум. Масалан, Тошкент вилоятининг Вревский қишлоғида қазиб топилган аёл кишининг зарбоф кийими I—II асрларга оид. Урта аср ёзма манбаларидан Абдураззоқ Самарқандийнинг «Ҳиндистон сафарнома»сида 1442 йили Шоҳруҳ замонида Ҳиндистон билан Ҳирот орасида турган элчиларнинг совфалари ичida зарбоф кийимларнинг бўлганилиги тўғрисида хабар бор. Уша даврга оид «Ишратхона» мақбараси ҳақидаги хужжатларда зарбоф кийимлар ҳақида баён этилади. Ҳиротлик шоир Васифийнинг рисолаларида ҳам зарбоф кийимлар ва зардўзлик касби тўғрисида маълумотлар кўлтирилган. XVII асрда яшаб ижод этган атоқли самарқандлик шоир Фитрат асосан зардўзлик билан шу-

фулланган, у кийим ва матоларга зардан ажойиб кашталар тиккан.

Асримизнинг бошларига келиб зардўзликнинг ўзига хос мактаблари Бухоро, Самарқанд, Фарғона ва бошқа жойларда яратилган. Чиройли қилиб безатилган қимматбаҳо матодан тикилган зардўзи сарполар маҳаллий аҳолининг турли табақалари ўртасида кенг тарқалган. Бу кийим-кечаклар асосан зодагонлар, амир саройидагилар ва бой табақалар учун юзлаб қўли гул моҳир усталар томонидан юқоридан буютириб тикилган. Отабоболаридан мерос бўлган бу касб эгалари зардан безатилган камзул, чакмон, чалвир, белбоғ, салла, дўппи, қулоҳ, жул ва иояфзал тикканлар. Тадқиқотчиларнинг таърифича, ҳеч ким, ҳатто энг катта амалдорлардан бирортаси ҳам мазкур сарполарни ўзига буютириб кийишга ҳаққи бўлмаган, улар амир томонидан совға сифатида тикилиб инъом қилинган. Зарбоғ кийимларни хон ёки унинг яқинлари томонидан биронта оиласи тантана ёки байрам муносабати билан тайёрлаш буюрилган ва кейин совға инъом қилинган. Бухорода тұнтаришгача ҳукмдорлик қилган манғитларнинг охирги сулоласига онд зарбоғ кийимлар музейларда сақланмоқда. Зардўзларнинг ғойибона ҳомийсн Ҳазрати Юсуф пир ҳисобланиб, у тўғридаги афсона ва ривоятлар маҳсус рисолада ҳикоя қилинади. Бизнинг замонамизгача фақат Бухорода сақланиб келган бир ноёб амалий беҳзак санъати намунаси хонлик даврида подшо саройларида маҳсус дўконларда ишлатилган. Уша даврда Бухорода 350 га яқин зардўз усталар бўлган. Ҳозир зардўзликни бадиий санъат корхоналарида моҳир усталар давом эттироқда. Зардўзлик икки хилда бўлади: умум фони ёппасига яхлит кашталанган заминдўзи ва маҳсус қалин қоғоз картон мато устига қўйиб гул (нақш) берилган расм устига ялпи зар ип тўқиши гулдўзи. Зардўзлик маҳсулотлари асосан ўсимлик орнamenti билан безатилган, аммо замонавий руҳда юлдуз, пахта гули каби нақшлар ҳам учрайди. Шу билан бирга моҳир усталар тематик катта паннолар ҳам яратганлар.

Ўзига хос каштацилик санъатини ташкил қилган ипак ҳамда зар тасма ва жияклар илгари кўплаб ишлаб чиқарилган. Уларнинг нақшлари тўқилиш ёки тикиш жараённада битилган, баъзилари яхлит матога туширилган.

Узбек ҳунармандчилигига кейинги йилларда айниқса

қайта тикланиб ривожлана бошлаган бадиий амалий санъат соҳаларидан гиламдўзлик узоқ тарихий анъана-ларга эга. Гилам ва шолча тўқиши, археологик маълумот-ларга қараганда, эрамиздан аввалги I минг йиллик даврларидан бизгача етиб келган касб бўлиб, унинг маркази Андижон, Самарқанд, Қашқадарё, Сурхондарё ва Хоразмда жойлашган. Серҳашам гуллар билан безатилган ўзбек гилам ва шолчалири саккиз-тўқиз бўёқли рангда бўлиб, шулардан энг кўп ишлатиладиган тўқ ва очиқ қизил рангdir. Илгари маҳаллий гиламдўзлар гилам ва шолчадан ташқари нақшли безатилган хўржун, осма халта ва бошқа буюртма маҳсулотлар тўқиганлар.

Тадқиқотчиларнинг фикрича, Ўзбекистонда асосан уч хил гиламдўзлик мактаблари ажralиб туради: Самарқанд, Андижон, Хоразм. Андижон гиламлари ўзининг чидамлилиги, пишиқлиги, аниқ қизил-кўк ранглари ва гуллари билан фарқ қиласди. Фарғона тўқ кўк гаммада ва геометрик нақшли, қисқа патли, марказида турунж, четига алоҳида алоҳида нақшлар ишлатилган. Бу мактабга кирадиган Бухоро гиламлари ўзининг ранг-баранглиги, узун патлилиги, катталиги ва чиройли нақшлари билан ажralиб туради. Дастроҳда тўқилған бундай гиламлар ўзининг чидамлилиги, нафислиги, табиийлиги ва сифатлилиги билан қўзга ташланади. Унда ҳошиядор эстетик жиҳатдан чиройли, қалқон деб номланган турунж нақши кўпроқ ишлатилади. Хива, Ургут, Қарши ва бошқа жойларда тайёрланадиган тўқима гиламлар ўзининг геометрик ўсимликсимон нақши, бежириклилиги, табиийлиги ва зўр сифати билан машҳур. Гиламнинг тўқима, тикма ва босма хиллари бўлади. Ўзбек гиламлари асосан тўқима хилда ишланган. Улар ёпиқ ҳолда ўрнатилган пастак, содда дастроҳда тўқувчи аёллар томонидан тия тивити, кўй жуни, пахта толаси ва ипакдан тайёрланган. Ўтган аср охирларигача гилам тўқишида ўсимликлардан тайёрланадиган бўёқлардан, ҳозир эса кимёвий усуlda тайёрланган анилин бўёқлардан фойдаланиммоқда.

Ўзбекистоннинг чорвачилик ривожланган районларида қадим замонлардан кигиз босиш амалий санъати кенг тарқалган. Маҳаллий аҳоли кигизни илгари ерга бўйра (чишта) устига солишган, ўтовларни ўрашган, қалпоқ, пайма, айрим ҳолларда бадиий буюм сифатида ишлатилган. Гулдор, чиройли кигизлар оқ, қизил, қора рангдаги нақшлар билан безатилган, баъзан гулсиз бо-

силган. Сурхондарё ва Қашқадарё вилоятларида қора қўй ва чайдим кигизлар, Хоразмда такянамат хиллари маълум. Кигиз қўйнинг кузги жунидан ёки эски жунидан тайёрланган. Жун титиб тозаланади, ювіб қуритилиди, сўнг маҳсус савағичлар билан титилиб, ранги ва сифатига қараб юзлик ва оралиққа сараланади. Танлаб ажратилган жун юзига маҳсус ранг билан тўқилган майнин жунлардан шоҳ, юлдуз, ромб, булат ва одий геометрик шаклдаги нақшлар билан кигиз босилади. Кигизни маҳсус чий шолча ёки қалинроқ матога ўраб арқон билан маҳкам боғлаётганда тез-тез қайноқ сув сепиб кўп марта думалатилади. Уни уч-тўрт киши ўтириб қўлда думалатиб, уқалаб, билаклаб тайёрлайди. Ҳозир кигизлар маҳсус машиналарда ишлаб чиқарилмоқда. Кигизчиликда ишлатиладиган мураккаб нақшлардан гажара услуби, Самарқандда бешкамта услуби кенг тарқалган. Ҳозир ҳам безакли, бир неча рангга бўялган жунлардан ажойиб кигизлар босиб чиқарилмоқда.

Бадий амалий санъатнинг ноёб турларидан бири ҳисобланган сават ва бўйра тўқиши ҳам ўзбекнинг азалий ҳунар-касби бўлган. Сават ва бўйрани ота-боболаримиз қадимдан томорқа ва ҳовли атрофларидағи ариқ ва кўлларда ўсадиган қамишлар, шоҳ-шабба ва ҳар хил новдалардан тўқиганлар. Улар ўзининг шакли ва ишлатилишига қараб ҳар хил номда бўлган. Масалан, қадимдан кажава сават, гулдор сават, нон сават, элама сават, дастурхон сават, узум сават, тўр сават, босма сават кабилар тўқилиб, маҳсус дўконларда сотилган. Ҳар хил шакл ва ҳажмдаги саватлар турли мақсадларда, қурилишда йирик новдалардан тўқилған маҳсус саватлар тупроқ, қум, ганч, фишт, тош ташишда, нозик новдалардан тўқилганлари эса мева-чева, нон ва бошқа нарсалар солишда ишлатилган. Сават тўқишида дуб, терак, тол, туронғил, юлғун новдалари ёки қамиш, буғдойпоя каби материаллардан фойдаланилган. Айниқса, қоратол новдаларидан тўқилган саватлар анча чидамли ҳисобланган.

Бўйрачилик санъати маҳсулотларидан ҳам уй-рўзгор ишларида кенг фойдаланилган. Бўйра гилам, намат, палослар тагидан солинган, тўй ва маросимларда, меваларни қуритишда ва қишида сақлашда ишлатилган. Ундан, шунингдек қоп ўрнида, деразаларни қоронфилатишида парда ўрнида, дағнি маросимида, иморат томини

ёпишда (лўмбоз босишида) ва бошқа ҳолатларда фойдаланганлар. Кўп шаҳарларда ва катта қишлоқларда бўйрачи маҳаллалари бўлган. Масалан, Бухородаги Олимхўжа маҳалласида 120 та оиласдан 70 таси бўйра тўкиш билан шуғулланган. Бўйралар турли номлар билан юритилган.

Хулоса қилиб айтиш мумкинки, ўзбек халқининг узоқ тарихий тараққиётида ҳар томонлама ривожланиб келаётган кўп қиррали ва бой анъаналарга этга амалий безак санъати ниҳоятда ранг-баранг маданий меросимизнинг энг ажойиб, бемисл ва бетакрор намуналарини яратиб келган. Бадиий тафаккур ва шу билан бирга шаклланиб келган бадиий ижод ўзбек миллий ҳаётиниг муҳим соҳаси ҳисобланган халқ амалий санъатида айниқса намоён бўлди. Миллий эстетик таъб ва диднинг ўзига хослиги нафақат мазкур соҳада, балки мусиқада, рақсларда, миллий кийим ва безакларда, меъморчилик қурилишларида, рассомчиликда ва бошқа маънавий маданият соҳаларида ўз ифодасини топди.

Ўзбек миллий безак санъатининг гуркираб ривожлашиши ва доимо такомиллашиши жаҳонга машҳур меъморчилик обидаларимиздаги ганчкорлик, кошинкорлик, наққошлиқ, ҳаттотлик, тоштарошлиқ, каштачилик ва бошқа турларининг афсонавий даражада уйғунлашган мужассамлигида ўз ифодасини топган. Халқимизнинг табиий истебоди ва катта меҳнати туфайли пайдо бўлган ажойиб меъморчилик ва халқ амалий санъати ёдгорликлари бўлмиш аждодларимиз яратган баркамол, бебаҳо ва ноёб санъат асарларининг намуналари ўзбек халқининг жаҳон маданиятига қўшган зўр ҳиссаси деса бўлади. Айни замонда мазкур анъанавий санъат янги турлар ва соҳалар билан бойимоқда. Айниқса, амалий санъат безаги билан бир қаторда янги мазмун ва шаклларда ўз ифодасини топган тасвирий санъатнинг гуркираб ўсиши диққатга сазовордир. Республикализминг мустақилликка эришиб истиқолол йўлига ўтиши нафақат халқ амалий санъати, балки барча санъат соҳалари, шу жумладан тасвирий санъатда ҳам тараққиётимизнинг янги даражасига кўтарилиб янада юксак самараларга эришиш имкониятини яратиб бермоқда. Келажаги буюк давлатнинг маънавий маданияти ҳам буюк бўлади.

МУНДАРИЖА

Этнография фани: моҳияти ва муаммолари (муқаддима ўрнида)	3
Узбек этнографияси тарихи ва истиқболи	21
Узбеклар шажараси ва авлод-ажоддлар муаммоси	52
Анъанавий машғулотлари ва хўжалик фаолияти	83
Деҳқончилик ва сув хўжалиги	87
Зироатчилик хўжалиги ва анъанавий агротехника	99
Чорвачилик	109
Хунармандчилик ва уй-рӯзгор касблари	113
Транспорт воситалари ва савдо.	
Узбекларнинг моддий маданияти намуналари	139
Уй-жойлар ва жиҳозланиш анъаналари	143
Кийим-кечак ва сарпо, безаклар ва пайдоз-андозлари	149
Миллый таомлар, пазандачилик ва меҳмоннавозлик	158
Ижтимоий муносабатлар ва маҳаллачилик анъаналари	177
Халқ байрамлари, ўйни ва маросимлари	191
Оилавий-маишӣ турмуш анъаналари	208
Диний тасаввурлар, урф-одатлар ва иримлар	226
Миллый маданият, маънавият ва гўзаллик	258
Маърифат ва илм-фан	259
Фольклор ва адабиёт	271
Халқ театри ва миллый рақслар	282
Амалий безак санъати	288

ИСО ЖАББОРОВ

УЗБЕК ХАЛҚИ ЭТНОГРАФИЯСИ

Тошкент «Ўқитувчи» 1994

Таҳририят мудири *С. Мўминов*

Муҳаррир *И. Шоймарданов*

Бадиий муҳаррир *Т. Қаноатов*

Техник муҳаррир *Т. Скиба*

Мусаҳид *Л. Мирзаҳмедова*

ИБ № 6424

Теришга берилди 7. 02. 94. Босинга руҳсат этилди 13. 06. 94. Формати
84×108/32. Литерат. гарнитураси. кегли 10 шонсониз. Юкори босма усулида
босилди. Шартли б. л. 16,38. Шартли кр.-отт-17,01. Нашр. л. 15 5. Ти-
ражи 11000. Буюртма № 43.

«Ўқитувчи» нашриёти. Тошкент —700129. Навоий кӯчаси, 30. Шарт-
нома № 07—177—93.

Ўзбекистон Республикаси Давлат матбуот қўмитасининг Янгийўл изжа-
ра китоб фабрикаси. Янгийўл ш., Самарқанд кӯчаси, 44. 1994.